

Վ.Ա. ԲԱՅԲՈՒՄՅԱՆ

ԹՈՒՐԻՔ - ԻՐԱՆԱԿԱՆ
ՀԱՐԱԲԵՐՈՒԹՅՈՒՆՆԵՐԸ
(1900-1914 թթ.)



АКАДЕМИЯ НАУК АРМЯНСКОЙ ССР
ИНСТИТУТ ВОСТОКОВЕДЕНИЯ

В. А. БАЙБУРТЯН

ТУРЕЦКО-ИРАНСКИЕ
ОТНОШЕНИЯ

(1900—1914 гг.)

ИЗДАТЕЛЬСТВО АН АРМЯНСКОЙ ССР
ЕРЕВАН 1974

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱ
ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ


Վ. Ա. ԲԱՅԲՈՒՐԳՅԱՆ

Թ Ո Ւ Ր Ք - Ի Ր Ա Ն Ա Կ Ա Ն
Հ Ա Ր Ա Բ Ե Ր Ո Ւ Թ Յ Ո Ւ Ն Ն Ե Ր Ը

(1900—1914 pp.)

A
53985

ՀԱՅԿԱԿԱՆ ՍՍՀ ԳԱ ՀՐԱՏԱՐԱԿԶՈՒԹՅՈՒՆ
ԵՐԵՎԱՆ 1974



Գրքում բնութիւն են անդամ օսմանյան Քուրբիայի և Իրանի միջպետական հարաբերութիւնները XX դարի սկզբին, մինչև առաջին համաշխարհային պատերազմը: Հենվելով պանխայամիզմի և պանթուրքիզմի զաղափարախոսութիւնների վրա, Քուրբիան Իրանի նկատմամբ վարում էր ագրեսիվ նվաճողական քաղաքականութիւն. որը պաշտպանութիւն էր դտնում իմպերիալիստական մի շարք պետութիւնների՝ մասնավորապես կաշղերական Գերմանիայի կողմից: Հերքվում է այն տեսակետը, որ իրր ներքին քայքայումից ձվատվող և իմպերիալիստական պետութիւնների դրոհից պաշտպանվող Օսմանյան կայսրութիւնը հետո էր հարեան երկրների նկատմամբ նվաճողական քաղաքականութիւն վարելուց:

Պատասխանատու խմբագիր
Ե. Ղ. ՍԱՐԳՍՅԱՆ

ԹՌԻՐՔ-ԻՐԱՆԱԿԱՆ ՔԱՂԱՔԱԿԱՆ ՀԱՐԱԲԵՐՈՒԹՅՈՒՆՆԵՐԻ
ՊԱՏՄՈՒԹՅՈՒՆԵՅ

XVI դ. սկզբին ասիական մայր ցամաքում ձևոր բերելով մի շարք խոշոր ազգմական հաղթանակներ Օսմանյան կայսրությունը նվաճեց հսկայական տերիտորիաներ և վերածվեց Մերձավոր Արև-վելքի խոշորագույն պետության: Մական սուլթանին յուրջ անհան-գրատություն էր պատճառում իր արևելյան հարևանի՝ Սեֆեյան Իրանի արագ հզորացումը, նրա ուժեղացող էրպყանսիան և բազա-բական կշռի մեծացումը Մերձավոր և Միջին Արևելքում ու Անդրը-կովկասում: Նույնիսկ բուն Օսմանյան կայսրության մեջ, Փոքր Ասիայում, որտեղ բնակվում էին տասնյակ հազարավոր շիիթներ, XVI դ. սկզբին ծայր առավ բազաբական շարժում շիիթական Իրա-նին աջակցություն ցույց տալու լողունդի տակ: Այդ շարժումը ու-ղեկցվում էր բոշվորների և դյուղացիության ապստամբությունների բռնկումներով, որոնք, անկասկած, շոշափելի հարվածներ էին հաս-ցրնում Օսմանյան կայսրության ազգա-բազաբական հզորությանը:

Արդևն XVI դ. սկզբից օսմանյան Թուրքիայի և Սեֆեյան Իրանի միջև մղվում էր լարված բազաբական պայքար՝ Մերձավոր և Մի-ջին Արևելքում գերիշխանություն ձևոր բերելու նպատակով: Այս երկու հզոր, կենտրոնացված ֆեոդալա-բանապետական պետու-թյունների առաջին ազգմական բախումը 1514 թ. էր, երբ սուլթան Սելիմ I Յավուզը Չալդրանի ճակատամարտում ջախջախեց Սեֆե-յան շահ Իսմայիլի բանակը և ողջ Արևմտյան, Հարավային և Կենտ-րոնական Քրդստանը միացրեց իր տիրապետություններին¹: Այնու-

¹ Հակոբ Շանրազևան, Քյոբզո-հայ պատմություն, Կ. Պոլիս, 1911, էջ 57:

Հետև պատերազմը երկու հարևան պետությունների միջև ընդունեց առևանգանքի ընդունել, ընդ որում, Իրանը հանդես էր գալիս որպես պաշտպանվող կողմ, իսկ Քուրբիան՝ հարձակվող:

1548 թ. սուլթան Սուլեյման I Ղանունիի բանակը նոր հարձակում գործեց Սեֆեյան Իրանի վրա: Պատերազմը, որ ընթանում էր փոփոխակի հաջողությամբ, ավարտվեց 1555 թ. Ամասիայում կնքված հաշտությամբ, որով Արաբական Իրաքը Բաղդադի Հեսանցնում էին Քուրբիային, իսկ Ադրբեջանը՝ Քավրիդ բաղաբով մնում էր Իրանի տիրապետության տակ: Բացի այդ, Քուրբիային էին անցնում Վրաստանի և Հայաստանի արևմտյան շրջանները, իսկ Իրանին՝ արևելյան շրջանները:

1578 թ. Քուրբիան վերսկսեց պատերազմը Իրանի հետ, որը շարունակվեց մինչև 1590 թ.: Նույն թվականին Սեֆեյան պետությունը Ստամբուլում ստիպված էր կնքել իր համար չափազանց ծանր պայմանագիր, որով ողջ Արևելյան Վրաստանը, Արևելյան Հայաստանը, Լուրիստանի մի մասը և Ադրբեջանը, բացառությամբ Արզնբիլի ու Քավիշի շրջանների, անցնում էին Քուրբիային²:

Օգտվելով Օսմանյան կայսրության ներքին բազարական ծանր կացությունից, Աբրաս I-ը 1603 թ. սկսում էր խախտել 1590 թ. հաշտությունը և սկսում էր գործողություններ սկսեց Քուրբիայի դեմ³: 1603—1612 և 1616—1618 թթ. պատերազմների ընթացքում Իրանը առաջին անգամ հանդես էր գալիս հարձակվողի, իսկ Քուրբիան պաշտպանվողի դերում: Սեֆեյան պետությանը հաջողվեց ամբողջապես վերագործնել 1590 թ. պայմանագրով կորցրած բոլոր հողերը:

XVII դ. Քուրբ-իրանական պատերազմների երկար շարանը միառժամանակ զազարեց 1639 թ. Չոհարում կնքված հաշտության պայմանագրով⁴: Այս պայմանագիրն ըստ էության միակողմանի ակտ էր, որը թելադրված էր շահ Սեֆիին հաղթանակած սուլթան

² اسکندر بیگ ترکمان (منشی)، تاریخ عالم آرای عباسی، جعی و اهتمام میرزا محمود خونساری، تهران، ۱۳۱۰، ص ۳۱

³ նույն տեղում, էջ 441:

⁴ Sk' u I. Hammer, Geschichte des Osmanischen Reiches, Bd. III. Pesth, 1834, s. 187.

Մուրադ IV-ի կողմից: Սակայն այն միջազգային-իրավական սեփականության թուրք-իրանական հարաբերությունների պատմության մեջ նոր էտապի սկիզբ դրեց: Պայմանագիրն առաջին անգամ գրավոր փաստաթղթով որոշում էր երկու պետությունների փաստական սահմանագիծը Արարատից մինչև Պարսից ծոց՝ անորոշ թողնելով մի շարք սահման-ստորատեղիական նշանակություն ունեցող տերիտորիաների պատկանելության հարցը: Երկու երկրների սահմանները լիակատար պարզությունը շնչվելու հետևանքով ծնունդ առավ, այսպես կոչված, «վիճելի դատու» պրոբլեմը, որը և պատճառ հանդիսացավ հետագա հարյուրամյակների բնթացքում համարյա անընդհատ սահմանային վեճերի և արյունահեղ սպանական բախումների:

XVIII դ. սկզբին Օսմանյան կայսրությունը մեծ ձգտում էր գրեկորում հատկապես Անֆեյան պետության անդրկովկասյան «ժառանգությունը» գավթելու ուղղությամբ: Թեև 1723 թ. սուսիրանական պայմանագիրը խափանեց այդ ծրագրի իրականացումը, այնուամենայնիվ, թուրքիային հաջողվեց իր տիրապետությունը հաստատել Անդրկովկասի մի մասի վրա, ինչպես նաև գրավել Իրանական Ազրբեջանը և Հյուսիս-արևմտյան Իրանը: Աֆղանական տիրակալ Աշրաֆի տիրապետության շրջանում Իրանը Օսմանյան կայսրությանից կրեց նորանոր պարտություններ: 1727 թ. Աշրաֆի իրեն ճանաչեց թուրքիայի վասալ և նրան զիջեց ոչ միայն մինչ այդ արդեն գավթված տերիտորիաները, այլև Խուզստանը և մի շարք խոշոր բաղաբներ: Բավական է ասել, որ թուրքիայի տիրապետությանն անցավ նախկին Անֆեյան Իրանի տերիտորիայի մոտ 2/5-ը⁵:

1730 թ. վոնդելով աֆղանական գավթիչներին Իրանից, գորավար Քահանասյ Կուլի-Նանը (հետագայում՝ Նադիր շահ) անմիջապես պատերազմ սկսեց թուրքիայի դեմ: 1730 թ. գրավեց Համադանը, Քերմանշահը և Իրանական Ազրբեջանը: 1732—1733 թթ. նազիրը հաջողությամբ շարունակում էր պատերազմը: Միաժամանակ զաղարկեցնելով սպանական գործողությունները թուրքիայի դեմ, նա 1743 թ. սկսեց նոր պատերազմ, որն ավարտվեց 1746 թ.

⁵ «История стран зарубежной Азии в средние века», М., 1970, стр. 585—586.

խաղաղութիւնն դաշնագրի կնքումով: Այն անփութիւն էր թողնուի՞
Թուրքիայի և Իրանի սահմանները:

XVI—XVIII դդ. թուրք-իրանական պատերազմները, որոնք
արտաբուստ շղարշված էին մահմեդական կրոնի երկու հիմնական
աղանդների՝ շիիզմի (Իրան) և սուննիզմի (Թուրքիա) միջև պայ-
քարի բողոքով, իրականում ունեին խոր տնտեսական և քաղաքական
պատճառներ: Պայքարը գնում էր տնտեսական ու ռազմական խո-
շոր նշանակութիւն ունեցող այն շրջանների համար, որոնք ընկած
էին Կովկասյան լեռնաշղթայից մինչև Պարսից ծոց: Օսմանյան կայ-
սրութիւնը մասնավորապէս ձգտում էր զավթել Իրանական Աղբրե-
շանն ու Քրդտանը, Մերձկասպյան շրջանը, Անդրկովկասն ու Հյու-
սիսային Կովկասը, Իրանի տիրապետութիւնն սակ զանվող Պարսից
ծոցի առափնյա շրջանները և արաբական հողերը: Սուլթանները
երազում էին նաև ձեռք բերել Վոլգա-Կասպյան առևտրական մեծ
ձանապարհը, որը կարելի էր իրականացնել միայն իրանական պե-
տութիւնը ծնկի բերելով:

Խոսելով անցյալի թուրք-իրանական պատերազմների բուն
սլաոճառների մասին, թուրք ռազմական պատմաբան, գեղապետ
Բերկուրը նշում է, որ այդ պատերազմների նպատակն էր զավթել
Կովկասը, Իրանը և Միջին Ասիան⁶:

Չպետք է անտեսել նաև այն փաստը, որ Արևելքում, հատկա-
պէս Իրանում և Եվրոպայում մզվող զավթողական պատերազմ-
ների միջոցով Օսմանյան կայսրութիւնը աշխատում էր դուրս գալ
Երկիրը համակած սոցիալական, տնտեսական և քաղաքական ճրգ-
նաժամից⁷:

XVI—XVIII դդ. թուրք-իրանական պատերազմներում սահ-
մանամերձ շրջանների հսկայական տերիտորիաներ անցնում էին
ձեռքից-ձեռք, մի հանգամանք, որը դժվարացնում էր կայուն սահ-
մանների պահպանումը մարտնչող պետութիւնների միջև և պատ-
ճառ էր դառնում համարյա անընդհատ սահմանային վեճերի, մեծ
մասշտաբի ռազմական բախումների, իսկ հաճախ նաև պատե-

⁶ *Miralay Berkuk*. Büyük harpte (334) Şimali Kafkasyadaki faaliyet-
lerimiz ve 15 firkanin harekâtı ve muharebeleri, İstanbul, 1934, s. s. 1-2.
(«Askeri mecmuanin tarih kısmı», s. 35).

⁷ «История стран зарубежной Азии в средние века», стр. 592.

բաշմեների: Այդ երևույթը հատկապես բնորոշ էր XIX դ. համար, երբ տնտեսական և սաղմա-քաղաքական տեսակետից զգալիորեն թուլացած Օսմանյան կայսրությունը, օգտագործելով «վիճելի տերիտորիաների» պատրվակը, հետևողականորեն փորձում էր ընդլայնել իր սահմանները իրանական տերիտորիաների հաշվին:

XIX դ. առաջին տասնամյակներին թուրք-իրանական սահմանային վեճը բնորոշեց սուր բնույթով, հանդեցնելով երկու պետությունների միջև լուրջ քաղաքական կոնֆլիկտի, որը 1821 թ. վերածվեց բացահայտ պատերազմի: Թեև 1822 թ. գարնանը Քուրբակ-Կալեի մոտ թուրքական զորքերը կրեցին խոշոր ռազմական պարտություն և Իրանական Ազրբեջանում Աբաս Միրզան ջախջախեց զեպի Քավրիզ շարժվող օսմանյան մեծաթիվ բանակը⁸, սակայն Իրանը ի վիճակի չեղավ զարգացնելու իր հաջողությունը, որի հետևանքով 1822 թ. էրզրումում պատերազմող կողմերի միջև սկսվեցին բանակցություններ խաղաղության դաշինք կնքելու վերաբերյալ: Բանակցություններն ավարտվեցին 1823 թ. հուլիսի 28-ի խաղաղության արակտատի կնքումով, որը նախատեսում էր պահպանել երկու պետությունների սահմանների պատերազմից առաջ եղած վիճակը՝ այսինքն տերիտորիալ ստատուս-քվոն⁹:

էրզրումի դաշնագիրը, սակայն, չուժեց Օսմանյան կայսրության և Իրանի միջև գոյություն ունեցող սահմանային բազում վիճելի հարցերը: Այդ պատճառով սահմանի առանձին հատվածներում վերահիշյալ դաշնագրի ստորագրումից հետո ևս անընդհատ տեղի էին ունենում սաղմական ընդհարումներ¹⁰:

⁸ *Sh' u R. G. Watson, A history of Persia from the beginning nineteenth century to the year 1858, London, 1866, p. 199—201.*

⁹ *էրզրումի դաշնագրի տեքստը տե՛ս «Материалы для географии Азиатской Турции и Персии. Путевой журнал Е. И. Чирикова, русского комиссара-посредника по русско-персидскому разграничению, 1849—1852», СПб., 1825, стр. 638—648.*

¹⁰ *XIX դ. 40—50-ական թվականների թուրք-իրանական քաղաքական հարաբերությունների մասին մանրամասն տե՛ս Н. А. Халфин, Борьба за Курдистан (Курдский вопрос в международных отношениях XIX в.), М., 1963, стр. 52—67.*

1838 թ. Օսմանյան կայսրութեան կոնֆլիկտը իր ձևական վասալ եղիպտական խեղդիվ՝ Մուհամմեդ Ալիի հետ և թուրքական բանակի ջախջախումը Հյուսիսային Սիրիայում Բ. Դանը գրեց շափազանց ծանր վիճակում: Երկրում վերստին ուժեղացան բրդական ֆեոդալների անջատվողական ձգտումները, որոնք իրենց բազարական նպատակների իրականացման համար դիմում էին իրանական կառավարութեանը, խնդրելով նրա օգնությունը: Այս կապակցությամբ թուրք-իրանական հարաբերությունները կրկին սրվեցին: Շահական կառավարությունը որոշեց օգտվել իր համար ստեղծված բարենպաստ քաղաքական իրադրությունից Քուրբիային հարված հասցնելու համար:

1842 թ. իրանական զորքերը երկու անգամ ներխուժեցին թուրքական տերիտորիաները: Առաջին անգամ նրանք ավերածություն ենթարկեցին Սուլեյմանիե քաղաքը և գրավեցին շիթնների սրբազան քաղաք Քարբալան, իսկ երկրորդ անգամ հարձակվեցին Բայազիդի շրջանի վրա, սակայն այստեղ բախվելով Հաֆիզ փաշայի գլխավորությամբ գործող թուրքական բանակի հետ, կրեցին լուրջ պարտություն: Այնուհետև 1843 թ. սկզբին Բաղդադի փաշա Ալի Բիգան հանկարծակի հարձակում գործեց Քարբալայի վրա և կազմակերպեց քաղաքի շիթն բնակչության սարսափելի կոտորած¹¹: Ստեղծվեց իրանա-թուրքական նոր պատերազմի բռնկման սպառնալիք:

Ելնելով Իրանում և Քուրբիայում իրենց ունեցած առևտրական և քաղաքական շահերից, որոնք կարող էին տուժել այդ երկու պետությունների պատերազմի հետևանքով, Անգլիան և Ռուսաստանը 1843 թ. որոշեցին միջամտել վեճին, կողմերին առաջարկելով իրենց միջնորդությունը կոնֆլիկտը լուծելու հարցում: Բանակցությունների վայր բնարվեց Էրզրումը:

Քուրք-իրանական խաղաղության էրզրումի պայմանագիրը ստորագրվեց 1847 թ. մայիսի 31-ին և վերջնականապես վավերացվեց 1848 թ.: Ըստ այդ դաշնագրի, կողմերը հրաժարվում էին փոխադարձ տերիտորիալ պահանջներից, համաձայնվում էին Զոհարի վիճելի շրջանը բաժանել միմյանց միջև, ընդ որում, նրա արևմու-

¹¹ R. G. Watson, նշվ. աշխ., էջ 340—341:

յան՝ հարթավայրային մասը անցնում էր Թուրքիային, իսկ արևելյան կամ լեռնային շրջանը Քերիենդի հովտով՝ Իրանին: Շահական կառավարությունը պարտավորվում էր շմիջամտել Սուլեյմանիև քաղաքի և նրա շրջանի ներքին գործերին և նրա նկատմամբ շներկայացնել ոչ մի պահանջ: Օսմանյան կառավարությունը նույնը պարտավորվում էր անել Մոհամմերայի, Շաթթ-էլ-Արաբ գետի ձախափնյա շրջանի և Արաղան կղզու նկատմամբ: Պայմանավորվող կողմերը պարտավորվում էին անհատապես նշանակել կոմիսարներ երկու պետությունների միջև որոշակի ու ճշգրիտ սահման անցկացնելու համար: Էրզրումի պայմանագիրը կարգավորում էր նաև իրանա-թուրքական առևտրական փոխհարաբերությունները, արտոնություններ էր տալիս ուխտավորներին «սրբազան վայրերն» այցելելու համար, ինչպես նաև նախատեսում էր անհրաժեշտ միջոցներ ձեռնարկել սահմանների մոտ վաշկատուն ցեղերի ասպատակությունները կանխելու համար: Կարգավորվում էր նաև սահմանամերձ շրջանների ցեղերի ստատուսի հարցը: Այն ցեղերը, որոնց հպատակության հարցը վիճելի էր, կարող էին մեկ անգամ բնդմիշտ որոշել այն և բնտրել իրենց բնակության համար համապատասխան վայր Իրանի կամ Թուրքիայի տերիտորիայում: Իսկ որոշակի հպատակություն ունեցող ցեղերը պարտավոր էին վերադառնալ իրենց պետության տերիտորիան: Կողմերը համաձայնվեցին հյուպատոսներ փոխանակել իրենց հպատակների իրավունքները պաշտպանելու համար:

Պայմանագրի գործնական իրականացման և, մանավանդ, Օսմանյան կայսրության ու Իրանի միջև սահմանների որոշման համար դաշնագրի 3-րդ հոդվածի համաձայն շորս պետությունների ներկայացուցիչներից կազմվեց միջազգային խառը հանձնաժողով¹²:

Հանձնաժողովը ղեկ էր սկսել իր գործունեությունը, երբ օսմանյան կառավարությունը կազմակերպեց քաղաքական դաշվ Իրանի դեմ: Դերվիշ փաշայի հրամանով Ռաշիդ փաշան վանից ուղղակի շարժվեց դեպի սահման և օկուպացրեց առաջնակարգ սպա-

¹² Տե՛ս «Correspondence respecting the demarkation of the frontiers between Turkey and Persia. Presented to both Houses of Parliament», London, 1865, p. 2—4, ինչպես նաև «Материалы для географии Азиатской Турции и Персии», стр. 631—638.

մական նշանակութիւնն ունեցող Ղոթուրի շրջանը¹³, որովհետեւ Իրանի հետ պատերազմի ղեկըրում Կաննում կենտրոնացած թուրքական զորքերը նրա վրայով ուղղակի կարող էին ներխուժել Իրանի սիրտը: Պատահական չէ, որ Ղոթուրի գրավումից հետո Իրանի կառավարող շրջաններում ուժեղանում էր այն մտավախութիւնը, թե թուրքական բանակը կարող է շարժվել ղեկի Ուրմիա և Թավրիզի¹⁴:

Ղոթուրի գրավումը նշանակում էր էրզրումի դաշնագրի խախտում, որովհետեւ այդ շրջանի ստատուս-քվոյի պահպանումը կողմերի համար պարտադիր պայման էր: Այդ պատճառով շահական կառավարութիւնը վճռական բողոք հայտնեց Օսմանյան կայսրութեան կողմից և ոչնչով չարդարացվող դործողութիւնների դեմ: Իրանական կառավարութեան բողոքները, սակայն, ոչ մի արդյունք չտվեցին, մանավանդ որ, սահմանային հանձնաժողովի անգլիական ներկայացուցիչը պաշտպանեց Գերվիշ փաշային: Մյուս կողմից Իրանում Բաբեդական ապստամբութիւնների (1848—1852 թթ.) հետեանքով ստեղծված ներքին անկայուն վիճակը և քաղաքական սուր ճգնաժամը հնարավորութիւնն չտվեց շահական կառավարութեանը դիմելու առավել կտրուկ քայլերի:

Խրախուսվելով գրանից, Գերվիշ փաշան կազմեց մի բարակղ, որտեղ թուրք-իրանական սահմանը դժվում էր 1639 թ. Չոհարի դաշնագրի ծավալով, այլ կերպ ստած, նախատեսվում էր իրանական մի շարք տերիտորիաներ միացնել Թուրքիային: Իր հաշվետվութեան մեջ մանրամասնորեն նկարագրելով «հին» սահմանը, Գերվիշ փաշան եզրակացնում էր, որ անհրաժեշտ է այն վերականգնել¹⁵:

1849 թ. թուրք-իրանական սահմանադատման միջազգային հանձնաժողովի անդամները Ստամբուլից մեկնեցին Բաղդադ, որն ընտրված էր որպէս բոլոր սահմանային կոմիսարների հավաքա-

¹³ فرديون ادميت، اميركمبير و ايسوان، طهران، ۱۹۵۶، ص ۳۹۱ - ۳۹۰

¹⁴ նույն տեղում:

¹⁵ S6'u «Турецко-персидская пограничная спорная полоса». Сборник Главного управления Генерального штаба, вып. 58, март 1914 г., СПб., стр. 78.

տեղի: Այնուհետև նրանք ուղևորվեցին Մոհամմեդա, սահմանների ուսումնասիրությունը սկսելու համար¹⁶:

Հանձնաժողովի անդլիական և ռուսական ներկայացուցիչների կազմած փաստաթղթերից պարզորոշ երևում է, որ նրանք իրենց առջև խնդիր էին դրել մանրամասն ուսումնասիրել Իրանի և Քուրբիայի խորը ընկած շրջանները, այնտեղ իրենց պետությունների առևտրա-բազարական էրսպանսիան ծավալելու նպատակով: Ընդ որում, հանձնաժողովի աշխատանքներին ուշի-ուշով հետևող, Ստամբուլում բրիտանական դեսպան լորդ Ստրեդֆորդ-Կաննինգր խորհուրդ էր տալիս Վիլյամսին հանձնաժողովի անդամների միջև տարաձայնություններ ծագելու դեպքում միավորվել Ռուսաստանի ներկայացուցչի հետ ընդդեմ «մահմեդական կոմիսարներին»¹⁷: 1853 թ. սկսված ռուս-թուրքական պատերազմը հույս ներշնչեց իրանական կառավարող շրջաններին, թե Ռուսաստանի օգնությամբ հնարավոր կլինի լուծել սահմանային վեճը Քուրբիայի հետ և ես ստանալ թուրքերի կողմից զավթված մի շարք տեղիտորիաներ: Այդ նպատակով 1853 թ. հուլիսի 24-ին սազրազամ Ազա Նուրի խանը և օգոստոսի 5-ին իրանական շահը դիմեցին Քեհրանում ռուսական դեսպանորդ Գոլզորուկիին, առաջարկելով Քուրբիայի գեմ կիսելու ռուս-իրանական ռազմական զաշինը¹⁸: Սակայն ցարական կառավարությունը չհամաձայնվեց այդ առաջարկի հետ, զբաղվելով, որ ռազմա-տնտեսական տեսակետից թույլ իրանական պետության հետ զաշինը ոչինչ չի տա Ռուսաստանին:

Ղրիմի պատերազմի տարիներին հանդես գալով Քուրբիայի զաշնակցի դերում, Անդլիան հսկայական ճիգեր էր գործադրում հակաթուրքական ռուս-իրանական պայմանագրի կնքումը խափա-

¹⁶ Այս հանձնաժողովի գործունեության մասին մանրամասն տե՛ս «Материалы для географии Азиатской Турции». Նույն գրքում տեղ են գտել նաև սահմանային հարցի վերաբերյալ շախազանց հարուստ և արժեքավոր տեղեկություններ, որոնք հավաքել է գրքի հրատարակիչ, հայազգի Մ. Ա. Գամազովը (Մ. Ա. Ղամազյան):

¹⁷ Н. А. Халфин, *н. 24. т. 2, с. 59.*

¹⁸ «Акты Кавказской археографической комиссии», т. X, Тифлис, 1885, стр. 745.

նելու համար¹⁹; Միաժամանակ նա աշխատում էր Քուրբբալի օգնությամբ իրանական քրդերին ոտքի հանել Ռուսաստանի դեմ՝ իր մրցակցի դիրքերը Միջին Արևելքում խարխլելու նպատակով: Քավլ-րիդի անգլիական հյուպատոսությունը ակտիվ աջակցություն էր ցույց տալիս Իրանական Քրդստանում և Անգրիզիկասում գործող թուրքական գործակալությանը, որն աշխատում էր «սրբազան պատերազմ» հրահրել Ռուսաստանի դեմ:

1856—1857 թթ. անգլո-իրանական պատերազմի ժամանակ (այսպես կոչված «Հերաթի երկրորդ կոնֆլիկտը») Անգլիան ամեն կերպ աշխատում էր Իրանի ուշադրությունը իր արևելյան սահմաններից շեղել Օսմանյան կայսրության կողմը, սրպեսզի այս երկու պետությունների միջև հակասությունները խորացնելու միջոցով գործողությունների ազատություն ստանա Հերաթի հարցում: Առհասարակ XIX դ. երկրորդ կեսին անգլիական գիվանագիտությունը ճարպկորեն օգտագործում էր իրանա-թուրքական հակասությունները այդ պետությունների ներքին գործերին միջամտելու և Իրանում ու Քուրբբալում իր տնտեսական ու քաղաքական դիրքերն ամրապնդելու համար²⁰:

Ինչպես հայտնի է XIX դ. 50—70-ական թվականներին. բրիտանական կառավարության մերձավորարևելյան քաղաքականության հիմքում ընկած էր Օսմանյան կայսրության զոյություն պահպանումը իբրև պատվար Ռուսաստանի առաջխաղացման դեմ: Այդ առթիվ լորդ Դերբիին ուղղված 1877 թ. հունիսի 13-ի հեռագրում անգլիական գաղութալին քաղաքականության ականավոր գործիչ սըր Լևարդը գրում էր. «Քուրբբիան Արևելքում Ռուսաստանի փառասիրական ձգտումների դեմ մի պատնեշ է, իսկ սուլթանն իբրև իսլամական կրոնի իսկական ղուլսը՝ շատ օգտակար և պետքական գաշնակից է Անգլիային, որն ունի միլիոնավոր մահմեդական հպատակներ»²¹:

¹⁹ П. П. Бушев, Герат и англо-иранская война 1856—1857 гг., М., 1959, стр. 50.

²⁰ محمود فرهاد معتمد، تاریخ روابط سیاسی ایران و عثمانی یا سپهسالار اعظم طهران، ۱۹۵۷، ص ۲۹

²¹ Adolphe d'Avril, Negotiations au traité de Berlin, Paris, 1886, p. 257.

Առաջնորդվելով այս քաղաքականությունը, անգլիական կառավարող շրջանները որդեգրել էին «ընդդեմ Իրանի, չօգուտ օսման»-յան Քուրբիայի» տակախկան²²։ Բրիտանական քաղաքականությունը հասկապես ցայտուն կերպով դրսևորվում էր թուրք-իրանական սահմանային վեճերի ընթացքում, որոնք անգլիական ներկայացուցիչների ջանքերի շնորհիվ սովորաբար ավարտվում էին ի վնաս Իրանի։ Խոստովանելով այդ մասին Հենրի Ռատլինսոնը գրում էր, որ այն ժամանակից, երբ անգլիական ներկայացուցիչները ընտրվեցին իրանա-թուրքական սահմանային վեճի միջնորդ-հաշտարար, նրանք հանդես էին գալիս ի պաշտպանություն Քուրբիայի²³։

Այսպիսով թուրք-իրանական քաղաքական հարաբերությունների, մասնավորապես սահմանային վեճի հարցը անգլիական կառավարության համար ստանում էր առաջնակարգ քաղաքական նշանակություն։ Պատահական չէ, որ Ֆորին Օֆիսը մեծագույն ուշադրությունը հետևում էր այդ վեճին, ամեն կերպ աշխատելով այն ծառայեցնել իր քաղաքականությունը։ Դրա ակնառու վկայությունն է նաև այն, որ լորդ Պալմերստոնի հանձնարարությունները թուրք-իրանական սահմանային հանձնաժողովի անգլիական ներկայացուցիչներից մեկը՝ Լ. Լոֆտուսը այդ հարցի վերաբերյալ զրեց երկ-հատոր մի ուսումնասիրություն, որը 1852 և 1854 թթ. լույս տեսավ Լոնդոնում²⁴։

Ղրիմի պատերազմից հետո իրանա-թուրքական սահմանագատիչ հանձնաժողովը վերակեսց իր ընդհատված գործունեությունը։ Նա հավաքեց անհրաժեշտ քանակություններ նյութեր սահմանամերձ շրջանների բարտեղ կազմելու համար։ Ռուսաստանի և Անգլիայի ներկայացուցիչների ջանքերով Պետերբուրգում և Լոնդոնում կազմվեց սահմանային զոտու նախնական մի բարտեղ, որն ընդգրկում էր քսանից մինչև քառասուն մղոն լայնությունը վիճելի տարածություն։ Հենց այդ բարտեղի սահմաններում շահագրգռված պետությունները, այսինքն Քուրբիան և Իրանը, պետք է ճշտեին

²² فريدون ادميت նշվ. աշխ., էջ 35—37։

²³ George Rawlinson, A memoir of major General Sir Henry Greswiche Rawlinson, p. 124.

²⁴ Տե՛ս Անև Մեւրոպ, Քրդստան և բրդերը (ակնարկ), Փարիզ, 1957, էջ 390.

սահմանային գիծը²⁵: Հիշյալ բարտեզը ստացավ «Իդենտային» անվանումը:

Սակայն սահմանային գիծը ճշտելու հարցում, առավելագույն օսմանյան կառավարության մեղքով, կողմերը ոչ մի կերպ չէին կարողանում համաձայնության գալ: Թուրքերը հավակնություն ունեին մի շարք շրջանների նկատմամբ, որոնք Իրանը պատմականորեն համարում էր իր տերիտորիաները: Ի վերջո, համաձայնության եկան վիճելի շրջանները նոր միջազգային սահմանադատիչ հանձնաժողով ուղարկելու՝ Անդլիայի, Ռուսաստանի, Իրանի և Թուրքիայի ներկայացուցիչներից:

Այս անգամ ևս շահական կառավարության և Բ. Գոան միջև առանձնակի սուր վեճի առարկա էր Ղոթուրի շրջանը: Թեև 1848 թ. այն ապօրինաբար զավթելուց հետո Թուրքիան հետագայում ստիպված էր այնտեղից դուրս բերել իր զորքերը, սակայն, այնուամենայնիվ, նա ոչ մի կերպ չէր ցանկանում հաշտվել այն մտքի հետ, որ Ղոթուրի շրջանը գտնվի Իրանի կազմում:

1862 թ. Թուրքական զորքերը կրկին զավթեցին Ղոթուրը: Ի դեպ պետք է նշել, որ այդ գործում Օսմանյան կայսրությանը մեծապես օգնեց Անգլիան²⁶: Միայն 1877—1878 թթ. ռուս-թուրքական պատերազմում պարտություն կրելուց հետո Բեռլինի վեհաժողովի 60-րդ հոդվածի համաձայն, 1878 թ. հուլիսի 1-ին Թուրքիան ստիպված էր կրկին Ղոթուրը վերադարձնել Իրանին²⁷:

Սահմանի անորոշ վիճակը շարունակում էր տեղի տալ անբնական զատ գինված բախումների և այդ պատճառով Ռուսաստանի և Անգլիայի պահանջով 1869 թ. Օսմանյան կայսրության և Իրանի միջև կնքվեց հատուկ կոնվենցիա մինչև վերջնական սահմանադատումը

²⁵ C. U. Aitchison, A collection of treaties, engagements and sanads relating to India and neighboring Countries, Calcutta, 1892, V. X, p. 23--24

²⁶ F. Millingen, La Turquie sous la régné d'Abdul Aziz (1862—1867), Paris, 1868, p. 13.

²⁷ Ի դեպ, Բեռլինի կոնգրեսում իրանական կառավարության ներկայացուցիչն էր հայազգի Մալքոմ խանը: Վերջինս փայտուն կատարեց իր վրա դրված պարտականությունները և հասավ այն բանին, որ Թուրքերը հեռանան Ղոթուրից: Այդ ժառանգության համար շահական կառավարությունը նրան տվեց «Ջանարե Աշրաֆ» բարձր տիտղոսը: Տե՛ս

محمد محيط طباطبائی، مجموعه آثار میرزا منکحان، تهران، ۱۹۴۸، ج ۷

սահմաններում խտտագույն ստատուս-բվո պահպանելու վերաբեր-
յալ²⁸:

1874 թ. Ստամբուլում Թուրք-իրանական սահմանային հանձ-
նաժողովը գումարեց նոր նիստ: Սակայն հենց սկզբից կողմերը
անհաշտ զիրք գրավեցին միմյանց նկատմամբ սահմանային հար-
ցում փոխադարձ զիջումներ անելու ուզովթյամբ: Իրանի ներկա-
յացուցիչը պահանջում էր վերականգնել սահմանային այն գիծը,
որն ընդունված էր 1847 թ. պայմանագրով, իսկ օսմանյան կողմը
համառորեն մերժում էր այն, վկայակոչելով 1639 և 1823 թթ. հա-
մաձայնագրերը: Վրա հասած 1877—1878 թթ. ռուս-թուրքական պա-
տերազմի հետևանքով սահմանադատման հարցը այդպես էլ մնաց
անորոշ վիճակում:

Թուրք-իրանական սահմանադատիչ հանձնաժողովների գոր-
ծունեության մանրազնին ուսումնասիրությունը բերում է այն հա-
մոզման, որ սահմանադժների որոշման բոլոր փորձերը ավարտվում
էին անհաջողությամբ ոչ միայն Թուրքիայի և Իրանի միջև գոյու-
թյուն ունեցող սուր հակասությունների և քաղաքական հակամար-
տության հետևանքով, այլև Ռուսաստանի և Անգլիայի միջամտու-
թյան պատճառով: Այս պետությունները, որոնք Մերձավոր և Մի-
ջին Արևելքում ունեին կարևորագույն տնտեսական և քաղաքական
շահեր, հանդես գալով Թուրքիայի և Իրանի միջև իրրև հաշտարար,
իրականում հետապնդում էին սեփական նպատակներ: Նրանցից
չուրաքանչյուրն աշխատում էր սահմանագիծը այնպես անցկացնել,
որ առավելագույն շահ ձևեր բերեր: Մյուս կողմից թեև նրանք խոս-
քով շահագրգռված էին Թուրք-իրանական սահմանադատման հար-
ցում, բայց գործնականում ոչինչ չէին անում վերացնելու համար
երկու հարևան պետությունների միջև գոյություն ունեցող սահմա-
նային վեճերը: «Թրանով,—ինչպես նշում է իրանական պատմա-
բան Ֆերիզուն Աղամյաթը,—նրանք ցանկանում էին ապագայում
ևս, հարմար առիթի դեպքում, օգտվել այդ վեճերից և կողմերին
կրկին սրել միմյանց դեմ՝ իրենց նպատակներին հասնելու հա-
մար»²⁹:

²⁸ «Сборник договоров России с другими государствами (1856—1917)»,
М., 1952, стр. 205.

²⁹ Դժվար է հասկանալ նրանց արդյունքը: «ص ۳۰»



Քուրբ-իրանական հարաբերությունների սրման հաջորդ էտապը 1880 թ. շեյխ Օբեյդուլլայի ապստամբության շրջանն է: Անցյալ դարի 70-ական թվականների վերջին Օսմանյան կայսրությունում բռնկվեցին մի շարք հակահառավարական բրդական ապստամբություններ, որոնք, սակայն, դաժանությամբ ճնշվեցին³⁰: Այդ համայնքը բրդերին բերեց այն համոզման, որ Օսմանյան կայսրության շրջանակներում անկախություն ձևաբերելու ճգնաժամը անիրականանալի էր գաղափար է: Այդ պատճառով նրանք իրենց հալացրն ուղղեցին դեպի Իրան, նպատակ ունենալով Իրանի բրդաբնակ շրջանների տերիտորիայում ստեղծել անկախ բրդական պետություն: Ընդ որում, նրանք իրենց այդ նպատակը համարում էին միանգամայն ռեալ, նկատի ունենալով, որ համեմատաբար թույլ կենտրոնացված Իրանը ի վիճակի չի լինի կասեցնելու հիշյալ ծրագրի իրականացումը: Բրդական մի շարք աղղեցիկ շեյխերի և ցեղային առաջնորդների շրջանում այս գաղափարը որոշ չափով հասունացնելուց հետո, 1880 թ. հուլիսին շեյխ Օբեյդուլլան Շամդինանում գումարեց ողջ Քրդստանի բրդական առաջնորդների համաժողով, որտեղ մանրամասնորեն շարադրեց իր ծրագրերը: Քուրբական կառավարությունը, որն ուշի-ուշով հետևում էր բրդերի շրջանում ծայր առած խմորումներին, սկսեց գաղտնի աշակցություն ցույց տալ Օբեյդուլլայի ծրագրին, նպատակ ունենալով բրդական ընդլրումն ուղղել բացառապես իր արևելյան հարևանի դեմ, ապահովել իրեն բրդական խոշոր ապստամբություններից և բացի այդ դժվարություններ ստեղծել իր վաղեմի թշնամի Թուսաստանի համար, որը Հյուսիս-արևմտյան Իրանում ուներ նշանակալի տնտեսական և ռազմա-քաղաքական շահեր³¹:

Քուրբական կառավարող շրջանները ենթադրում էին նաև, որ Իրանից բրդերի գրաված տերիտորիաները հետագայում կանցնեն

³⁰ П. И. Аверьянов, Курды в войнах России с Персией и Турцией в течение XIX столетия. Современное политическое положение турецких, персидских и русских курдов, Тифлис, 1900, стр. 223—225.

³¹ М. С. Лазарев, Курдистан и курдская проблема, М., 1964, стр. 30. Տե՛ս նաև К. П. Камсаракан, Вторжение шейха Обейдуллы в Персию в 1880 г. «Сборник географических, топографических и статистических материалов по Азии», вып. XI, СПб., 1884; Джалиле Джалил, Восстание курдов 1880 г., М., 1966.

Օսմանյան կայսրությանը: Օրեյգոնյայի դիմված չոկատների շարժումը գեպի Իրան պետք է գոհունակությանը ընդունվեր Բ. Գոան կողմից նաև այն պատճառով, որ դրանից Իրանը նշանակալիորեն կթուլանար:

Վերոհիշյալ փաստերը աներկբայորեն վկայում են, որ Օսմանյան կայսրությունը և Իրանը աշխատում էին օգտագործել սահմանամերձ շրջանների բրդական բնակչությանը միմյանց նկատմամբ իրենց բազաբական ծրագրերը իրագործելու նպատակով: Հաճախ իրենց արամադրության տակ շունենալով բավարար չափով անտեսական և ռազմա-քաղաքական ուժեր Քրդստանում իրենց դիրքերն ամրապնդելու համար, այդ պետությունները գծտեցնում էին բրդական ցեղերին, կազմակերպում միջֆեոդալական բախումներ և այլն³²:

Թուրք-իրանական հարաբերությունների սրման հաջորդ էտապը անցյալ դարի 90-ական թվականներն են, երբ սուլթան Աբդուլ Համիդ II-ի նախաձեռնությամբ կազմակերպվում էին «Համիդիև» բրդական գնդեր: Սուլթանական կառավարության հանձնարարությամբ համիդիևների մեջ ընդգրկված բրդերը սիստեմատիկորեն անցնում էին Իրանական Քրդստան՝ բրդական ցեղերի շրջանում պրոթուրբական ազիսացիա մղելու և հակաիրանական զրգոխ զործունեություն ծավալելու նպատակով: Նրանք միաժամանակ իրանական տերիտորիայում ասպատակում ու կոդոպտում էին սահմանամերձ շրջանների առավելագույն բրիստոնյա բնակչություն ունեցող գյուղերը, տեղական բրդերին հորդորում հանդես գալ իրանական իշխանությունների դեմ և այլն:

1895—1896 թթ. Թուրքիայում Աբդուլ Համիդ II-ի հայաջինջ քաղաքականությունից ահաբեկված մեծ քանակությամբ հայեր տեղափոխվում էին Իրան և Անդրկովկաս ու ապաստան գտնում այնտեղ³³: Իրանական կառավարությունը անարգել թույլատրում էր թուրքահայատակ հայերին անցնելու իրանական սահմանը, որը թուրքական և իրանական իշխանությունների միջև սուր վեճերի տե-

³² Н. А. Халфун, *նշվ. աշխ.*, էջ 20—21:

³³ П. И. Аверьянов, Отчет о поездке по северному Азербайджану полковника Шкинского и капитана Аверьянова в конце 1899 г., Тифлис, 1900, стр. 76—77.

դիք էր տալիս: Քուրբերը նույնիսկ սահմանային մի քանի կետերում կենտրոնացրին զորքեր: Իրանը դրան պատասխանեց նույն քայլով:

Քուրբական իշխանությունները սպառնալով պահանջում էին, որպեսզի իրանական կառավարությունը իր տերիտորիայից վտարի հայերին և հետագայում ևս թույլ չտա նրանց անցնելու Իրան³⁴: Սակայն շահական կառավարությունը հրաժարվեց կատարել այդ պահանջը³⁵: Չկարողանալով սպառնալիքներով ազդել շահական կառավարության վրա, Բ. Գուրը դիմեց փորձված մեթոդի: Նրա հրահանգով Քուրբական զործակալությունը սկսեց բրդերին բորբոքել հայերի դեմ: Սահմանամերձ շրջաններում, հատկապես Խոյում, Սալմաստում, Մակուում տեղավորված հայ բնակչության ոչնչացման նպատակով Քուրբիայից հաճախ Իրան էին ուղարկվում նաև համիրդիե բրդեր, որոնց մեջ զգալի թիվ էին կազմում նաև բրդական տարազ հազած Քուրբական զինվորները³⁶:

Իր կանոնավոր զորքերի և համիրդիե զնդերի ներխուժումներն Իրան արդարացնելու նպատակով օսմանյան կառավարությունը պատճառաբանում էր, որ իբր իրանական տերիտորիայում կենտրոնացել են մեծ բանակությամբ հայկական զինված ջոկատներ, որոնք պատրաստվում են անցնելու Քուրբիա: Այսպես, 1897 թ. Քեհրանի Քուրբական դեսպանատունը ազմուկ բարձրացրեց, որ իբր Մակուի խանության Կարա Քիրիսե (Քաղեսո Առաքել) գյուղում կենտրոնացել են խոշոր հայկական ջոկատներ: Սակայն ստուգումից հետո պարզվեց, որ այնտեղ գտնվում են միայն ջարդերից փրկված փախստական վանեցի հայեր³⁷:

Յարահան կառավարությունը Ստամբուլում իր դեսպանի միջոցով աշխատում էր ճնշում գործադրել Քուրբիայի վրա, վերջ տա-

³⁴ Мак-Коль, Ответственность Англии перед Арменией, М., 1897, стр. 153.

³⁵ «Из тегеранского дневника полковника В. А. Косооговского», М., 1960, стр. 148.

³⁶ ЦГВИА, ф. 446, л. 48, лл. 65—66.

³⁷ Отчет о поездке в Макинское ханство драгомана ген. консульства в Азербайджане Минорского в октябре 1905 г. «Материалы по изучению Востока». Изд. Мин-ва иностран. дел, вып. I, СПб., 1909, стр. 26.

լու համար Իրանի նկատմամբ նրա վարած պրովոկացիոն քաղաքականությունը: Կովկասյան իշխանությունները ահազանգում էին իրենց կառավարությանը, որ թուրքերի այդօրինակ գործողությունները ոչ միայն վտանգավոր վիճակ են ստեղծում կովկասյան սահմանների սպառնալուծության տեսակետից, այլև բազմաթիվ փաստեր էին բերում այն մասին, որ համիդիե ջոկատները թուրքիայից Անգրեկովկաս անցնող հայերին հետապնդելու պատրվակով հաճախ անցնում են ուստական սահմանը և ստղատակում ու կոդսպուտի ենթարկում ուստական տիրապետության տակ գանձող շրջանները:

Իրանական Քրդստանում սուլթանական կառավարության գրգռիչ քաղաքականության համար պատրվակ էր հանդիսանում նաև այն, որ սահմանամերձ շրջանների մի շարք բրդական ցեղեր հրաժարվեցին մտնել համիդիե զնդերի մեջ և թուրքիայից տեղափոխվեցին Իրան³⁸: Քրդական զանգվածների այս տեղաշարժերի պատճառով հաճախակի տեղի էին ունենում սահմանային կոնֆլիկտներ, որոնք, բոս էություն, միշտ էլ կարող էին վերածվել երկու տերությունների ոսղմական բախման: Նման իրադրություն ստեղծվեց, օրինակ 1893 թ., երբ Հայդերանլի և Հասանանլի աշիրեթները արյունահեղ ընդհարումներ ունեցան միմյանց հետ և Հեյբարիի բրդերի մի մասը տեղափոխվեց Իրան³⁹:

Նման դեպքերում թուրքական իշխանությունները պահանջում էին շահական կառավարությունից անմիջապես ետ վերադարձնել «փախստական» բրդերին, նախապես իմանալով, որ նույնիսկ ցանկություն դեպքում անհնարին է բավարարել այդ պահանջը: Օգտվելով դրանից, նրանք հաճախակի կազմակերպում էին համիդիե զնդերի ներխուժումներ Իրանի տերիտորիան՝ իբր թե իրենց անհաղանդ հպատակներին պատժելու համար, իրանական բրդերի շրջանում ուժեղացնում էին հակակառավարական պրոպագանդան և այլն: Միաժամանակ Իրանում գործող թուրքական դիվանագիտական ներկայացուցիչները, հատկապես զեսպան Մյունիֆ փաշան, որը լայն քայքայիչ գործունեություն էր ծավալել երկրի ներսում, ամեն կերպ շփոթանցնում էին սահմանում տեղի ունեցող միջա-

³⁸ АВІР, ф. «Политархив», 1889—1894 гг., д. 1630, лл. 104—105.

³⁹ А. Карцев, Заметки о курдах, Тифлис, 1896, стр. 37.

գեպերը՝ իրանական կառավարության վրա ճնշում գործադրելու նպատակով⁴⁰։

Բնականաբար օսմանյան կառավարության նման քաղաքակա-
նությունը չէր կարող շահահանդատացնել Իրանի կառավարող շրջան-
ներին, որովհետև երկրի վրա կախվում էր նրա տերիտորիալ ամ-
բողջականությունը խախտվելու սպառնալիքը։ Այդ պատճառով
շահական կառավարությունը երկրի անվտանգությունը պահպանե-
լու խնդրանքով բաղմիցս դիմել է Ռուսաստանին, համոզված լինե-
լով, որ նրա շահերը պահանջում են թույլ շտալ օտարերկրյա որևէ
պետության, մանավանդ Քուրբիայի ստնձղությունները տնտեսա-
կան և ռազմա-քաղաքական տեսակետից Ռուսաստանի համար մեծ
հետաքրքրություններ կայացնող շրջաններում։

Այսպես, 1893 թ. նասր-էղ-Գին շահը հեռագիր ուղարկեց
Ալեքսանդր III-ին, խնդրելով Ստամբուլում ռուսական դեսպանու-
թյան միջոցով ճնշում գործադրել Բ. Դոան վրա։ Նման խնդրանքով
շահը ստիպված էր կրկին դիմել 1896 թ., որովհետև տեղեկություն-
ներ կային, որ շեյխ Օբեյդուլլայի որդիներից շեյխ Սադիկը պատ-
րաստվում է ներխուժել Իրան և իրանական բրդերի շրջանում մղել
հակակառավարական ազդեցության և այլն։ Թեև Ռուսաստանը
Ստամբուլում իր դեսպանի միջոցով կատարեց համապատասխան
զիջանագիտական առաջադրություններ, սակայն դրանք մնացին
անհետևանք։ Որպես կանոն Քուրբիան ներկայացնում էր հակամե-
ղադրանքներ իրանական կառավարությանը, որ իբր վերջինս ինքն
է գրգռում իր բրդերին Քուրբիայի դեմ և անբնդհատ կազմակեր-
պում է իրանական բրդերի պինված արշավանքներ դեպի թուրքա-
կան տերիտորիան⁴¹։

Առհասարակ այն հանգամանքը, որ բրդերի հակայական մե-
ծամասնությունը ինչպես Քուրբիայում, այնպես էլ Իրանում սուն-
նիթ մահմեդականներ էին, Քրդստանում իրանա-թուրքական մեր-
ցակցության մեջ վերջինիս տալիս էր մեծ առավելություն⁴²։ Քուր-
բիան հաջողությամբ կարողանում էր Իրանի մահմեդական բրդերին

⁴⁰ М. С. Лазарев, *изв. арх.*, т. 74:

⁴¹ Նույն տեղում, էջ 72—73:

⁴² В. Ф. Минорский, Курды. Заметки и впечатления, Пг., 1915, стр. 21.

օգտագործել իր բազարական նստատեղիների համար, առաջին պլան մղելով իր հպատակ բրդերի հետ նրանց զավանակից լինելու հանգամանքը⁴⁵: Այդ բազարականության իրագործումը հեշտանում էր նրանով, որ Իրանում սուննիթ բրդերի մեծամասնությունը տեղաբաշխված էր սահմանամերձ շրջաններում: Քուրբական ազիտատորները աշխատում էին համոզել իրանական բրդերին, որ Քուրբիայում բրդերը շատ ավելի բարեկեցիկ կյանք ունեն, քան Իրանում: Որ սուննիթների համար գերազանցել է ապրել սուննիթական կառավարության իշխանության ներքո, քան շիիթական: Որպես ապացույց բերվում էր այն փաստարկը, որ Քուրբիայում բրդերն ունեն սեփական ռազմական կազմակերպություն՝ համիդիե գնդերը, որոնք օգտվում են արտոնչալ վիճակից, կառավարությունը նրանց շնորհում է դանազան իրավունքներ և այլն⁴⁶:

Այսպես կոչված իրանա-թուրքական «վիճելի գոտին» իր մեջ ընդգրկում էր հետևյալ շրջանները. Խոյի (Մակուի խանության հետ), Ուրմիայի (ներկայումս Բեղալե) և Սուլջուլուզի (ներկայումս Մհհաբադ) նահանգները և Սուլջուզի շրջանը: Նշված շրջանների բնակչությունը բազկացած էր ազգությունների երեք հիմնական խմբերից. 1) բրդեր, 2) ազրբեջանցիներ (այդ թվում նաև կարափափայներ) և 3) ասորիներ: Զգալի տոկոս էին կազմում նաև հայերը, հատկապես Սարմատում և Ուրմիայում⁴⁵: Տարբեր վայրերում բնակվում էին նաև ոչ մեծ թիվ կազմող ազգային այլ փոքրամասնություններ (օրինակ հրեաներ) և եվրոպացիներ: Վիճելի գոտու բնակչության մոտավոր թիվը կազմում էր մեկ միլիոնից ավելի⁴⁶:

Քրդերին պայմանականորեն կարելի էր բաժանել հետևյալ հիմնական խմբերի. հյուսիսային կամ Մակու—Ուրմիայի շրջանի համեմատաբար ոչ մեծ խումբ և հարավային, կամ Քրդստան նահան-

⁴⁵ «Отчет о поездке в Макинское ханство», стр. 18.

⁴⁶ ЦГВИА, ГУГШ, ф. 2000, оп. 1, д. 1009, л. 3 об.

⁴⁵ П. Я. Максимович-Васильковский, Поездка в Персию. «Известия Кавказского отделения императорского русского географического общества», 1904, т. XVII, № 4, стр. 233—234.

⁴⁶ «Население Западного Азербайджана». «Сборник Главного управления Генерального штаба», вып. 56, январь, СПб., 1914, стр. 66.

դասակարգման⁴⁷ քրդեր: Մակու—Ուրմիայի շրջանի քրդերը առանձին ոչ մեծ խմբերով ցրված էին Արարատից մինչև Ուշնու բազաբի գուգահեռականը ընկած շրջանը, որտեղից հարավ արգեն սկսվում էին քրդական հոծ բնակչություն ունեցող տերիտորիաները (Սեննե, Քերմանշահ):

Հյուսիսում, Մակուի խանությունում բնակվում էին, այսպես կոչված, Մակուի քրդերը, որոնք պատկանում էին երեք հիմնական ցեղախմբերի՝ ջելայի, միլլան և հայդերանլու (հայդերանլու ցեղալին միավորման մեջ մտնում էին զիլյան, սիփբի, շիրբան, զիրբան, աղաման և այլ ճյուղեր): Ավաշիկ խանությունը միակ վայրն էր, որի բնակչությունը բացառապես կազմում էին աղբրեջանցիները (այրումլի ցեղը): Սահմանի մոտ նրանք ընդհատում էին քրդերի համատարած շերտը⁴⁸: Սումայում, որը Մակուի խանությունից բաժանվում էր նույնպես աղբրեջանական բնակչությամբ, ինչպես նաև Բարադսթում, բնակվում էին շեքթար ցեղի քրդերը: Ավելի հարավ, Թերգեկում, Դեշտում և Ուրմիայում տարածված էին բեկդաղե, իսկ Մերգեկում՝ խարբի ցեղի քրդերը:

Հարավային շրջանի բուրդ բնակչությունը բաժանվում էր հետևյալ ցեղախմբերի՝ զերդա, բիրբաս և մուրբի: Իրենց հերթին բիբասները բաժանվում էին մամաշ, փիրան և մանգուր ճյուղերի, իսկ մուրբիները զեհրսրբի, գովրիբ, բեկդաղե, մելբարի ճյուղերի⁴⁹:

Ասորիների բնակության հիմնական վայրերը Ուրմիայի, Սալմաստի, Սուլդուլի դաշտավայրերը և Մերգեկի, Թերգեկի և Բարադսթի հարթություններն էին⁵⁰:

Հասկանալի է, որ այսպիսի բազմալեզու, բազմացեղ ու բազմակրոն բնակչություն ունեցող շրջաններում պետք է լինեին ինչ-

⁴⁷ Քրդասան նահանգապետության կենտրոնն էր Սուլջուլադը: Այդ նահանգապետությունը բնորոշված էր անվանել նաև Մուրբի Քրդասան:

⁴⁸ В. Ф. Минорский, Курды, стр. 4.

⁴⁹ «Население Западного Азербайджана», стр. 67, 71—72.

⁵⁰ Տե՛ս «Bulletin of the American Geographical Society», 1963. № 1. «Известия Кавказского отдела Императорского географического общества», 1903. т. XVI, № 4, стр. 53. Իրանում և Թուրքիայում ասորական բնակչության անդառաջիման մասին մանրամասն տե՛ս J. Joseph, The Nestorians and their muslim neighbors, Princeton, New Jersey, 1961.

պես աղգային ու կրօնական, այնպես էլ դասակարգային խորը հակամարտություններ, որոնք ուժեղանում էին շահական աստիճանավորների ու տեղական խաների, բեգերի ու աղալարների հոծ բազմության կողմից սոցիալական բիրտ ու վաչրենի նշման հետևանքով:

Ինչպես Իրանի բուշլոր բնակչություն ունեցող մյուս շրջաններում, այնպես էլ սահմանամերձ գոտում տիրապետում էին ֆեոդալա-նորաստիքական, կիսանահապետական հարաբերությունները: Որոշ վայրերում առկա էին նաև տոհմա-ցեղային կացութաձևի մնացուկները, որոնք ամեն կերպ օգտագործում էր ցեղային ավազանին իր տիրապետությունը պահպանելու և ամրապնդելու համար: Սահմանային գոտու բնակչությունը նամինալ ձևով էր ենթարկվում կենտրոնական շահական կառավարությանը: Քրդական ցեղերը, որոնք գերազանցապես վարում էին բուշլորական և կիսաբուշլորական կյանք, համարյա հաշվի չէին նստում իշխանության հետ: Նրանք դանձարանին հարկեր էին մուծում կամ շնչին քանակությամբ, կամ բնավ չէին մուծում: Շահական նահանգապետները և աստիճանավորների, «մամուրների» մուտքը բուշլոր ցեղերի բնակչության վայրերը շափազանց սահմանափակ էր: Անասնապահության հետ միաժամանակ սահմանամերձ շրջանների բրդական ցեղերի մի մասը սիստեմատիկորեն զբաղվում էր նաև հարևան նստակյաց շրջանների ասպատակությամբ և կողոպուտով, որը բրդական բեգերի ու աղաների համար հանդիսանում էր հարստացման հավելյալ աղբյուր: Հատկապես սովորական երևույթ էր արոտավայրերի համար բրդական ցեղերի վիճված բախումները, որոնք հաճախ վերջանում էին ամբողջ ցեղերի ոչնչացումով: Այս շրջաններում բաղաբական սահմանը տեղական բնակչության համար բնական սահման չէր⁵¹: Թուրքիայից Իրան և հակառակը տեղի էին ունենում անբնդհատ տեղափոխություններ, որովհետև երբեմն միևնույն աշիրեթների (օրինակ բեկդաղե, խարբի, շեքբաքներ, ջաֆեր, շելայի և այլն) մի հատվածը բնակվում էր Թուրքիայում, մյուսը Իրանում: Նույնիսկ կային այնպիսի ցեղեր (օրինակ բուշլոր խարբի

⁵¹ Էլիզե Ռեկլյու, Լադիստան, Հայաստան և Քրջաստան, Վաղարշապատ, 1893, էջ 24:

ցեղերը), որոնք ամառը բնակվում էին Իրանում, իսկ ձմռանը անցնում էին Քուրբիա:

Օսմանյան կայսրությունում անդլիական հյուպատոս Քելլորը անցյալ դարի 80-ական իվականներին գրում էր. «...Խառը հպատակությունը և շահմանված կարգը սահմանում ծնում են անթիվ վիճաբանություններ Պարսկաստանի և Քուրբիայի միջև: Քրդերը, որոնք ինչպես այս, այնպես էլ մյուս երկրում գտնվում են իրենց սրանը, անցնում ձև տահմանը, երբ ցանկանում են և երբ դա համարում են իրենց շահերի համար օգտավետ...»⁵²:

Երբեմն Քուրբիայից դժգոհ ցեղերը տեղափոխվում էին Իրան և ապա զինված ջոկատներ կազմակերպելով կրկին անցնում էին Քուրբիա՝ ասպատակելու և կողոպտելու: Նույն կերպ վարվում էին Իրանից դժգոհ ցեղերը, անցնելով Քուրբիա: Գա հաճախ պատրվակ էր հանդիսանում խոշոր զինված բախումների, որոնց պատճառը մասամբ այն էր, որ մի շարք թուրքահպատակ բուրգ կալվածատերեր Իրանում ունեին հողալին տիրություններ: Այսպես, Շամզինանի և Քավանի շեյխերը Քրանական Քրգաստանում իրենց խոշոր տիրությունները տեղական բուրգ բեկերից պաշտպանելու համար ժամանակ առ ժամանակ իրենց զինված ջոկատներով արշավում էին Իրան, կամ կաշառքի ու զանազան խոստումների միջոցով տեղական բրդերին սաքի էին հանում իրենց հակառակորդների դեմ⁵³:

Հասկանալի է, որ այս բոլորը սահմանամերձ շրջանը պահելու էր մշտական լարվածության մեջ: Գա բացառիկ հնարավորություններ էր ստեղծում թուրքական իշխանությունների համար Իրանից մի շարք «վիճելի» վայրեր գավթելու ուղղությամբ: Խոսելով այդ մասին, իրանական պատմաբան Մեհդի Մալեքզադեն նշում է, որ «XVI դարից մինչև օրս, երբ Իրանը գտնում էր թույլ ու անզոր, Օսմանյան կայսրությունը հարձակվում էր նրա վրա, Ազրբեջանից ու սահմանակից այլ տերիտորիաներից զավթում էր ամբողջ շրջան-

⁵² Троттер, Малоазийские курды. «Известия Кавказского отдела Императорского русского географического общества», т. VII, Тифлис, 1882—1883, прил., стр. 13.

⁵³ «Кавказский военный округ». Сводка сведений о сопредельных странах, добытых разведкой. За время с 15-го июня по 15 июля 1911 г., № 3, Тифлис, 1911, стр. 18.

ներ և դրանք օկուպացիայի վիճակում էր պահում այնքան ժամանակ, մինչև որ ուժեր հավաքելով Իրանը վերստին ետ էր վերցնում այդ հողերը»⁵⁴:

* * *

Սկսած XIX դ. վերջերից թուրք-իրանական հարաբերություններն ստացան միջազգային-բազարական նշանակություն: Պա պայմանավորված էր մի շարք հանգամանքներով: Ինչպես հայտնի է, անցյալ դարի կեսերից արդեն իմպերիալիզմի զարգացման ուղին ինակոխած Լեբոսյական պետությունները ուժեղացրին իրենց գաղութային նվաճողականությունը նաև Օսմանյան կայսրությունում և Իրանում: 90-ական թվականներից հետո արանս-միջազգայան և եփրատյան երկաթուղիների նախագծերը ղգալիորեն մեծացրին Թուրքիայի ու Իրանի այն շրջանների բազարական, անտեսական ու ստրատեգիական նշանակությունը, որոնց վրայով անցնելու էին իմպերիալիստական աշխարհի ազազա երկաթյա ղարկերակները: Բացի այդ, Միջազգետում և Իրանում հայտնաբերվեց հզոր նավթային շերտ, որը տարածվում էր Մոսուլից հարավ-արևելքի ուղղությամբ ղեպի Շուտեր և Բանղար-Աբբաս, այսինքն մինչև Պարսից ծոց⁵⁵: Թուրք-իրանական սահմանը հատող նավթային այդ հսկա ավազանն ուներ 2000 կիլոմետր յայնություն, որից մոտ 1700 կմ ղնկած էր իրանական, իսկ 300 կմ՝ թուրքական տերիտորիայում⁵⁶: Այդ ղոտին անմիջապես վերածվեց իմպերիալիստական պետությունների, և հատկապես Անղլիայի ու Գերմանիայի պայքարի սուր օբյեկտի: Պայքարը նավթի համար ղնդունեց սուր և անհաղա բնույթ:

Այսպիսով, իմպերիալիզմի ղարաշրջանում, երբ առաջնահերթ հարց ղարծավ աշխարհը վերաբաժանելու ինղիրը, առավել սերտ կապ հաստատվեց իրանական, թուրքական և միջազգետյան «պար-

54. - دکتر مهدي ملكزاده، تاریخ انقلاب مشروطیت ایران، جلد ۱، طهران، ۱۳۳۰، ص ۳۵

55. S. A. Schafer, Die Anglo-Persian oil Co. „Der Neue Orient“, 1917, B. I, H. I.

56. Эрнест Шульце, Борьба за персидско-месопотамскую нефть, М., 1924, стр. 54.

լեմների» միջև: Համաշխարհային-բաղաբական այս շրջագարձը պայմանավորված էր նրանով, որ առավել հզոր իմպերիալիստական պետությունները այլևս չէին կարող իրենց բաղաբականությունը կառուցել տեղայնական նեղ սկզբունքների վրա, այլ նրանց անտեսական և բաղաբական ծրագրերը պահանջում էին ամենայայն հորիզոններ:

Գաղութային «հին» պետությունների՝ Անգլիայի, Ֆրանսիայի և Ռուսաստանի կողքին՝ Մերձավոր և Միջին Արևելքում հանդես եկավ մի նոր դիշատիչ՝ իմպերիալիստական Գերմանիան: Վերջինիս արգյունաբերական բուռն զարգացումը, որը սկսվեց 1871 թ. նրա միավորումից հետո, ուժեղացրեց գերմանական բուրժուազիայի ձգտումը գաղութներ գավթելու և գերմանական ինդուստրիայի համար արտաքին շուկաներ նվաճելու ուղղությամբ⁵⁷: Իր առևտրական և գաղութային էքսպանսիան Օսմանյան կայսրության նկատմամբ ծավալելու հետ ղուզահետ, Գերմանիան բնականաբար շէր կարող իր հետաքրքրությունների շրջանակից դուրս թողնել նաև Իրանը: Դեպի Մերձավոր և Միջին Արևելք գերմանական էքսպանսիայի շատագուվներից մեկի՝ Պաուլ Գենի կարծիքով գերմանական զարգացող արգյունաբերության համար Իրանը կարող էր հանդիսանալ հիանալի արտահանման շուկա և հումքի աղբյուր⁵⁸: Մի այլ աշխատության մեջ նա այն միտքն էր զարգացնում, որ Գերմանիան պետք է ունենա սեփական և ուղիղ ձանադարձ դեպի Հնդկաստան, որն անցնելու է Բալկանյան թերակղզու, Փոքր Ասիայի, Միջագետքի և Իրանի վրայով⁵⁹:

Գերմանիայի առաջին ակտիվ փորձերը Իրան ներթափանցելու ուղղությամբ վերաբերում են անցյալ դարի 70-ական թվականներին: 1873 թ. Բիսմարկի կառավարությանը հաջողվեց Իրանի հետ փնրել «Բարեկամության, առևտրի և ծովագնացության մասին»

⁵⁷ А. С. Силин, Экспансия Германии на Ближнем Востоке в конце XIX века, М., 1971, стр. 23.

⁵⁸ Paul Dehn, Deutschland und Persien. „Deutsche Kolonialzeitung“, 1885, 2, S. 8—10.

⁵⁹ Paul Dehn, Deutschland und die Orientbahnen, München, 1883, S. 50—51.

պայմանագիր⁶⁰, որը սկիզբ դրեց երկու երկրների միջև անմիջական հարաբերությունների հաստատմանը: Պայմանագիրը Գերմանիային արամագրում էր գլխավանագիտական և առևտրական հարաբերություններում առավելագույն բարենպաստ պայմաններ: Շա ստանում էր ազատ առևտրի և նավագնացության իրավունք, կապիտալիացիոն արտոնություններ, ինչպես նաև Քեհհրանում, Քալբիդում և Բուշիրում հյուպատոսություններ բաց անելու լույսավորություն: Պայմանագրի 18-րդ հոդվածը նախատեսում էր Գերմանիայի միջնորդությունը այն դեպքում, եթե Իրանը վեճի կամ բնդ հարման մեջ մտներ որևէ երրորդ պետության հետ⁶¹:

Մինչև XIX դ. 80—90-ական թվականների կեսերը Իրանի նկատմամբ գերմանական բազարականություն մեջ առանձին աղտիվություն չի նկատվում: Այդ ժամանակամիջոցում Գերմանիային գլխավորապես համակել էր «աֆրիկյան տենդը» և Օսմանյան կայսրությունում ամրապնդվելու խնդիրը: Մակայն, այնուամենայնիվ, գերմանական իմպերիալիզմը Իրանում շարունակում էր տանել հետագա ներթափանցման համար նախապատրաստական մեծ աշխատանք և ոչ առանց հաջողության: Այսպես, 1895 թ. գերմանահպատակ Ֆելիքս Մորալին, որը հանդիսանում էր Անատոլիական երկաթուղիների սինդիկատի ներկայացուցիչը, հաջողվում է ստանալ Քեհհրան—Քերմանշահ խճուղային ճանապարհի կոնցեսիան: Քիչ անց, նա ձևոր է բերում նաև Քեհհրան—Բաղդադ երկաթուղային գծի կառուցման իրավունք⁶²: Իսկ մինչ այդ, 1888 թ. գերմանական խոշոր ֆինանսական միավորումները (օրինակ, „Berliner Handelsgesellschaft“ և „Württembergische Vereinsbank“) փորձում էին ստանալ մի շարք երկաթուղային կոնցեսիաներ⁶³:

1890-ական թվականներից զազուլային գաղթյալները դառնում են Գերմանիայի արտաքին քաղաքականության գլխավոր

⁶⁰ *Martin Bradford Garry*, German-Persian diplomatic relations 1873—1912, S. Gravenhage, 1959, p. 21—22.

⁶¹ *Motamen-ol-molk*, Recueil des traités de l'Empire persan avec les pays étranger, Teheran, 1908, p. 1—3.

⁶² *Տե՛ս Ա. Попов*, Страница из истории русской политики в Персии. «Международная жизнь», 1924, № 4—5.

⁶³ *Martin Bradford Garry*, նշվ. աշխ., էջ 43:

նպատակը: Այդ ժամանակաշրջանից սկսած դերմանական իմպերիալիզմը սկսեց մշակել և գործնականում իրագործել Արևելքի նկատմամբ ակտիվ քաղաքականություն, որը դարձավ վիճելիմյան Գերմանիայի քաղաքական հավատամքը «օրինեսպոլիտիկ» — անունով: 1891 թ. ստեղծված պանգերմանական միությունը, որը ֆինանսավորվում էր ծանր արդյունաբերության խոշոր կոնցերնների կողմից, պահանջում էր Մերձավոր և Միջին Արևելքում ձեռնամուխ լինել գաղութային լայն էքսպանսիայի: Վիճելիմ II-ը հատկապես մեծ ուշադրություն էր դարձնում Թուրքիայում գերմանական էքսպանսիայի հարցի վրա, գտնելով, որ Օսմանյան կայսրությունում գերմանական իմպերիալիզմի դիրքերի ամրապնդումը ոչ միայն հնարավորություն կտա առաջ շարժվելու գեպի Միջին Արևելք, այլև իր մրցակիցների հետ առաջիկա պատերազմում հնարավոր կլինի Թուրքիային օգտագործել որպես դաշնակից⁶⁴: Այսպիսով Թուրքիան հարաբերությունների հարցը Գերմանիայի համար ստանում էր առաջնակարգ քաղաքական նշանակություն:

Օսմանյան կայսրության և Իրանի նկատմամբ իր լայնահուն ծրագրերի իրագործումը Գերմանիան հատկապես կապում էր Բաղդադի երկաթուղու հետ: 1899 թ. նոյեմբերի 27-ին Աբդուլ Համիդ II-ը հատուկ իրադեյուվ (հրամանագիր) հայտարարեց իր՝ Բաղդադի երկաթուղու շինարարության կոնցեսիան գերմանական բանկին հանձնելու վերաբերյալ որոշման մասին: Գերմանական կառավարող շրջաններում այն գնահատվեց որպես արտաբին քաղաքականություն բնագավառում «Գերմանիայի խոշորագույն հաղթանակ»⁶⁵: Հատկանշական է, որ Մերձավոր Արևելքում տիրապետության համար իր հակառակորդների, և առաջին հերթին Անգլիայի դեմ մղած պայքարում գերմանական դիվանագիտությունը այս շրջանում ձգտում է ակտիվացնել Բ. Դոան գործունեությունը, նրա միջոցով քայքայել Անգլիայի դիրքերը Պարսից ծոցի արևմտյան շրջանում, արաբական երկրներում և այլն, ամրապնդել Աբդուլ Համիդի դիր-

⁶⁴ «История дипломатии», т. II, М., 1963, стр. 283.

⁶⁵ „Die grosse Politik der Europäischen Kabinette,“ 1871—1914. Sammlung der Diplomatischen Akten des Aus-Wärtigen Amtes, Bd. XIV (2), №3993.

րը որպէս խալիֆի և իր զայթողական քաղաքականութեան շահերի համար լայնորեն օգտագործել ձարդարելի կանաչ դրոշը⁶⁶։

Գերմանական իմպերիալիզմի այս նոր քաղաքական դիժը կյանքի կոչելու համար 1898 թ. Վիլհելմ II կաշգերը մեկնեց Արևելքը։ Ի միջի այլոց, Գամասկոսում արատասնած ճառում նա ի լուր աշխարհի հայտարարեց. «Նարին մեծութուն սուլթանը և աշխարհում մեկ ցրված երեք հարյուր միլիոն մահմեդականները, որոնք մեծարում են նրան որպէս իրենց խալիֆի, թող վստահ լինեն, որ գերմանական կայսրը առհավեա լինելու է նրանց բարեկամը»⁶⁷։

Արևելքում Վիլհելմ II-ի ճանապարհորդութունից հետո, գերմանական յունկերական մամուլը և պանգերմանական քաղաքագանները աշխատում էին ապացուցել, որ Գերմանիայի կենսական շահերը պահանջում են մերձենալ մահմեդական արևելքի հետ⁶⁸։ Իր հերթին սուլթան Աբդուլ Համիդը ձգտում էր գերմանական կառավարութեան և գերմանական կապիտալի օգնութեամբ ամրապնդել իր գիրքերը և հանձինս Գերմանիայի սաեղծել հենարան Օսմանյան կայսրութեան ճնշված ժողովուրդներին՝ սլավոններին, հայերի, արաբների և այլն, ազդային-ազատագրական շարժումների դեմ պայքարելու համար⁶⁹։

Խրախուսվելով գերմանական իմպերիալիզմի վերահիշյալ քաղաքականութունից, Քուրբիան անմիջապէս ակտիւացրեց իր քաղաքականութունը արաբական թերակղզում, ուժեղացրեց Միջագետքում տեղալորված բանակային 6-րդ կորպուսի կազմը, ծրարներ սկսեց մշակել Պարսից ծոցում սահման-ծովային նավատորմ ստեղծելու վերաբերյալ և այլն⁷⁰։

XX դարի սկզբին Մերձավոր Արևելքում ձևոր բերած հաջողութունները հնարավորութուն տվեցին գերմանական իմպերիալիզմին ավելի նպատակասաց դարձնել Իրանի նկատմամբ տարվող

⁶⁶ Г. Л. Бондаревский, Английская политика и международные отношения в бассейне Персидского залива, М., 1968, стр. 445—447.

⁶⁷ Бернгард фон Бюлов, Воспоминания, М.—Л., 1935, стр. 131—132.

⁶⁸ Sh' o orfinsak Davis Trietsch, Deutschland und der islam. Eine Weltpolitische Studie. Orient verlag, Berlin, 1912.

⁶⁹ «История дипломатии», т. II, стр. 632.

⁷⁰ Г. Л. Бондаревский, Английская политика..., стр. 213.

քաղաքականությունը: Առաջին հերթին գերմանական և հատկապես պանգերմանական մամուլը կատաղի կամպանիա ծավալեց Իրանում Անգլիայի և Ռուսաստանի զիրքերի դեմ: Մասնավորապես ուժգին կրակի տակ էր առնվում 1900 թ. ուս-իրանական պայմանագիրը Իրանում երկաթուղային շինարարության արգելքի մասին⁷¹: Միաժամանակ Գերմանիան սկսեց Թուրքիային հրահրել, որպեսզի վերջինս վերականգնի իր տիրապետությունը Քուվեյթում և արաբական այն տերիտորիաներում, որոնք անցել էին անգլիական «հովանավորության» տակ⁷²: Գերմանական գործակալությունը աշխատում էր թուրք-իրանական սահմանային գոտու իրանական ցեղերին՝ բախախրնեբրին, լուրեբրին, արաբական Բանի և այլ ցեղերին գրգռել Անգլիայի դեմ⁷³:

1902 թ. հունվարին Ռայխստագում կանցլեր Բերնհարդ Ֆոն Բյուլովը հայտարարեց, որ այսուհետև Իրանը պետք է ընդգրկվի Գերմանիայի ակտիվ քաղաքականության շրջանակների մեջ⁷⁴: Բեռլինում ցարական կառավարության դեսպան Օստեն-Ստեյներ արտաքին գործերի մինիստր Լամզդորֆին գրած նամակում այդ առթիվ հայտնում էր, որ Ֆոն Բյուլովը իր ճառում խոսելով Գերմանիայի համար առևտրական շուկաների ավելացման անհրաժեշտության մասին, որպես գերմանական ապրանքների նոր ու ցանկալի շուկայի, ի թիվս այլ երկրների, նշել է նաև Իրանը⁷⁵:

Կանցլերի նման հայտարարությունը չէր կարող աննկատ անցնել: Պանգերմանական մամուլը ցնծության մեջ էր⁷⁶: Կառավարող շրջաններին մոտ կանգնած ամսագրերից մեկը՝ «Der Tag»-ը անմիջապես հրապարակեց «Գերմանական համաշխարհային քաղաքականության նպատակները» խորագրով հոդվածը, որի մեջ զարգացվում էր Իրանը գերմանական սնտեսական ազդեցությանը ենթարկելու անհրաժեշտության գաղափարը⁷⁷: Հասկանալի է, որ Գերմա-

⁷¹ Martin Bradford Garry, նշվ. աշխ., էջ 76—81:

⁷² Ibid, p. 81—82.

⁷³ Ibid, p. 83.

⁷⁴ Ibid, p. 84.

⁷⁵ АВПР, ф. «Канцелярия МИД», 1902 г., л. 14, л. 6.

⁷⁶ Martin Bradford Garry, նշվ. աշխ., էջ 85—86:

⁷⁷ АВПР, ф. «Канцелярия МИД», 1902 г., л. 14, л. 6.

նիստում այդ ժամանակ ղեռ չէր կարող մշակված լինել Իրանի նկատմամբ տնտեսական քաղաքականություն կոնկրետ ծրագիր, սակայն կարելի էր, այնուամենայնիվ, կանխատեսել, թե իրանական շուկա Գերմանիայի տնտեսական ներխուժման ինչպիսի հնարավոր ուղիներ կարող են լինել: Օստեն-Սակենը, օրինակ, իր վերոհիշյալ հաղորդագրության մեջ նշում էր այն գլխավոր ուղիները, որոնցով գերմանական առևտրական քաղաքականությունը ձգտում էր թափանցել Իրան: Գա Հյուսիս-արևմտյան Իրանն էր, հատկապես՝ Տրապիզոն—էրզրում—Բայազեդ ուղին և Պարսից ծոցը, որտեղ գերմանացիները ցանկանում էին իրենց ձեռքը վերցնել ժովային առևտրի մի մասը⁷⁸:

Տրապիզոն—էրզրում—Բայազեդ առևտրական ճանապարհով Իրան ներթափանցելու համար Գերմանիան որոշեց կարգավորել նրա տեխնիկական վիճակը և դրանով իսկ հնարավորություն ստեղծել Իրանի հյուսիսում մրցակցելու ուսական առևտրի հետ: Ընդ որում, այդ նպատակի համար Գերմանիան հույս ուներ լայնորեն օգտագործել ոչ միայն Թուրքական վաճառականներին, այլև Թավրիզում և Թեհրանում գոյություն ունեցող հոլանդական առևտրական գրասենյակները⁷⁹:

Այս շրջանում Պարսից ծոցը ևս դառնում էր գերմանացիների քաղաքական և տնտեսական ակտիվության կենտրոն: Այստեղ XIX դարի վերջերից սկսած հայտնվեցին գերմանական խոշոր «Վոնկհաուզ» ֆիրմայի գործակալները, որոնք առևտրի հետ միաժամանակ սկսեցին զբաղվել նաև ռազմական հետախուզությամբ, ղենքի մաքսանենդային վաճառքով և այլն⁸⁰: Այդ ֆիրմայի համբուրգյան վարչությունը կազմակերպեց իր բաժանմունքները Մոհամմեդաբադ, Ահվազ և Բանդար-Աբբաս նավահանգիստներում:

Իրանում գերմանական իմպերիալիզմի աճող ակտիվությունը արժանանում էր գաղութային քաղաքականության ջատագովներին չերմ հավանությունը: Այսպես, 1901 թ. Պաուլ Ռոհրբախը հրատար-

⁷⁸ Նույն տեղում, էջ 77—78:

⁷⁹ Նույն տեղում:

⁸⁰ Այս ֆիրմայի գործունեության մասին մանրամասն տե՛ս Eugene Staley, Business and Politics in the Persian Gulf; the story of the Wöneckhaus Firm. Political Science Quarterly*, 1933, № 48, p. 367—385.

րակեց մի աշխատութիւն «Պարսկաստանը և գերմանական շահերը» վերնագրով, որտեղ նկարագրում էր Իրանի տնտեսական, քաղաքական և ռազմա-ստրատեգիական նշանակութիւնը Գերմանիայի համար և կոչ էր անում ակտիվ քաղաքականութիւն մշակել նրա նկատմամբ⁸¹:

Ինչպես հայտնի է, 1903 թ. մարտի 5-ին կնքվեց գերմանա-թուրքական վերջնական կոնվենցիան Բաղդադի երկաթուղու վերաբերյալ: Գերմանական կապիտալը իր ձեռքն էր վերցնում Քոնիա—Ադանա—Մոսուլ—Բաղդադ—Բասրա ամբողջ գծի շինարարութիւնը: Այդ երկաթուղին ոչ միայն հնարավորութիւն էր տալու «պողպատյա շղթայով Օսմանյան կայսրութիւնը կապել Գերմանիային»⁸², իրագործել նրա գաղութակալական ծրագրերը Միջագետքի նկատմամբ, այլև թափանցել Իրան: Պանգերմանական գաղափարախոսները ցնծությամբ հայտարարում էին. «Բաղդադի երկաթուղին մեզ համար ճանապարհ կբացի դեպի Իրան և Աֆղանստան: Նա կլինի Բրիտանական Հնդկաստանի վրա կախված մի մերկացված սուր»⁸³: Հայտնի պանգերմանական հեղինակ Ալբրեխտ Վիրտը գրում էր, որ Բաղդադի երկաթուղին կփշրի Ասիայում Գերմանիայի առջև ստեղծված բոլոր արգելքները, որոնք կառուցված են Ռուսաստանի և Անգլիայի կողմից: Այն կնպաստի, որպեսզի գերմանական կուլտուրան տիրապետող լինի ողջ Ասիայում⁸⁴: Մեկ ուրիշ հեղինակ, Հենրիխ Վամբերին աշխատում էր ցույց տալ Բաղդադի երկաթուղու դերը ասիական երկրների և հատկապես Իրանի գերմանացման համար⁸⁵:

Գերմանական իմպերիալիստները երազում էին կազմակերպել մասձեղական ժողովուրդների միջինարևելյան հզոր մի միութիւն,

⁸¹ Paul Rohrbach, *Persien und die Deutschen Interessen*, Berlin, 1901.

⁸² H. Grothe, *Die Bagdadbahn und das schwäbische Bauernelement in Transkaukasien und Palestina, Gedanken zur Kolonisation Mesopotamiens*, München, 1902, S. 10.

⁸³ Г. Л. Бондаревский, *Багдадская дорога и проникновение германского империализма на Ближний Восток (1888—1903)*, Ташкент, 1955, стр. 46.

⁸⁴ Albrecht Wirt, *Die Lage in Indien und Iran*, „Preussische Jahrbücher“, 1899, № 98, S. 417—437.

⁸⁵ H. Vambery, *Die europäische Rivalität in Persien und die deutsche Bagdadbahn*, „Deutsche Rundschau“, 1900, № 103, S. 206—220.

որը բաղաբաղականացես և տնտեսապես պետք է կապված լիներ միջինեվրոպական գերմանական բլոկի հետ: Այս ծրագրի իրագործման առաջին նախապայմանը ևս դիտվում էր Բաղդադի երկաթուղու իրագործումը:

1883 թ. ցարական կառավարության կողմից եվրոպական ապրանքների անդրկովկասյան տրանզիտի փակումը գերմանական ձեռնարկատերերին հույս էր ներշնչում իրենց կողմը գրավել Իրանի ապրանքափոխանակության ղգալի մասը: Այդ նպատակով նախատեսվեց Բաղդադի երկաթուղու, այսպես կոչված, հյուսիսային տարբերակը, որը Անդորան կապելու էր էրզրումի հետ և այնուհետև Բալդեզի վրայով շարժվելու էր դեպի իրանական սահմանը⁸⁶:

Բաղդադի երկաթուղու շինարարության կապակցությամբ Գերմանիան հատուկ ուշադրություն դարձրեց իրանական այն շուկաների վրա, որոնք տնտեսական սերտ կապերով կապված էին Թուրքիայի հետ: Դրանք առաջին հերթին Իրանական Ադրբեջանն ու Քրդստանն էին: Բնական է, որ Թուրքիայում ունենալով կայուն տնտեսական զիրբեր, Գերմանիան ի վիճակի էր այդ շուկաները հեղեղել իր էժան արդյունաբերական ապրանքներով և հաջողությամբ մրցակցել Ռուսաստանի հետ: Ուշագրավ է, որ մինչև 1906 թ. Իրանի հետ առևտուր անող երկրների մեջ Թուրքիան սովորաբար գրավում էր հինգերորդ կամ վեցերորդ տեղը: Սակայն, երբ գերմանական կապիտալը սկսեց հատուկ ուշադրություն դարձնել իրանական շուկայի վրա, Թուրքիան Իրանի հետ առևտրում անմիջապես գրավեց երրորդ տեղը, զիջելով միայն Ռուսաստանին և Անգլիային: Ընդ որում, Թուրքական առևտրի հիմնական հողվածները բաղկացած էին գերմանական, մասամբ նաև ավստրիական ապրանքներից, այլ կերպ ասած, նա կատարում էր լոկ տրանզիտային միջնորդի դեր Գերմանիայի և Իրանի միջև⁸⁷: Սա անշուշտ վկայում էր այն մասին, որ գերմանական իմպերիալիզմի առևտրա-

⁸⁶ Siegmund Schneider, Die Deutsche Bagdadbahn, Wien und Leipzig, 1900, S. 23—24.

⁸⁷ А. Хацаб, Экономическое положение современной Персии и ее торговля с прочими странами. «Мир ислама», СПб., 1912, т. 1, № 2, стр. 161, 171; «Вестник финансов, промышленности и торговли», 1909, т. IV, стр. 611—612.

տնտեսական ներթափանցման գործում դեպի Իրան կարևոր դեր էր խաղալու օսմանյան Թուրքիան:

1904 թ. Լիսաբոնի միջազգային կոնգրեսի կողմից փոստային ծանրոցների վերաբերյալ ընդունած որոշումը գերմանացիների համար ուղի բացեց դեպի իրանական շուկա նաև Ռուսաստանի վրայով: Գերմանիան այն երկրներից էր, որը լայնորեն օգտագործեց այդ հնարավորությունը և փոքրածավալ փոստային ծանրոցների միջոցով սկսեց Իրան առաքել մեծ քանակությամբ ապրանքներ: Եթև 1901—1902 թթ. ընթացքում Իրանի հետ Գերմանիայի առևտրական շրջանառության գումարը կազմում էր 2,6 միլիոն դրան⁸⁸, ապա 1908—1909 թթ. այն աճեց ու հասավ 6,3 միլիոն դրանի: Իսկ 1911—1912 թթ. գերմանա-իրանական առևտուրը 1901—1902 թթ. համեմատությամբ ավելացավ ավելի քան 5 անգամ⁸⁹:

Իրանում Գերմանիայի առևտրա-տնտեսական ներթափանցման հետ միաժամանակ տեղի էր ունենում նաև քաղաքական և զաղափարական ներթափանցում: 1903 թ. սկսած Իրանական Ազգրբեջանում և Քրդստանի առավել խոշոր կենտրոններում՝ Սուլեյուլաղում, Սուլեյմանիեում, Սեննեում, Համադանում և այլն գերմանացիները սկսեցին կազմակերպել միսիոներական բարոզության կենտրոններ, ստեղծել կուլտուր-լուսավորչական և ֆիլանտրոպիկ հիմնարկություններ, ուսումնասիրել տեղական լեզուները, բարբերն ու սովորությունները և այլն⁹⁰:

Գերմանական իմպերիալիզմի արևելյան քաղաքականության ակտիվացումը հանգեցրեց նրան, որ Մերձավոր և Միջին Արևելքում հարված հասցվեց հավասարակշռության հին սխտեմին և իմպերիալիստական պետությունների գաղութային քաղաքականության մեջ սկսվեց միանգամայն նոր շրջան: Սրվեցին հակասությունները Ռուսաստանի և Գերմանիայի, Անգլիայի և Գերմանիայի, Ռուսաստանի և Անգլիայի միջև: Այս երեք պետություններից յուրաքան-

⁸⁸ Ղրանը պարսկական դրամական միավոր է:

⁸⁹ Ж. Я. Кассис, Экономическое положение современной Персии, Киев, 1915, стр. 144.

⁹⁰ АВПР, ф. «Персидский стол «Б», 1913, д. 61, л. 64.

չյուրը փորձում էր ամրապնդել իր դիրքերը և միաժամանակ խո-
րացնել հակասությունները մյուս երկու պետությունների միջև։
Գերմանական զիվանագիտությունը իր հաշիվները կառուցում էր
հիմնականում երկու մրցակից պետությունների՝ Անգլիայի և Ռու-
սաստանի հակասությունների վրա, միաժամանակ աշխատելով
նրանցից յուրաքանչյուրին հավատացնել, որ ինքը նրա բնական
դաշնակիցն ու բարեկամն է։ Օգտագործելով նշված տակտիկան,
գերմանական իմպերիալիզմը նաև աշխատում էր ուժեղացնել ան-
գլո-ռուսական փոխադարձ բախումները Մերձավոր և Միջին Արև-
վելքում, որը հնարավորություն կտար նրան հաղթահարել այդ եր-
կու պետությունների զիմադրությունը Բաղդադի երկաթուղու նա-
խագծի իրականացման հարցում։ «Երբ բրիտանացիներն ու ռուս-
ները կսկսեն կրճտել միմյանց,— գրում էր կայզեր Վիլհելմ II-ը,—
այնժամ մենք կկարողանանք Բաղդադի ճանապարհը դնել մեր զըր-
պանը»⁹¹։

Մերձավոր և Միջին Արևելքում գերմանական իմպերիալիզմի
ակտիվացումը մեծագույն անհանգստություն պատճառեց ինչպես
անգլիական, այնպես էլ ցարական կառավարող շրջաններին։ Անգ-
լիան առանձնապես մտահոգված էր Գերմանիայի թափանցումով
Պարսից ծոցի շրջանը, որովհետև նա ինքն էր ձգտում տիրանալ
Միջագետքին և Պարսից ծոցի ու Կարմիր ծովի ավազանում գտնը-
վող երկրներին՝ Քուվեյթին, Էլ-Խասային, Եմենին, Ասիրին, Հեջա-
զին և այլն, որոնք համարվում էին Օսմանյան կայսրության տի-
րապետությունները։

1903 թ. մայիսի 5-ին Անգլիայի արտաքին գործերի մինիստր
Լենդստունը լորդերի պալատում պաշտոնական հայտարարություն
արեց այն մասին, որ որևէ պետության փորձը Պարսից ծոցում ուղ-
մական հենակետ ձևեր բերելու ուղղությամբ Անգլիայի համար
կղիտվի որպես «կաղուս բելլի»։ Այդ հայտարարությունը Հնդկաս-
տանի փոխ-թագավոր լորդ Քերզոնը ամրապնդեց նույն թվականի
նոյեմբեր-դեկտեմբերին՝ բրիտանական ռազմաօդային ցուցադրա-
կան այցելություն կատարելով Պարսից ծոցի նավահանգիստները⁹²,

⁹¹ „Die Grosse Politik...“, Bd. 17, № 5213, S. 375.

⁹² P. Sykes, A history of Persia. vol. II, London, 1951, p. 379—380.

որը ուղղված էր ինչպես Գերմանիայի, այնպես էլ Ռուսաստանի դեմ: Միաժամանակ այսպես կոչված «միջինարևելյան» խմբավորման ճնշման տակ, 1903 թ. Բալֆուրի կառավարությունը հրաժարվեց անգլո-գերմանական համաձայնագրից, որը նախատեսում էր ինտերնացիոնալիզացիայի ենթարկել ապագա Բաղդադի մագիստրալը⁹³:

Այսպիսով, բրիտանական դիվանագիտությունը գերմանական, ինչպես նաև ռուսական դիվանագիտությանը հակադրեց այն ծրագիրը, որը ժամանակակիցների կողմից ընդհանրացվում է «Պարսից ծոցը բրիտանական լիճ է» խոսքերով:

Այս շրջանում անգլիական դիվանագիտությունը արդեն բազ գիտակցում էր, որ Պարսից ծոցի շրջանում Մեծ Բրիտանիայի գլխավոր հակառակորդը ոչ թե ցարիզմն է, այլ Օսմանյան կայսրությունը և նրա թիկունքում կանգնած գերմանական խմբերիալիզմը, որի «Բաղդադի» քաղաքականությունը ամրապնդում էր սուլթան-խալիֆի դիրքերը Օսմանյան կայսրության արաբական շրջաններում⁹⁴: Այդ պատճառով Անգլիան սկսեց գաղտնապես քաջալերել Օսմանյան կայսրության այն բոլոր ժողովուրդների ապստամբություններն ու անկախության ձգտումները, որոնք դժկամությամբ էին կրում արյունոտ թուրքական լուծը: Այդ քաղաքականությունը նպատակ ուներ նաև կանխել Թուրքիայի միջոցով Գերմանիայի կողմից պանիսլամիզմի բարոզությունը օգտագործելու հնարավորությունը իր միլիոնավոր մահմեդական բնակչություն ունեցող գաղութներում:

Բրիտանական կառավարության այս ելույթներից հետո գերմանական դիվանագիտությունը վճռականորեն աշխատեց սրել հակասությունները Թուրքիայի և Անգլիայի միջև: Այդ նպատակով Ռիխտհոֆենը հատուկ զրույց ունեցավ Բեռլինում թուրքական դեսպան Թեֆիկ փաշայի հետ, որին նա աշխատում էր համոզել, որ Քերդոնի ուղեւորությունը անխուսափելիորեն կհանգեցնի անգլիական դավիերի ուժեղացմանը Պարսից ծոցում և Թուրքիայի վիճակի բարդացմանը⁹⁵:

⁹³ Г. Л. Бондаревский, Багдадская дорога..., стр. 262—269.

⁹⁴ Г. Л. Бондаревский, Английская политика..., стр. 44.

⁹⁵ Г. Л. Бондаревский, Английская политика..., стр. 497.

1904 թ. Բաղդադի երկաթուղու առաջին տեղամասը արդեն ավարտվել ու շահագործման էր հանձնվել: Սակայն դժի շարունակումը հանդիպեց Անգլիայի ուժեղ գիմադրության⁶⁶, որովհետև Բաղդադի երկաթուղին կարող էր Սուեզից ամբողջապես շեղել Հարավային Իրանի ողջ առևտուրը և ուժգին հարված հասցնել բրիտանական իմպերիալիզմին: Անգլիան բացահայտորեն հասկացրեց, որ թույլ չի տա երկաթուղու հետագա առաջխաղացումը դեպի հարավ՝ Պարսից ծոցի ուղղությամբ: Իր հայտարարությունը գործնականում իրագործելու համար նա ամբապնդվեց Քուվեյթում և հայտարարեց, որ այլևս չի ճանաչում թուրքական սուլթանի գերիշխանությունը Քուվեյթի նկատմամբ և թույլ չի տա, որ որևէ այլ պետություն զավթի Քուվեյթը⁶⁷: Կանցլեր Ֆոն Բյուլովի դեռևս 1901 թ. արած այն նախատեսությունը, որ «Անգլիան ձգտում է Քուվեյթը կամ Բասրան զավթելու միջոցով խափանել Հնդկաստան տանող նոր կարճ ճանապարհի նշանակությունը»⁶⁸, միանգամայն արդարացավ:

Այսպիսով Գերմանական քաղաքականության ակտիվացումը Մերձավոր Արևելքում սրեց նաև անգլո-թուրքական հարաբերությունները:

Յարական կառավարությանը ևս լրջորեն անհանգստացնում էր Գերմանական էքսպանսիայի բուռն ծավալումը և, հատկապես, Բաղդադի երկաթուղու պրոբլեմը: Միանգամայն պարզ էր, որ նեղուցներին և Հայաստանի զավթման բոլոր աներսիոնիստական նախագծերը ի չիք էին դառնում գերմանական մերձավորարևելյան ծրագրի հետևանքով: Ռուսական դիվանագիտությունը քաջ գիտակցում էր նաև, որ Բաղդադի երկաթուղին կհզորացնի Թուրքիային, հնարավորություն տալով նրան անհրաժեշտության դեպքում կատարել զորքերի արագ մոբիլիզացիա⁶⁹, և իր իշխանությունը կայուն կիրպով ամրապնդել կայսրության արևելյան շրջաններում, որտեղ

⁶⁶ Dr. Afschar, La politique Europeenne en Perse, Berlin, 1921, p. 247.

⁶⁷ «Известия штаба Кавказского военного округа», № 13—14, Тифлис, 1906, стр. 21—22 (հետադաշում «ИШКВО»).

⁶⁸ А. Д. Новичев, Очерки экономики Турции до мировой войны, М.—Л., 1937, стр. 154.

⁶⁹ Dr. Afschar, նշվ. աշխ., էջ 248.

Քուրքիան միշտ էլ եղել էր համեմատաբար թույլ ու անզոր տեղական բնակչության անհնազանդության և հաղորդակցության ճանապարհների բացակայության պատճառով: Այն միաժամանակ դարեկտար Օսմանյան կայսրության ագրեսիվ ձգտումների ուժեղացմանը Անդրկովկասի և Իրանի նկատմամբ: Այդ առթիվ Բասրայում ռուսական հյուպատոս Կ. Իվանովը իր ղեկավարությանը գրում էր, որ «Բաղդադի երկաթուղին Քուրքիային կղարձնի մեզ համար շատ ավելի վտանգավոր ինչպես իր ուժով, այնպես էլ իր ազդեցությամբ Կովկասի մահմեդական բնակչության վրա, ստիպելով մեզ ևս զգալիորեն ավելացնել զորքերի թիվը և ռազմական ծախսերը»¹⁰⁰:

Սակայն Մերձավոր և Միջին Արևելքում ակտիվ քաղաքականություն վարելու հնարավորությունը Ռուսաստանի համար կասեցվում էր նրանով, որ նրան ոչ մի կերպ չէր հաջողվում զուրա գալ հեռավորարևելյան ճգնաժամից: Մանավանդ որ այդ ճգնաժամը խորացավ ու Ռուսաստանի համար բնորոշ սպառնալից բնույթի, երբ 1902 թ. Անգլիան դաշինքի մեջ մտավ Ճապոնիայի հետ: Այդ դաշինքով անգլիական կառավարող շրջանները ցանկանում էին մեկուսացնել ու թուլացնել Ռուսաստանին ոչ միայն Հեռավոր Արևելքում, այլև Մերձավոր ու Միջին Արևելքում:

Նման պայմաններում Ռուսաստանը ստիպված էր միառժամանակ ձեռնպահ մնալ Մերձավոր Արևելքում ակտիվ ելույթներից, հանդես գալ նրա ստատուս-քվոյի օգտին և սահմանափակվել լոկալ Անգլիայի և Գերմանիայի միջև հակասությունների սրման քաղաքականությամբ:

Նոր քաղաքական իրադրությունը ստիպեց Անգլիային և Ֆրանսիային ևս արմատապես վերափոխել իրենց դիրքերը Օսմանյան կայսրության նկատմամբ, հրաժարվել նրա տերիտորիալ ամբողջականությունը պահպանելու ավանդական քաղաքականությունից և այսուհետև հանդես գալ այն բաժանելու օգտին, որպեսզի Գերմանիային կանխեն ամբողջապես զավթելու հնարավորությունից:

Այսպիսով XX դ. սկզբին Մերձավոր և Միջին Արևելքում իմպերիալիստական պետությունների փոխադարձ հակասությունների

¹⁰⁰ «Записка по вопросу об организации изучения Ближнего Востока консула в Басре К. В. Иванова». «Материалы по изучению Востока». вып. I. СПб., 1909, стр. 88.

սրման հետևանքով Օսմանյան կայսրության համար ստեղծվել էր բարենպաստ վիճակ ոչ միայն կայսրության տերիտորիալ ամբողջականությունը հաջողությամբ պահպանելու տեսակետից, այլև արտաքին բաղադրականության բնագավառում ահաբեկ գիծ մշակելու համար: Պատահական չէ, որ հենց այս շրջանում, շնայած կայսրության ներքին կյանքի հեղհեղուկ և անկայուն վիճակին, Քուրբիայի կառավարող շրջանները եռանդուն կերպով սկսում են պրոպագանդել մահմեդական բուրժուազուրգներին միավորելու գաղափարախոսությունը գերագույն խալիֆի՝ սուլթան Աբդուլ Համիդ II-ի գլխավորությամբ: Աբդուլհամիդյան պանիսլամիզմը Քուրբիայի ֆեոդալական, ռեակցիոն, ազրեսիվ շրջանների զավթողական մտադրությունների զաղափարախոսությունն էր, որը հետապնդում էր նոր զավթումների միջոցով կայսրությունը ընդարձակելու մտադրություններ: Այն միաժամանակ ուղղված էր մահմեդական արևելքի ժողովուրդների ազգային-ազատագրական և դասակարգային պայքարի դեմ:

Պանիսլամիստներն առաջին հերթին իրենց հայացքն ուղղում էին Արևելք՝ Իրան, Աֆղանստան, Քուրբեստան, Հնդկաստան և այլն, երկրներ, որտեղ բնակվում էին միլիոնավոր մահմեդականներ: Նրանց մտայնության համաձայն XX դարում Օսմանյան կայսրության արտաքին բաղադրականության ծանրության կենտրոնը անխուսափելիորեն տեղափոխվելու էր Արևելք, որը երաշխիք կհանդիսանար նրա հետագա կենսունակության, բարգավաճման ու ծավալման համար: Պանիսլամիստների այս տեսակետը արժանանում էր անձամբ սուլթան-խալիֆի հավանությանը, հասնելով պետական բաղադրականության մակարդակի: Այդ բաղադրական գիծը շէր սահմանափակվում լուկ տեսական դատողություններով, այլ XX դ. առաջին տարիներից սկսած գործնականում իրագործվում էր կյանքում: Սուլթանական կառավարությունը հատկապես մշակել էր ազրեսիվ հարձակողական ծրագիր հարևան Իրանի դեմ, նպատակ ունենալով նրանից կտրել ու Օսմանյան կայսրությանը միացնել մի շարք տերիտորիաներ և առաջին հերթին Իրանական Ազրբեջանն ու Քրդստանը:

Նկատի առնելով շիրվմի դիմադրության ոգին «ուղղափառ» մահմեդականությանը՝ սուննիզմին և այն, որ ինքնուրույն պետա-

կան միավոր հանդիսացող Իրանը կզիմադրի և կամովին չի ճանաչի ինչպես սուլթանի համայն մահմեդականության գերագույն խալիֆ լինելու հանգամանքը, այնպես էլ Թուրքիայի քաղաքական գերիշխանությունը Իրանի նկատմամբ, պանիսլամիստները և օսմանյան կառավարող շրջանները գտնում էին, որ Իրանը խոչընդոտ է Թուրքական մեծ կայսրություն ստեղծելու՝ ճանապարհին, որ նա պատեն է մի կողմից Թուրքիայի, մյուս կողմից՝ Հնդկաստանի, Աֆղանստանի ու Թուրքեստանի միջև։ Եվ այդ պատճառով նրանց մեծագույն երազանքն էր ոչնչացնել այդ պատանեշը¹⁰¹։

1900 թ. սկսած սուլթանական կառավարությունը սկսեց բացահայտորեն հանդես բերել Թուրք-իրանական սահմանի ստատուս-քվոն խախտելու ձգտում։ Նախ Բաշկալայի մուֆեսսարիֆը զավթեց Ուրմիայի նահանգապետության մեջ մտնող Սերո և Սարթիկ գյուղերը¹⁰²։ Երկու տարի անց, 1902 թ. անցնելով իրանական սահմանը, Թուրքական կանոնավոր զորքերը փորձեցին գրավել ստրատեգիական կարևոր նշանակություն ունեցող Կազլիզիլ և Բելլյասուր բնակավայրերը։ Ընդ որում, հիմնովին քանդելով Բելլյասուրը, նրանք իրենց սահմանի մոտ հիմնեցին նոր գյուղ, որն անվանեցին Կիզիլկայա¹⁰³։

1904—1905 թթ. ռուս-ճապոնական պատերազմը սկսվելուց հետո Բ. Դուռը մեծագույն ուշադրությամբ հետևում էր Հեռավոր Արևելքում ծավալվող իրադարձություններին, որպեսզի Ռուսաստանի ռազմական անհաջողությունների զեպքում կարողանա որոշակի օգուտ բազել ստեղծված իրադրությունից։ Կորեայում և Լյաոդունյան թերակղզում ցարական զորքերի խոշոր պարտությունը ցնծություն առաջացրեց Օսմանյան կայսրության կառավարող շրջաններում։ Ստամբուլը անմիջապես հրամայեց երկրի արևելյան շրջանների զորքերին բերել մարտական պատրաստության վիճակի և մորբիլիզացնել նոր ուժեր, այդ թվում նաև համիդիե գնդերին։

Չորրորդ զորաբանակի հրամանատար Զեքի փաշային հրամայվեց զորքերը կենտրոնացնել ռուսական և իրանական սահմանների մոտ։ 1904 թ. ռուսական հյուպատոսները Թուրքիայից տադ-

¹⁰¹ «Мир ислама», СПб., 1913, т. II, вып. VIII, стр. 568.

¹⁰² АВПР, ф. «Персидский стол Б», 1912—1915, д. 142, лл. 106 об—107.

¹⁰³ ЦГВИА, «Турция», ф. 450, д. 142, лл. 123—123 об.

նապալից լուրեր էին ուղարկում Պետերբուրգ, հայտնելով, որ օր-ըստօրե զորքերի թիվը սահմանամերձ շրջաններում ավելանում է¹⁰⁴: Յարական կառավարության հարցմանը, բացատրել զորքերի այդ կենտրոնացումների նպատակը, Բ. Դուռը պատասխանեց, որ ըստ իր ունեցած հավաստի տեղեկությունների Անդրկովկասից և Իրանից պատրաստվում են Քուրբիա անցնել հայկական զինված ջոկատներ հայերի համընդհանուր ապստամբություն բարձրացնելու նպատակով, և որ իրենց պետության անվտանգության շահերը պահանջում են զորքերի կենտրոնացման միջոցով խափանել այն¹⁰⁵: Այս բացատրությունը ճշմարտանման դարձնելու համար թուրքական արտաքին գործերի մինիստրությունը լրացուցիչ հայտնեց, որ իբր մակեդոնական և կովկասյան հայկական կոմիտեների միջև գոյություն ունի պայմանավորվածություն համատեղ խռովություն բարձրացնելու վերաբերյալ¹⁰⁶: Թուրքական սահմանային գլխավոր կոմիսար Աբուկ Ահմեդ փաշան նույնիսկ փորձում էր համոզել ռուսական իշխանություններին, որ սահմաններում թուրքական զորքերի կենտրոնացումը միանգամայն համապատասխանում է Ռուսաստանի շահերին, որովհետև իբր թե անդրկովկասյան հայկական կոմիտեները որոշել են ռուսական կառավարության համար ստեղծել արտաքին բարդություններ, որպեսզի դաժանորեն վրեժ լուծեն ցարական կառավարությունից եկեղեցական գույքերի բռնագրավման և 1904 թ. Մուշի դեպքերին շմիջամտելու համար¹⁰⁷:

Այսպիսով «հայկական վտանգի» պատրվակի տակ թուրքական կառավարությունը խնամքով աշխատում էր թաքցնել իր ռազմական նախապատրաստությունների իսկական նպատակը: Ռուսական դիվանագիտությանը ապակողմնորոշելու նպատակով Ստամբուլը ներկայացրեց նաև մի այլ պատճառաբանություն, որ կառավարությունը մտադիր է ամենակարճ ժամկետում ճնշել արաբների ապստ-

¹⁰⁴ АВПР, ф. «Политархив», 1904, д. 1640, л. 62; ф. «Канцелярия МИД», 1904, д. 29, л. 499.

¹⁰⁵ ЦГВИА, «Турция», ф. 450, д. 142, лл. 57—58; АВПР, ф. «Канцелярия МИД», 1904, д. 29, л. 499; д. 26 лл. 170—174.

¹⁰⁶ ЦГВИА, «Турция», ф. 450, д. 142, л. 65.

¹⁰⁷ ЦГВИА, «Турция», ф. 450, д. 142, лл. 63—63 об.

տամբուլյուներ Եմենում և այդ պատճառով սահմանային շրջաններում կատարում է զորքերի տեղաշարժեր¹⁰⁸։

Ցարական որոշ շինովնիկներ, ինչպես կովկասյան ռազմական շրջանի շտաբի պետ գեներալ-մայոր Գրյազնովը, Ռիզևում փոխհյուպատոս Մաևսկին և ուրիշներ, հակված էին կարծելու, որ կովկասյան սահմանում Թուրքական զորքերի կենտրոնացման հիմնական մեղավորը անգլիացիներն են, որոնք լուրեր տարածելով, որ հայկական զինված ջոկատները պատրաստվում են անցնել սահմանը և Թուրքիայում բարձրացնել հայերի ապստամբություն, ստիպում են սովյանական կառավարությանը ձեռնարկել հակամիջոցներ։ Անգլիայի այդ քաղաքականությունը նրանք բացատրում էին նրանով, որ նա ցանկանում է, որ ռուսները շկարողանան իրենց զինված ուժերը լրիվ օգտագործել Հեռավոր Արևելքում և կամ ուժեղացնել Թուրքեստանի ռազմական շրջանի զինված ուժերը։ «Կարճ ասած, — եզրակացնում էին նրանք, — Անգլիային հարկավոր է Կովկասին գամել ռուսական կովկասյան զորքերը և այդ նպատակով Անգլիան աշխատում է օգտագործել հայկական հեղափոխական շարժումը»¹⁰⁹։

Ստամբուլում ռուսական դեսպան Ի. Ա. Զինովևը համաձայն չէր ցարական շինովնիկների այն տեսակետի հետ, որ իբր 1904—1905 թթ. հայկական հեղափոխական շարժումը Թուրքիայում «ամբողջապես» ղեկավարվում է անգլիացիների կողմից։ Նա գտնում էր, որ այդ շարժումը միանգամայն ինքնուրույն է¹¹⁰։ Գեսպանի այս գնահատելի առարկումը, որը հուշում էր ավելի զգաստ վերլուծության ենթարկել սահմանի այն կողմում ծավալվող իրադարձությունները, հաղորդվել էր կովկասյան ռազմական շրջանի շտաբ, բայց, քանի որ նրա պետը գտնվում էր առաջին տեսակետի ազդեցության տակ, ոչ մի ուշադրություն չգարձվեց Զինովևի հաղորդագրությունը։

Հետագա իրադարձությունները ցույց տվեցին, որ Թուրքիան ունի ինչ-որ լուրջ մտադրություններ և դրանք առաջին հերթին ուղղված են Իրանի դեմ։

¹⁰⁸ АВПР, «Канцелярия МИД», 1904, д. 29, л. 499.

¹⁰⁹ ЦГВИА, «Турция», ф. 450, д. 142, лл. 73, 76—76 об.

¹¹⁰ Նույն տեղում, Թ. 58։

1905 թ. սկզբին Բայազեդում, Վանում, Բազեշում, էրզրոսում, Տրապիզոնում և Թուրք-իրանական սահմանի մոտ գտնվող մի շարք այլ շրջաններում շարունակվում էր զորքերի մոբիլիզացիան: Ընդ որում, բացի ռեզիֆի (ռեզերվային բանակ) մոբիլիզացիայից, ուժեղացվում էին նաև նիզամի (մշտական բանակ) և համիդիենների զորամասերը: Միաժամանակ Թուրքական իշխանությունները որոշակի միջոցառումներ էին ձեռնարկում միմյանց նկատմամբ թշնամաբար տրամադրված բրդական ցեղերի առաջնորդներին հաշտեցնելու, բրդական զինված աշխարհազորներ (մուսթախֆիս) կազմակերպելու ուղղությամբ և այլն¹¹¹:

1905 թ. դարնանը սահմանի Բայազեդի հատվածում Թուրքական և իրանական բրդերի միջև սկսվեցին զինված բախումներ: Նախահարձակ եղան համիդիե յուզբաշի ցեղի բրդերը Միրզա աղայի գլխավորությամբ: Մի այլ համիդիե գունդ Այուբ խանի գլխավորությամբ ներխուժեց Մակուի խանություն սահմանները: Թուրքիան անմիջապես սահմանի այդ շրջաններում կենտրոնացրեց զորքեր¹¹²: Դժվար չէր կոահել, որ սահմանամերձ շրջանների բրդերի զինված բախումների կազմակերպիչը Թուրքական իշխանություններն էին, որոնք հող էին նախապատրաստում իրանական տերիտորիա կանոնավոր բանակի ներխուժման համար:

Թուրքիան հետևողականորեն ագրեսիվ քայլեր էր կատարում հատկապես Մակուի հարևան Ավաջիկ փոքր խանության նկատմամբ¹¹³, որն ուներ ստրատեգիական շափազանց կարևոր նշանակություն:

1905 թ. ամռանը Ագրբեջանի գեներալ-նահանգապետ Նիզամ-էս-Սալթանեի կողմից բրդական շեքքաթ ցեղի առաջնորդ Ջաֆար աղայի սպանությունը, որը հրաժարվում էր ենթարկվել շահական իշխանություններին, մեծ խլրտումների տեղիք տվեց իրանական բրդերի շրջանում: Բաղձաթիվ ցեղեր սկսեցին բացահայտորեն արտահայտել իրենց դժգոհությունը իրանական կառավարության նկատմամբ: Նրանից վրեժ լուծելու նպատակով, սպանված Ջաֆար աղայի հայրը՝ Մեհմեդ աղան մեկնեց Թուրքիա, որտեղ դաշինք

¹¹¹ Նույն տեղում, թ. 57:

¹¹² Նույն տեղում, թթ. 118—118՜:

¹¹³ «Отчет о поездке в Макинское ханство...», стр. 57.

կնքեց իր ցեղակից, համիրիե քրդական գնդի հրամանատար Շարիֆ բեկի հետ: Այդ դաշինքը արժանացավ սուլթանական կառավարության հավանությունը: Սուլթան Աբդուլ Համիդը անձամբ Մեհմեդ աղային հրավիրեց մայրաքաղաք¹¹⁴: Թուրքիայի քրդական ցեղերի շրջանում սկսվեց հակաիրանական բուռն շարժում¹¹⁵: Օսմանյան կառավարությունը աշխատում էր բորբոքել այդ շարժումը և սրել քրդական զանգվածների հակաիրանական տրամադրությունները: Մահմեդական քրդերի կրոնական ֆանատիզմը իր քաղաքական նպատակներին ծառայեցնելու և հակաիրանական շարժման մեջ ավելի մեծ թվով ցեղեր ներգրավելու նպատակով Թուրքիան քրդական շարժումն ուղղեց իր նախասիրած հունով՝ բրիտանոյա բնակչության կոտորածներ կազմակերպելով: Արևմտյան Հայաստանում ուժեղացվեց հակահայկական շարժումը:

Թուրքիան սկսեց էմիսարների միջոցով բուռն պանիսլամիստական պրոպագանդա մղել Իրանում, Անդրկովկասում և Կովկասում: Այդ պրոպագանդան ուներ շեշտված հակահայկական, ինչպես նաև հակառուսական բնույթ: Թուրքական կառավարությունը շէր սահմանափակվում լուրջ մահմեդականների վրա բարոյական ներգործության միջոցներով, այլ նրանց մատակարարում էր մեծ քանակությամբ նորագույն զենք ու զինամթերք: Անդրկովկասի հայ-ազրբեջանական բախումների ժամանակ Իրանական Ադրբեջանում թուրքական գործակալությունը ուժգին ազդեցիկ էր անում հայկական կոտորածներ հրահրելու միտումով: Թեև այդ ազդեցիկան չհասավ իր նպատակին, սակայն հրեությունը միանգամայն հատկանշական էր: Այդ առթիվ կովկասյան մամուլը գրում էր, որ «ենդ մահմեդական տենդենցներից շատերը, որոնք քաղաքացիության իրավունք են ստացել Թուրքիայում, համակրանք չեն գտնում Պարսկաստանում»¹¹⁶: Հատկանշական է, նաև, որ թուրքական գործակալներն աշխատում էին քուրդ սուլենիթների և մոշեռանդ ամբոխի կրքերը բորբոքել նաև շիիթական բնակչության դեմ: Այդ պատճառով սահմանամերձ շրջանների և հատկապես Սալմաստի շրջա-

¹¹⁴ Martin Bradford Garry, նշվ. աշխ., էջ 93:

¹¹⁵ «Тифлисский листок», 26 июля 1905 г.

¹¹⁶ Хан-заде, О персидских делах, «Тифлисский листок», 22 сентября 1905 г.

նի ադրբեջանական բնակչությունը ևս սկսեց մտնել Հայերի կազմակերպած ինքնապաշտպանության շնկատները¹¹⁷:

Թուրքիան աշխատում էր Իրանի դեմ ուղղված շարժման մեջ ընդգրկել ինչպես Օսմանյան կայսրության, այնպես էլ իրանական բրդերին: Բ. Գուլը Համիդիև հրամանատարներին և ազդեցիկ բերդական ցեղապետներին հրավիրում էր Ստամբուլ հատուկ հրահանգներ տալու համար¹¹⁸: Իսկ իրանական բրդերի մասին բրդական հարցի լավագույն գիտակ Վ. Մինոբսկին գրում էր. «Քրդերին վերաբերող բոլոր հարցերի հետ այս կամ այն կերպ կապված է Թուրքիան, որն աշխատում է բոլոր դեպքերում օգտվել իր հարևան Պարսկաստանի թուլությունից. դրա համար առանձնապես հարմար պատրվակ է բրդերի սուննիթ լինելը, որը պարտավորեցնում է նրանց հնազանդվել իրենց հոգևոր առաջնորդին՝ խալիֆ-սուլթանին»¹¹⁹: Ավելի հանգամանորեն անդրադառնալով Իրանի բրդական ցեղերից շատերի մոտ նկատվող պրոթուրբական տրամադրություններին Վ. Մինոբսկին մի այլ առիթով նշում էր. «Քրդերը Թուրքիայի նկատմամբ վերաբերվում են համակրանքով... Դրա գլխավոր պատճառն է. 1) կրոնի ընդհանրությունը, 2) այն, որ Թուրքիան ցանկանում է օգտվել իր հպատակ բրդերի ռազմունակ հատկանիշներից և շոյելով նրանց ինքնասիրությունը, ընդգրկում է համիդիև գնդերի մեջ. մինչդեռ Պարսկաստանը վախենում է նրանցից և հնարավորություն չունենալով տիրել, հենվել նրանց ուժերի վրա, բրդերի նկատմամբ վերաբերվում է անսքող անվստահությամբ՝ բավարարվելով միայն առանձին ցեղերի միջև բանասարկություններ բորբոքելով»¹²⁰:

Իրանի նկատմամբ Թուրքիայի աճող հետաբրբրության զրսևորումներից մեկն էր հանդիսանում նաև այն, որ Իրանական Աղբրբեջանում և Քրդստանում գնալով ալիլանում էր թուրքական պաշտոնական ներկայացուցիչների թիվը, չհաշված այն, որ ամբողջ

¹¹⁷ նույն տեղում:

¹¹⁸ Хан-заде, Брожение среди курдов, «Тифлисский листок», 19 июля 1905 г.

¹¹⁹ «Отчет о поездке в Макинское ханство...», стр. 18.

¹²⁰ «Сведения, собранные драгоманом ген. консульства в Тавризе Минорским во время поездки в Марату и район рек Джагату и Татаву в начале августа 1906 г.», «ИШКВО», Тифлис, 1907, № 20, стр. 41.

սահմանների երկայնքով վխտում էին գաղտնի գործակալները: Թուրքիան գլխավոր հյուպատոսություններ էր բաց արել Խոյուն, Թավրիզում, Սեննեում (Սեննեդեջ) և հյուպատոսություն Սուրբուլաղում: Բ. Դուռը փորձում էր շահական կառավարությունից թուլլուություն ստանալ մի շարք այլ վայրերում ևս հյուպատոսություններ բաց անելու կամ հյուպատոսական ներկայացուցիչներ ունենալու համար:

Անկարող լինելով կտրուկ միջոցներ ձեռնարկել Թուրքիայի կողմից Իրանի դեմ հրահրվող բրզական շարժման նկատմամբ, 1904—1905 թթ. շահական կառավարությունը Թեհրանում հավատարմագրված ուսական և անգլիական ներկայացուցիչների միջոցով անընդհատ խնդրում էր Պետերբուրգին և Լոնդոնին ճնշում գործադրել Բ. Դուռն և վրա: Բրիտանական կառավարությունը անմիջապես հանդես եկավ Իրանի պաշտպանի դերում, որովհետև դա նրան կարող էր բերել երկակի օգուտ. նախ կմեծանար անգլիական ազդեցությունը իրանական կառավարության վրա, որը կարելի էր ծառայեցնել երկրում տնտեսական ու քաղաքական նոր արտոնություններ ձեռք բերելու նպատակին և ապա կուժեղանար Անգլիայի կշիռը սահմանամերձ նահանգների բնակչության և մասնավորապես բրզերի շրջանում: Անգլիայի այդ քայլը պայմանավորված էր նաև նրա քաղաքականությունով, որը այդ շրջանում կրում էր շեշտված հակաթուրքական բնույթ: Ոչ պակաս կարևոր նշանակություն ուներ նաև այն հանդամանքը, որ Թուրքիայի կողմից Իրանին ներկայացվող տերիտորիալ հավակնությունները կարող էին սպառնալիքի տակ դնել սահմանամերձ դոտում առաջնակարգ նշանակություն ունեցող անգլիական տնտեսական և քաղաքական շահերը:

Չսահմանափակվելով Բ. Դուռն և վրա գիվանագիտական ճնշում գործադրելով, Անգլիան սկսեց իրանական բրզերին գրգռել Թուրքիայի դեմ, կաշռել համիդիե զնդերի հրամանատարներին և ազդեցիկ ցեղապետներին հակակառավարական ելույթներ կազմակերպելու համար և այլն¹²¹: Մյուս կողմից բրիտանական կառավարությունը փորձում էր օգտագործել ուս-թուրքական հարաբերությունների սրումը Թուրքիայի ուշադրությունը ամբողջապես Ռուսաս-

¹²¹ АВПР, ф. «Канцелярия МИД», 1904, д. 28, л. 321.

տանի կողմը ուղղելու մտադրությամբ: Ստամբուլի անգլիական դեսպանը աշխատում էր համոզել, որ Ռուսաստանի կողմից թուրքական կառավարությանը սպասվում է մեծագույն վտանգ, հետևաբար անհրաժեշտ է առաջին հերթին ամրապնդել թուրք-ռուսական սահմանը և հենց այնտեղ ավելացնել զորքերի թիվը¹²²: Թուրքական կառավարության աչքում անկեղծ երևալու համար անգլիացիները դարձյալ քաղաքական շահագրիտության առարկա դարձրին հայերին, Բ. Դուանը հավաստելով, որ իրենք այլևս մտադիր չեն որևէ ձևով նեցուկ հանդիսանալ արևմտահայերին: Որպես ապացույց Վանի անգլիական հյուպատոսը տեղեկություններ էր հավաքում հայկական կազմակերպությունների գործունեության և ծրագրերի մասին և դրանք հաղորդում թուրքական իշխանություններին¹²³:

Միանգամայն ակնհայտ էր, որ անգլիական կառավարող շրջաններն աշխատում էին Թուրքիայի հարվածն ուղղել բացառապես Ռուսաստանի դեմ, զերծ պահելով Իրանին ագրեսիայից:

Ինչ վերաբերում է ցարական Ռուսաստանին, ապա նա Իրանի դիմումների նկատմամբ բռնեց ծայրահեղ զրույշ դիրք, շցանկանալով Հեռավոր Արևելքում իր համար ստեղծված անբարենպաստ պայմաններում սրել հարաբերությունները Օսմանյան կայսրության հետ: Մյուս կողմից Ռուսաստանը աշխատում էր, որ Անգլիան չկարողանա ռուսական միջամտությունը թուրք-իրանական հարաբերություններին ծառայեցնել իր հակառուսական քաղաքականությանը: Այդ առթիվ ցարական արտաքին գործերի մինիստր Վ. Ն. Լամզդորֆը 1904 թ. սեպտեմբերին հետևյալ ցուցումն էր տալիս Թեհրանում ռուսական դեսպանորդ Շպեյերին: «Ռուսաստանի խնդիրն է Իրանը վերածել քաղաքականապես հնազանդ մի պետության, տնտեսական տեսակետից պահպանել ընդարձակ իրանական շուկան՝ այնտեղ ռուսական կապիտալներ ներդնելու համար, պահպանել Իրանի տերիտորիալ ամբողջականությունն ու անձեռնմխելիությունը և թույլ չտալ, որ որևէ երրորդ պետություն աստիճանաբար Իրանը ենթարկի իր ազդեցությանը: Այս խնդիրն ինքնըստինք-

¹²² Նույն տեղում, թթ. 321—322: ЦГВИА, «Турция», ф. 450, д. 142, лл. 14—16.

¹²³ АВПР, ф. «Канцелярия МИД», 1904, д. 26, лл. 128—129.

լան հեշտ չէ, և նրա իրագործումը հնարավոր է միայն ժամանակի ընթացքում: Այն առավել դժվարանում է նաև Անգլիայի՝ ասիական մայր ցամաքում մեր մշտական քաղաքական մրցակցի դեմ համառ պայքար մղելու անհրաժեշտությունը: Ինչ վերաբերում է սահմանային միջադեպերին, որոնք պարբերաբար ծագում են Քուրբիայի և Իրանի միջև, ապա, հետևելով մեր ավանդական քաղաքականությանը, մենք աշխատում ենք հարթել դրանք Քեհրանում և Կոստանդնուպոլսում անմիջական դիմումների միջոցով, առանց անգլիացիների որևէ մասնակցության»¹²⁴:

Չնայած կառավարության այս դիրքորոշմանը, ռուսական որոշ դիվանագետներ գտնում էին, որ անհրաժեշտ է քաղաքական լայն աշխատանք տանել իրանական քրդերի շրջանում, մասնավորապես նրանց մոտ արմատավորել ինքնավարության գաղափարը և ներշնչել պրոթուրբական տրամադրություններ ունեցող քրդական ցեղերին և ցեղային ավազանուն, որ նրանք ազգային-ոսասյակական տեսակետից տարբերվում են թուրքերից¹²⁵:

Այնուհանդերձ, անգլո-ռուսական փոխադարձ հակասությունները և դրանից բխող նրանց պատիվ դիրքը Օսմանյան կայսրության ազդեցիկ նկրտումների նկատմամբ, ինչպես նաև սուլթանական ռեակցիայի դաշինքը գերմանական իմպերիալիզմի հետ, ողջնշելու էին Աբգուլ Համիդ II-ին՝ իրականացնել իր պանիսլամիստական զավթողական ծրագրերը Իրանի նկատմամբ: Մյուս կողմից շահական կառավարության թուլությունն ու նրա դրսևորած անվճարականությունը իրանական տերիտորիայում քրդական ցեղերի պրոթուրբական շարժման և թուրքական դորձակալության հակաիրանական քայքայիչ գործունեության դադարեցման ուղղությամբ խրախուսելու էր օսմանյան կառավարությանը և ստեղծելու էր այն հաստատ համոզմունքը, որ Իրանի նկատմամբ իր զավթողական ծրագրերի կիրառումը չի հանդիպելու լուրջ հակահարվածի:

¹²⁴ «Царская Россия и Персия в эпоху русско-японской войны», «Красный архив», 1932, 4 (53), стр. 14—15, 32.

¹²⁵ «Записка по вопросу об организации изучения Ближнего Востока консула в Басре К. В. Иванова (по поводу отчета В. Ф. Минорского о поездке в Макинское ханство)». «Материалы по изучению Востока», вып. I, СПб., 1909, стр. 91.

Գ Լ Ո Ւ Խ Ե Կ Կ Բ Ո Ր Գ

ՕՍՄԱՆՅԱՆ ԿԱՅՄՐՈՒԹՅԱՆ ՆՎԱՃՈՂԱԿԱՆ ՔԱՂԱՔԱԿԱՆՈՒԹՅՈՒՆԸ
ԻՐԱՆՈՒՄ 1905—1908 ԹԹ. ԵՎ ՄԵՄ ՊԵՏՏՈՒԹՅՈՒՆՆԵՐԻ
ԳԻՐՔՈՐՈՇՈՒՄԸ

1905 թ. օգոստոսի 17-ին օգտվելով Լահիջանում ծագած մաքսային վեճից, գեներալ Մուհամմեդ Ֆադլի փաշայի հրամանատարությամբ գործող նախկին 6-րդ միջազետրյան զորաբանակը մասերիու հաղար թուրքահայտակ բրգերի ուղեկցությամբ ներխուժեց Լահիջանի շրջանը և համարյա չհանդիպելով դիմադրության, գրավեց Սուլջբուլաղի նահանգապետության մեջ մտնող մի շարք վայրեր¹: Թուրքական հրամանատարությունը հայտարարեց, որ Լահիջանի շրջանը պատմականորեն պատկանում է Թուրքիային²:

Իրանական իշխանությունները այս փաստը կարող էին մեկնաբանել որպես հասարակ սահմանային միջադեպ, եթե նրանց չհաջողվեր ձեռք բերել թուրքական ռազմական միջնատրի նամակը՝ ուղղված Իրանի ազդեցիկ բրգական ցեղապետներին, ուր ասվում էր, որ շուտով Իրանական Քրդստանում հայտնվելու են «Խալիֆի զորքերը»³: Այս փաստաթղթերից իրանական պաշտոնական շրջանների համար միանգամայն ակնհայտ դարձավ, որ Թուրքիան մտադիր էր պանիսլամիզմի դրոշի տակ Քրդստանի սուննիթ բնակչությանը ոտքի հանել շահական կառավարության դեմ:

¹ Yusub Hikmet Bayur, Türk inkilab Tarihi, Cilt II, kısım IV, Ankara, 1952, S. 86.

² АВІР, ф. «Посольство в Константинополе», 1904—1907 гг., д. 3541, лл. 21—22. «Մշակ», 7 դեկտեմբերի 1905 թ.:

³ Хан-заде, О перендских делах, «Тифлисский листок», 30 октября 1905 г.

Մինչև 1905 թ. դեկտեմբերը սահմանային գոտում Թուրքիայի կողմից նոր զավթումներ չկատարվեցին: Սակայն սահմանի մոտ շարունակվում էր զորքերի կենտրոնացումը: 1905 թ. նոյեմբերի վերջին սուլթանը հրամայեց բանակային շարքերը կորպուսի մուշիրին (զորքերի գլխավոր հրամանատար) Բաղեշի (Բիթլիսի) վիլայեթի զորքերը շարժել Մոսուլի վիլայեթ, Ռեանդուլից արևելք՝ իրանական Վեզնե և Փեսալե (Կալափասուլա) գյուղերի ուղղությամբ: Ստանալով սուլթանի հրամանը, մուշիրը դիմեց Բ. Դուանը խնդրելով, որ նկատի առնվի շարքերը կորպուսի Ֆինանսական ծանր վիճակը, ձմեռային արշավանքի հետ կապված դժվարությունները և զորքերի տեղաշարժը հետաձգվի մինչև գարուն: Բացի այդ, շարքերը կորպուսի կենտրոն էր դինջանի ղինվորական և քաղաքացիական իշխանությունները հայտնեցին սերասկերաթին (ուզմական մինիստրություն), որ չի կարելի Բաղեշի վիլայեթից հանել զորքերը: Սակայն այս առարկությունները չընդունեց Ստամբուլը: Կրկին ստացվեց սուլթանի հրամանը, որտեղ ասվում էր, որ զորքերի շարժման համար արվում է երկօրյա ժամկետ⁴: Անմիջապես շարքերը բանակային կորպուսից սահման ուղարկվեց նիզամի 8 գումարտակ, 2 լեռնային մարտկոց, համիդիե 4 գունդ, իսկ սահմանապահ գումարտակներն ուժեղացվեցին մոտ 700 մարդով: Բաղեշի վիլայեթից Մոսուլ մեկնած զորամասերի ընդհանուր հրամանատարությունը դրվեց գեներալ Աբիֆ բեյի վրա: Իսկ Բաղդադում տեղավորված վեցերորդ բանակային կորպուսի կազմից Վեզնե, Լահիջան և Միրիան ուղարկվեցին 46 և 47-րդ գնդերի 2-րդ և 4-րդ գումարտակները և մեկ լեռնային մարտկոց: Միաժամանակ Մուշից Բաղեշ ժամանեց 32-րդ հետևակային գնդի 4-րդ գումարտակը, որ պետք է մեկներ Սեերթ—Ջեզիրե—Ջահոն—Ռեանդուլ և ապա Վեզնե⁵:

Էրզրումում գլխավոր հյուպատոս Սկրյարինը արտաքին գործերի մինիստրությանն ուղղած իր գաղտնի հաղորդագրության մեջ հայտնում էր, որ նախատեսվում է Վեզնեում կենտրոնացնել մոտ մեկ դիվիզիա (16 գումարտակ), որի կեսը՝ Բաղդադի 6-րդ կորպուսից⁶:

⁴ ЦГВИА, «Турция», ф. 450, д. 142, лл. 132 об—133, 163, 172 об.

⁵ Նույն տեղում, թթ. 126, 132—132 հ., 147—148, 163, 168:

⁶ Նույն տեղում, թ. 142:

Թե ինչպիսի մեծ նշանակություն էր տրվում այս արշավանքին, երևում է թեկուզ այն բանից, որ ուղղմական մինիստրությունը բարձրացնում էր այն սպաների զինվորական աստիճանը, որոնք կամովին համաձայնություն էին ավել մեկնել իրանական սահմանը⁷:

1905 թ. զեկտեմբերին թուրքական զորքերն անցան իրանական սահմանը և սկսեցին «լիճելի» և նույնիսկ անլիճելի տերիտորիաների գրավումը: Առաջին հերթին նրանք զավթեցին Վեզնեն, Փեսավեն և այնուհետև շարժվեցին զեպի հյուսիս և արևելք: 1906 թ. փետրվարի վերջերից թուրքական կառավարությունը սկսեց ուժեղացնել Իրանում գանվոզ իր զորքերը, նրանց թիվը հասցնելով մինչև 10 հազար մարդու (այլ տվյալներով մինչև 15 հազարի)⁸:

Թուրքական զորքերի ագրեսիան անլիճելիորեն վկայում էր, որ Աբգուլ Համիդի կառավարությունը ծրարել էր զավթողական լայն քաղաքականություն Իրանում: Որոնք էին, սակայն, այդ քայլին դիմելու գրդապատճառները: Նախ՝ Թուրքիան մտադիր էր ընդարձակել կայսրության սահմանները իր արևելյան հարևանի հաշվին, մասնավորապես, զավթել Իրանական Քրդստանն ու Ագրբեջանը և իր քաղաքական գերիշխանության տակ իրագործել այդ շրջանների միավորման վերաբերյալ Աբգուլ Համիդ II-ի պանիսլամիստական ծրագիրը: Այդ մասին Իրանում ռուսական պրակտիկ գործիչներից մեկը գրում էր. «Թուրքիայի ձգտումը՝ ընդարձակվել Իրանի հաշվին, կարմիր թելի պես անցնում է այդ երկու հարևան պետությունների պատմության միջով: ... Թուրքիան միշտ էլ օգ-

⁷ Նույն տեղում, թ. 148: Բաղեշի ռուսական փոխ-հյուպատոս Շիրրովը հայտնում էր, որ զորքերի տեղափոխությունը կատարվում էր ձմեռային անասելի ծանր ու դժվարին պայմաններում: «Ջողատը ձանապարհին սպանում էր մեծ քանակությամբ եղջերու և ոչխարներ, որոնք պատկանում էին հայերին. զինվորական շներերը տաքացնելու համար օգտագործվում էր գլուղերի բնակիչների ձմեռվա համար պատրաստած փայտը, իսկ երբ չէր գտնվում փայտ, այրում էին սահնակները, աթոռները և այլ փայտյա տնային կահ-կարասիք: Չյուսով ծածկված ձանապարհը մարբելու համար իշխանություններն օգտագործեցին Մուշի հովտի գլուղերի հայերին և 150 բրդերի: Բացի այդ հայերը կատարում էին բեռների փոխադրություն և Մուշից մինչև Բիթլիս քարշ էին տալիս հրանոթներով բեռնավորված սահնակները»: (Նույն տեղում, թթ. 163—164):

⁸ «Сведения, собранные драгоманом...», стр. 37.

տըվել է Իրանի թուլությունից՝ վերջինիս հաշվին իր տերիտորիայի
ընդարձակման համար»⁹։

Այնուհետև, դիմելով արտաքին դավթումների քաղաքականու-
թյան, սուլթանական կառավարութունը հույս ուներ բորբոքել
կայսրության մահմեդական բնակչության ռազմաշունչ ոգին և
միառժամանակ շեղել նրա ուշադրությունը իր սոցիալ-տնտեսա-
կան ծանր կացությունից։

1905 թ. ռուսական հեղափոխության ազդեցության տակ Օս-
մանյան կայսրությունում ծայր էին առել ազգային-ազատագրա-
կան և սոցիալական բնույթի բուռն շարժումներ արգուհամիդյան
բռնակալական կամ «զուլյումի» վարչակարգի դեմ։ Ազգային և
սոցիալական ճնշման դեմ պայքարի դուրս եկան հայերը¹⁰, Մակե-
դոնիայի և արաբական վիլայեթների ժողովուրդները¹¹ և այլն։ Ան-
հանգիստ վիճակ էր նաև թուրք-իրանական սահմանի մոտ, որտեղ
հաճախակի տեղի էին ունենում տեղական քրդական բնակչության
հարձակումներ թուրքական զինվորների վրա¹²։ Դերսիմում, Բայա-
զեդում և Բազեշում կրկին սկսվեցին քրդական շարժումներ։ Կա-
ռավարության ծանր հարկային լծից ազատվելու համար քրդերը
մասսայաբար սկսեցին տեղափոխվել Իրան։ Հուլումներ սկսվեցին
նաև Կենտրոնական Անատոլիայի թուրքական բնակչության մեջ։
Նույնիսկ մայրաքաղաքում նավատորմի սպաներն ու նավաստի-
ները 1906 թ. հունվարին ապստամբելով կառավարության դեմ,
ցույց կազմակերպեցին ուղղակի սուլթանի պալատի առջև¹³։

Սուլթանական կառավարության համար այս շարժումները առա-
վել սպառնալից էին դառնում, որովհետև հաճախ բռնակալության դեմ
պայքարը միավորում էր տարբեր ժողովուրդների։ Այսպես, 1905 թ.
Դերսիմի քրդերի ապստամբությունը պաշտպանութուն գտավ շեր-
ջակա հայ բնակչության կողմից, Հարավային (կամ Իրաքյան)

⁹ ЦГИА Грyз. ССР, ф. 521, оп. 2, д. 511, л. 13 об.

¹⁰ Արևմտյան Հայաստանում հայկական հուլումների կենտրոններ էին վանի,
Բազեշի վիլայեթները և Սասունի շրջանը։ Տե՛ս ЦГВИА, ф. 2000, оп. 1, д. 1003,
лл. 3—3 об.

¹¹ Նույն տեղում։

¹² ЦГВИА, ф. 2000, оп. 1, д. 1003, л. 1 об.

¹³ «Մշակ», 14 հունվարի 1906 թ., էջ 3։

Քրդստանում քրդերը պայքարի ելան արաբների հետ համատեղ, կայսրութեան արևելյան և արևմտյան վիլայեթների ժողովուրդների միջև փորձեր էին կատարվում կապեր հաստատել համատեղ և միաժամանակյա ելույթների համար և այլն:

Երկրի ներսում սահմանադրութեան կողմնակիցների ջախջախումը դեռևս երաշխիք չէր, որ իսպառ վերացել են առաջադիմական մտքերի ու գաղափարների ապագա վերածննդի հնարավորությունները: Թեև սուլթանը դաժան հալածանքների էր ենթարկում և ֆիզիկապես ոչնչացնում էր իր բոլոր քաղաքական հակառակորդներին, անկախ նրանց ազգությունից և կրոնական պատկանելությունից, սակայն ընդդիմադիր ուժերը շարունակում էին ակտիվորեն գործել թե՛ բուն Թուրքիայում և թե՛ արտասահմանում:

Հեղափոխության ալիքը ներխուժեց Թուրքիա ոչ միայն Ռուսաստանից, այլև հարևան Իրանից: Ահաբեկված թուրքական կառավարող շրջանները աշխատում էին ելք գտնել ստեղծված վիճակից: «Ասիայի զարթոնքի» դարաշրջանում Արևելքի մահմեդական երկրներից Իրանը առաջինն էր, որ ընդվզեց միապետական-բռնակալական կարգերի դեմ: 1905 թ. գարնանը Իրանում սկսվեցին հեղափոխական խմորումներ, որոնք հետագայում բնորոշեցին կազմակերպված շարժման բնույթը:

Բնականաբար Իրանում տեղի ունեցող հեղափոխական իրադարձությունները չէին կարող իրենց արձագանքները չունենալ հարևան Թուրքիայում: Այդ պատճառով սուլթանը որոշեց ջախջախել հեղափոխական շարժումն Իրանում և թույլ չտալ նրա ներթափանցումը Թուրքիա: Պատահական չէ, որ թուրքական ազրեսիան ծավալվեց 1905 թ. նոյեմբեր-դեկտեմբերին, երբ Իրանում արդեն տեղի էին ունենում բուն իրադարձություններ:

Ձեռնամուխ լինելով Իրանի նկատմամբ ազրեսիվ քաղաքականության, Օսմանյան կայսրությունը ձգտում էր խոչընդոտել Ռուսաստանի ազդեցության ուժեղացումը Հյուսիսային և Հյուսիս-արևմրտյան Իրանում: Վերջին տասնամյակի ընթացքում Ռուսաստանի ազդեցության ու կշռի խիստ մեծացումը Իրանական Ազրբեջանում ու Քրդստանում վերին աստիճանի մտահոգում էր Թուրքիայի կառավարող շրջաններին: Մի շարք քաղաքներում (Խոյ, Ուրմիա, Քերմանշահ և այլն) բացվել էին ռուսական հյուպատոսություններ

և ուղղափառ միսիաներ (Ուրմիա), տեղական բնակչության, այդ թվում նաև քրդերի, ասորիների մեջ նկատվում էր ռուսասիրական ձգտումների ուժեղացում, նախատեսվում էր մի շարք վայրերում հիմնել ռուսական հաշվառու-վարկատու բանկի բաժանմունքներ և անցկացնել հեռագրական դժեր, կառուցվում էին խճուղային ճանապարհներ և, վերջապես, նախագծվում էր Զուլֆա—Թավրիզ—Ուրմիա երկաթուղին¹⁴, որը մեծապես նպաստելու էր Իրանական Ադրբեջանի տնտեսական յուրացմանը: Այս բոլոր փաստերը, իհարկե, չէին կարող աննկատ մնալ Թուրքիայում:

Թուրքական ազրեսիան Իրանում հետապնդում է նաև ռազմաքաղաքական և ստրատեգիական նպատակներ. այդ մասին ռուսական դիվանագետները գրում էին. «Վիճելի գոտու նկատմամբ Թուրքիայի քաղաքականության մեջ տեղի ունեցած փոփոխությունը պատահական չէ, այն, ըստ երևույթին, նախապատրաստվում էր վաղուց, այդ գոտու կարևոր ստրատեգիական նշանակության պատճառով: Թուրքիայի այդ քաղաքականությունը նպատակ ունի հակակշիռ ստեղծել վերջին ժամանակներս Ադրբեջանում Ռուսաստանի ազդեցության խիստ մեծացման դեմ, որն արտահայտվում է նրանով, որ տնտեսապես նվաճվում է պարսկական այդ նահանգը, Անդրկովկասի և Պարսկաստանի սահմանների մոտ անց են կացված ճանապարհներ, բացվել են նոր հյուպատոսություններ և այլն»¹⁵:

1900—1905 թթ. ընթացքում Ռուսաստանը պատրաստվում էր երկաթուղի անցկացնել Մարանդ—Թավրիզ ուղղությամբ և Մարանդից առանձին գիծ տանել դեպի Խոյ: Այդ նախագծերը խիստ անհանգստացնում էին թուրքական կառավարությանը: Նրանք մտածում էին, որ վերոհիշյալ նախագծերի իրականացումից հետո Ռուսաստանը չի հապաղի շարունակել երկաթուղու կառուցումը դեպի Ուրմիա և ապա դեպի Միջագետք¹⁶: Պատահական չէ, որ վանի ռազմական շրջաններում խոսում էին, որ սահմանային հարցը կրկին

¹⁴ ЦГВИА, ф. 2000, оп. 1, д. 1020, л. 19.

¹⁵ «Штаб Кавказского военного округа». Сводка сведений о сопредельных странах, добытых разведкой за время с 15 июня по 15 июля 1911 г., № 3, Тифлис, 1911, стр. 26.

¹⁶ ЦГВИА, ф. 2000 с, оп. 1, д. 7719, л. 180.

բարձրացված է, որովհետև Ռուսաստանը պատրաստվում է երկաթուղային գծեր անցկացնել Իրանական Ազրբեջանում, որը խիստ անշահավետ ու վտանգավոր է Թուրքիայի համար¹⁷: նույնիսկ տեղեկություններ կային, որ Սամբուլը ձնշում է գործադրել շահական կառավարության վրա, պահանջելով մերժել Ռուսաստանի երկաթուղային շինարարության նախագծերը, սակայն համոզվելով, որ իրանական կառավարությունը ուշադրություն չի դարձնում այդ հարցին, որոշել է բռնի ուժով ստիպել նրան կատարելու իր պահանջը¹⁸:

Յարական քաղաքական գործիչների կարծիքով Իրանում Ռուսաստանի երկաթուղային նախագծերը ի չիք դարձնելու համար Թուրքիան որոշել է զավթել ռազմական կարևոր նշանակություն ունեցող իրանական սահմանային տերիտորիայի մի մասը:

Իրանի ռազմա-տնտեսական թուլությունը Օսմանյան կայսրության համար երաշխիք էր, որ նրա ազդեցիկ-զավթողական քաղաքականության ծավալումը չի հանդիպի լուրջ դիմադրության և երբեք չի ունենա ծանր հետևանքներ:

XX դ. սկզբին Իրանը նշանակալիորեն կորցրել էր իր ազգային անկախությունն ու ինքնուրույնությունը, վերածվելով տիպիկ կիսազաղութային երկրի: Շահը, նրա մինիստրներից շատերը, նահանգապետներն ու ֆեոդալական խաները վերածվել էին իմպերիալիստական պետությունների գործիքի: Շահական իշխանության թուլացումը ուղեկցվում էր ծայրամասերում ֆեոդալների անջատվողական ձգտումների ուժեղացմամբ, որոնք ամեն կերպ խրախուսվում էին իմպերիալիստական պետությունների կողմից: Նահանգական իշխանությունը կենտրոնացվում էր առանձին նահանգների գեներալ-նահանգապետների ձեռքերում, որոնք բնակչությունից հարկերի դանձումը իրագործում էին անկանոն հեծելազորի ավագակային պատժիչ ջոկատների օգնությամբ¹⁹:

Շահական զորքերը միանգամայն անմարտունակ էին: Դեռևս XIX դ. արված բոլոր փորձերը, վերակազմակերպել բանակը և ստեղծել եվրոպական տիպի զինված ուժեր ավարտվեցին անհա-

¹⁷ ЦГВИА, ф. 2000, оп. 1, д. 1009, лл. 6 об—7.

¹⁸ Նույն տեղում, ք. 75:

¹⁹ Н. П. Мамонтов, Очерки современной Персии, СПб., 1909, стр. 63.

շողությամբ: XX դ. սկզբին իրանական բանակը բաղկացած էր հետեւյալ միավորներից, կանոնավոր զորքեր (նիզամ), անկանոն զորքեր (ղեյրե նիզամ) և աշխարհազոր (շարիքներ): Կանոնավոր բանակի մեջ մտնում էին հետեւակը (փիյազ), հրետանին (թուփյանն) և հեծելազորը (սավար):

Թեև շահական կառավարությունը իր կանոնավոր բանակի թիվը հաշվում էր 80 ֆուջ (գումարտակ)²⁰, սակայն այդ թիվը գոյություն ուներ միայն թղթի վրա: Իրականում կար 26—27 ֆուջ²¹: Ռազմական ծառայության ոչ մի որոշակիորեն սահմանված կարգ գոյություն չունեի: Նույնիսկ օրենքով որոշված չէր զորակազման տարիքը:

Իրանական բանակի շարքերում 80—90-ամյա ծերունիների հետ կողք-կողքի կարելի էր տեսնել 16-ամյա պատանիներին: Ֆուջներում 800-ի փոխարեն գոյություն ուներ հազիվ 100—200 մարդ: Կառավարությունը բանակի վրա ծախսում էր շնչին գումարներ: Սպաներն ու զինվորները աշխատավարձ չէին ստանում, որը հաճախ զինվորական խոռվությունների պատճառ էր հանդիսանում: Զինվորները կաշառքի միջոցով ազատվում էին ծառայությունից և զբաղվում զանազան գործերով. ոմանք գրամափոխությունամբ, մանր առևտրով, իսկ ոմանք էլ ուղղակի դառնում էին այս կամ այն մեծահարուստի մոտ դռնապան կամ ծառա²²: Նրանց աշխատավարձը սովորաբար գրպանվում էր բարձր սպայության կողմից: Սարբազները զինված էին վերնդելի և կրիկի հնացած և հաճախ ժանգոտված հրացաններով: Բանակում ծառայելու օրենքը տարածվում էր միայն շիրթ մահմեդականների վրա, իսկ այլազավաններն ու քաղաքաբնականները ազատվում էին զինվորական ծառայությունից²³: Այդ ծանրությունը ամբողջապես ընկնում էր ազբատ գյուղերի վրա, որովհետև հարուստ գյուղերը փրկագինով ազատվում էին ծառա-

²⁰ Ֆուջը բաղկացած էր 800—1000 մարդուց:

²¹ ЦГВИА, ф. 2000, оп. 1, д. 1027, лл. 16—40.

²² Л. Ф. Богданов, Персия в географическом, религиозном, бытовом, торгово-промышленном и административном отношении, СПб., 1909, стр. 124.

²³ М. П. Павлович, Казачья бригада в Персии. (Из истории персидской контрреволюции), «Новый Восток», 1925, № 8—9, стр. 178.

յությունից: Բանակի կրտսեր սպայական կազմի ընտրության իրավունքը տրվում էր բարձր սպայական կազմին, որի համար դա ևս զրամ կորդելու միջոց էր: Գոյություն շուներ նաև զինվորական աստիճաններ շնորհելու որոշակի կարգ: Հաճախ զինվորական ծառայության մասին ոչ մի գաղափար չունեցող մարդիկ միանգամից ստանում էին սուլթանի (վաշտի հրամանատար), սարհանգի (զընդապետ) և նույնիսկ սարթիբի (գեներալ) կոչում: Յուրաքանչյուր հարուստ բեկ կամ խան կարող էր գնել գեներալի աստիճան. զրա համար պահանջվում էր ռազմական մինիստրության գանձարանը մուծել 2000 թուման²⁴: Բանակում ամենուրեք իշխում էր կաշառակերությունը: Միջոցների զգալի մասը յուրացնում էին ռազմական մինիստրը և բարձրաստիճան սպաները: Մինիստրից մինչև ամենաստորին սպաները իրենց պաշտոնները ստանում էին կաշառքի օգնությամբ²⁵: Թեհրանում գոյություն ունեին երկու զինվորական գպրոցներ, որոնք հիմնադրվել էին ղեռևա նասր-էդ-Գին շահի կողմից և կոչվում էին «Նասիրիյե» և «Դար-օլ-Ֆոնուն»: Սակայն այդ գպրոցները չունեին ոչ մի որոշակի ծրագրեր: Նրանք ավելի շուտ պատրաստում էին զինվորական նվագախմբերի ղեկավարներ, բան թե հետևակի և հրետանու սպաներ²⁶:

Անկանոն զորքերը կազմվում էին երկրի իլլյաթ (քոչվոր) բնակչությունից: Կառավարության պահանջով քոչվոր ցեղերի առաջնորդները պարտավոր էին հատկացնել որոշակի քանակությամբ զինված հեծելազորայիններ, որոնց սպառազինության բոլոր ծախսերը հոգալու պարտականությունը ընկած էր ցեղապետների վրա²⁷: Այդ պատճառով վերջիններս աշխատում էին խուսափել, կամ հաճախ ուղղակի հրաժարվում էին կառավարությանը հատկացնել զինված ջոկատներ: Իսկ կառավարությունը այն աստիճանի թույլ էր, որ ի վիճակի չէր միջամտելու նույնիսկ ամենաթույլ թայֆաների ներքին գործերին: Ավելին, իմանալով, որ այդ թայֆաները ունեն համեմատաբար կուռ ռազմական կազմակեր-

²⁴ Л. К. Артамонов, Северный Азербайджан, Тифлис, 1890, стр. 58.

²⁵ М. Карнаухов, Кавказ, Турция и Персия. Военно-статистические очерки, Тифлис, 1908, стр. 23.

²⁶ ЦГВИА, ф. 2000 с, оп. 1, д. 1024, лл. 12—12 об.

²⁷ ЦГВИА, ф. 2000 с, оп. 1, д. 1027, лл. 32 об—33.

պուլթյուն, ցեղային արչունակցական հիմքի վրա հիմնված կարգապահություն, բարձր մարտական ոգի և վաղուց լինված են ժամանակակից ղենքով, շահական կառավարությունը աշխատում էր նրանց անհնազանդության դեպքում խուսափել իր կանոնավոր զորքերի և այդ ուղմաշունչ հեծելազորայինների բախումներից:

Իրանում միակ մարտունակ և կարգապահ ուղմական ուժը, այսպես կոչված, պարսկական կաղակալին բրիգադն էր, որը 1879 թ. կազմակերպել էին ռուսները և գտնվում էր ռուսական սպաների հրամանատարության տակ: Սակայն այն կատարում էր միայն արքունական պահակախմբի դեր և կոչված էր ճնշելու ներքին խռովություններն ու հակակառավարական ելույթները:

Ուսումնասիրելով իրանական բանակի վիճակը, ռուսական սպա Մ. Կարնաուխովը եզրակացնում է, որ այն «ի վիճակի չէ վաբելու ուղմական գործողություններ»²⁸: Եվ իսկապես, երբ թուրքական զորքերը գրավեցին Լահիջանը, շահական կառավարությունը ոչ միայն ի վիճակի չեղավ զավթիչների դեմ հանել զորքեր, այլև սահմանից հեռացրեց այնտեղ գտնվող ջոկատներին, վախենալով, որ նրանց նկատմամբ ձեռք բերած հեշտ հաղթանակով թուրքերը «շահնշահին կդնեն ծիծաղելի գրության մեջ»²⁹:

Սակայն Իրանի ներքին իրադրության կենտրոնական պոքրւնմը երկրի ֆինանսական սիստեմի ողբալի վիճակն էր: XX դ. սկզբին պետական բյուջեն ուներ տարեկան մոտ երեք միլիոն թումանի ճեղքվածք³⁰: Ստեղծվել էր այնպիսի վիճակ, երբ պետական մեխանիզմը կարող էր գործել միայն արտաքին փոխառությունների օգնությամբ: Դրա հետևանքով էլ ավելի էր ուժեղանում Իրանի կախվածությունը Անգլիայից և Ռուսաստանից, որոնք հնարավորություն էին ստանում միջամտելու այդ երկրի ներքին գործերին: Իրանի տնտեսության մեջ հետամնաց ֆեոդալական հարաբերությունների տիրապետությունը, նրա միջնադարյան քաղաքական վարչակարգը, երկրի ֆեոդալական տրոհվածությունն ու խոշոր ֆեոդալների անջատվողական ձգտումները, շահական իշխանու-

²⁸ М. Карнаухов, Кавказ, Турция и Персия, стр. 31.

²⁹ ЦГВИА, ф. 2000 с, оп. 1, л. 1027, л. 29.

³⁰ احمد كسروی، تاریخ مشروطه ایران، ج ۱، طهران، ۱۳۱۹، ص ۲۸۱

Յյունների և նահանգապետների կամայականություններն ու բնությունները իրանական պետությունը դատապարտում էին հետագա անկման ու քայքայման:

Միանգամայն հասկանալի է, որ զաջարական պետության տրնտեսական ու քաղաքական այսպիսի սուր ճգնաժամի պայմաններում Իրանի տերիտորիալ ամբողջականությունն ու ինքնուրույնության վրա կախվելու էր մեծագույն սպառնալիք:

Իրանում իր ազդեցիվ քաղաքականությունը իրագործելու ճանապարհին Քուրբիան որևէ դիմագրություն չէր տեսնում նաև մեծ պետությունների կողմից: Քուրբական դիվանագիտության հարուստ փորձը հուշում էր, որ Անգլիան ու Գերմանիան անպայման շահագրքաված կլինեն Ռուսաստանի թուլացման մեջ, իսկ Գերմանիան արդեն մեկ տասնամյակից ավելի հանդես էր գալիս Աբդուլ Համիդի պանիսլամիստական ծրագրերը խրախուսողի դերում:

Բրիտանական կառավարությունը հենց սկզբից անտարբեր դիրք գրավեց Քուրբիայի ազդեցիվ նկրտումների նկատմամբ, համոզված լինելով, որ նրա հարվածը գերապանցապես ուղղված է Ռուսաստանի և Իրանում ռուսական ազդեցության դեմ: Ֆորին Օֆիսը նույնիսկ հակված էր ենթադրելու, որ օսմանյան կառավարությունը փաստորեն օգնում է իրեն անդամալուծելու Ռուսաստանի տնտեսական և քաղաքական դիրքերը նրա «կենսական շահերի» գոտու շրջանում: Բրիտանական դիվանագիտության կարծիքով Ռուսաստանը կարող էր շարժվել դեպի Միջագետք և Կովկասից երկաթուղային զիծ անցկացնել՝ Բաղդադի գծի հետ միանալու համար, միայն այդ գոտու վրայով³¹:

XX դ. սկզբին Անգլիայի շեշտված հակառուսական քաղաքականությունը պայմանավորված էր նրանով, որ նրա ախոյանք կայուն բույն էր դրել Հյուսիսային Իրանում, սկսել էր առաջնակարգ դեր խաղալ այդ երկրի շուկաներում և կրկնապատկել էր իր ազդեցությունը Իրանի ներքին գործերում: Այսպես, եթե 1891 թ. ռուս-իրանական ապրանքափոխանակության ընդհանուր ծավալը չէր գերազանցում 22 միլիոն ռուբլուց, ապա 1902—1903 թթ. այն ավել-

³¹ ЦГВИА, ф. 2000, оп. 1, д. 1009, л. 9 об.

լի բան կրկնապատկվել էր³²: Գնալով ուժեղանում էր նաև Ռուսաստանի ազդեցութունը Իրանի բաղաբական շրջանների, մանավանդ շահական կառավարության վրա:

Թուրք-իրանական կոնֆլիկտը բորբոքվելուց հետո անգլիական դիվանագիտությունն իր առջև խնդիր դրեց մեկուսացնել Ռուսաստանին այդ կոնֆլիկտին միջամտելուց, որպեսզի նա առիթ չգարձնի այն Իրանի բաղաբական շրջաններում իր հեղինակությունը բարձրացնելու համար: Թեհրանում անգլիական գործերի հավատարմատարը խորհուրդ էր տալիս արտաքին գործերի մինիստր Մոշիր-էդ-Ռոուլեին, որ «անհրաժեշտ է հույս դնել սևիական ուժերի վրա և եռանդուն դիմադրություն ցույց տալ Թուրքիային, քանի որ Ռուսաստանը ամբողջապես կլանված է իր ներքին գործերով և չի համարձակվի ակտիվորեն հանդես գալ Պարսկաստանի պաշտպանության օգտին»³³: Մյուս կողմից՝ բրիտանական կառավարող շրջանները աշխատում էին բորբոքել Թուրք-իրանական հարաբերությունները Թուրքիայի ուշադրությունը արաբական գործերից շեղելու համար: Այդ բանը կռահում էին նաև թուրքական դիվանագետները: Թեհրանում Օսմանյան կայսրության ղեսպանի կարծիքով Անգլիային շփաղանց ձեռնտու կլիներ, եթե Թուրքիայի և Իրանի միջև պատերազմ ծագեր, որովհետև դա կհեշտացներ նրա ղավթողական ծրագրերի իրագործումը Իրանում³⁴: Բացի այդ, 1906 թ. հունվարին անգլիացիները միանգամայն անսպասելի կերպով զորքեր հանեցին Սինայի թերակղզու արևելյան ափի մոտ (Աբաբայում): Դա էլ ավելի սրեց Թուրքիայի և Եգիպտոսի միջև առանց այն էլ լարված հարաբերությունները: Ըստ էության, դա նաև Թուրք-անգլիական կոնֆլիկտ էր, որովհետև Եգիպտոսի թիկունքում կանգնած էր Անգլիան (հատկապես 1904 թ. Դելկասսի պայմանագրով Ֆրանսիայի Եգիպտոսից հրաժարվելուց հետո): Ստամբուլի հրամանով անմիջապես թուրքական զորքեր ուղարկվեցին Աբաբայի ծովածոց. այնուհետև նրանք շարժվելով դեպի արև-

³² Б. Гурьев, Торговля России с Персией и проект великого индийского пути. «Восточный сборник», кн. I, СПб., 1913, стр. 91.

³³ АВПР, ф. «Персидский стол», 1906, д. 908, л. 36.

³⁴ АВПР, «Канцелярия МИД», 1906, д. 39, лл. 36—37.

մուտը՝ Սինայի թերակղզում գրավեցին մի քանի գյուղեր, որոնք հանդիսանում էին ղեպի Սուեզ, Իսմաիլիա, Աբաբա և էլ-Աբիշ տանող ճանապարհների հանգույցներ: Աբաբայի շրջանը հայտարարվեց Հեջազի վիլայեթի մեջ մտնող թուրքական սահմանի³⁵:

Թուրք-եգիպտական, հետևաբար նաև թուրք-անգլիական հարաբերությունների վատթարացմանը նպաստում էին նաև հեռավոր հանգամանքները. եգիպտոսի հովանավորության տակ ազատ արաբական խալիֆաթի ստեղծման գաղափարի վերաբերյալ պանարաբական պրոպագանդան, Կահիրեից Սիրիայի վերալուծող Օսմանյան կայսրությունում հակակառավարական պրոկլամացիաների տարածումը. եգիպտական նավահանգիսաններից գաղտնի ճանապարհով ղեպի Եմեն, Ասիր և Հեջազ զենքի տեղափոխումը ու Ադենից Եմենի ապստամբներին ցույց տրվող բացահայտ աջակցությունը, և, վերջապես, 1905 թ. մայիսին Անգլիայի կողմից Քուվեյթի գրավումը³⁶:

Կրեերայների կառավարությունը, որն ակտիվացրել էր Մեծ Բրիտանիայի զավթողական քաղաքականությունը Սուեզից արևելք ընկած երկրներում, հույս ուներ նաև թուրք-իրանական հարաբերությունների լարվածությունը ծառայեցնել Սեխստանից և Բելուջիստանից շահական կառավարության ուշադրությունը ղեպի արևմուտք շեղելու համար: Հայտնի է, որ նշված ժամանակաշրջանում անգլիական զնդապետ Մակ-Մահանը Սեխստանում զլխավորում էր այսպես կոչված «սահմանազատման արշավախմբի» աշխատանքները, որի նպատակն էր իրանական տերիտորիայի հաշվին ընդարձակել աֆղանական էմիրի տիրապետությունները: Արշավախմբի «գործունեության» շնորհիվ Սեխստանը զրկվեց իր տերիտորիայի նշանակալից մասից: Ավելին, Արևելյան Իրանում Անգլիայի զավթողական քաղաքականությունն իրագործող մայր Սայքսը պահանջեց ստուգել և վերանայել արևելյան իրանա-աֆղանական սահմանը Քյարիզից մինչև Բենդանա ընկած շրջանում: Ընդ որում, Բրիտանական կառավարությունը իր այդ պահանջները հիմնավորում էր 1858 թ. Փարիզի տրակտատի 6-րդ հոդվածով, ըստ որի

³⁵ ЦГВИА, ф. 2000, оп. 1, д. 1003, лл. 6—7.

³⁶ ЦГА ВМФ СССР, ф. 418, оп. 1, д. 4196, лл. 82 об—84 об.

Իրանի և Աֆղանստանի միջև սահմանային վեճ ծագելու դեպքում Իրանը պարտավոր էր դիմել Անգլիայի «բարի ծառայություններին», որի ընդունած վճիռներին շահական կառավարությունը պետք է անվերապահորեն ենթարկվեր³⁷։

Բրիտանական արտաքին քաղաքականության ղեկավարների նման զիրքորոշումը թուրք-իրանական հարաբերությունների նկատմամբ բացատրվում է նաև նրանով, որ անգլիացիները ցանկանում էին օգտագործել թուրքական ինտերվենցիան իրանական հեղափոխությունը ճնշելու համար։

Այսպիսով, թուրք-իրանական կոնֆլիկտի ցանկացած հետևվանքները թուրքական ինտերվենցիայի սկզբին ձեռնառու էին անգլիացիներին³⁸։

Ստամբուլը այն կարծիքին էր, որ Գերմանիան ևս պետք է շահագրգռված լինի Իրանի նկատմամբ թուրքական ազդեցիկությամբ, որովհետև նա ոչ միայն իր «մեծ բարեկամն» էր, այլև այդ հնարավորություն կտար նրան թափանցել Արևմտյան Իրան, մանավանդ որ Գերմանիան մտադիր էր Արևմտյան Անատոլիայից Բաղդադի երկաթուղու ճյուղեր անցկացնել զեպի Իրան՝ Ուրմիայի և Լահիջանի, ինչպես նաև Քերմանշահի և Խանեկիյի վրայով³⁹։ Բացի այդ, թուրքերին քաջ հայտնի էր, որ գերմանացիները մեծ հետաքրքրություն են դրսևորում իրանա-թուրքական սահմանային շերտի, և առհասարակ Իրանական Ազրբեջանի ու Քրդստանի նկատմամբ, որը սակայն փակ էր նրանց առջև ռուսական զիմադրության շնորհիվ։ 1905 թ. սկսած Մոսուլում գերմանական փոխ-հյուպատոս Անդերսը սկսեց շրջագայել թուրք-իրանական վիճելի գոտում, բազմիցս եղավ Իրանում և առհասարակ ուշադիր հետևում էր Թուրքիայի ազդեցիկ գործողություններին⁴⁰։ Իսկ Բեռլինում ռուսական ռազմական գործակալը հաղորդում էր, որ Փոքր Ասիայում գերմանացիներն ունեն երեք խումբ բարտեզագիրներ, որոնք հանդիսանում են գլխավոր շտաբի սպաներ և ռուսական ու իրանական սահ-

³⁷ АВПР, ф. «Персидский стол», 1906, д. 907, лл. 222 об—223.

³⁸ М. С. Лазарев, *նշվ. աշխ.*, էջ 122։

³⁹ АВПР, ф. «Канцелярия МИД», 1906 г., д. 26, л. 166 об.

⁴⁰ ЦГВИА, ф. 2000, оп. 1, д. 1020, л. 21 об.

մաններում կատարում են քարտեզագրական աշխատանքներ, վարում են ռազմա-հետախուզական ակտիվ գործունեություն և այլն⁴¹:

Այս բոլորը հիմք էր տալիս Թուրքական դիվանագիտությանը և ռազմական շրջաններին ենթադրելու, որ Գերմանիան անվերապահորեն նեցուկ կհանդիսանա իր զավթողական ծրագրերին: Սակայն այս կարգի դատողությունները սխալ դուրս եկան: Եվ իսկապես, Թուրքիան դիմադրության հանդիպեց այն կողմից, որ ամենից քիչ էր սպասում: Ստամբուլում գերմանական դեսպան Մարշալ ֆոն Բիրերշտեյնը սլահանջեց Աբդուլ Համիդից զադարեցնել իրանական տերիտորիաների զավթումը և կատարյալ գոհացում տալ Իրանին: Այդպիսի անսպասելի քայլը «մեծ բարեկամի» կողմից վհատեցուցիչ տպավորություն գործեց Բ. Գուան վրա: Ստամբուլը որոշեց գերմանական արգելքը հաղթահարելու համար խաղալ անգլո-գերմանական հակասությունների վրա: Թուրքական դիվանագիտությունը խորհրդապահորեն հայտնեց Ստամբուլում անդիակական դեսպան Օ'Կոննորին, որ Գերմանիան մտադիր է առաջիկայում նոր կոնցեսիաներ ստանալ Բաղդադի երկաթուղու շրջանում և ածուխի պահեստ Պարսից ծոցի Թուրքական ջրերում⁴²: Սակայն Անգլիայի ու Գերմանիայի միջև փոխադարձ անվստահություն սերմանելու միջոցով իրանական հարցում գործողությունների ազատություն ստանալու Բ. Գուան այդ քաղաքականությունը կատարելապես ձախողվեց, որովհետև բրիտանական կառավարությունը կռահեց Թուրքիայի այդ անկեղծության իսկական շարժառիթը:

Շուտով Թուրք-իրանական կոնֆլիկտի հարցում Գերմանիան կողմերին առաջարկեց ընդունել իր միջնորդությունը այդ վիճը խաղաղ ճանապարհով լուծելու համար⁴³: Իր այդպիսի միջնորդության իրավունքը Գերմանիան հիմնավորում էր 1873 թ. Իրանի հետ կրնրած «Բարեկամության, առևտրի և ծովագնացության մասին» պայմանագրի 18-րդ հոդվածով, որը, ինչպես նշվել է վերևում, գերմանացիներին իրավունք էր տալիս Իրանի վեճի կամ տարաձայնու-

⁴¹ М. С. Лазарев, *նշվ. աշխ.*, էջ 122—123:

⁴² «Թուրք-պարսկական կոնֆլիկտը», «Մշակ», 26 հուլիսի, 1906 թ.:

⁴³ ЦГА ВМФ СССР, ф. 418, оп. 1, д. 4196, лл. 89—89 об.

թյան ղեկավարում երրորդ պետութայան հետ հանդես գալ միջնորդի ղեկավարում⁴⁴։ Տվյալ ղեկավարում Գերմանիայի հաշտարարի ղեկավարում հանդես գալը կարելի է բացատրել հետևյալ հանգամանքներով։ Նախ, Իրանում հայտնվելով համեմատաբար ուշ, ղերմանական իմպերիալիզմը ստիպված էր միաժամանակ պայքարել և Անգլիայի և Ռուսաստանի դեմ՝ այդ երկրում «հավասար իրավունքներ» ստանալու, այլ կերպ ասած, Իրանի բնական հարստությունների շահագործման մեջ իր բաժինն ունենալու համար։ Հենց այդ նպատակով նա առաջ քաշեց «Իրանը անկախ երկիր է, և որպես այդպիսին պետք է բաց լինի բոլորի համար»⁴⁵ լոզունգը։ Սակայն տնտեսական տեսակետից բոլոր ազգերի «ազատության և հավասարության» վերաբերյալ ղերմանական այդ քաղաքականությունը ևս չտվեց ցանկալի արդյունքներ, որովհետև նրա ամրապնդվելը Իրանում Անգլիայի և Ռուսաստանի կողմից դիտվում էր որպես անմիջական սպառնալիք իրենց շահերին ոչ միայն այդ երկրում, այլև ամբողջ Մերձավոր և Միջին Արևելքում։

Վերոհիշյալ պետությունների սահմանափակումները հազիվահարելու և կոնցեսիաներ ու տնտեսական բնույթի այլ արտոնություններ ստանալու նպատակով Գերմանիան որոշեց անմիջական կապերի մեջ մտնել շահական կառավարության հետ, շահել նրա համակրանքը և այն ծառայեցնել իր տնտեսական ու քաղաքական ծրագրերի իրագործմանը։ Իրանում Անգլիայի և Ռուսաստանի ղերակշռող դիրքերին հակազդելու միտումով ղերմանացիները սկսեցին Իրանի քաղաքական շրջաններում ազիտացիա մղել այն առումով, որ Գերմանիան տերիտորիալ տեսակետից հեռու է ընկած Իրանից և հետևաբար նրա նկատմամբ չի կարող ունենալ զաղութակալական նպատակներ։

1905 թ. վերջերից ղերմանական իմպերիալիզմը Իրանում նետվեց նոր գրոհի։ «Դեյչե օրիենտրանկին» հաշոդվեց իրանական մի շարք քաղաքներում հիմնել առևտրական գրասենյակներ, Համբուրգի ընկերությունները առևտրական կանոնավոր կապեր հաս-

⁴⁴ ВВПР, ф. «Персидский стол», 1906 г., д. 908, лл. 207—209.

⁴⁵ А. К. Фукс, Германская политика в Персии, «Новый Восток», № 20—21, 1928, стр. 112.

տատեցին Բուշիրի, Լենգեի, Մոհամմերայի, Բասրայի և Բահրեյն կղզու հետ⁴⁶, Գնրմանիան փորձեց ստանալ Համադան—Քարբալա երկաթուղու կոնցեսիան⁴⁷ և այլն: 1906 թ. «Համբուրգ—Ամերիկա» գերմանական ծովային ընկերության գործունեությունը ավելի վարկ տվեց Գերմանիայի արդյունաբերական ապրանքների հոսքին դեպի Իրանի հարավային շրջանները: Այդ ընկերության անօրեն Ա. Բալինը կարգադրել էր անել հնարավոր ամեն ինչ գերմանական ներմուծողների արտոնությունները ընդլայնելու համար: Գերմանիան Պարսից ծոցում սկսեց ոչ միայն հաջողությամբ մրցակցել Անգլիայի հետ, այլև ծովային ճանապարհով ապրանքների փոխադրության ասպարեզում մղել նրան երկրորդ պլան⁴⁸:

Գերմանական իմպերիալիզմը միաժամանակ սկսեց լրջօրեն ուսումնասիրել Իրանի հարավային և հարավ-արևմտյան շրջանները: Այդ նպատակով Շիրազում, Ահվազում, Մոհամմերայում և այլ բազաքներում ուղեորություններ էին կատարում բազմաթիվ «գրոսսաշրջիկներ», «հնագետ-գիտնականներ» և այլն⁴⁹: Մի շարք վայրերում հաստատվեցին գերմանական հոգևոր միսիաներ, որոնք առավելապես զբաղվում էին հետախուզական գործունեությամբ: Իրանի հարավում գերմանացիների գործունեության ակտիվացումը ոչ միայն շէր հանդիպում շահական կառավարության գիմադրությանը, այլ հակառակը, արժանանում էր նրա խրախուսանքին: Բացատրելով դրա պատճառները արտաքին գործերի մինիստր Նասրուլլա խան Մոշիր-էղ-Գոուլեն հայտնում է Թեհրանում ուսական գործերի հավատարմատար Սոմովին, որ որքան շատ եվրոպական ծովային հաղորդակցության գծեր և առևտրական ֆակտորիաներ լինեն Բուշիրում և Պարսից ծոցի մյուս նավահանգիստներում, այնքան լավ Իրանի համար, որովհետև անգլիացիների յուրաքանչյուր զավթումը կամ բռնությունը կհանդիպի ոչ միայն Իրանի, այլև մյուս շահագրգռված պետությունների գիմադրությանը և բո-

⁴⁶ ЦГИАЛ, ф. 560, д. 359, лл. 107—108.

⁴⁷ АВПР, ф. «Персидский стол», 1906, д. 907, л. 219.

⁴⁸ Այդ մասին մանրամասն տե՛ս Kurt Himer, Geschichte der Hamburg-America Linie, Hamburg, 1927, t. II.

⁴⁹ АВПР, «Персидский стол», 1906, д. 907, лл. 176—177.

ղոքներին⁵⁰։ Իսկ աթարեկ (պրեմիեր-մինիստր) էյն-ուդ-Գուսսեյն գտնում էր, որ, քանի Գերմանիան քաղաքական ասպարեզում հանդես է գալիս որպես Ռուսաստանի և Անգլիայի ախոյան, անհրաժեշտ է նրան տալ որոշ արտոնություններ⁵¹։

1905 թ., երբ ցարական կառավարությունը մերժեց Մոզաֆֆար-էդ-Դին շահի խնդրանքը նոր փոխառություն տրամադրելու վերաբերյալ և Անգլիան նույնպես չընդառաջեց այդ խնդրանքին, շահը դիմեց Գերմանիային, որպեսզի ելք գտնի վերահաս ֆինանսական կրախից դուրս գալու և հեղափոխության դեմ պայքարելու համար։ Գերմանական կառավարությունը, իհարկե, անմիջապես օգտվեց առիթից և 1905 թ. վերջին, 1906 թ. սկզբին Քեհրանում գերմանական գործերի հավատարմատար կոմս Ռեքսի և իրանական կառավարության միջև սկսվեցին համապատասխան բանակցություններ, որոնց արդյունքի մասին Փարիզից նեկկուզովը 1906 թ. մայիսի 31-ի հեռագրում հաղորդում էր, որ Գերմանիան շահի համար հաշոդեցրեց 25 միլիոն մարկի փոխառություն⁵²։

1905 թ. Մոզաֆֆար-էդ-Դին շահը սկզբունքային համաձայնություն տվեց նաև Քեհրանում գերմանական բանկ հիմնելու վերաբերյալ, 1906 թ. հուլիսի 1-ին Իրանում գերմանական գործերի ժամանակավոր հավատարմատար բարոն Րիխտհոֆենինի հաջողվեց արտաքին գործերի մինիստր Մոշիր-էդ-Գուսսեյնի հետ կնքել համաձայնագիր Քեհրանում գերմանական բանկ հիմնելու վերաբերյալ⁵³։ Րիխտհոֆենինի հաջողվեց նաև էյն-ուդ-Գուսսեյնի կաշառելով ստանալ Քեհրանում գերմանական ուսումնական հաստատություն բաց անելու իրավունք⁵⁴։

⁵⁰ նույն տեղում, թթ. 177—177 հ.։

⁵¹ АВПР, ф. «Персидский стол», 1908, д. 915, лл. 220—220 об.

⁵² А. Попов, Царская Россия и Персия в эпоху русско-японской войны, «Красный архив», № 53, 1932, стр. 31.

⁵³ ЦГИАЛ, ф. 600, д. 345, лл. 14—15. Սաղայն անդր-ուսական դեմագրոսիան հետևանքով Գերմանիային շահողվեց այդ գործը դուրս բերել։ Մյուս կողմից իրանական Մեջլիսը մտադիր լինելով ստեղծել իրանական ազգային բանկ հանդես էր գալիս ամեն տեսակի օտարերկրյա փոխառությունների և բանկային կոնցեսիաների դեմ (ՏՆՍ А. Фукс, նշվ. աշխ., էջ 116)։

⁵⁴ АВПР, ф. «Персидский стол», 1908, д. 915, лл. 220—220 об.

Այս հաջողութիւնները ոգևորեցին գերմանական կառավարող շրջաններին, որոնք որոշեցին ավելի ակտիվացնել իրանական քաղաքականութիւնը: Այդ առթիւ ֆրանսիական «La Memorial diplomatique» հանդեսը իր 1906 թ. ապրիլի 15-ի № 15-ում գրում էր. «Թուրքիայից բացի, մի այլ մահմեդական անկախ պետութիւն՝ Պարսկաստանը ևս սպասում է իր հերթին ներգրավվելու համար ակտիվ քաղաքական կյանքի մեջ, գերմանական եզեկիրի կենսատու շնչի ներքո»:

Յրիգրիխշտրասսեն ևս կանչեց Թեհրանում դեսպանորդ կոմս Ռեքսին պատիւ քաղաքականութիւն վարելու համար և նրա փոխարեն նշանակեց Ստամբուլում գերմանական հյուպատոս Շտեմբիխին, որին Բեռլինում ուսական զեսպան Օստեն-Սակենը տալիս էր հետևյալ բնութագիրը. «Արևելքի լեզուներին ու քաղաքականութիւնը բաշ գիտակ, ևուանդուն ու արագ կարիերա ստեղծող զործիչ, Բաղդադի երկաթուղու համոզված կողմնակից և Վիլհելմ II-ի անձնական բարեկամ»⁵⁵:

Նոր դեսպանորդը իր գործունեութիւնը սկսեց Անգլիայի և Ռուսաստանի նկատմամբ պրովոկացիոն քայլով: Նա զեսպանատան առաջին քարտուղար բարոն Րիխտհոֆենի միջոցով մայրաքաղաքում սկսեց լուրեր տարածել, որ Ռուսաստանի և Անգլիայի միջև գնում են զազանի բանակցութիւններ Իրանում «կատարյալ համաձայնութեամբ» հանդես գալու վերաբերյալ: Դա Իրանի քաղաքական շրջանների վրա թողեց խորը ազդեցութիւն: Կամզդորֆին ուղղված 1906 թ. ապրիլի 28-ի հաղորդագրութեան մեջ Թեհրանից Սոմովը գրում էր. «Բոլորի հայացքներն ուղղվեցին դեպի Գերմանիան ևնթաղրելով, որ միայն նա, շահագրգռված լինելով Բաղդադի երկաթուղու հարցով, ի վիճակի է փրկել Պարսկաստանը և արգելք հանդիսանալ հյուսիսում Ռուսաստանի՝ իսկ հարավում՝ Անգլիայի կողմից նախատեսվող զավթումներին»⁵⁶: Սոմովը անհանգստութիւն էր հայտնում, որ Գերմանիան առանց որևէ ջանքի, «օգտուելով իրանական կառավարութեան և քաղաքական շրջանների աջակ-

⁵⁵ АВПР, ф. «Персидский стол», 1906, д. 907, л. 219.

⁵⁶ Նույն տեղում, թթ. 215—215 հ.:

ցույցունից կարող է մտնել Պարսկաստան և հանգիստ գրավել Երրորդ ակտիվ պետություն տեղը այդ երկրում»⁵⁷։

Եվ այսպես, տվյալ էտապում Գերմանիան շահագրգռված էր իրանական կառավարության հետ իր փոխհարաբերություններում թույլ չտալ որևէ տհաճ դիպված, որը կարող էր կասկածի տակ դնել գերմանական գործի հաջողությունը Իրանում։ Հետևաբար թուրք-իրանական կոնֆլիկտում հաշտարարի դիրք բռնելու քաղաքականությունը Գերմանիային հնարավորություն էր տալու Իրանի կառավարող շրջանների մոտ շահել որոշակի քաղաքական կապիտալ։ Ելնելով այս նկատառումներից Բեռլինն աշխատում էր ազդել Ստամբուլի վրա, որպեսզի վերջինս Իրանի նկատմամբ իր քաղաքականության մեջ գրսեկորի ավելի «չափավորություն»։

Գերմանական դիվանագիտությունը աշխատում էր կասեցնել Օսմանյան կայսրության քաղաքական ավանտյուրաները Իրանում վախենալով, որ դա կարող է Ռուսաստանի և Անգլիայի կողմից վճռական հակահարվածի տեղիք տալ։ Իսկ այդ բուրժուական ձեռնտու չէր Գերմանիային, մանավանդ որ նա զբաղված էր Մարսիկոյի ձգնաժամով։

Այդ պատճառով Ստամբուլում գերմանական դեսպան Մարշալլ Ֆոն Բիբերշտեյնը կրկին առաջարկեց թուրքական կառավարությանը իրանական հարցում անել որոշ զիջումներ, պատճառաբանելով, որ թուրքական ղավթումների հետևանքով Բաղդադի և Բասորի վիլայեթներում բնակվող շիիթ ազգաբնակչությունը կարող է տրամադրվել թուրքերի դեմ, որից չի հասպաղի օգտվել Անգլիան Իրաքում իր դիրքերն ամրապնդելու համար⁵⁸։

Ի պատասխան թուրքական կառավարությունը հայտարարեց, որ կընդունի Գերմանիայի առաջարկը միայն այն դեպքում, եթե նա ճանաչի Թուրքիայի իրավունքները Վեդնեի, Լահիջանի և սահմանամերձ մի շարք այլ կետերի նկատմամբ⁵⁹։

Բ. Դոան այս հարցադրումը չթաքցված դժգոհությամբ բնզունվեց գերմանական արտաքին գործերի մինիստրության կողմից։

⁵⁷ Նույն տեղում, թ. 218։

⁵⁸ АВПР, ф. «Канцелярия МИД», 1906 г., л. 38, л. 291.

⁵⁹ ЦГВИА, ф. 2000, л. 310, л. 159.

Զինովւեր 1906 թ. մայիսի 27-ի հեռագրով Ստամբուլից հաղորդում էր, որ գերմանական արտաքին գործերի մինիստր ֆոն Զիրսկին Բեռլինում Թուրքական զեհասկան Քեֆիկ փաշայի հետ ունեցած զազտնի զրույցի ժամանակ հայտարարել է, թե նա հավանութուն չի տալիս Իրանի հետ Թուրքիայի ունեցած սահմանային վեճին: Մի քանի օր անց Զինովւեր կրկին հաղորդում է, որ գերմանական կառավարութիւնը ճնշում է գործադրել Բ. Դոան վրա, պահանջելով կարգավորել Թուրք-իրանական վեճը: Մայիսի 31-ի հեռագրում ուստական զեհասկանը ամբողջութեամբ բերում է ֆոն Զիրսկու հայտարարութիւնը Քեֆիկ փաշային. «Թուրքիան ավանտյուրանների է նետվում Պարսկաստանում և Աֆրիկայում, հաշվի չառնելով գրանց հեռանքները»: Մինիստրը իր պարտքն է համարում զգուշացնել Բ. Դոանը. «Դուք չպետք է ոչ մի զեպքում հույս դնեք մեր օգնութեան վրա ձեր կողմից հարուցված հարցում: Գերմանիայի աջակցութունը այս զեպքում վատ ծառայութուն կլինի Թուրքիային և կհանգեցնի եվրոպական պատերազմի»⁶⁰:

Գերմանական կառավարող շրջանների այս քաղաքականութիւնը որոշ չափով հիասթափեցրեց Բ. Դոանը, սակայն զա Թուրքիային շկանդեցրեց Իրանում ագրեսիան շարունակելու իր քաղաքական դժից: Սա անշուշտ վկայում էր այն մասին, որ Օսմանյան կայսրութիւնը Իրանի նկատմամբ իրագործում էր ագրեսիվ-զավթողական քաղաքականութիւն առանց կողմնակի թեւադրանքի, միանգամայն ինքնուրույն կերպով:

Թուրքական դիվանագիտական և ռազմական շրջաններում սակայն, պարզ հասկանում էին, որ իրենց զավթողական քաղաքականութեան համար ստեղծված միջազգային-քաղաքական բարենպաստ իրավիճակը կարող է ժամանակավոր բնույթ կրել և համարչա համոզված էին, որ վաղ թե ուշ Ռուսաստանը և Անգլիան վճռականորեն հանդես կգան Իրանում իրենց տնտեսական և քաղաքական դիրքերը պաշտպանելու օգտին: Այդ պատճառով Թուրքիան զերազասեց շարել իր հարաբերութիւնները Գերմանիայի հետ և հանգստացնել նրան, խոստանալով ուղիներ որոնել կոնֆլիկտը խաղաղ ձանապարհով լուծելու համար:

⁶⁰ А. К. Фыкс, *Узл. ашм.*, էջ 121:

Ցարական կառավարությունը հենց սկզբից պասսիվ դիրք գրավեց Իրանում Օսմանյան կայսրության ագրեսիվ ելույթներին նկատմամբ: Մեկնաբանելով դրա պատճառները, վանում փոխհյուպատոս Տերմենը գրում էր. «Թուրքերը սկսեցին իրենց ագրեսիվ քաղաքականությունը... հույս դնելով Ռուսաստանի խաղաղասիրության վրա, հատկապես ճապոնական պատերազմից հետո, և այն բանի վրա, որ զբաղված լինելով ներքին գործերով, Ռուսաստանը ուշադրություն չի դարձնի իր դեմ ուղղված թուրքերի մերհնայություններին»⁶¹: Այսպիսով ռուսական զիվանագետը խոստովանում էր, որ հեռավորարեկյան ճգնաժամը և Ռուսաստանում տեղի ունեցող հեղափոխական իրադարձությունները թույլ չեն տալիս Պետերբուրգին ակտիվ քաղաքականություն վարել Մերձավոր ու Միջին Արևելքում: Թուրքական ագրեսիայի սկզբնական շրջանում, չցանկանալով սրել հարաբերությունները Օսմանյան կայսրության հետ, ցարական կառավարող շրջանները իրենց և իրենց նմախաներին սնում էին այն պատրանքներով, թե այդ բոլորը Ռուսաստանի շահերը շոշափում են անուղղակիորեն, հետևաբար, ոչ մի անհրաժեշտություն չկա ակտիվ միջամտության համար: Բացի այդ, ցարական զիվանագետների մի մասը այն համոզմունքին էր, որ Թուրքիայի նկատմամբ Ռուսաստանի թշնամական քաղաքականություն վարելը կնպաստի, որ Անգլիան ու Գերմանիան անմիջապես օգտվեն դրանից և Թուրքիայի օգնությամբ թուլացնեն Ռուսաստանի դիրքերը Մերձավոր ու Միջին Արևելքում: Այսպես, Ռիդեում հյուպատոս Մաևսկին Կովկասյան զինվորական շտաբի ղեկներալ-կվարտիրմեյստեր Բերխմանին գրած 1906 թ. հունվարի 17-ի հաղորդագրության մեջ նշում էր, որ «...Թուրքիայի հետ բարիդրացիական հարաբերություններ պահպանելու համար պետք չէ նրա հետ կնքել ոչ դաշինքներ, ոչ կոնվենցիաներ, ոչ տրակտատներ և ոչ էլ համաձայնագրեր... Պետք է միայն նրան ձեռք շտալ: Նա մեկ համար այնպիսի հարևան է, որից լավը նույնիսկ դժվար է պատկերացնել»⁶²:

⁶¹ ЦГВИА, ф. 2000, оп. 1, д. 1020, л. 21 об.

⁶² ЦГВИА, «Турция», ф. 450, оп. 1, д. 145, л. 4 об.

Ի տարբերություն այսպես մտածող գիվանազեաների, կովկասյան իշխանությունները, որոնք ավելի հավաստի ու հարուստ տեղեկություններ ունեին Ռուսաստանի ու Իրանի նկատմամբ Օսմանյան կայսրության գիտավորությունների մասին, ավելի զգաստ էին նայում սահմանի մյուս կողմում ծավալվող իրադարձություններին: Նրանց կարծիքով, նույնիսկ Քուրբխայի ռազմական միջոցառումները ուղղված էին ոչ այնքան Իրանի, որքան Ռուսաստանի դեմ: Օսմանյան կառավարող շրջանների շովինիստական մտադրություններն արգելելու համար Կովկասի ռազմական շրջանի հրամանատարությունը իր 1906 թ. հունվարի 20-ի ղեկուցագրում խորհուրդ էր տալիս գլխավոր շտաբին կովկասյան զորքերին բերել մարտական պատրաստության վիճակի⁶³:

Շահական կառավարությունը ևս, իր թուլության հետևանքով անկարող լինելով իրական դիմադրություն ցույց տալ թուրքական ագրեսիային, ստիպված էր սահմանափակվել լուկ գիվանադիտական ելույթներով: Ստամբուլում դեսպան Միրզա Բիզա խանին հանձնարարվեց բողոքել Իրանի տերիտորիալ ամբողջականության նկատմամբ Օսմանյան կայսրության կողմից ոտնձգությունների դեմ: Այնուհետև 1905 թ. ղեկտեմբերին շահական արտաքին գործերի մինիստր Աթաբեկ Ազամը պաշտոնական նամակով դիմեց Քեհրանում թուրքական դեսպան Շեմսեդդին բեյին, պահանջելով բացատրություն: Վերջինս, ըստ երևույթին, իր կառավարության կողմից տրված նախնական հրահանգի համաձայն պատասխանեց, որ «Վեզնեի և Լահիջանի վերաբերյալ գործը այն աստիճանի կարելի էր չէ, որ ազդի հարեան պետությունների փոխհարաբերությունների վրա»: Դեսպանը խոստանում էր, որ շուտով կոնֆլիկտը կկարգավորվի⁶⁴: Սակայն տեսնելով, որ խոստումը չի կատարվում, Աթաբեկ Ազամը կրկին ստիպված էր հարցում անել թուրքական դեսպանին, թե «ինչո՞ւ մինչև այժմ տեղի չունեցավ Պարսկաստան ներխուժած թուրքական զորքերի ետ կանչումը»⁶⁵: Այս անգամ արդեն Բ. Գուլը որոշեց փոխել իր տակտիկան և Շեմսեդդին բեյի միջոցով պրովո-

⁶³ ЦГИА Груз. ССР, ф. 521, оп. 2, д. 511, л. 131 об.

⁶⁴ АВРР, ф. «Персидский стол», 1905, д. 903, л. 262.

⁶⁵ Նույն տեղում, Բ. 264:

կացիոն բնույթի հակամեղադրանք ներկայացրեց շահական կառավարությանը: Թուրքական նոտայում ասվում էր, որ իբր Իրանը սահմանի մոտ կենտրոնացնում է կանոնավոր զորքեր և տարբեր ցեղերից բաղկացած զինված ջոկատներ, որպեսզի նրանք անցնեն սահմանը և Թուրքական հողում կատարեն տերիտորիալ զավթումներ⁶⁶: Ի հավելումն դրա, Բ. Դուռը կարգադրեց իր ղեսպանին հայտնել շահական կառավարությանը, որ Բայազեդի մոտ իրանական զորքերը իբր արդեն անցել են սահմանը և որ «եթե այդ շարժումը նպատակ ունի խախտել բարեկամական հարաբերությունները, ապա Թուրքիան չի հապաղի ձեռնարկելու համապատասխան հակամիջոցառումներ»: Հեռագրի վերջում հանձնարարվում էր ղեսպանին կտրուկ տոնով հայտնել շահական արտաքին գործերի մինիստրությանը, որ «եթե Պարսկաստանի անզիջող դիրքի հետևանքով տեղի ունենա որևէ միջադեպ, ապա դրա ողջ պատասխանատվությունը կրեկնի իրանական կառավարության վրա»⁶⁷:

Թուրք-իրանական դիվանագիտական այս մենամարտը տեևց երկու ամսից ավելի և, սակայն, ոչ մի շոշափելի օգուտ չբերեց շահական կառավարությանը: Թուրքիան շարունակում էր համառորեն պաշտպանել իր «իրավունքները» զավթած տերիտորիաների նկատմամբ: Ավելին, նա իր հարձակողական բաղաբականությունը ներկայացնում էր որպես այն տերիտորիաների վերագրավում, որոնց նկատմամբ իբր թե ունի պատմական իրավունքներ⁶⁸:

Իրանում իր զավթողամտական ծրագրերն իրագործելու համար որպես հարվածող ուժ Ստամբուլը լայնորեն սկսեց օգտագործել ինչպես համիդիե զնդերին, այնպես էլ Իրանի բրդական ցեղերին: 1906 թ. գարնանից իրանական տերիտորիայում սկսեցին հայտնվել մեծ քանակությամբ թուրքական ազիտատորներ, որոնք աշխատում էին տարբեր խոստումներով բրդերին գրավել Թուրքիայի կողմը: Թուրքական գործակալությունը առաջին հերթին աշ-

⁶⁶ Նույն տեղում:

⁶⁷ Նույն տեղում, թ. 266:

⁶⁸ «Объезд оккупированных Турцией персидских округов русским и великобританским представителями Минорским и Шнпле 8 июня—16 сентября 1911 г.», «Материалы по изучению Востока», 1915, вып. II, стр. 95.

խատանք ծավալեց այն ցեղերի շրջանում, որոնք նախապես հայտնի էին իրենց պրոֆուրբական տրամադրություններով կամ թշնամական հարաբերությունների մեջ էին շահական իշխանությունների հետ: Ազիտացիայի շնորհիվ իրենց հեծյալ ջոկատներով թուրքերի կողմն անցան այնպիսի ազդեցիկ բրդական ցեղապետներ, ինչպես մանգուր, փիրան, մամաշ ցեղերի առաջնորդներ Բայիզ աղան, Մամեդ էմին աղան, Համզե աղան և այլն⁶⁹: Նույն կերպ վարվեց նաև շեքաբ ցեղի առաջնորդներից Մուհամմեդ աղան, որը 1906 թ. սկզբին մեկնեց Ստամբուլ և խնդրեց սուլթանին իրեն և իր բուլբուր ցեղակիցներին վերցնել թուրքական հովանավորության տակ: Մայրաքաղաքում նրան ցույց տրվեց հանդիսավոր ընդունելություն: Աբդուլ Համիդը նրան շնորհեց լիվայի (գեներալ-մայոր) կոչում և փաշայի տիտղոս ու անմիջապես ուղարկեց Իրան՝ սահմանամերձ շրջանների բրդերի մեջ պրոֆուրբական ազիտացիա տանելու համար⁷⁰:

Թուրքիայի կողմն անցած բրդական ցեղապետների միջոցով սուլթանական կառավարությունն աշխատում էր պայքարել այն ցեղերի ու ցեղախմբերի դեմ, որոնք հրաժարվում էին ընդունել թուրքական հովանավորությունը: Այսպես. գրավելով Լահիջանը, թուրքական օկուպացիոն զորքերի հրամանատարությունը մամաշ ցեղի առաջնորդ Համզե աղային շնորհեց «Ֆերմանդեի Լահիջան վե Սուլդուզ» (Լահիջանի և Սուլդուզի հրամանատար) տիտղոսը, որպեսզի նա պայքարի իրանական կառավարությանը հավատարիմ մնացած նույն ցեղի ազդեցիկ բնյերից մեկի՝ Քարանի աղայի դեմ: Բացի այդ Քարանի աղայից բռնադրավվեցին 14 գյուղեր և հանձնվեցին Համզե աղային, որպեսզի վերջինս առմիշտ հավատարիմ մնա թուրքական իշխանություններին⁷¹:

Եթե բրդական ցեղային վերնախավը թուրքերի կողմն անցնելով ակնկալում էր զանազան պաշտոններ, արտոնություններ և այլն, ապա բրդական զանգվածները հույս ունեին ազատվել շահական իշխանությունների և սեփական խաների ֆեոդալական դաժան

⁶⁹ «Сведения, собранные драгоманом...», стр. 38—39.

⁷⁰ АВПР, ф. «Персидский стол», д. 1194, лл. 104—105, 131—133.

⁷¹ ЦГИА Груз. ССР, ф. 521, д. 603, л. 8.

շահագործումից: Պարսկական կազակական բրիգադի հրահանգիչ կապիտան Ուշակովը, որը շրջագայել էր Քրդստանում, հայտնում էր այն կարծիքը, որ նահանգապետների դիշատիչ գործունեության և պարսկական իշխանությունների շարաշահումների հետևանքով համբերությունից դուրս եկած բրգական զանգվածները որոշել են կապերը խզել Իրանի հետ և ընդունել թուրքական հովանավորություն⁷²:

Իրանական իշխանությունները, որոնց հայտնի դարձան բրգերի շրջանում տիրող տրամադրությունները, փոխանակ փորձելու համաձայնության գալ նրանց հետ, դիմեցին հալածանքների ու հաբեկման տակտիկային: Նրանք պահանջեցին, որպեսզի բրգերը ամենակարճ ժամկետում վճարեն իրենց ընթացիկ և նախկին տարիներից կուտակված հարկերը: Իրանական իշխանությունների կողմից դա դիտվում էր որպես քաղաքական նշանակություն ունեցող քայլ, որի նպատակն էր շոշափել բրգերի տրամադրությունները և հիշեցնել նրանց, որ իրենք շահի հպատակներն են: Արդյունքը եղավ այն, որ նույնիսկ այն ցեղերից շատերը, որոնք լույս վերաբերմունք ունեին շահական կառավարության նկատմամբ, սկսեցին խնդրագրեր ուղարկել Վանի վալի Քահրի փաշային, խնդրելով իրենց վերցնել թուրքական հովանավորության տակ⁷³: Այսպիսով, շահական կառավարությունը ոչ միայն ի վիճակի չէր թուրքական ազրեսիայի դեմ օգտագործել իրեն հպատակ մարտունակ և ռազմաշունչ բրգական ցեղերին, այլև իր անհեռատես քաղաքականության շնորհիվ վանում էր նրանց:

Քրգական ցեղերի թուրքերի կողմն անցնելու պատճառներից մեկն էլ այն էր, որ թուրքիայի զավթողական քաղաքականության նկատմամբ կենտրոնական կառավարության պասսիվությունը նրանք համարեցին թուլության նշան: Այդ առթիվ Վ. Մինորսկին նկատում է, որ «պարսկական զորքերի նկատմամբ բրգերը վերաբերվում են չթարցված արհամարհանքով. և իսկապես, պետք է

⁷² ЦГИА Груз. ССР, ф. 521, д. 426, лл. 30, 34, 39.

⁷³ ЦГВИА, ф. 2000, оп. 1, д. 1009, л. 3 об; М. А. Ардатов, Турецко-персидский пограничный конфликт. «ИШКВО», 1907, № 21, 3-я треть, Тифлис, 1908, стр. 11—12.

համաձայնվել, որ սահման ուղարկված կիսամերկ, շուկայում առևտուր անող բաղցած սարբազները բրդերի վրա թողնելու են ամենաաննպաստ տպավորությունը⁷⁴: Շահական զինված ուժերի նկատմամբ նման վերաբերմունք ունեին ոչ միայն բրդերը, այլև սահմանամերձ շրջանների մյուս ազգովյունները: Այսպես, Սալմաստի ազրբեջանական բնակչությունը անընդհատ հեռագրում էր Քավրիզ, խնդրելով սարբազներ շուղարկել իրենց մոտ: Ընդ որում դա պատճառաբանվում էր նրանով, որ շահական զինվորները խլարություն չեն դնում իրենց և ուրիշների գույրի միջև: Նրանք խնդրում էին զորքեր ուղարկելու փոխարեն տեղական ազրբեջանական բնակչությանը և հայերին տրամադրել զենք, համատեղ ուժերով պաշտպանվելու համար բրդական հարձակումներից⁷⁵:

Ստամբուլը իր գործակալության միջոցով աշխատում էր իր կողմն անցած բրդերի կրոնական ֆանատիզմն ուղղել հատկապես սահմանամերձ շրջանների բրիստոնյա բնակչության դեմ: Ուրմիայի, Սալմաստի և մի շարք այլ շրջաններում սկսվեցին հայերի և ասորիների կոտորածներ⁷⁶: Այդ ջարդերը լայն չափեր ընդունեցին 1906 թ. գարնանից, երբ ասպատակություններին ու ջարդերին սկսեցին մասնակցել նաև Քուրբիայից եկած համիդիե ջոկատները: Բրիստոնյա բնակչության դեմ կազմակերպած դադանություններով աչքի էր ընկնում հատկապես մազրիք ցեղի առաջնորդ Շարաֆ աղան⁷⁷:

Իրանում թուրքական գործակալության գործունեությունը աստիճանաբար դուրս էր դալիս սահմանամերձ գոտու շրջաններից, ընդունելով առավել լայն թափ ու ծավալ: Թեհրանում ռուսական գործերի հավատարմատար Ա. Սոմովը 1906 թ. գարնանը հաղորդում էր Պետերբուրգ, որ երկրի տարբեր շրջաններում և նույնիսկ մայրաքաղաքում գնալով ուժեղանում է պանիսլամիստական պրոպագանդան: «Թուրքական գործակալները, — գրում էր նա, — հայտարարում են խալիֆ-սուլթանի գլխավորությամբ միասնական մեծ

⁷⁴ «Сведения, собранные драгоманом...», стр. 42.

⁷⁵ «Тифлисский листок», 4 августа 1905 г.

⁷⁶ «Тифлисский листок», 19 июля 1905 г.

⁷⁷ «Тифлисский листок», 7 июня 1906 г.

մահամեղական պետություն ստեղծելու անհրաժեշտության մասին, որի կազմի մեջ պետք է մտնեն Թուրքիան, Պարսկաստանը, Կովկասը և Թուրքեստանը»⁷⁸։ Թեհրանում ակտիվ գործունեություն էր ծավալել հայտնի պանիսլամիստ, թուրքական դեսպան Շեմսեդդին բեյը։ Նրան հաջողվել էր կապեր հաստատել իրանական բարձր հոգևորականության մի շարք ներկայացուցիչների՝ հատկապես ալ-դեցիկ մուշտեհիդների հետ և հորդորել նրանց հեռագրել սուլթանին, որ իրենք ճանաչում են նրան որպես «ուղղափառ մահամեղականների գերագույն պաշտպանի»։ Իրանական կառավարությունը ստիպված էր հեռացնել նրան երկրից որպես անցանկալի անձ (persona non grata) և մեղադրելով Իրանի նկատմամբ անլույս արարքների և սահմանաչին հարցում իրանական կառավարության նկատմամբ անհաշտ դիրք ունենալու մեջ⁷⁹։ Թուրքական դեսպանատանը հաջողվեց նույնիսկ կաշառել մի շարք իրանական թերթերի և նրանց միջոցով քարոզել պանիսլամիստական դադափուրներ։ Այդ թերթերը կատաղի հարձակումներ էին գործում Ռուսաստանի ու Անգլիայի դեմ և կոչ անում Իրանին միանալ Թուրքիայի հետ⁸⁰։ Միաժամանակ թուրքերի ներշնչմամբ իրանական պանիսլամիստական ուղղության թերթերը հանդես էին գալիս հայերի մասին ստահոգ և թունավոր հոդվածներով, աշխատելով հրահրել հայկական ջարդեր։ Ճգնելով կառավարության աչքում հայերին մեղադրել քաղաքական անբարեհուսության մեջ, մի շարք թերթեր գրում էին, թե իբր հայերը Իրանում ունեն անջատվողական ձգտումներ և ցանկանում են Իրանական Ադրբեջանը միացնել իրենց ապագա անկախ պետությանը⁸¹։ Ջարդերի սպառնալիքը կանխելու համար Կովկասի և Իրանի հայկական մամուլը տպագրում էր մեծ քանակությամբ հոդվածներ, որոնցում բացահայտվում էին հակահայկական պրոպագանդայի բուն պատճառները։ Միաժամանակ հայերը Իրանական Ադրբեջանում ստիպված էին կազմակերպել ինքնապաշտպանության ջոկատներ։

⁷⁸ АВПР, ф. «Персидский стол», 1906, д. 907, лл. 173—175.

⁷⁹ Նույն տեղում, թթ. 51—53:

⁸⁰ «Մշակ», 15 հունիսի 1906 թ., էջ 3—4:

⁸¹ «Մշակ», 21 ապրիլի 1906 թ., էջ 3:

Համոզված լինելով, որ ցարական Ռուսաստանը, հակառակ իր ներքին անկայուն վիճակի և հեռավորարեկյան հզնաժամի, այնուամենայնիվ չի կարող անտարբեր դիրք բռնել Իրանում Քուրբիայի բաղաբաղական ոսանձգությունների ու տերիտորիալ բռնի հափըշտակումների նկատմամբ, շահական կառավարությունը շարունակում էր անընդհատ դիմումներ կատարել նրան, խնդրելով պաշտպանել Իրանի տերիտորիալ անձեռնմխելիությունը⁸²։ Ռուսաստանական պատերազմից հետո, երբ Ռուսաստանը կրկին հնարավորություն էր ստացել ակտիվացնել իր բաղաբաղականությունը Մերձավոր և Միջին Արևելքում, Պետերբուրգում որոշվեց գեթ դիվանագիտական առաջադրություններով սահմանափակել թուրքական ախորժակը։ Ռուսաստանի արտաքին գործերի մինիստրությունը Ստամբուլում իր ղեկավարի միջոցով պահանջեց անհապաղ զազարեցնել իրանական տերիտորիաների զավթումը։ Միաժամանակ հանձնարարվեց Քեհրանում ղեկավարող Ն. Գարովիզին հասկացնել շահական կառավարությանը, որ վերջինս խուսափի թուրքական զորքերի հետ ռազմական բախումից, սրբ կարող էր ունենալ առավել վտանգավոր հետևանքներ իրանական պետության համար⁸³։ Այդ հարցի առթիվ շահական պալատում կայացած հատուկ խորհրդակցության ժամանակ Գորտվիզը հայտարարում է, թե նկատի ունենալով այն հանգամանքը, որ շահական կառավարությունը իր տրամադրության տակ շունի ոչ բանակ և ոչ էլ ֆինանսական միջոցներ, փոքրաթիվ ռազմական ուժերի ուղարկումը սահման, այնտեղ կենտրոնացված թուրքական զորքերի դեմ, ոչ մի օգուտ չի բերի։ «Մինչդեռ, — շարունակում է նա, — երկու հակառակորդների միջև ամենափոքր բախման իսկ դեպքում թուրքերը շեն հատաղի, որպեսզի Պարսկաստանի դեմ սկսեն ձևական ռազմական գործողություններ, որի վերաբերյալ ըստ երևույթին արդեն վաղուց պնդում է 6-րդ թուրքական բանակային կորպուսի հրամանատարը»⁸⁴։

⁸² АВВР, ф. «Персидский стол», 1905, д. 903, л. 262; ф. «Персидский стол», 1906, д. 909 лл. 35—35 об.

⁸³ АВВР, ф. «Персидский стол», 1906, д. 909, л. 65.

⁸⁴ Նույն տեղում, Բ. 65 հ.։

Առաջնորդվելով այս հրահանգով, շահական կառավարութիւնը, որը առանց այն էլ ոչ մի զինված գիմադրութիւնի փորձ չէր կատարել թուրքական ազդեցիկի դեմ, խստիվ արգելեց սահմանամերձ շրջանների աստիճանավորներին և անկանոն զորքերի հրամանատարներին ռազմական բախման մեջ մտնել թուրքերի հետ: Վ. Մինորսկին հաղորդում էր, օրինակ, որ թեև Սուլթանի պահանջում էր թուլլտվութիւն թուրքական զորքերին զինված հակահարված տալու համար, իր պահանջը հիմնավորելով նրանով, որ շարիաթական իրավունքը թուլլ է տալիս կազմակերպել ինքնասպաշտպանութիւն (դեֆա), սակայն Թեհրանը վճռականորեն արգելեց նրան դիմելու այդ քայլին⁸⁵:

Ի վերջո Ռուսաստանի ակտիվ դիվանագիտական ճնշման հետևանքով Բ. Գուռը ստիպված էր համաձայնվել թուրք-իրանական սահմանային հանձնաժողով կազմելու ռուսական առաջարկի հետ: Օսմանյան կայսրութիւնի կողմից այդ հանձնաժողովի կոմիսար նշանակվեց Ահմեդ փաշան, որը, սակայն, ինչ-որ պատճառներով ինքնասպաշտպանութիւն վերջ տվեց կյանքին: Նրա փոխարեն նշանակվեց գլխավոր շտաբի սպա Յերիկ Զեքի փաշան: Հանձնաժողովի կազմում նշանակվեցին նաև 8-րդ դիվիզիայի շտաբի պետ մայոր Հյուսամեդդինը և գլխավոր շտաբի երկու սպաներ: Հանձնաժողովի գործունեութիւնը ընթացքում սահմանների պաշտպանութիւն պարտականութիւնը դրվեց 8-րդ դիվիզիայի հրամանատար Յերիկ Մահմուդ փաշայի վրա:

Իրանական կողմից սահմանազատիչ հանձնաժողովի կոմիսար նշանակվեց Էհթեշամ-օս-Սալթանին:

Զեքի փաշան երկար ժամանակ խուսափում էր հանդիպել իրանական կոմիսարի հետ: Ստամբուլի հանձնարարութիւնքը նա մի քանի ամիս շարունակ շրջում էր սահմանամերձ գոտում, հանդիպում թուրքական զորքերի հրամանատարների հետ, կատարում այդ գոտու քարտեզահանման աշխատանքներ և այլն⁸⁶: Միայն թուրքիայում ռուսական ու անգլիական զենսպանների կտրուկ առա-

⁸⁵ «Сведения, собранные драгоманом...», стр. 42.

⁸⁶ Նույն տեղում, էջ 11:

չազրույթյուններից հետո Բ. Դուռը հրամայեց նրան հանդիպել իրանական կոմիսարի հետ⁸⁷։

1906 թ. օգոստոսին, սկզբում Սուլդուլում և ապա Մոսուլում թուրքական և իրանական պատգամավորների միջև սկսվեցին բանակցություններ։ Հանձնաժողովի հենց առաջին նիստում Զեքի փաշան հայտարարեց, որ Թուրքիան պատմական իրավունքներ ունի Լահիջանի, Վեզնեի և Փեսվեի նկատմամբ⁸⁸։ Բանակցությունների ընթացքի վերաբերյալ արտաքին գործերի մինիստր Իզվուսկուն գրած հաղորդագրության մեջ Գարսիվիզը հայտնում էր, որ «Զեքի փաշան վարում էր այնպիսի բազաքականություն, որը վկայում է գործը խզելու թուրքերի մտադրությունների մասին, համուլված լինելով, որ Պարսկաստանը ի վիճակի չէ ուժով պաշտպանել իր տիրապետությունների անձեռնմխելիությունը։ Օտտոմանյան կոմիսարները, — շարունակում էր նա, — որոնց աջակցում էր թուրքական ջոկատների հրամանատար Մահմուդ փաշան, ծայրահեղ վրդովեցուցիչ տոն էին ընդունել պարսկական պատգամավորի նկատմամբ, միաժամանակ նրան հասկացնելով, որ ոչ մի նշանակություն չեն տալիս ներկա բանակցություններին, որովհետև հարցը լուծվելու է ուժի օգնությամբ»⁸⁹։

Թուրքական հանձնաժողովի նման դիրքորոշումը խրախուսվում էր Բ. Դուռն և անձամբ սուլթանի կողմից։ Այդ առթիվ Ստամբուլում իրանական դեսպան Արֆա-ուդ-Դուսլեն հաղորդում էր, որ թուրքական սահմանային կոմիսարը հրահանգներ է ստանում ոչ թե արտաքին գործերի մինիստրից, այլ անձամբ Արդուլ Համիդից⁹⁰։

Օսմանյան պատգամավորների կողմից նշված սահմանը և այսպես կոչված Մոսուլի նախագիծը չընդունվեց Թեհրանի կողմից, որովհետև նրանցում բացահայտ ձևով ոտնահարվում էին Իրանի իրավունքները⁹¹։

⁸⁷ АВПР, ф. «Персидский стол», 1906, д. 909, лл. 64—64 об.

⁸⁸ АВПР, ф. «Персидский стол», 1906, д. 908, лл. 138—139 об, 232—232 об.

⁸⁹ АВПР, ф. «Персидский стол», 1906, д. 909, лл. 28—28 об.

⁹⁰ АВПР, ф. «Персидский стол», 1906, д. 908, лл. 34 об—35.

⁹¹ «Турецко-персидская граница. Донесения российского императорского комиссара по турецко-персидскому разграничению В. Ф. Минорского в 1914», «Материалы по изучению Востока», вып. 2, Пг., 1915, стр. 512—516.

Միանգամայն պարզ էր, որ Թուրքիան միտումնավոր ձախողում է հանձնաժողովի աշխատանքները, առաջադրելով այնպիսի պայմաններ, որոնք չէին կարող ընդունվել իր տերիտորիալ ամբողջականութունը հարգող պետության կողմից:

Այդ պատճառով շահական կառավարությունը գտավ, որ հետագա բանակցությունների վարումը միանգամայն անիմաստ է և որոշեց սպասել Ստամբուլում Ռուսաստանի, մասամբ նաև Անգլիայի առաջադրությունների հետևանքին:

Այս պայմաններում Ռուսաստանի համար ստեղծվեց դժվարին իրավիճակ: Թուրքական կառավարությունը ոչ միայն կտրականապես հրաժարվում էր իր զորքերը դուրս բերել զավթած տերիտորիաներից, այլև 1906 թ. առաջին կեսի ընթացքում շարունակում էր նոր զորքեր կենտրոնացնել իրանական սահմանների մոտ: Հունիսին Մոսկուից դեպի սահման շարժվեց նիզամի 8 հետևակային գունդ և յոթ քրդական համիդիե գնդեր: Ընդ որում, Մոսկուում կալմակերպվել էր հատուկ մատակարարման բաժին, որը զբաղվելու էր էքսպեդիցիոն զորքերի սպասարկման հարցերով⁹²: Թուրքական գլխավոր շտաբի սպաները տենդագին շարունակում էին սահմանային շերտի քարտեզահանման աշխատանքները⁹³: Բոլոր նշաններից երևում էր, որ Թուրքական զինված ուժերը մտադիր են շարժվել ստրատեգիական և տնտեսական կարևոր նշանակություն ունեցող Ուրմիայի շրջանի ուղղությամբ⁹⁴: Ստամբուլից ստացվող հաղորդումների համաձայն սուլթանը նույնիսկ մտածում էր պատերազմ սկսել Իրանի դեմ «համոզված լինելով, որ ինքը հաղթող դուրս կգա և կբարձրացնի իր հեղինակությունը»⁹⁵:

Նման պայմաններում ռուսական կառավարող շրջանների առջև հարց էր առաջանում, թե այսուհետև ինչպիսի՞ միջոցների պետք է դիմի Ռուսաստանը: Դա, իսկապես, բարդ խնդիր էր, որովհետև Թուրքիայի նկատմամբ դիվանագիտական ներգործության ձախողման դեպքում հնարավոր էր ազդել նրա վրա միայն զենքի ուժով, մինչդեռ, ինչպես նկատում էր Ստամբուլում ռուսական ռազմա-ծովա-

⁹² АВПР, ф. «Персидский стол», 1906, д. 908, лл. 54—55.

⁹³ ЦГВИА, ф. 2000, оп. I, д. 1003, л. 5.

⁹⁴ М. Ардатов, Турецко-персидский пограничный конфликт, стр. 12.

⁹⁵ ЦГА ВМФ СССР, ф. 418, оп. I, д. 4196, л. 88 об.

լին ուժերի ներկայացուցիչը, «Ռուսաստանը դժվար թե ցանկանար և նույնիսկ ի վիճակի լիներ Կովկասում մորիլիզացնել զորքեր իր պահանջները պաշտպանելու համար: Մյուս կողմից, — շարունակում էր նա, — Ռուսաստանի համար միանգամայն անցանկալի է թողնել Անզլիային, որ նա մենակ լուծի այդ հարցը»⁹⁶:

Թուրքական ազրեսիայի ակտիվացումը իրանում և զորքերի կենտրոնացումը ռուսական սահմանների մոտ լուրջ տագնապներ էր առաջ բերում հատկապես կովկասյան ռազմական իշխանությունների մոտ, որովհետև նույնիսկ կասկածներ կային, որ շուտով կարող է բռնկել ռուս-թուրքական պատերազմ: Անակնկալի շփալու համար Կովկասի ռազմական շրջանի շտաբը որոշեց ձեռնարկել որոշ միջոցառումներ: Պատերազմի զեպքում ռազմական գործողությունների հնարավոր թատերաբեմի բնակչության աջակցությունը ստանալու նպատակով 1906 թ. ամռանը հանձնարարվեց Վանում ռուսական փոխ-Տյուպատոս Ն. Ս. Տերմենին ուղևորություն կատարել Հեքյարիի սանջակում, պարզելու համար, թե Թուրքիայի հետ պատերազմի զեպքում որքանով Ռուսաստանը կարող է հույս դնել տեղական քրիստոնյա բնակչության աջակցության վրա և որքանով բրդերը հավատարիմ կլինեն Թուրքիային:

Այդ ուղևորության հետևանքով փոխ-Տյուպատոսը հանգեց հետևյալ եզրակացությունների. ասորիները համակրանքով են լցված Ռուսաստանի նկատմամբ, առաջնորդվելով այն գիտակցությամբ, որ «միայն Ռուսաստանը կարող է փրկել ասորիներին անելանելի վիճակից»⁹⁷: Ասորիների հոգևոր առաջնորդ Մարշիմունի հետ զրույցի ժամանակ Տերմենի այն հարցին, թե նա ի վիճակի է արգելք Թուրքիայի հետ Ռուսաստանի պատերազմի զեպքում զորքեր հանել վերջինիս օգնելու նպատակով, Մարշիմունը պատասխանում է. «Եթե Ռուսաստանը իր զորքերով գրավի Վանը և զենք տա նեստորականներին (ասորիներին—Վ. Բ.), ապա ինքը երաշխավորում է, որ հենց այժմ կարող է հանել 40 հազարանոց բանակ, որից 20 հազարը՝ լեռների պաշտպանության և 20 հազարը՝ ռազմական գործողությունների թատերաբեմի այլ շրջաններում գործելու համար. որ նա Մոսուլից մինչև Բիթլիս և մինչև պարսկական սահմանը

⁹⁶ Նույն տեղում, թթ. 89—90:

⁹⁷ ЦГВИА, ф. 2000, оп. I, д. 1003, лл. 90—91 об.

հեշտությամբ կարող է ենթարկել իրեն և ինքը պատրաստ է այդ ամբողջը գրավել Ռուսաստանի համար»⁹⁸:

Ինչ վերաբերում է քրդերին, ապա Տերմենի կարծիքով «գոյություն ունի քրդերի համընդհանուր դժգոհություն թուրքական կառավարությունից: Նրանցից շատերը սիրով կընդունեն ռուսական հպատակություն կամ Ռուսաստանի հովանավորությունը»⁹⁹:

* * *

1906 թ. ամռանը հեղափոխական շարժումն Իրանում գնալով ընդունում էր ավելի հուժկու թափ: Ռեակցիան այլևս անկարող էր դիմագրավել սահմանադրական շարժմանը: 1906 թ. օգոստոսի 5-ին շահը ստիպված էր հրապարակել հրամանագիր սահմանադրություն ընդունելու մասին, իսկ օգոստոսի 19-ին հայտարարվեց իրանական առաջին պառլամենտի՝ Մեջլիսի հիմնադրման մասին: Նույն թվականի դեկտեմբերի 30-ին մահամերձ Մողաֆֆեր-էդ-Դին շահը ստորագրեց սահմանադրության հիմնական օրենքը¹⁰⁰:

Իրանում տեղի ունեցող հեղափոխական բուռն իրադարձությունները խուճապ առաջացրին Օսմանյան կայսրության կառավարող շրջաններում: Հեղափոխական ալիքը հուժկու թափով Ռուսաստանից և Իրանից թափանցում էր Թուրքիա: Կայսրության արևելեյան շրջաններում, հատկապես Արևմտյան Հայաստանում, տեղի էին ունենում գյուղացիական բուռն հուզումներ: Զինովեք Ստամբուլից հազորդում էր, որ Կովկասի հեղափոխական շարժումները մեծ արձագանք են գտել էրզրումի վիլայեթում, որտեղ մահմեդական բնակչության տարբեր խավերից կազմակերպվել է «Զան վերիբր» անունով մի կոմիտե, որը պայքարում է տեղական իշխանությունների և օսմանյան կառավարության դեմ¹⁰¹: Այդ կոմիտեի պրոպագանդան նույնիսկ թափանցել էր թուրքական բանակի շարքերը: Զորքերը հրաժարվեցին ապստամբների վրա կրակ բաց անել, հայտարարելով, որ իրենք «պատրաստ են կյանքի զնով պաշտպա-

⁹⁸ Նույն տեղում, թթ. 92—93:

⁹⁹ Նույն տեղում:

¹⁰⁰ М. С. Иванов, Иранская революция 1905—1911 гг., стр. 104.

¹⁰¹ ЦГВИА, ф. 2000, оп. I, д. 1002, лл. 136—136 об.

նելու հայրենիքը, բայց իրենց եղբայրների վրա չեն կարող զենք բարձրացնել»¹⁰²:

Թեև կառավարությունը փորձեց թուրք և այլազգի ապստամբ ժողովուրդների միջև պառակտում առաջացնել, բրդերին ու թուրքերին հրահրել հայերի դեմ, սակայն ոչինչ չստացվեց, որովհետև մահմեդականները հայտարարեցին, որ իրենք գործում են միանգամայն ինքնուրույն կերպով¹⁰³:

Սուլթանական կառավարությանը առանձնապես ահարեկում էր այն, որ հարեան երկրում սահմանադրության հաղթանակի հետևվանքով միապետական վարչակարգի հիմքերի խարխուլումը կարող էր ամրապնդել նաև Թուրքիայում սահմանադրության բոլոր կողմնակիցների, այդ թվում նաև երիտթուրքերի դիրքերը և նպաստել Իրանի և Օսմանյան կայսրության հեղափոխական շրջանների միջև կապի հաստատմանը: Այդ վտանգը խիստ շոշափելի էր, մանավանդ, որ Իրանում սահմանադրության հաղթանակից հետո Օսմանյան կայսրությունում և արտասահմանում գործող երիտթուրքական կոմիտեները այդ ուղղությամբ կատարում էին որոշակի քայլեր: Բացի այդ, նրանք ուժգին պայքար ծավալեցին Արգոլ Համիդի դեմ, աշխատելով համոզել կայսրության բոլոր ժողովուրդներին, որ սուլթանը և նրա կառավարությունը քաղաքականապես լրիվ սնանկացել են: «Իթիհադ վե Թերաքիի» Փարիզի կենտրոնը հեռագրեր էր հղում Իրանի պրեմիեր-մինիստրի, Մեջլիսի, Ստամբուլի և Փարիզի իրանական դեսպանությունների հասցեով, որոնց մեջ նա բացահայտում էր իր հայացքներն ու տեսակետները իրանական հեղափոխության նկատմամբ և միաժամանակ ցույց էր տալիս իթիհադի վերաբերմունքը դեպի թուրքական ազդեցիկները: Հեռագրերում նշվում էր, որ «Միասնություն և Առաջադիմություն» կոմիտեն խորապես ցավում է Թուրքիայի և Իրանի միջև ծագած բախումների առթիվ: Որ «համիդյան բռնակալական կառավարությունից, որը ջանում է բռնության ստրուկը դարձնել ողջ Օսմանյան կայսրությունը, ավելին չի էլ կարելի սպասել: Մի սուլթան, որը գույթ և կարեկցություն չունի իր հպատակների, իր ժողովրդի նկատմամբ, միթե՞ կարող է հարգել իր հարեանին»: Հատկանշական է, որ այդ

¹⁰² АВПР, ф. «Политархив», д. 1642, л. 35.

¹⁰³ ЦГВИА, ф. 2000, оп. 1, д. 1002, лл. 136—136 об.

հեռագրերում միաժամանակ կոչ էր արվում իրանական կառավարությանը դրսևորել խոհեմություն և իմաստուն հեռատեսություն, շհենվել Ռուսաստանի վրա ու շառաջնորդվել նրա խորհուրդներով¹⁰⁴։ Քավրիզի «Ազգային խորհրդին» («Անջումանն մելի») ուղղված ուղերձներում իթթիհադը հետևողականորեն առաջ էր քաշում այն միտքը, որ թուրք-իրանական կոնֆլիկտի միակ պատճառը արզուհ-համիդյան բռնատիրությունն է և երբ Օսմանյան կայսրությունում ևս հաստատվեն սահմանադրական կարգեր, երկու երկրների միջև կստեղծվի «անսասան բարեկամություն»¹⁰⁵։

Երիտթուրքերը հատկապես եռանդուն գործունեություն ծավալեցին սուլթանին զրկելու համար նրա ամենահզոր զենքից՝ համայն աշխարհի մահմեդականներին հովանավորողի և համիլամություն կազմափարախոսություն մարմնացումը հանդիսանալու լուսապսակից։ Այսպես, Եգիպտոսում հրապարակվող երիտթուրքական ուղղության «Ալ-Մենիր» թերթը իրանական սահմանադրությանը նվիրված ընդարձակ հոդվածում հայտարարում էր, որ «այսուհետև իսլամի հովանավորող և մահմեդականների պաշտպան պետք է համարվի իրանական շահը, որովհետև իր պետության մեջ առաջինը նա իրագործեց մեծ հեղաշրջումը, իր ժողովրդին շնորհելով սահմանադրության բարիքները»¹⁰⁶։ Այս հոդվածին անմիջապես արձագանքեց Կալկաթայում հրատարակվող իրանական «Հաբլ-ու-մաթին» թերթը, որի կարծիքով «արդի պայմաններում թուրքիան այլևս ի վիճակի չէ իրագործել պանիսլամիզմի գաղափարները»¹⁰⁷։

Երիտթուրքական մի շարք թերթեր («Ենի-Ֆիրք», «Շուրայի ումմեթ», «Սանջակ» և այլն) սուլթանական կառավարության արտաքին քաղաքականությունը բնադատելու և առհասարակ Աբդուլ Համիդին վարկաբեկելու նպատակով լայնորեն սկսեցին օգտագործել Իրանի նկատմամբ կիրառվող զավթողական քաղաքականության փաստը։ Այդ թերթերը ուղղակի գրում էին, որ Իրանից իր տիրապետության սահմանները ազատագրական գաղափարների

¹⁰⁴ Yusub Hikmet Bayur, Türk inkilabi Tarihi, Cilt II, Kısım IV, Ankara, 1952, S. 98—99.

¹⁰⁵ նույն տեղում, էջ 100։

¹⁰⁶ ЦГИА Грyз. ССР, ф. 15, д. 47, л. 65.

¹⁰⁷ նույն տեղում, թ. 65 հ.։

Թափանցումը արգելակելու համար սուլթանը ձեռնամուխ է եղել հակահեղափոխական ինտերվենցիայի: «Ի հեճուկս սուլթանի,— գրում էր «Մանչակ» թերթը,— մենք պետք է հաստատենք, որ բոլոր գիտակից թուրքերը ավյալ մոմենտին մեծագույն բերկրանքով իրենց հայացքներն ուղղում են դեպի Թեհրան և սրտի հաճախակի բարախումներով ունկնդրում պարսկական Մեջլիսի հոնտորների ձառերը»¹⁰⁸:

Ավելի ուշ, 1907 թ. օգոստոսի 23-ին երիտթուրքական «Ստամբուլ» թերթում լույս տեսավ մի հոդված, որտեղ ավելի հանդամանորեն էին շարադրվում թուրքական ինտերվենցիայի զրդապատճառները և այդ հարցի կապակցությամբ երիտթուրքերի տեսակետը: Հոդվածում բերվում էին փաստեր, որ դեռևս XIX դ. 90-ական թվականներին Ելզզ-Քյոնջըից Աբդուլ Համիդը «բարեկամական» նամակներ էր ուղարկում Նասր-էդ-Գին շահին, իսկ այդ նաև Մուհաֆֆար-էդ-Գին շահին, առաջարկելով նրանց համատեղ ուժերով ջախջախել ժողովրդական շարժումներն Իրանում: Այժմ Աբդուլ Համիդը օգտագործելով թուրք-իրանական սահմանային կոնֆլիկտը, որոշել է ջախջախել հեղափոխական շարժումներն այնտեղ, որտեղից այն հայկական կոմիտեների միջոցով կարող է թափանցել Թուրքիա¹⁰⁹: «Միասնություն և Առաջադիմություն» կոմիտեն գտնում էր, որ հարևան երկրում հեղափոխական շարժման վերելքը և սահմանադրական կարգերի հաղթանակը զգալիորեն կամրապնդի նաև իր գիրքերը Օսմանյան կայսրությունում և ընդհակառակը, կխարխլի միապետության հիմքերը: Այդ պատճառով երիտթուրքերը կարևոր նշանակություն էին տալիս իրանական հեղափոխականների հետ շփումներին¹¹⁰:

Երիտթուրքերի կարծիքով Իրանում Աբդուլ Համիդի վարած քաղաքականության բուն շարժառիթներն էին. ա) մտավախությունը, որ Իրանի հեղափոխական իրադարձությունները արձագանք կզրտեն և կտարածվեն նաև Թուրքիայում. բ) Անատոլիայում և կայսրության այլ շրջաններում ներքին ապստամբությունների սար-

¹⁰⁸ Османли, Младотуренкая печать о туренко-персидском конфликте, «Тифлисский листок», 1907, 22 августа.

¹⁰⁹ М. Ардагов, Турецко-персидский пограничный конфликт, стр. 24.

¹¹⁰ Yusub Hikmet Bayur, նշվ. աշխ., 5. 11. մաս IV, էջ 99.

սափը, որոնք ընդունակ էին վերջ տալու սուլթանական բռնատիրությանը¹¹¹: Իրանական հեղափոխական շարժման հետ կապ հաստատելու նպատակով երիտթուրքական կոմիտեին իր ներկայացուցիչներին ուղարկում էր Իրանական Աղբբեջան¹¹², որտեղ նրանք հանդես էին գալիս ճառերով, ցրում երիտթուրքական գրականություն, թուփերկներ և այլն: Օգտագործելով Իրանում սուլթանական կառավարության ագրեսիվ-զավթողական քաղաքականություն վարելու փաստը, երիտթուրքերը ագիտացիոն-պրոպագանդիստական լայն աշխատանք էին ծավալել նաև Իրանում գտնվող թուրքական օկուպացիոն զորքերի շրջանում, նպատակ ունենալով վարկաբեկել սուլթանին¹¹³: Իրենց հերթին Ստամբուլում բնակվող իրանական հեղափոխական վտարանդիները կապվեցին երիտթուրքերի հետ և նույնիսկ նրանցից մի մասը անդամագրվեց «Իթթիհադ վև Թերաքթի» կուսակցությանը «պաշքարելու համար հանուն Թուրքիայի և Իրանի ազատագրության՝ միասնական-բռնատիրական վարչակարգի իշխանությունից»¹¹⁴: Թեև սուլթանական կառավարությունը ձեռքբեկալեց Ստամբուլում գործող «Անջումանե ազադի» իրանական հեղափոխական կազմակերպության անդամներից շատերին¹¹⁵, սակայն կազմակերպությունը շարունակում էր իր ընդհատակյա գործունեությունը:

Այս իրադարձություններից ահարեկված թուրքական կառավարող շրջանները որոշեցին դիմել կտրուկ քայլերի: Արդուլ Համիդը ծրագրել էր Իրանում ազատագրական շարժումը սրատել ու ջախջախել ինչպես հակահեղափոխական ինտերվենցիան ուժեղացնելու, այնպես էլ իրանական ֆեոդալա-միապետական սեպհիստիան աջակցություն ցույց տալու միջոցով¹¹⁶: Իր հերթին իրանական սեպհիստան և սուլթանական կառավարության հետ դաշինքի մեջ մտնելու փորձեր էր անում: Թեհրանում նույնիսկ լուրեր տարած-

¹¹¹ Նույն տեղում, էջ 100:

¹¹² Yusub Hikmet Bayur, նշվ. աշխ., 5. 2, մաս 4-րդ, էջ 100—103:

¹¹³ Նույն տեղում, էջ 100—101:

¹¹⁴ «دکتر مهدی ملکزاده، تاریخ انقلاب مشروطیت ایران، جلد ۳، طهران، ۱۳۳۰، ص ۱۷۴»

¹¹⁵ Նույն տեղում, էջ 162:

¹¹⁶ احمد کسروی، تاریخ مشروطه ایران، طهران، ۱۳۱۹، جلد ۲، ص ۱۷۳

վեցին, որ Մոհամմեդ Ալի շահը թուրքական դեսպանի միջոցով Աբգուլ Համիդից օգնություն է խնդրել Իրանում հեղափոխական շարժումը համատեղ ուժերով ջախջախելու համար¹¹⁷։ Հարկ է նշել, որ սուլթանի ծրագրի իրագործման համար ստեղծվել էր միանգամայն նպաստավոր պահ։ 1907 թ. փետրվարին շահական ռեակցիան սկսեց գրոհը սահմանադրության, Մեջլիսի և առհասարակ հեղափոխական շարժման դեմ¹¹⁸։ Կառավարության և Մեջլիսի միջև առաջ եկան սուր տարաձայնություններ, որովհետև Մոհամմեդ Ալին բացահայտորեն դրսևորում էր հակահեղափոխական հեղաշրջում կատարելու ձգտումները։

Իրանում ստեղծված իրագրությունը հույսեր էր ներշնչում Աբգուլ Համիդին, որ շահական կառավարությունը կարագացնի երկու միապետների դաշինքը հեղափոխության դեմ։ Սուլթանը անմիջապես պալատ է հրավիրում Ստամբուլում իրանական արտակարգ դեսպան, ռեակցիոներ Արֆա-էդ-Գոուլեին և գաղտնի զրույց ունենում նրա հետ Իրանում ծավալվող իրադարձությունների մասին։ Մասնավորապես հայտարարում է շահական դեսպանին, որ «եթե Իրանի վիճակը շարունակի մնալ անփոփոխ և սահմանադրական շարժումը հնարավորին չափ շուտ արմատախիլ շարվի, ապա այդ ախտը կտարածվի նաև այլ մահմեդական երկրներում և այլևս ոչ մի կերպ հնարավոր չի լինի խոչընդոտել ու արգելակել այն։ «Այդ պատճառով,—ավելացնում է սուլթանը,—մենք պետք է Մոհամմեդ Ալի շահի հետ դաշնակցած պայքարենք և արմատախիլ անենք այդ վտանգը»¹¹⁹։ Սուլթանը այնուհետև խնդրում է իր անունից հայտնել շահին, որ ինքը պատրաստ է 50 հազար լիրա ոսկի և մեծ քանակությամբ զորք դնել նրա արմատադրության տակ¹²⁰։ Թեև Արֆա-ուդ-Գոուլեն մտավախություն է հայտնում, որ թուրքերի միջամտությունը Իրանի ներքին գործերին կարող է առաջ բերել Ռուսաստանի և Անգլիայի եռանդուն դիմադրությունը և անցանկալի բարդությունների տեղիք տալ, այնուամենայնիվ, սուլթանի առաջարկը հազոր-

¹¹⁷ ЦГИАЛ, ф. 600, оп. 4, д. 340, л. 36.

¹¹⁸ М. С. Иванов, Иранская революция 1905—1911 гг., стр. 109.

¹¹⁹ «کتر مهدی ملکزاده، تاریخ انقلاب...، جلد چهارم، طهران، ۱۳۳۱ ص ۱۷۹»

¹²⁰ Նույն տեղում, էջ 180:

դում է շահին¹²¹։ Շահական դեսպանի և սուլթանի գաղտնի բանակ-
ցությունների լուրը շուտով հայտնի է դառնում Քեհհրանում, Հեղա-
փոխական ուղղության «Թաղա հայաթ» («Նոր կյանք») թերթը այդ
մասին հրատարակում է հաղորդագրություն, որտեղ հայտարարվում
է նաև, որ իրանական դեսպանը բանակցությունների մեջ է մտել
սուլթանի հետ սադր ազամ (պրեմիեր-մինիստր) Ամին-էս-Սուլթա-
նի կարգադրությամբ¹²²։ Այս լուրը ողջ երկրում առաջ բերեց զայ-
րույթի փոթորիկ։ 1907 թ. օգոստոսի 5-ին Քեհհրանում Մեջլիսի
նիստի ժամանակ Թավրիզի էնջումենը կազմակերպում է բողոքի
ցույց, որին միանում են նաև ժողովրդական հոծ զանգվածներ։ Իսկ
օգոստոսի 18-ին Մեջլիսի շենքից դուրս գալու ժամանակ սադրա-
զամ Ամին-էս-Սուլթանը ատրճանակի մի քանի կրակոցով սպան-
վում է հեղափոխական ֆիդայիի կողմից¹²³։

Փաստերը անվիճելիորեն վկայում են, որ շահական և սուլթա-
նական ռեակցիայի միջև դրություն ուներ ներքին համաձայնու-
թյուն համառեղ ուժերով Իրանում հեղափոխական շարժմանը մա-
հացու հարված հասցնելու համար։ Պատահական չէ, որ վերոհիշ-
յալ բանակցություններից անմիջապես հետո Քուրբխան ուժեղաց-
րեց իր հակահեղափոխական ինտերվենցիան Իրանում։ 1907 թ.
հուլիսին Ցավեր փաշան Վանի կողմից ներխուժեց Ուրմիայի արև-
մուտքի շրջանները, Քերդեերում ջախջախեց Մեղդ-ուս-Սուլթանի
զորքերը և զավթեց մի շարք անբխորիաներ, այդ թվում նաև ռազ-
մական կարևոր նշանակություն ունեցող կետեր¹²⁴։ Ընդ որում,
թուրքական զորքերի հրամանատարը ամենուրեք հայտարարում էր,
որ իր պարտքն է համարում Իրանի սուննիթ բնակչությանը պաշտ-
պանել իրանական հեղափոխականների «բնություններից ու հայա-
ծանքներից»¹²⁵։ Միաժամանակ Բաշկալայում կենտրոնացվեցին ռեզի-
ֆի երկու և նիզամի շորս գումարտակներ, ինչպես նաև համիդիև ութ

¹²¹ Նույն տեղում։

¹²² «Մշակ», 12 հոկտեմբերի, 1907 թ.։

¹²³ «تاریخ مشروطه ایران»، ج ۲، ص ۲۰۱
АВПР, ф. «Персидский стол», 1907, д. 914, л. 53 об.

¹²⁴ ЦГВИА, ф. 2000, оп. 1, д. 1009, л. 5 об.; М. Ардагов, Турецко-персидский пограничный конфликт, стр. 12—15.

¹²⁵ Նույն տեղում։

գնդեր, որոնք տեղորեն նախապատրաստվում էին շարժվելու Ուրմիաչի ուղղությամբ¹²⁶։ Սահմանային հանձնաժողովի կոմիսար, գեներալ Ջեբի փաշան Լահիջանից անմիջապես ժամանեց Բաշկալա, որտեղ հանդիպելով Վանի վալի Քահիր փաշայի հետ պարզաբանեց Իրանի նկատմամբ տարվող քաղաքականության իմաստը և հրահանգեց նրան թուրքական զորքերի գործողություններին տալ կրոնական երանգ։ Միսիան հաջողությամբ գլուխ բերելու համար Քահիր փաշայի տրամադրության տակ գրվեցին գլխավոր շտաբի երկու գեներալներ՝ Ֆերիկ Գանիլի փաշան և լիվա Շաբիր փաշան¹²⁷։

Իրանական տերիտորիայում թուրքական զորքերը զաժանորեն ճնշում էին տեղական բնակչության կողմից դիմադրության ամեն մի փորձ։ Նման դեպքերում նրանք այրում էին գյուղերն ու բնաջրհեղում բնակիչներին¹²⁸։ Այսպես, երբ 1907 թ. օգոստոսին Մավանա գյուղի բնակչությունը անձնազոհ դիմադրություն ցույց տվեց օսմանյան զորքերին, վերջիններս հրետանային կրակով գյուղը վերածեցին ավերակների¹²⁹։ Առանձին վայրերում իրանական զորքերի կողմից դիմադրության փորձ լինելու դեպքում թուրքական հրամանատարները հայտարարում էին, որ զրանց իրենք համարում են ոչ թե կառավարական զորքեր, այլ զինված բանդաներ կամ պարսիկ և հայ ֆիդայիներ և իրենց իրավունք են վերապահում վարվել նրանց հետ ինչպես խռովարարների ու ավազակների հետ¹³⁰։ Իսկ Յավեր փաշան զրան ավելացնում էր, որ իրանական իշխանությունների ներկայացուցիչներին և զորքերի հրամանատարներին ինքը չի կարող ճանաչել որպես կառավարության կողմից լիազորվածների, այլ նրանց համարում է շահի գեմ ընդդիմադիր ձգտումներ արտահայտող էնջումենների ներկայացուցիչներ¹³¹։

Առանձնակի դաժանությամբ թուրքական զորքերը ջախջախում էին հեղափոխական էնջումեններին ու սահմանադրության կողմնակից այլ կազմակերպություններին¹³²։ Օկուպացված շրջանների

¹²⁶ «Объезд оккупированных Турцией...», стр. 3.

¹²⁷ М. Ардагов, Турецко-персидский пограничный конфликт, стр. 16.

¹²⁸ ЦГВИА, ф. 2000, оп. 1, д. 1003, лл. 266 об—267.

¹²⁹ «Тифлисский листок», 1907, 18 августа.

¹³⁰ «Երկրի ձայնը» (շաբաթաթերթ), Բ տարի, 18 նոյեմբերի, 1907 թ.։

¹³¹ «Объезд оккупированных Турцией...», стр. 123.

¹³² «Русские ведомости», 1907, 20 сентября, № 240.

քնակշռության ռեակցիոն տարրերին, բռնատիրութեան կողմնակից խաներին ու ֆեոդալներին նրանք զրգուում էին սահմանադրութեան կողմնակիցների դեմ, կազմակերպում մասսայական ձերբակալութիւններ, սպանութիւններ և այլն¹³³: Իսկ Թեհրանում թուրքական դեսպանութիւնը ազատ ապաստան էր տալիս բազարում անկարգութիւնների ու հակահեղափոխական խռովութիւնների կազմակերպիչներին և առհասարակ բոլոր հակահեղափոխական տարրերին¹³⁴:

Իրանական տերիտորիայում զավթումներ կատարելու և հակահեղափոխական ինտերվենցիան իրագործելու դործում թուրքական զորքերին մեծագույն աջակցութիւն էին ցույց տալիս քրդական բեյերն ու աղալարները, որոնք կատաղի ատելութեամբ էին լցված դեպի հեղափոխական շարժումը: Բացի այն, որ իրենց դիմված ջոկատներով նրանք պայքարում էին հեղափոխական շարժման դեմ, թուրքական դործակալութեան դրդմամբ անընդհատ դիմումներ էին կատարում Վանի վալիին, խնդրելով զորքեր ուղարկել «իրանական բռնութիւններից իրենց ազատելու համար»¹³⁵: Օգտվելով դրանից Աբդուլ Համիդը հրամայեց 6-րդ բանակային կորպուսի հրամանատարին գրավել Սերդեշար¹³⁶: Նույն կերպ գրավվեց Բանեն, Չահիրն ու Սոմայր: Միայն Բանեի շրջակայքում 142 քրդական գյուղեր բացահայտորեն հայտարարեցին, որ այսուհետև չեն ձանաչելու իրանական իշխանութիւններին և որպես սուննիթներ իրենց համարում են սուլթանի հպատակներ¹³⁷: Իսկ մամաշ, փիրան, մանգուր¹³⁸ և այլ ցեղերի առաջնորդները կապեր հաստատելով Մոուջրուպոլի շրջանի արևելյան և հյուսիսարևելյան մասերի յսաների հետ հայտարարեցին, որ Ջաղաթու գետից արևելք ընկած բոլոր հողերը այսուհետև անցնում են թուրքերին¹³⁹:

133 ۱۷۹ ص «کتر مهدی ملکزاد» (جلد ۴، ص ۲۱۰، ۲۱۱).

134 «Тифлисский листок», 1906, 11 июля.

135 АВПР, ф. «Канцелярия МИД», 1907, д. 34, л. 193.

136 АВПР, ф. «Канцелярия МИД», 1907, д. 32, л. 44.

137 АВПР, ф. «Канцелярия МИД», 1907, л. 124, лл. 321—322.

138 Սոուջրուպոլի շրջանում թուրքական բազաքականութեան ամենաակտիվ իրագործողն էր մանգուր ցեղի առաջնորդ Բայզեդ կամ Բայիդ աղան:

139 Д. М. Беляев, Очерк северо-восточной части Персидского Курдистана. («ИШКВО», № 30, Тифлис, 1911, стр. 7).

Քրդական ֆեոդալների աջակցության շնորհիվ մի շարք խոշոր շրջաններ թուրքերին հաջողվում էր գրավել մեկ-երկու տասնյակ զինվորներով: Օրինակ, 1907 թ. աշնանը Գեշտեբլիի ամբողջ շրջանը նրանք գրավեցին 60 ասկյարներով, իսկ Ուշուուն ընդամենը 15 զինվորով¹⁴⁰:

Թուրքական հրամանատարությունը հանձնարարում էր պրո-թուրքական տրամադրություններ ունեցող քրդական ցեղապետներին կողոպուտի և ավերածության ենթարկել զեռևս չլավթված բնակավայրերը, որից հետո թուրքական իշխանությունները առաջարկում էին բնակիչներին վերադարձնել նրանցից կողոպուտած դույրը, ազատել հարկերից և տալ մի շարք արտոնություններ, պայմանով, որ նրանք ընդունեն Օսմանյան կայսրության հովանավորությունը (զեֆակտո թուրքական հպատակություն): Այդպես 1907 թ. ամռանը թուրքերն ամրապնդվեցին Ուրմիայի նահանգի Բերդեկեր, Գեշտ և Մերդեկեր գավառներում, որտեղ նրանց հատկապես մեծ ծառայություն մատուցեց քրդական Բեյլաղե ցեղը¹⁴¹: Տեղական բնակչության նկատմամբ բռնություններ գործադրելու քաղաքականությունը հետապնդում էր նաև այն նպատակը, որպեսզի վարկաբեկի իրանական պետության հեղինակությունը և, ընդհակառակը, օկուպացված շրջանների բնակչությունը համոզվի, որ այսուհետև այդ վայրերի դրություն տեղը ոչ թե շահական կառավարությունն է, այլ օսմանյան Թուրքիան:

Այսպիսով, Իրանի նկատմամբ իրագործելով հակահեղափոխական ինտերվենցիա, Օսմանյան կայսրությունը Անգլիայի ու ցարական Ռուսաստանի հետ համատեղ հանդես էր գալիս իրանական ժողովրդի ազգային-ազատագրական, հակաֆեոդալական ու հակաիմպերիալիստական շարժումը խեղդողի դերում, ընդ որում, Իրանում հակահեղափոխական ինտերվենցիային օսմանյան Թուրքիան դիմեց ավելի վաղ, քան Անգլիան և ցարական Ռուսաստանը: Իրանական պատմաբան Մեհդի Մալեքզադեն այդ առթիվ գրում է, որ թուրքական զորքերը, որոնք հանդես էին գալիս իրանական ռեակ-

¹⁴⁰ «Тифлисский листок», 1907, 24 октября.

¹⁴¹ АВПР, ф. «Персидский стол», 1907, д. 914, л. 53.

ցիայի կողմում, իրանական սահմանադրությանը հասցրին մեծագույն հարված¹⁴²:

Դեռևս 1907 թ. ամռանը սուլթանական կառավարությունը Իրանում զավթած իր տերիտորիաները հայտարարում էր թուրքիայի անբաժանելի մասը: Այդ առթիվ ռուսական ղեկավարողը Իրանից հայտնում էր արտաքին գործերի մինիստրությանը, որ «Թահրանում թուրքական ռազմական կցորդ Ջամիլ բեյը բացահայտորեն, շքաշվելով նույնիսկ օտարերկրյա զիվանագիտական ներկայացուցիչների ներկայությունից, հայտարարում է, որ այլևս թուրքիայի և Պարսկաստանի միջև ոչ մի սահմանային թյուրիմացություն գոյություն չունի, որովհետև համաձայն Ստամբուլից դեսպանատան ստացած ցուցումների, օսմանյան զորքերի զրաված բոլոր հողերը կազմում են թուրքիայի ախրայետությունները»¹⁴³:

Այս բոլորը, իհարկե, չէր կարող Իրանում առաջ շրջել համբնդհանուր տազնապ: Թուրքական ինտերվենցիան զրգռել էր երկրի հասարակական միտքը: Սահմանազլխից ստացվող տազնապայի լուրերի հետևանքով Արևմտյան Ադրբեջանի բնակչությունը դարձավում էր խուճապի մեջ: Հազարավոր մարդիկ, մանավանդ ասորիները և հայերը, լքելով իրենց բնակավայրերը, հաղձակ հեռանում էին դեպի հյուսիս և արևելք¹⁴⁴: Շահական կառավարությունը ոչ մի միջոցառում չէր ձեռնարկում թուրքական ոտնձգությունների դեմ: Գարտվիզը այդ բացատրում էր նրանով, որ «Մոհամմեդ Ալի շահը և կառավարական գործիչները ամբողջապես զբաղված են ներքին իրադարձություններով և իրենց ողջ ուժերն ու ուշադրությունը կենտրոնացնելով կուսակցական տարածայնությունների և վեճերի վրա, դաժան պայքար մղելով իրենց իշխանության պահպանման համար, իսպառ կորցրել են պատկերացումը բարձրագույն պետական շահերի վերաբերյալ: Այն, ինչ տեղի է ունենում այդ պայքարի շրջանակներից դուրս, նրանց համար չունի ոչ մի նշանակություն»¹⁴⁵: Դա վկայում էր այն մասին, որ շահական կառավարությունը, որն ամբողջապես զբաղված էր երկրում հեղափոխությունը

142 ۳۷ ص ۱۰۰، جلد ۱، «کتر مهدی ملکزاد»

143 АВПР, ф. «Персидский стол», 1907, д. 913, лл. 167 об—168.

144 АВПР, ф. «Персидский стол», 1907, д. 914, л. 53.

145 АВПР, ф. «Персидский стол», 1907, д. 913, лл. 166—167.

Ճնշելու և իր իշխանությունը փրկելու հոգսով, բացարձակ անտարբերություն էր ցուցաբերում արտաքին սպառնալիքի նկատմամբ: Ընդհակառակը, մայրաքաղաքում շարունակվում էին պատվել լուրեր, թե շահի և սուլթանի միջև կայացվել է զազանի համաձայնություն համառոտ ուժերով հեղափոխությունը ճնշելու վերաբերյալ: Այդ կասկածներն ամրապնդվում էին նրանով, որ շահը կտրակահասցե հրաժարվում էր մայրաքաղաքից զորքեր տեղափոխել սահման: Ընդհակառակը, նա ձգտում էր ուղղմական բախումների թատերաբեմից հանել զորքերն ու տեղափոխել Քեհրան, հեղափոխական ֆիդայիների ու էնջումենների դեմ պայքարելու համար: Ավելին, Քեհրան էր կանչվում բախտիարական հեծելազորի մի մասը, Քալիշի ցեղերից բազկացած հեծելազորը և Քավրիդից ութ հարյուր հեծյալներ: Շահը պատրաստվում էր նաև քրդերից, բախտիարներից և ասորիներից կազմակերպել հատուկ ջոկատներ և զրանք կենտրոնացնել մայրաքաղաքում¹⁴⁶:

Քուրբական ազրեսիայի նկատմամբ միանգամայն անտարբեր վերաբերմունք էին ցուցաբերում նաև սահմանամերձ գոտու շահական իշխանությունները: Ծիշտ է, որոշ աստիճանավորներ, որոնց սպառնում էր կալվածքները կորցնելու վտանգը, հուսալով, որ կառավարությունը կօգնի, դիմված ջոկատներով մեկնեցին օկուպացված շրջանները թշնամու դեմ կռվելու մտադրությամբ, սակայն չստանալով այդ օգնությունը, աստիճանաբար ցրվեցին իրենց տները, որպեսզի գեթ պաշտպանեն սեփական ունեցվածքը¹⁴⁷: Մայրաքաղաքում շահական կառավարության բարձրաստիճան ներկայացուցիչները և նրանց հետ կապված Մեջլիսի որոշ պատգամավորներ վկայակոչելով Իրանի ուղղմական թուլությունը և ներքին անկայուն վիճակը ուղղակի հայտարարում էին, որ Իրանը ի վիճակի չէ դիմազրբել Քուրբիային: 1907 թ. դեկտեմբերի 12-ին նույնիսկ ընդունվեց մի որոշում, որտեղ ասվում էր, որ ներկա պայմաններում անհրաժեշտ է զորքեր շուղարկել սահման, որպեսզի Քուրբական կառավարությունը չմտածի, թե շահական կառավարությունը մտադիր է ուժ գործադրել Քուրբական զորքերի գրաված տերիտորիաների

¹⁴⁶ 1907 թ. «سازمان» مجلیس «سازمان» 14. М. С. Иванов, Иранская революция 1905—1911 г. г. стр. 123.

¹⁴⁷ М. Ардатов, Турецко-персидский пограничный конфликт, стр. 19.

մաքրման համար, մի հանգամանք, որը հավասարազոր կլիներ պատերազմ հայտարարելուն¹⁴⁸։

Մեջլիսի հայրենասիրական տրամադրություններ ունեցող ներկայացուցիչները մեղադրում էին կառավարությանը, որ արտաքին գործերի մինիստրությունը և Ստամբուլում իրանական դեսպանը ցուցաբերում են հանցավոր անտարբերություն Իրանի տերիտորիալ ամբողջականության և ինքնուրույնության դեմ ուղղված ստնձղությունների նկատմամբ։ Իսկապես, նեյիդովի վկայությամբ իրանական դեսպանի բանակցությունները Ստամբուլում բացարձակապես չէին կրում պետական բնույթ, սահմանափակվելով լոկ սահմանամերձ շրջաններում տեղի ունեցող մասնակի, ոչ կարևոր, երկրորդական նշանակություն ունեցող հարցերի շուրջը, վեճով¹⁴⁹։ Ծիշտ է, իրանական որոշ դիվանագետներ փորձում էին բողոքել օսմանյան կառավարության զավթողական քաղաքականության դեմ, որակելով այն որպես միջազգային հարաբերությունների ամենատարրական կանոնների խախտում, սակայն շահական կառավարության բռնած վերոհիշյալ դիրքի հետևանքով այդ բողոքները մնում էին անարձագանք։ Օրինակ, Բեռլինում իրանական դեսպանի պաշտոնակատար Հովհաննես խան Մասեհյանը «Տաղբերավթ» թերթի թղթակցի հետ ունեցած հարցադրույցի ժամանակ հայտարարում է, որ «Եթե Բ. Գուռը շուտով ետ չկանչի իր զորքերը, ապա դործը կարող է հասնել պատերազմի հայտարարության»¹⁵⁰։ Սակայն իրանական ներկայացուցչի այս հայտարարությունը դժգոհությամբ քննարկվեց շահական արտաքին գործերի մինիստրության կողմից։

1907 թ. աշնանը իրանական աստիճանավորներից մեկը՝ Մոհեշամ-ու-Սալթանեն նշանակվեց Թուրքիայի հետ սահմանային կոնֆլիկտը հետաքննող հանձնաժողովի ղլխավոր կոմիսար։ Այս նշանակումը ինքնին վկայում էր այն մասին, որ շահը և նրա կառավարությունը լրջորեն չեն վերաբերվում թուրքական ագրեսիայի հարցին, որովհետև վերոհիշյալ աստիճանավորը, ռուսական դեսպանորդի վկայությամբ, միանգամայն մակերեսորեն էր ծանոթ իրեն հանձնարարված գործին։ Բացի այդ, կառավարությունը նրան

¹⁴⁸ Նույն տեղում, էջ 19։

¹⁴⁹ АВПР, ф. «Канцелярия МИД», 1908, д. 39, лл. 172—172 об.

¹⁵⁰ «Մշակ», 7 հոկտեմբերի, 1907 թ.։

չէր տվել ոչ հրահանգներ, և ոչ էլ աշխարհագրական քարտեզներ ու սահմանային հարցի հետ առնչվող այլ փաստաթղթեր¹⁵¹; Բավական է ասել, որ հանձնաժողովի անդամներից ոչ ոք ի վիճակի չէր քարտեզներ գծել, առավել ևս դրանք կարդալ և մեկնաբանել: Դրուսթյունից ելք գտնելու համար Մոհեբեշամ-ուս-Սալթանեն Թավրիզում վարձում է մի ոմն լուսանկարիչ Ստեփանյանի, որին և հանձնարարվում է գծել սահմանային քարտեզը¹⁵²:

Թուրքական զավթիչների նկատմամբ շահական կառավարութեան վարած հանցավոր ու դավաճանական քաղաքականության հետևանքով մթնոլորտն Իրանում գնալով ավելի ու ավելի էր շիկանում: Մայրաքաղաքում և մի շարք քաղաքներում հեղափոխական շրջանների նախաձեռնությամբ կազմակերպվում էին բողոքի ցույցեր¹⁵³: Շահական կառավարությանը ցուցարարները մեղադրում էին թուրքական ինտերվենցիային ուղղակի աջակցություն ցույց տալու մեջ: Որպես փաստարկ բերվում էր նաև այն, որ սահմանամերձ շրջանների ցեղերից թուրքերի դեմ պայքարելու համար ջոկատներ կազմակերպելու փոխարեն շահական արքունիքը հրահրում է քրդերի, շահսենների, զարաղաղցիների ավազակային բանդաներին կողոպտել ու վայրագություններ կատարել Ուրմիայի, Սուլջուլուզի, Խոյի և այլ շրջաններում, որտեղ ծավալվում էր թուրքական ագրեսիան: Իրանական պատմաբան Մեհդի Մալեքզադեն այդ առթիվ նշում է, որ Ազրբեջանը և Քրդստանը վերածելով իր կողմնակից ցեղերի ասպատակությունների թատերաբեմի, շահը ցանկանում էր այդ իրադարձությունների, ինչպես նաև թուրքական արշավանքի ողջ մեղքը բարդել սահմանադրության վրա¹⁵⁴:

Մեջլիսում տեղի էին ունենում փոթորկալից նիստեր, որոնց սովորաբար ներկա էին լինում ժողովրդի բազմաթիվ ներկայացուցիչներ: Իրանական պառլամենտի ձախ պատգամավորները, որոնք ժողովրդի դեմոկրատական խավերի ներկայացուցիչներն էին, բացահայտորեն մեղադրում էին կառավարությանը միտումնավոր անգործության մեջ, և նույնիսկ այն բանում, որ կառավարությունը

¹⁵¹ АВПР, ф. «Перевдский стол», 1907, д. 914, лл. 202—204.

¹⁵² «Тифлисский листок», 1907, 8 декабря.

¹⁵³ «Մշակ», 15 դեկտեմբերի, 1907 թ.:

¹⁵⁴ «ص ۳ جلد ۲۲۱. مکتبہ مہدی ملکناد»

ինքն է հրավիրել թուրքական զորքերին, որպեսզի նրանց օգնութիամբ ճնշի սահմանադրական շարժումն Իրանում¹⁵⁵։ Մեջլիսում և մայրաքաղաքի հեղափոխական շրջաններում նրանք սկսեցին ազիտացիա մղել, որ թուրքական ինտերվենցիան կանխելու համար բնավ հիմքեր չկան հուլյսեր կապելու Անգլիայի ու Ռուսաստանի միջնորդության հետ, որի վրա պնդում է կառավարությունը¹⁵⁶, այլ հասել է ժամանակը, որ պարսիկները իրենք լուծեն իրենց հարցերը և սեփական ուժերով պաշտպանեն երկրի տերիտորիալ անձևերն-մխելիությունը¹⁵⁷։ 1907 թ. սեպտեմբերին տեղի ունեցած Մեջլիսի նիստերից մեկի ժամանակ մուշտեհիդ աղա Սեյիդ Աբդուլլան կրակոտ ճառ է արտասանում հայտարարելով, որ եթե կառավարությունը շարունակի իր պարտվողական քաղաքականությունը, ապա ինքը կըրջի երկրում և ամենուրեք սրբազան պատերազմի կոչ կանի թուրքերի դեմ¹⁵⁸, նման կոչերը ջերմ պաշտպանություն էին զրտնում նաև ժողովրդի կողմից։ Աշխատավորական խավերի բազմաթիվ ներկայացուցիչներ պատրաստակամություն էին հայտնում զենք վերցնել հայրենիքի պաշտպանության համար։ 1907 թ. օգոստոսին Սպահանի բնակչությունն ու Քերմանշահի նահանգի մի շարք ցեղեր նույնիսկ առաջարկեցին սահման ուղարկել 25 հազարանոց ժողովրդական աշխարհազոր թուրքական Արաբստան ներխուժելու համար, որպեսզի սուլթանական կառավարությունը ստիպված լիներ իր զորքերը դուրս բերել հյուսիսում զավթած տերիտորիաներից։ Սակայն կառավարությունն ու Մեջլիսը մերժեցին այդ առաջարկը¹⁵⁹։

Ի տարբերություն Մեջլիսի ձախ պատգամավորների, աչերը, որոնք հանդիսանում էին ֆեոդալական ազնվականության, հողատերերի, խոշոր առևտրական բուրժուազիայի ներկայացուցիչներ և կապված էին շահական արքունիքի և օտարերկրյա կապիտալի հետ, պաշտպանում էին կառավարության վարած քաղաքականությունը «թուրքական հարցում»։ Իրենց հերթին նրանք մեղադրում

¹⁵⁵ «Մեծ օրը Մեջլիսում», «Մշակ», 5 դեկտեմբերի, 1907 թ.։

¹⁵⁶ «Թուրք-պարսկական կոնֆլիկտի մասին պաշտոնական բացատրություն», «Մշակ», 27 հոկտեմբերի, 1907 թ.։

¹⁵⁷ АВГР, ф. «Персидский стол», 1907, д. 914, л. 190.

¹⁵⁸ Նույն տեղում, թ. 126 հ.։

¹⁵⁹ Նույն տեղում, թ. 185 հ.։

էին ձախերին նրանում, որ Մեջլիսում նրանց ընդդիմադիր գործունեութեան հետեանքով կառավարութիւնը զուրկ է ֆինանսական միջոցներից և բանակից, որի հետեանքով և Մեջլիսը իրավունք չունի կառավարութիւնից պահանջելու վճարական միջոցառումներ թուրքական ագրեսիայի դեմ, որ նման պայմաններում կառավարութեանը մնացել է միայն մեկ ելք՝ ապավինել Ռուսաստանի և Անգլիայի օգնութեանը և դիմել նրանց միջնորդութեանը¹⁶⁰:

Իրանում հատկապես մեծ զայրույթ առաջացրեց այն լուրը, որ Արդու Համիդի հրամանով Թուրքիայում բնակվող զինվորական ծառայութեան հասակի բոլոր իրանցի երիտասարդները հավաքագրվում են բանակ և ստիպում են նրանց թուրքական բանակի կազմում մասնակցել Իրանի դեմ մղվող ռազմական գործողութիւններին¹⁶¹:

* * *

1907 թ. գարնանից եվրոպական դիվանագիտութիւնը սկսեց մեծ հետաքրքրութիւն ցուցաբերել իրանա-թուրքական կոնֆլիկտի նկատմամբ: Դա պայմանավորված էր նրանով, որ արդեն նկատվում էին անզուրուսական մերձեցման առաջին նշանները և թուրք-իրանական հարաբերութիւնները ձեռք էին բերում նոր քաղաքական բովանդակութիւն:

Գեռես 1906 թ. վերջերին Անգլիայի ու Ռուսաստանի մերձավոր և միջինարևելյան քաղաքականութեան մեջ նկատվեց որոշ շրջադարձ: Երկու պետութիւնների կառավարող շրջանների մտանկատվեց փոխադարձ համաձայնութեամբ Իրանը միմյանց միջև «ազդեցութեան գոտիների» բաժանելու միտում: «Գերմանական վտանգը» և իրանական ժողովուրդների ազգային-ազատագրական շարժման բուռն վերելքը արագացնում էին այդ գործարքի կնքումը:

Այդ հարցում հատկապես մեծ նախաձեռնութիւն էր ցուցաբերում Անգլիան, որովհետև վերջին մի քանի տարիների ընթացքում Գերմանիան ոչ միայն հասցրել էր նրան դուրս մղել Թուրքիայից և այն վերածել գերմանական ձեռնարկատերերի, բանկիրների և առևտրական ֆիրմաների ինտենսիվ գործունեութեան ոլորտի,

¹⁶⁰ АВПР, ф. «Персидский стол», 1907, д. 914, лл. 188—189, տե՛ս նաև «دکتر مهدي ملكزاد» 224. աշխ., հ. 3, էջ 35—36:

¹⁶¹ Նույն տեղում, էջ 84:

այլև ակտիվորեն աշխատում էր քաղաքական շարժում հրահրել Անգլիայի մահամեղական բնակչություն ունեցող գաղութներում, որը ի վերջո կարող էր ուժասպառ անել բրիտանական կայսրությանը: Վերջապես Գերմանիայի օրեցօր աճող ձգտումը դեպի Ասիա, մասնավորապես Իրան, որը տիրապետող դիրք էր զբաղում Հնդկաստանից Եվրոպա տանող բոլոր ճանապարհների վրա և հատկապես Բաղդադի երկաթուղու շինարարությունը՝ սաստիկ դիպչում էին Անգլիայի շահերին:

Բրիտանական կառավարությանը մեծ անհանգստություն պատճառեց գերմանական քաղաքականության ակտիվացումը հատկապես Պարսից ծոցի շրջանում: Օգտագործելով Թուրքիայի վրա ունեցած իր ազդեցությունը, Գերմանիային հաջողվեց ստանալ նսմինալ ձևով Թուրքիային պատկանող Ֆարուրի կղզում ծովային կայան կառուցելու իրավունք: Կայզերի հրամանով գերմանական նավատորմը տենդորեն նախապատրաստվում էր ռազմական ցույցի Պարսից ծոցի թուրքական ջրերում: Պանգերմանական մամուլը իր հերթին պահանջում էր «իրավահավասար» վիճակ Պարսից ծոցում, հակառակ դեպքում սպառնալով զենքի դիմել իրենց «իրավունքները» պաշտպանելու համար:

Այս բոլորը ստիպեց անգլիական կառավարող շրջաններին արմատապես վերանայել իրենց քաղաքականությունը Ռուսաստանի նկատմամբ: Ֆորին Օֆիսը առաջ քաշեց անգլո-ռուսական համաձայնագրով Իրանը ազդեցության գոտիների բաժանելու գաղափարը: 1906 թ. մայիսին անգլիական գեսպան Ա. Նիկոլսոնը ժամանեց Պետերբուրգ, որից հետո սկսվեցին Իրանի և, առհասարակ, Միջին Արևելքի վերաբերյալ համաձայնագիր կնքելու բանակցությունները:

Դիմելով այդ քայլին, ցարական դիվանագիտությունը միաժամանակ գտնում էր, որ անհրաժեշտ է շարել հարաբերությունները կենտրոնական պետությունների հետ և Գերմանիայի ու Անգլիայի միջև հնարավոր պատերազմի դեպքում ունենալ չեղոքություն պահպանելու հնարավորություն¹⁶²: Այդ քաղաքական գիծը կենսագործելու նպատակով 1906 թ. հոկտեմբերին Իզվոլսկին մեկնեց

¹⁶² «История дипломатии», т. II, стр. 608.

Բեռլին: Այստեղ նա աշխատում էր համոզել կանցլեր ֆոն Բյուլովին, որ Անգլիայի հետ բանակցությունները բնավ ուղղված չեն Գերմանիայի դեմ և առհասարակ չեն շոշափում բնդհանուր քաղաքական հարցեր: Ռուսական արտաքին գործերի մինիստրը Բեռլինում ցանկանում էր ձեռք բերել նաև այնպիսի համաձայնություն, որն ապահովեր ռուսական շահերն Իրանում գերմանական ստանդարտներին: Այդ նպատակով Իզվոլսկին առաջարկեց կնքել ռուս-գերմանական հատուկ համաձայնագիր Իրանի և Բաղդադի երկաթուղու վերաբերյալ: Գերմանական կողմը անմիջապես ավելց իր համաձայնությունը¹⁶³: 1907 թ. փետրվարի 20-ին, հակառակ Անգլիայի ցանկության, Իզվոլսկին Պետերբուրգում գերմանական ղեկավարին հանձնեց ռուս-գերմանական համաձայնագրի ռուսական նախագիծը, որտեղ Գերմանիայից պահանջվում էր իրանական սահմանի մոտ և Իրանի տերիտորիայում չկառուցել Բաղդադի երկաթուղու ճյուղավորումներ, Հյուսիսային Իրանում չպահանջել կոնցեսիաներ, պաշտոնապես հայտարարել, որ Գերմանիան Իրանում չունի քաղաքական շահեր և ճանաչում է Ռուսաստանի տնտեսական և քաղաքական շահերի առկայությունը Հյուսիսային Իրանում: Այս բոլորի փոխարեն Ռուսաստանը խոստանում էր արգելքներ չհարուցել Բաղդադի երկաթուղու շինարարության հարցում¹⁶⁴:

Գերմանիան, սակայն, այս նախագծի որոշ «ուղղումներին» պատրվակի տակ ներկայացրեց սեփական նախագիծ, որտեղ ոչ միայն չէր հրաժարվում Իրանում երկաթուղիներ կառուցելու իր պլաններին, այլև կոնկրետ առաջարկ էր անում Թեհրանից մինչև Բաղդադի մադիստրալը երկաթուղային գիծ կառուցելու վերաբերյալ¹⁶⁵: Յարական կառավարությունը մերժեց այդ առաջարկությունը:

Բանակցությունների ձախողումից հետո Գերմանիան կրկին գրոհեց Իրանում անգլո-ռուսական տնտեսական և քաղաքական դիրքերի դեմ: Այդ գործում բացառիկ եռանդ էր դրսևորում ինքը՝

¹⁶³ Paul Butterfield, The diplomacy of the Bagdad Railway 1890—1914, Göttingen, 1932, p. 31.

¹⁶⁴ „Die Grosse Politik“, Bd. XXII, t. 1, № 7364, s. s. 38—41; Bd. XXV t. 1, № 8649, s. s. 231—234; № 8580, s. s. 123—124.

¹⁶⁵ Ibid, № 8588, s. s. 137—141; Paul Butterfield, նշվ. աշխ. էջ 33.

կալզերը, որը Օստեն-Սակենի բնորոշմամբ «նման գործերում հակված էր դեպի գերմանական ազդեցիկ ֆինանսական և արդյունաբերական գործիչները»¹⁶⁶: Ծանոթանալով Իրանում գերմանական դեսպանորդ Շտեմբիխի զեկուցագրի հետ՝ Թեհրանում գերմանական բանկ բաց անելու անհրաժեշտության մասին, կալզերը ոգևորվեց այդ գաղափարով և կարգադրեց առանց հասպտակելու զբոսով:

1907 թ. ապրիլին Թեհրան ժամանեց գերմանական խոշոր ֆինանսիստ, «Գերմանական արևելյան բանկի» դիրեկտոր Հերբերտ Գուտմանը: Վերջինս հենվելով 1906 թ. հուլիսի 1-ի գերմանա-իրանական գաղտնի կոնվենցիայի վրա, իր բանկի անունից դիմեց շահին՝ խնդրելով Թեհրանում գերմանական բանկ բաց անելու թույլտվություն տալ: Իր ներկայացրած նախագծում Գուտմանը պահանջում էր գերմանական բանկին իրավունք տալ 60 տարի ժամկետով Իրանում կատարել բանկային գործողություններ, նահանգական քաղաքներում բաց անել բանկի բաժանմունքներ: Բանկը իրավունք էր ստանալու Թեհրանում և Թավրիզում ձևաբերել հողամասեր, Իրանի տարբեր քաղաքներում հիմնել առևտրական, արդյունաբերական ձեռնարկություններ և ֆինանսական հիմնարկություններ: Գերմանացիները պահանջում էին բանկն ու նրա բաժանմունքներն աղատել ամեն տեսակի հարկերից ու տուրքերից, իրենց կողմից ներմուծված ապրանքների համար շահանձել մարտատուրքեր, բանկին իրավունք տալ կատարել իրանական զանձարանի բոլոր տեսակի վճարումները արտասահմանում, կտրել իրանական արծաթյա դրամ, բանկին տալ ամբողջ Իրանի հանքային հանածոների հետախույզման մենաշնորհային իրավունք: Գուտմանը պահանջում էր նաև հատուկ հողային բանկեր կազմակերպելու, սոսոցման աշխատանքներ կատարելու, ջրային ուժերի շահագործման և ջրմուղի սխտեմներ կառուցելու կոնցեսիաներ: Գերմանական նախագծերում նախատեսվում էր նաև Պարսից ծոցում բաց անել առևտրական դեպո (Բանդար-Բուշիրում) և միաժամանակ կանոնավոր հաղորդակցությամբ Պարսից ծոցի նավահանգիստները կապել գերմանական ջրերի հետ: Այնուհետև գերմանացիները ձգտում էին երկաթուղային ճանապարհով Թեհրանը կապել իրանա-թուրքական

¹⁶⁶ АВПР, ф. «Канцелярия МИД», л. 17, л. 251 об.

սահմանի հետ, իբր թև հեշտացնելու համար ուխտագնացությունը դեպի շիրիմների սրբազան քաղաքներ՝ Քարբալա և Նաջաֆ, սակայն, իրականում հետապնդելով տնտեսական, քաղաքական և ռազմագիտական նպատակներ: Ընդ որում, ըստ նախնական նախագծերի, այդ ճանապարհը անցնելու էր Քերմանշահի և նավթարեր շրջանի վրայով դեպի Բաղդադի երկաթուղու հետ միացման կետը: Մի այլ գծով Գերմանիան մտադիր էր Թեհրանը կապել Պարսից ծոցի հետ¹⁶⁷:

Իր այս պլանները իրագործելու համար Գերմանիան հենվում էր Մեջլիսի գերմանոֆիլ խմբի վրա, որին հարել էին բարձր պետական պաշտոններ զբաղեցնող այնպիսի ազդեցիկ քաղաքական գեմբեր, ինչպես զաշարական արքայազն Զեյ-էս-Սուլթանը, Սալար-էդ-Դուուլեն, առաջին Մեջլիսի նախագահներ Սանի-էդ-Դուուլեն և էհ-թեշամ-էս-Սալթանեն, լուսավորության մինիստր Մոխթեր-էս-Սալթանեն, Ալա-էլ-Մուրը, ներքին գործերի մինիստրի տեղակալ Մոհ-թեշամ-էս-Սալթանեն, արգարադատության մինիստր Մոայեդ-էս-Սալթանեն և շատ ուրիշներ, որոնք Անգլիայի և Ռուսաստանի դեմ պայքարում ցանկանում էին օգտագործել Գերմանիային¹⁶⁸: Գերմանոֆիլ պատգամավորները աշխատում էին համոզել Մեջլիսում Գուամանի կոնցեսիայի հակառակորդներին, որ այդ կոնցեսիան մերժելու դեպքում Գերմանիան կարող է խզել իր գիլանագիտական հարաբերությունները Իրանի հետ, իսկ դա կարող է ունենալ վտանգավոր հետևանքներ, մանավանդ որ Գերմանիան հնարավորություն ունի գրգռիչ ազդեցություն գործել Թուրքիայի վրա սահմանային կոնֆլիկտի հարցում¹⁶⁹:

Ի վերջո անդլո-ռուսական ճնշման տակ շահական կառավարությունը ստիպված էր մերժել Գուամանի կոնցեսիան: Այսպիսով, իրանական ֆինանսների վրա հսկողություն սահմանելու և Իրանը տնտեսապես իրեն ենթարկելու գերմանական այս փորձը ավարտվեց լրիվ անհաջողությամբ: Գերմանական կառավարող շրջաննե-

¹⁶⁷ АВПР, ф. «Персидский стол», 1907, д. 913, лл. 230—232; ЦГИА.Л, ф. 560, д. 359., лл. 15—17, 59, 62—64, 67—69, 77—79, 94—95; «ИШКВО», 1907, № 19, 1-я треть, стр. 57.

¹⁶⁸ АВПР, ф. «Персидский стол», 1907, д. 913, л. 210 об.

¹⁶⁹ Նույն տեղում, թթ. 228—228 հ.:

րում եկան այն համոզման, որ խիստ դժվար է հակառակ Ռուսաստանի և Անգլիայի կամքի Իրանում ձեռք բերել տնտեսական և բազաբական արտոնություններ: Մյուս կողմից անգլո-ռուսական բանակցությունների հաջող ընթացքը ստիպում էր Գերմանիային միանգամայն զղաստորեն դնահատել անգլո-ռուսական Անտանտի ստեղծման ապագա հեռանկարները: Այդ պատճառով կայսերական արտաքին գործերի մինիստրությունում մշակվեց անգլո-ռուսական մերձեցումը խոչընդոտելու և Ռուսաստանի հետ գերմանա-ռուսական հարաբերությունների վիճելի հարցերի վերաբերյալ համաձայնության գալու գիծ: 1907 թ. հունիսի 18-ին Գերմանիան դիմում է Պետերբուրգի կարինեային հետևելու առաջարկությանը. Գերմանական կառավարությունը պարտավորվում է ոչ ուղղակի և ոչ էլ անուղղակի ձևով, իր հպատակների միջոցով, փորձեր չկատարել Հյուսիսային Իրանում երկաթուղային, խճուղային կամ հեռագրական կոնցեսիաներ ստանալու ուղղությամբ, պայմանով, որ Ռուսաստանը դադարեցնի իր դիմադրությունը Բաղդադի երկաթուղու շինարարության հարցում և իրանական տերիտորիայում հոգաթեհրան—Խանեկին երկաթուղային գիծը կառուցելու մասին, որը թուրք-իրանական սահմանի մոտ կմիանա Բաղդադի երկաթուղու Սեդիզե—Խանեկին ապագա գծի հետ: Գերմանիան նաև կրաշխիք էր տալիս, որ Թուրքիայի և Իրանի հաղորդակցության ճանապարհների միջև չի սահմանվի տրանզիտային մաքսատուրքեր, զիֆերենցիալ տարիֆներ և գերմանական առևտուրը Իրանում կօգտվի լրիվ ազատությունից¹⁷⁰:

Սակայն գերմանական այս առաջարկությունը անպատասխան թողնվեց Պետերբուրգի կողմից, այն գիտվելով շատ հետոն գնացող մի առաջարկություն:

Վիլհելմ II-ի գրվանագիտությանը անհաջողություն էր սպասում նաև այլ կողմից: Ռուսաստանի ճնշման տակ շահք ստիպված էր մերժել Թեհրանում գերմանական միսիայի համառ պնդումները թուրք-իրանական կոնֆլիկտի լուծման հարցում գերմանական միջնորդությունը ընդունելու վերաբերյալ¹⁷¹: Համոզվելով, որ «միջ-

¹⁷⁰ АВПР, ф. «Канцелярия МИД», 1907, д. 17, л. 251.

¹⁷¹ АВПР, ф. «Персидский стол», 1907, д. 912, л. 210. (Պարտվիզի տեղեկությունների համաձայն Գերմանիան նույնիսկ առաջարկել էր շահին Իրանում

նորդի» դերը ոչինչ չի տալու իրեն, Գերմանիան վերջնականապես սրուշեց դեն նետել «Տաշտարարի» իր քաղաքականությունը և Թուրքիային հրահրել սկսելով գործողությունների Իրանի դեմ: Այնուհետև Իրանում աշխատող սուսական դիվանագետները բերում էին բազմաթիվ փաստեր, որ թուրք-իրանական վեճում Գերմանիան ծուլտված ձևով սկսել է խաղալ գրգռիչ դեր¹⁷²: Թեհրանում Գարտվիդին փոխարինած Պոխտոնովը 1907 թ. հուլիսին հաղորդում է, որ իրանական կառավարող շրջաններում և Մեջլիսում տիրապետում է այն համոզմունքը, որ Ուրմիայի վրա նախապատրաստվող թուրքական արշավանքը խրախուսում է Գերմանիան, որը ցանկանում է «վրեժ լուծել պարսիկներից բանկային կոնցեսիան սկզբնական ծավալով տալուց հրաժարվելու համար»¹⁷³:

1907 թ. օգոստոսի 31-ին կնքվեց անգլո-ուսական համաձայնագիրը Իրանը, Աֆղանստանը և Տիրեթը ազդեցություն գոտիների բաժանելու վերաբերյալ: Այսպիսով գերմանական վտանգը և ազգային-ազատագրական շարժման վերելքը Իրանում պայմաններ ստեղծեցին երկու վաղեմի մրցակիցների՝ Անգլիայի և Ռուսաստանի համագործակցության համար: Երկու պետությունները պարտավորվում էին փոխադարձ աջակցությունը խափանել իրենց «ազդեցության շրջանակում» ամեն մի օտար ունեցություն:

Անդրադառնալով 1907 թ. անգլո-ուսական համաձայնագրի հարցին Վ. Ի. Լենինը այն բնութագրում է որպես պատերազմի նախապատրաստություն Գերմանիայի դեմ. «...Բաժանում են Պարսկաստանը, Աֆղանստանը, Տիրեթը (պատրաստվում են պատերազմի Գերմանիայի դեմ)»¹⁷⁴:

Բնական է, որ այս համաձայնագրի կնքումը անտարբերությունամբ չէր կարող ընդունվել Գերմանիայի քաղաքական շրջանների կողմից:

Անգլո-ուսական համաձայնագիրը զայրույթի փոթորիկ առաջ

երկաթուղային շինարարության կոնցեսիա տալու դիմաց ֆինանսավորել շահեշահական բանկը և Թուրքիայի հետ սահմանային վեճը լուծել հօգուտ Իրանի (Տե՛ս ЦГВИА, փ. 2000, օր. 1, Է. 310, Լ. 136).

¹⁷² АВПР, փ. «Персидский стол», Է. 908, ԼԼ. 207—209.

¹⁷³ АВПР, փ. «Персидский стол», 1907, Է. 914, ԼԼ. 21—22 օժ.

¹⁷⁴ В. И. Ленин, Тетради по империализму, соч., т. 28, стр. 702.

բերեց գերմանական կառավարող շրջաններում, որոնք այն դնահատեցին որպես անմիջականորեն Գերմանիայի դեմ ուղղվածակտ¹⁷⁵։ Կառավարութանը մոտ կանգնած մամուլը անցավ վճռական հակահարձակման, պահանջելով Գերմանիային հանձնել այդ համաձայնագրով նախատեսված, այսպես կոչված, «չեղոք գոտին», որը պարունակում էր այնպիսի ավետաց հողեր, ինչպիսիք էին թուրք-իրանական սահմանի մոտ գտնվող նավթաբեր շրջանը, Իրանի միակ նավարկելի գետի՝ Կարունի ավազանը, ամբողջ Պարսից ծոցի առափնյա շրջանը Բանդար-Բուշիր նավահանգստով և Ֆարսի մեծ մասը Շիրազ քաղաքով։

Գերմանական գործերի հավատարմատար բարոն Բիխտհոֆենը Իտալիայի և Ավստրիայի մասնակցությունը բուռն կամպանիա ծավալեց Իրանում, մեղադրելով Ռուսաստանին և Անգլիային Իրանը բաժանելու ձգտման մեջ։ Նրան հանձնարարվել էր նաև կազմակերպել պետական հեղաշրջում ու տապալել Գերմանիայի համար անցանկալի կառավարությունը և Մոհամմեդ Ալի շահին, որը Ռուսաստանի և Անգլիայի հյուսիս կամակատարն էր։ Զինովեի 1907 թ. հոկտեմբերի 1-ի և 8-ի հաղորդագրություններից տեղեկանում ենք, որ հենվելով Մեջլիսի գերմանոֆիլ խմբի վրա Բիխտհոֆենը Իրանում նախապատրաստում էր պետական հեղաշրջում և այն իրագործելու համար Գերմանիան աշխատում էր ներգրավել նաև սուլթանին¹⁷⁶։ Մի այլ հեռագրով Զինովեը հաղորդում էր Իզվոլսկուն, որ շահի եղբայր Սալար-ուդ-Գոուլեն Իրանում գերմանական դեսպանորդի միջոցով խոստացել է հօգուտ Թուրքիայի լուծել սահմանային հարցը, եթե թուրքերը օգնեն նրան զահրնկեց անելու շահին¹⁷⁷։ Ըստ երևույթին գերմանական գործերի հավատարմատարն այն աստիճան համոզված էր այդ հեղաշրջման հաջողության մեջ, որ հավատացնում էր Թեհրանում հռչակողական դեսպանորդին, որ շուտով Բեռլինի փողոցներում թերթերը կազդարարեն անգլո-ռուսական համաձայնագրի ոչնչացման մասին¹⁷⁸։ Հեղաշրջումը նախա-

¹⁷⁵ Dr. Afschar, նշվ. աշխ., էջ 248.

¹⁷⁶ АВПР, ф. «Канцелярия МИД», 1907, д. 17, л. 252; А. К. Фукс, նշվ. աշխ., էջ 124.

¹⁷⁷ ЦГВИА, ф. 2000, д. 310, лл. 176—178.

¹⁷⁸ АВПР, ф. «Персидский стол», 1907, д. 914, лл. 335 об—336.

պատրաստելու նպատակով Րիխտհոֆենը մասնակցում է Մեջլիսի գաղտնի նիստին, որին ներկա էին միայն գերմանոֆիլ պատգամավորները էՏթեշամ-էս-Սալթաննի զլխավորութեամբ։ Նիստում Րիխտհոֆենը համոզում էր նաև բոլշևիստ Ենթարկել անգլո-ռուսական համաձայնագիրը և հույս դնել «Վիլհելմ կայզեր հզոր աջակցութեան վրա»¹⁷⁹։ Սակայն գերմանացիներին չհաջողվեց իրագործել իրենց այդ մտադրությունը։

Իրանի ժողովուրդների ազգային զգացումներն ու հակամարտության պատճառներն արամադրությունները Անգլիայի ու Ռուսաստանի դեմ օգտագործելու նպատակով Գերմանիան գործադրեց «Իրանը՝ իրանցիների համար» լուղուցը, Բեռլինում կազմակերպվեց «Պարսիկ ժողովրդի բաղաբական շահերի և նրա պետական անկախութեան պաշտպանության կոմիտե»¹⁸⁰ և այլն։

Բնութագրելով Իրանում գերմանական բաղաբականության բուն էությունը, Գարտվիզը գրում է. «...Իրանում, ինչպես և Թուրքիայում իրենց ներկայացնելով որպես մահմեդականների անկեղծ բարեկամ ու հովանավորող, գերմանացիները եռանդագին լուրեր են տարածում այն մասին, թե իբր Իրանում գերմանական բաղաբականության նպատակը այն է, որ պաշտպանեն նրա ինքնուրույնության և անկախության իրավունքները Ռուսաստանի և Անգլիայի ոտնձգություններից։ Որ հիշյալ երկու պետությունները տասնյակ տարիների ընթացքում մեծ ջանքեր էին գործադրում, որպեսզի Իրանը ենթարկեն իրենց բացառիկ ազդեցությանը, կասեցնելով նրա գործողությունների ազատությունը, արգելակելով նրա առաջադիմության ճանապարհը, զրկելով նրան հաղորդակցության ճանապարհների՝ կուլտուրայի և բաղաբարբության այդ հաղորդիչների կառուցման իրավունքներից»¹⁸¹։

Գերմանական գործակալներն աշխատում էին երկրում ստեղծել այնպիսի տպավորություն, թե իբր Գերմանիան համակրում է իրանական սահմանադրական ու ազգային շարժմանը և շահագրգռված է Իրանի տնտեսական ու բաղաբական ինքնուրույնության ամրապնդման մեջ։ Իրանական ազգայնականներին իրենց կողմը

¹⁷⁹ Նույն տեղում։

¹⁸⁰ М. С. Иванов, Иранская революция 1905—1911 гг., стр. 223.

¹⁸¹ АВПР, ф. «Переделский стол», 1908, д. 915, лл. 124—125 об.

գրավելու նպատակով գերմանական ներկայացուցիչները հանդես էին գալիս իրանական սահմանադրության «պաշտպանի» դերում¹⁸²։ Գերմանական այդ քաղաքականության իմաստը բացահայտել է Գարովիզն իր վերոհիշյալ հեռագրում։ Նա գրում էր. «Մինչև այժմ իրանում շունենալով ոչ կոնցեսիաներ, ոչ արդյունաբերական ձեռնարկություններ, ոչ հիմնարկություններ, գերմանացիները կարող են միանգամայն անտարբեր նայել զարգացող իրադարձություններին, միաժամանակ շողորթելով և՛ հեղափոխական էնջումեններին, և՛ Մեջլիսին, և՛ մինիստրներին, և՛ հենց իրեն՝ շահին, սպասելով իրադարձությունների հետագա պարզեցմանը։ Նրանք այն աստիճանի հանդիստ են պահում իրենց, որ ընկալվում է որպես նրանց կողմից իրանի ներքին գործերին ամենաչնչին շահով իսկ չմիջամտելու ապացույց»¹⁸³։

Անգլո-ռուսական համաձայնագրի կնքվելուց հետո Գերմանիան անհամբերությամբ սպասում էր Թուրքիայի վրա այդ համաձայնագրի ունեցած ազդեցության հետևանքներին։ Պարզվեց, որ Թուրքական կառավարող շրջանները ևս այդ համաձայնագիրը մեկնաբանում են որպես Օսմանյան կայսրության դեմ ուղղված միջոցառում, որի նպատակն է պատենշ ստեղծել իրանում Բ. Գոան քաղաքական ծրագրերի իրագործման առջև։ Հետևաբար անգլո-ռուսական համաձայնագիրը ստեղծելու էր գերմանա-թուրքական շահերի միասնություն իրանական հարցում։ Այդ կոոպերացիայի համար պայմաններ ստեղծեցին նաև հետևյալ հանդամանքները. Գերմանիան 1905—1907 թթ. ընթացքում պարտություն կրեց իրանում կոնցեսիաներ ստանալու և ֆինանսատնտեսական գործունեություն ծավալելու հարցում. անգլո-ռուսական համաձայնագիրը միառժամանակ Գերմանիային զրկեց այդ երկու պետությունների հակասությունների վրա խաղալու հնարավորություններից. Ալբստրիան պատրաստվում էր աներսիայի ենթարկել Բոսնիան և Հերցոգովինան և այդ կապակցությամբ Գերմանիան աշխատում էր Թուրաստանի ուշադրությունը շեղել Բալկաններից, բորբոքելով Թուրք-իրանական կոնֆլիկտը։ Այդ շրջանում Օսմանյան կայսրու-

¹⁸² Տե՛ս «Представители Турции и Германии в Персии в роли защитников персидской конституции», «ИШКВО», № 22, стр. 34—35.

¹⁸³ АВПР, ф. «Персидский стол», 1908, д. 915, лл. 125—125 об.

Յյունը ամբողջապես իրեն կապելու և նրան Անգլիայի ու Ռուսաստանի դեմ պայքարում օգտագործելու նպատակով գերմանական դիվանագիտութիւնը նույնիսկ փորձեր էր կատարում հակել Քուրբիային միանալու եռյակ դաշինքին¹⁸⁴։

Օսմանյան կայսրութիւնը կարող էր օգտակար լինել Գերմանիային նաև այլ առումով։ Վկայակոչելով նրա ազդեցիկ-զավթողական քաղաքականութիւնը Իրանի նկատմամբ, Գերմանիան աշխատում էր համոզել շահական կառավարութեանը, որ Ռուսաստանը և Անգլիան մինչև այժմ ոչ մի գործնական միջոցառում չեն ձեռնարկել և նպատակ էլ չունեն ձեռնարկելու Քուրբիայի դեմ։ Այդ հարցի մասին 1907 թ. հոկտեմբերին Քեհրանից ռուսական դեսպանորդը գրում էր, որ անգլո-ռուսական համաձայնագիրը ստորագրվելուց հետո Իրանի ժողովուրդը հույսը կտրել է, թե Ռուսաստանը և Անգլիան իրեն կպաշտպանեն թուրքական ագրեսիայից։ Գեսպանորդը տաղնայ էր հայտնում, որ գտնվելով անելանելի վիճակում, Իրանի քաղաքական շրջանները կարող են օգնություն խնդրել Գերմանիայից և ապա Անգլիայի ու Ռուսաստանի պատիվ գիրքը թուրքական ագրեսիայի նկատմամբ ժողովրդին կարող է առիթ տալ մտածելու, թե զաղտնի համաձայնագրով Իրանի երրորդ հարեանին՝ Օսմանյան կայսրութեանը ևս իրավունք է տրվում Իրանում ստանալ համապատասխան տերիտորիալ փոխհատուցում։ Գեսպանորդը ցանկալի էր համարում ուժեղացնել ճնշումը Ստամբուլի վրա, որը, նրա կարծիքով, մի կողմից պարսիկների աչքում լավագույն ապացույց կլիներ այն բանի, որ Ռուսաստանը և Անգլիան անկեղծորեն ցանկանում են պաշտպանել իրանական բերիտորիայի ամբողջականութունն ու անձեռնմխելիութունը, մյուս կողմից՝ վերջ կտար գերմանացիների ծայր աստիճանի վտանգավոր դավերին¹⁸⁵։

Այսպիսով, նոր ստեղծված պայմաններում Քուրբիան կարող էր անգնահատելի ծառայություններ մատուցել Գերմանիային անգլո-ռուսական բլոկի դեմ մղած պայքարում։ Սակայն իրանական հարցում Գերմանիայի և Քուրբիայի շահերի միասնութեան ստեղծումը բնավ չէր նշանակում, թե Օսմանյան կայսրութիւնը

¹⁸⁴ АВПР, ф. «Канцелярия МИД», 1908, д. 34, лл. 312, 323.

¹⁸⁵ АВПР, «Персидский стол», д. 914, лл. 220—220 об.

այսուհետև դառնալու էր Գերմանիայի հշու կամակատարը և Իրանում նրա վարած քաղաքականության կույր գործիքը: Ընդհակառակը, Թուրքիան վերոհիշյալ հարցում ոչ միայն շարունակում էր վարել միանգամայն ինքնուրույն քաղաքականություն, այլև շատ հաճախ գործում էր հակառակ Գերմանիայի «խորհուրդներին»:

1907 թ. աշնանից Թուրք-իրանական հարաբերություններն ստացան միջազգային կոնֆլիկտի բնույթ, որովհետև անմիջականորեն շոշափում էին ոչ միայն այդ պետությունների, այլև երկու հզոր, միմյանց նկատմամբ թշնամական բլոկների շահերը:

Գերմանական քաղաքականության շրջադարձը իրանական հարցում ցնծությունը ընդունվեց Աբդուլ Համիդի կառավարության կողմից և ոգեշնչեց նրան ձեռնամուխ լինելու նոր զավթումների: Այդ առթիվ «Մշակը» գրում էր. «Ներկայումս, երբ կնքվեց անդուստական համաձայնությունը, որի մի կետն էլ Պարսկաստանի ամբողջության պահպանությունն է, «հիվանդ մարդը» անդիտակ ձևանալով, կարծեք հենց հեզնելու համար երկու հզոր պետությունների գործը, իր «հիվանդ տեղովը» արշավում է Պարսկաստանի վրա՝ գրավելով երկիրներ, համաձայն հմուտ «բժշկություն» (իմա Գերմանիայի—Վ. Բ.) ցուցմունքների»¹⁸⁶:

Թուրք պատմաբան Յուսուֆ Հիբմեթ Բայուրը ևս խոստովանում է, որ Աբդուլ Համիդի զավթողական քաղաքականությունը Իրանում վայելում էր Գերմանիայի աջակցությունը¹⁸⁷: Օգտվելով այդ աջակցությունից, Թուրքիան կրկնապատկված եռանդով ձեռնամուխ եղավ Իրանում իր ագրեսիվ քաղաքականության իրականացմանը: 1907 թ. վերջերին Թուրքական զավթումներն արդեն ընդգրկում էին Իրանական Ադրբեջանի ողջ արևմտյան մասը՝ 36-րդ զուգահեռականից մինչև 38-րդ զուգահեռականն ընկած շրջանը¹⁸⁸: Օկուպացված էր Ուշնուն, Բանեն, Մերգեբը, Թերգեբը, Բարադոսթը, Միանդոաբի շրջանը, Սոմայի և Սալմաստի շրջանների մի մասը և Ուրմիա լճից հարավ մի շարք այլ տերիտորիաներ: Թուրքական զորքերը սպառնում էին ներխուժել նաև Ուրմիա քաղաքը:

¹⁸⁶ «Մշակ», 20 հոկտեմբերի, 1907 թ.:

¹⁸⁷ Yusub Hikmet Bayur, նշվ. աշխ., հ. II, մաս IV, էջ 99.

¹⁸⁸ «Турецко-персидская пограничная спорная полоса». «Сборник главного управления Генерального штаба», вып. 58, март 1914, СПб, стр. 79.

Նրանք այնքան էին խորացել այդ ուղղությամբ, որ հարկեր էին հավաքում Ուրմիալից ընդամենը վեց մղոն հեռավորության վրա բնկած գյուղերում: Զգալի հաջողություններ ձեռք բերվեցին նաև հարավային կամ Մուբրի Քրդստանում, որտեղ օկուպացիոն զորքերը տեղական բրդերի օգնությամբ Սոուջբուլաղից վոնդեցին իրանական նահանգապետին և քաղաքը ամբողջապես վերցրին իրենց հսկողության տակ¹⁸⁹:

Արբան-ուլ-Հարբի (գլխավոր շտաբ) ռազմական գործակալը անմիջապես բարտեղահանում էր գավթած տերիտորիաները և դրանք մտցնում Օսմանյան կայսրության կազմի մեջ¹⁹⁰:

Զավթումներն ընդլայնելու հետ ղուգահեռ թուրքերի տակտիկական զինանոցը հարստանում էր նորանոր մեթոդներով: Շահական կառավարությունից և տեղական իշխանություններից Ադրբեջանի և Քրդստանի բնակչության դժգոհությունը օգտագործելու հետ մեկտեղ, նրանք բորբոքում էին կրոնական հակամարտությունը սուննիթների և շիիթների միջև, որպեսզի այնուհետև կարգ ու կանոն հաստատելու պատրվակի տակ օկուպացիոն զորքերը միջամբռեն տեղական գործերին¹⁹¹: Արտաքին գործերի մինիստրության հրահանգով իրենց գործունեությունն ակտիվացրին նաև Իրանում գործող թուրքական հյուպատոսները, որոնք աշխատում էին Թուրքիայի կողմը հակել սուննիթ և շիիթ հոգևորականության վերնախավին և տեղական ազդեցիկ ֆեոդալներին ու խաներին: Նույնիսկ Սեբեզգի, Սեննեի և մի շարք այլ շրջանների պանիսլամիստական տրամադրություններ ունեցող բազմաթիվ շիիթ մուշտեհիդներ սկսեցին պաշտպանել Թուրքիայի անբարեխոստական պլանները Իրանական Քրդստանի նկատմամբ¹⁹²:

Թուրքիայի կողմից իրանական տերիտորիաների պլանաչափ գավթումները վերջնականապես համոզեցին սուլթանական կառավարող շրջաններին, որ տվյալ դեպքում գործ են ունենալու ոչ հասարակ սահմանային միջադեպի հետ: Ցարական դիվանագետները

¹⁸⁹ АВПР, ф. «Канцелярия МИД», 1907, д. 124, лл. 444, 447; д. 126, л. 460; ф. «Персидский стол», 1907, д. 914, лл. 188—189.

¹⁹⁰ «Тифлиеский листок», 1907, 14 сентября.

¹⁹¹ АВПР, ф. «Персидский стол», 1907, д. 1196, лл. 155, 180.

¹⁹² АВПР, ф. «Канцелярия МИД», 1907, д. 62, л. 42.

ղգաստորեն գնահատեցին այն սպանանալիքը, որ Թուրքական էրբսպանսիան կարող էր ունենալ Ռուսաստանի համար: Նրանք գտնում էին, որ Օսմանյան կայսրությունը սպանանալիք է ստեղծում Ռուսաստանի ստրատեգիական դիրքերին ոչ միայն Մերձավոր ու Միջին Արևելքում, այլև փորձում է սողոսկել Անգրկովկաս¹⁹³:

Յարական ռազմական գործիչների կարծիքով Ռուսաստանի հետ պատերազմի զեպքում Հյուսիսային և Հյուսիս-արևմտյան Իրանը օսմանյան Թուրքիայի համար ունենալու էր ստրատեգիական կարևորագույն նշանակություն: Այնտեղից վերջինս ոչ միայն կարող էր սպանալ էրզրումի զեմ գործող ռուսական զորքերի հազորակցության գծերին, այլև ամբողջ Թիկունքային հիմնարկություններին, որովհետև շրջանցելով Կարսը, Թուրքական զորքերը, կարող էին Իրանի տերիտորիայի վրայով ուղղակի շարժվել Ալեքսանդրապոլի, Երևանի և Թիֆլիսի վրա¹⁹⁴: Հատկանշական է, որ այդ մասին տազնապալից հոգվածներ էր գրում նաև Կովկասի հայկական մամուլը: Այսպես, «Մշակում» կարգում ենք. «...Կովկասարենակ մահմեդական տարրը Թուրքիայի համար մի ցանկալի ուժ է, որը կարող է մեծապես նպաստել տաճկական ռազմադատական ծրագրերի իրագործելուն: Եվ ահա նա հեղեղում է Կովկասի մահմեդաբնակ գավառները իր լրտեսներով, Պոլսում հրատարակված հատկապես այդ նպատակի համար գրքերով և շրջիկ գրավաճառներով: «...Հիվանդ մարդը» իր հայացքն ուղղում է դեպի այն նահանգները, որոնք զուտ մահմեդական են և կամ որոնց ձեռք մեծամասնությունը մահմեդական է: Հմուտ բժշկությունը դարձնում է նրա ուշադրությունը Պարսկաստանի և Ատրպատականի վրա: Գրավելով այդ մասը, այդտեղից մեծ դյուրությունը Թուրքիան կապեր կհաստատի մանավանդ Դաղստանի հետ, իսկ պատերազմի զեպքում կկազմվի այն կարևոր ռազմադատական օղակը ռուսական առաջխաղացող զորքերի Թիկունքում, որի կենտրոնն է լինելու Կարսի բերդը, իսկ շուրջ՝ էրզրումի և Վանի վիլայեթները, Պարսկաստանից խլված Ատրպատականի հյուսիսային մասը, Բարվի նահանգը և Դաղստանը: Ահա «հիվանդ մարդու» երկարակեցության համար մշակված ռազմադատական ծրագրերը, որոնց ներշնչողը

¹⁹³ АВІР, ф. «Персидский стол», 1907, д. 1196, л. 195.

¹⁹⁴ ЦГВИА, ф. 2000, оп. 1, д. 1009, лл. 1—3.

թուրքական գերման ռազմագետներն են և որոնց ծայտյալ ներկայությունը պարսկական սահմաններում առաջխաղացող թուրքական զորքերի մեջ հաստատվեց վերջին լրագրական տեղեկություններից»¹⁹⁵։

Ռուսաստանի համար ոչ պակաս կարևոր նշանակություն ուներ և այն, որ սպանալիքի տակ էին դրվում նրա առետրական-տնտեսական շահերը Իրանի այն շրջաններում, որոնք մտնում էին ռուսական «ազդեցության» գոտու ոլորտի մեջ և ամենասերտ կապերով կապված էին ռուսական շուկայի հետ։ Եվ վերջապես իրանական պետության վրա կախված էր նրա տերիտորիալ ամբողջականությունը կորցնելու լուրջ վտանգը, որը ավելի սպանալից բնույթ ընդունեց այն պատճառով, որ 1907 թ. ամռանը անգլիացիների զրգամար Մուհամմեդալի շեյխ Խազալը սկսեց փորձեր կատարել Խուզիստանը Իրանից անջատելու ուղղությամբ։ Հաղորդելով այդ մասին Քաստրում (Քասրա—Վ. Բ.) ռուսական հյուպատոս Իվանովը գրում էր, որ զա կարող է սկիզբ դնել Իրանի անկմանը։ Քանի որ այդ բոլորը չէր համապատասխանում Ռուսաստանի շահերին, նա առաջարկում էր, նկատի ունենալով դաջարական պետության ծայր աստիճանի ռազմական թուլությունը, ակտիվորեն միջամտել թուրք-իրանական հարաբերություններին՝ արգելելու համար իրանական պետության տերիտորիալ մասնատումը և նրա քաղաքական փլուզումը¹⁹⁶։

Յարսկան գիվանագիտությունը ձգտում էր պարզել նաև այն հարցը, թե ի՞նչ պատճառներով Օսմանյան կայսրությունը իր նվաճումները սահմանափակում է Հյուսիսարևմտյան Իրանով և չի դիմում տերիտորիալ զավթումների քաղաքականության երկրի հարավարևմտյան շրջաններում։ Անդրադառնալով այդ հարցին, Քազդազում փոխ-հյուպատոս Մաշկովը հայտնում էր այն կարծիքը, որ «Եթե ռուսական սահմանից մինչև Խանեկին թուրքիան ուժեղ է Իրանից ինչպես զորքերի քանակով, այնպես էլ որակով, ապա Խանեկինից հարավ մինչև Յառ գերակշռությունը անցնում է Իրանին, որը այստեղ իր տրամադրության տակ ունի ուժեղ, ռազմասեր

¹⁹⁵ Ս. Լազարեյսյան, Պարսկաստանի սահմաններում թուրքաց զորքերի առաջխաղացման ռազմագիտական նշանակությունը, «Մշակ», 20 հոկտեմբերի, 1907 թ.։

¹⁹⁶ АВПР, ф. «Персидский стол», 1907, д. 913, лл. 168—168 об.

բուրգ ու լուր ցեղեր, որոնց հետ բախումների ժամանակ թուրքական զորքերը մշտապես պարտություն են կրում: Շատ հավանական է, որ ռազմական գործողությունների դեպքում նույնիսկ Բաղդադը կարող է դառնալ իրանական բրդերի և լուրերի արշավանքի հեշտ ավարը»¹⁹⁷:

Այդ նույն տեսակետը զարգացնում էր նաև Բասրայում փոխհյուպատոս Իվանովը: Ի պատասխան արտաքին գործերի մինիստրությունից հանձնարարությունից՝ թուրք-իրանական սահմանային կոնֆլիկտի կապակցությամբ տեղեկություններ հավաքել Միշագետքում Թուրքիայի և Իրանի ուժերի հարաբերակցության մասին, Իվանովը Զինովկին ուղղված 1907 թ. սեպտեմբերի 15-ի հաղորդագրության մեջ գրում էր, որ հարավային սահմաններում շեյխ իսաղալը Թուրքիայի դեմ կարող է ոտքի հանել քառասուն հազարանոց բանակ, բացի գրանից Իրանը իր տրամադրության տակ ունի լուրերի հիանալի հեծելազորը, որը Փուշտիբուհի ռազմաշունչ խանի զլխավորությամբ «այս տարվա սկզբին թուրքերին տվեց դաժան դաս՝ մասամբ ոչնչացնելով, մասամբ էլ գերի վերցնելով մի ամբողջ թուրքական գումարտակ»: «...մինչդեռ Թուրքիան չի կարող հույս դնել իր արաբների վրա ինչպես այն պատճառով, որ նրանք համարյա զլխովին շիիթներ են, այնպես էլ այն ծայրահեղ ատելության հետևանքով, որ նրանք տաժում են թուրքական իշխանության նկատմամբ: Իսկապես, թուրքական իշխանությունը ոչ միայն ոչինչ չի արել այդ շրջանի անվտանգությունն ապահովելու, նրա կուլտուրական և անտեսական՝ մակարդակը բարձրացնելու, բնակչության մեջ պետական ինքնագիտակցության զաղափարը սերմանելու տեսակետից, այլև օգնում է այնտեղ քառասային վիճակը պահպանելուն»: Այնուհետև Իվանովը շարունակում էր. «Պարսկաստանը կարող էր հեշտությամբ պատժել Թուրքիային Ուրմիայի սահմանները ներխուժելու համար և Բասրայում այդ բանը զերազանց կերպով դիտակցում են. հավանաբար դա դիտակցում են նաև Պարսկաստանում, սակայն վերջինիս պահում է այն, որ չնայած շիիթատենիթական ողջ հակամարտությանը, Թուրքիան Իրանում վայելում է որոշ հեղինակություն որպես միակ մահմեդական երկիր,

¹⁹⁷ ЦГИА Груз. ССР, ф. 15, д. 67, л. 6 об.

որը հակահարված է տալիս եվրոպացիներին: Բացի այդ, Իրանը չի դիմում հակամիջոցներին, որովհետև գիտակցում է, որ սահմանի մնացած մասում ինքը թույլ է Թուրքիայից»¹⁹⁸:

Իհարկե այս տեսակետների մեջ կար որոշ ձևարտություն, սակայն դրանք, այնուամենայնիվ, միակողմանի էին: Կարևորը այն էր, որ նախ Թուրքիայի ռազմա-քաղաքական պլաններում առաջնակարգ նշանակություն ունեւ որ թե Իրանի հարավը կամ հարավարևմուտքը, այլ Իրանական Ադրբեջանն ու Քրդստանը: Բացի այդ, Հարավարևմտյան Իրանում ագրեսիվ քաղաքականություն վարելու գեպըում Թուրքիան անխուսափելիորեն բախման մեջ էր մտնելու նաև Անգլիայի հետ, որը խիստ անցանկալի էր նրա համար, որովհետև այդ գեպըում նա կհանդիպեր Իրանով շահագրգռված Երկու հզոր պետությունների կողեկտիվ հակահարվածին:

Սակայն ծագում է մի այլ հարց. միթե՞ գերմանական խմբերիալիզմը չէր հարկադրում Թուրքիային ագրեսիվ-վավթողական քաղաքականություն վարելու Իրանի հարավում, այսինքն այն շըըջաններում, որոնց նկատմամբ նա դրսևորում էր ավելի մեծ հետաքրքրություն (Բաղդադի երկաթուղին, նավթաբեր շըջանը, Պարսից ծոցը և այլն), քան հյուսիս-արևմուտքի նկատմամբ: Փաստերը վկայում են, որ գերմանական կառավարությունը, 1907 թ. անդրոտական համաձայնագրի կնքումից հետո, հետևողականորեն ձնշում էր գործադրում Թուրքիայի վրա, պահանջելով ակտիվ քաղաքականություն վարել նաև Պարսից ծոցի և Հարավարևմտյան Իրանի ուղղությամբ, բայց և միշտ հանդիպում էր Ստամբուլի դիմադրությունը կամ բախվում թուրքական դիվանագիտության անորոշ պատասխանների տակտիկային: Կարելի է ենթադրել, որ Ֆորին-Օֆիսը հիանալի տեղակ էր Բեռլինի նման միջոցառումներին, և այդ պատճառով աշխատում էր թուրք-իրանական կոնֆլիկտի հարցում ոչ միայն զեմ դուրս չզալ Թուրքիային, այլև առաջնորդվելով իր հակառուսական ձգտումներով գաղտնապես աջակցել նրան: Այդ մասին են վկայում հետևյալ փաստերը: 1907 թ. աշնանը Իրանում թուրքական ագրեսիայի ուժեղացումը ռուսական դիվանագիտական շըջաններում զնահատվեց որպես Գերմանիայի բո-

¹⁹⁸ ЦГВИА, ф. 2000 с, оп. 1, д. 1030, лл. 12—14.

ղոքի արտահայտությունն անգլո-ուսական համաձայնագրի դեմ¹⁹⁹: Յարական արտաքին գործերի մինիստրությունում գտնում էին, որ Բ. Գուան վրա Մեծ Բրիտանիայի հետ համատեղ դիվանագիտական ճնշման դեպքում թերևս կարելի կլինի սանձահարել Թուրքիային: Սակայն պարզվեց, որ Անգլիայի հետ համատեղ ելույթը բացառվում է: Ավելին, անգլիական դիվանագիտությունը շտապեց թուրք-իրանական կոնֆլիկտի բորբոքման պատճառները բարդել Ռուսաստանի և Գերմանիայի վրա: 1907 թ. հոկտեմբերի 24-ին «Քայմաբ» հանդես եկավ մի խմբագրականով, որտեղ շարադրվում էր Անգլիայի տեսակետը թուրք-իրանական հարաբերությունների վերաբերյալ: Այնտեղ ասվում էր. «Համաձայնագիր կնքելու վերաբերյալ անգլո-ուսական բանակցությունները... ուղղակի համընկան Իրանի և Թուրքիայի միջև փոխհարաբերությունների ճգնաժամի հետ: Կերկայումս համաշխարհային քաղաքականության ծանրության կենտրոնը ընկած է երկաթուղիների երկու ապագա գծերի միջև. թուրք-գերմանական, որը շարունակվելով Մոսուլից, պետք է անցնի Տիգրիսի հովտով մինչև Քուվեյթ, և ուս-պարսկական, որը անցնելու է Զուլֆայից Արաբ և ապա ուղիղ դժով Քավրիզի վրայով մինչև Պարսից ծոց (Բուշիր): Նախագծելով այդ երկու երկաթուղային գծերը Գերմանիան և Ռուսաստանը բնականաբար նկատի ունենին Իրանի արևմտյան մասի՝ Ուրմիա լճի շրջակայքի հարստությունները: Այստեղից էլ այդ երկրում հիշյալ երկու պետությունների շահերի բախումը»²⁰⁰:

Այսպիսով, Լոնդոնը փաստորեն հաշտարարում էր, որ ինքը թուրք-իրանական վեճի հարցում որևէ շահ չունի, հետևաբար ձեռքնպահ է մնալու Ռուսաստանի հետ համագործակցելուց: Սա վկայում էր այն մասին, որ նույնիսկ համաձայնագիր կնքելուց հետո անգլո-ուսական հակամարտությունը շարունակում էր ուժի մեջ մնալ: Բացահայտելով Անգլիայի վերոհիշյալ քաղաքականության մեթին ծալքերը, Քերմանում ուսական հյուպատոս Ազամովը գրում էր. «Մեծ Բրիտանիայի կառավարությունը բանակցությունների մեջ է մտել Թուրքիայի հետ Բաղդադի երկաթուղու հարցում զիջումներ

¹⁹⁹ ՏՃ՝ «Тифлисский листок», 1907, 9 ноября.

²⁰⁰ М. Ардатов, Турецко-персидский пограничный конфликт, стр. 1—3.

ստանալու վերաբերյալ, փոխարենը խոստանալով հրաժարվել սահմանալին վեճին միջամտելուց...»²⁰¹:

Հարավային Իրանում գործողությունների ազատություն ստանալու, այդ շրջանում գերմանա-թուրքական ակտիվ բաղաբաղանությունն հնարավորությունը ի չիք դարձնելու և Իրանում իր մրցակցի՝ Ռուսաստանի դիրքերը թուլացնելու նպատակով Անգլիան նույնիսկ Թուրքիային գրգռում էր Իրանի և Ռուսաստանի դեմ: «Թայմսը», օրինակ, գրում էր, որ Թուրքիան այլևս չի վախենում Ռուսաստանից Ճապոնիայի հետ նրա վերջին պատերազմից հետո և շատ հավանական է, որ նա վստահ է իր հաղթանակին Ռուսաստանի հետ պատերազմի դեպքում, քանի որ Անգլիան զբաղված է իր սեփական ղեկավարություններով Հնդկաստանում և Եգիպտոսում, իսկ Գերմանիան միանգամայն բարյացակամորեն կվերաբերվի մի փաստի, որը հնարավորություն չի տա իրագործվելու Զուլֆա-Բուշիք գիծը»²⁰²:

Անգլիական այս բաղաբաղանությունը ռուսական կառավարությանը դրեց մեծ ղեկավարության առջև: 1907 թ. նոյեմբերի 30-ին վերջինս գումարեց հատուկ նիստ քննարկելու համար թուրքական ազդեցության հարցը Իրանում: Նիստում նախագահում էր մինիստրընների խորհրդի նախագահ և ներքին գործերի մինիստր Ա. Պ. Ստոլիպինը: Ներկա էին նաև արտաքին գործերի մինիստր Ա. Իզվոլսկին, ֆինանսների մինիստր Վ. Կոկովցովը, ինչպես նաև ծովային և ռազմական մինիստրները, գլխավոր շտաբի պետը և այլ բարձրաստիճան անձինք:

Իր ելույթում արտաքին գործերի մինիստրը հայտարարեց, որ «թուրքերն օգտվեցին Պարսկաստանի ներկայիս թուլությունից իրենց վաղեմի մտադրություններն իրագործելու համար և աստիճանաբար զավթում են Ուրմիա լճից արևմուտք և հարավ ընկած անվիճելիորեն պարսիկներին պատկանող հողերը: Այդ զավթումները, գլխավոր շտաբի կարծիքով, մեզ համար ծայրահեղ վտանգավոր են զուտ ստրատեգիական նկատառումներով, սակայն մյուս կողմից դրանք մեզ համար ահա՛ ու անձեռնտու են այն առումով, որ պարսիկները ամբողջապես գանվում են Թուրքիայի կողմից

²⁰¹ «Турецко-персидская пограничная спорная полоса», стр. 79.

²⁰² М. Ардагов, Турецко-персидский пограничный конфликт, стр. 5.

գրսևորվող եռանդի ազդեցության տակ, իսկ մեր կողմից տեսնում են կամ օգնելու անզորություն, կամ, լավագույն դեպքում, անտարբերություն: Այսպիսի վիճակը... — եզրակացնում էր Իզվոլսկին, — իհարկե չի նպաստում մեր հեղինակության ամրապնդմանը»²⁰³:

Խորհրդակցությունում որոշվեց կառավարությունից պահանջել որոշ եռանդ և վճակահանություն ցուցաբերել Իրանում թուրքական ազդեսիայի նկատմամբ: Խոր վերլուծության ենթարկելով Իրանում և Անդրկովկասի սահմանների մոտ ստեղծված իրադրությունը, ռուսական կառավարող շրջանները որոշեցին փոխել իրենց վերաբերմունքը թուրք-իրանական կոնֆլիկտի նկատմամբ: Ռուսաստանի միջազգային և ներքին դրությունը զգալիորեն ամրապնդվել էր և նա արդեն կարող էր ակտիվ քաղաքականություն վարել Մերձավոր և Միջին Արևելքում:

Բ. Դոան վրա ճնշում գործադրելու նպատակով ցարական կառավարությունը ի թիվս այլ միջոցների, առաջ բաշեց նաև Արևմտյան Հայաստանում բարենորոգումներ կատարելու հարցը: Թուրքիայում ռուսական հյուպատոսները ամեն առիթով բարյացակամ վերաբերմունք էին ցույց տալիս ղեպի հայերը և բողոքում Բ. Դոանը՝ Մուշի, Բաղնջի և այլ շրջանների արևմտահայ ազգաբնակչության կրած հալածանքների ու հարստահարությունների դեմ: Այս շրջանում Ռուսաստանի կողմից հայկական հարցի բարձրացումը ըստ երևույթին հետապնդում էր երկու հիմնական նպատակ՝ 1) ռուս-թուրքական պատերազմի դեպքում ապահովել արևմտահայության աջակցությունը, 2) «Հայկական հարցը» ճոճելով Բ. Դոան առջև թուրքիային դուրս բշել Իրանից»²⁰⁴:

1907 թ. վերջերին Իրանում հասունանում էին նոր իրադարձություններ: Նոյեմբերի սկզբից շահը սկսեց Թևհրանում կենտրոնացնել զորքեր: Շահական արքունիքի սադրանքով ռեակցիոն ուժերը ակտիվացան նաև նահանգներում: Երկրում նախապատրաստվում էր հակահեղափոխական հեղաշրջում: Սակայն ժողովրդական շարժման ճնշման տակ մինիստրների կաբինետը ստիպված էր հրաժարական տալ: Ուժերի հարաբերակցությունը շահի օգտին չէր և վեր-

²⁰³ ИГИА Грґз. ССР, ф. 15, д. 47, л. 110.

²⁰⁴ Տ. Զավեն, Ի՞նչ է կատարվում Պարսկաստանում, «երկրի ձայնը» (շաբաթաթերթ), Բ. տարի, հոկտեմբերի 23, 1907 թ.:

ջինս ստիպված էր միառժամանակ հրաժարվել հակահեղափոխական հեղաշրջում կատարելու իր մտադրությունից: Երկրում ծայր առավ համընդհանուր զայրույթի պռոթկում շահի և նրա կառավարության նենգ քաղաքականության դեմ: Թավրիզի էնջումենը նույնիսկ կոչ էր անում տապալել շահին և բնարել նոր շահ²⁰⁵: Այս պայմաններում արքունիքին անհրաժեշտ էր ինչ-որ ձևով շեղել ժողովրդի ուշադրությունը ներքին հարցերից: Որոշվեց այն բեկեռել թուրքական վտանգի վրա, մանավանդ, որ կառավարության դավաճանական քաղաքականությունը այդ հարցում հեղափոխական շրջանների կողմից օգտագործվում էր շահին վարկաբեկելու համար: Մյուս կողմից երկրի հասարակական կարծիքը զրոգված էր սահմանազլխից եկող աննպաստ լուրերի հետևանքով: Ազրբեջանի գեներալ-նահանգապետ Ֆարման Ֆարմաչի արշավանքը դեպի Սուլջբուլաղ՝ թուրքական զորքերի առաջխաղացումը կասեցնելու մտադրությամբ, ավարտվել էր կատարյալ ձախողմամբ: Թուրքական օկուպացիոն զորքերի հրամանատար Ահմեդ Ֆավիլ փաշան բրդական մամաշ, փիրան, մանգուր, շամսագինլու, մուքրի, դեհ-բուքրի, բեյլաղև և այլ ցեղերի ջոկատների օդնությունը 1907 թ. վերջին ջախջախեց Ֆարման Ֆարմաչի զորքերը և գրավեց Սուլջբուլաղը²⁰⁶: Շահական իշխանությունները խուճապահար թողնում էին Սուլջբուլաղի և Միանդղաբի շրջանները: Այդ առթիվ կովկասյան մամուլը գրում էր, որ այդպիսի խուճապի հետևանքով թուրքերը կվերցնեն ոչ միայն Սուլջբուլաղը, այլև ամբողջ Քրդստանը²⁰⁷: Թուրքական զործակալությունը, որը բրդական գյուղերում կոչ էր անում ապստամբել իրանական կառավարության դեմ, ամենուրեք հայտարարում էր, որ շուտով Սուլջբուլաղի ողջ նահանգը մինչև Զաղաթու գետը ներառյալ կմիացվի Թուրքիային²⁰⁸: Իր հերթին Ֆար-

²⁰⁵ «Сборник дипломатических документов, касающихся событий в Персии», вып. 1, СПб., 1911, стр. 50.

²⁰⁶ АВПР, ф. «Канцелярия МИД», 1908, д. 37, лл. 211, 215. «Մշակ», 23 փետրվարի, 1908 թ.:

²⁰⁷ «Тифлисский листок», 1907, 8 декабря.

²⁰⁸ АВПР, ф. «Персидский стол, Б.», 1910—1912 гг., д. 59, л. 7; М. М. Белая, Очерк северо-восточной части Персидского Курдистана, стр. 8, 11.

ման Ֆարման ներքին գործերի մինիստրին հասցեագրած իր բազում աղերսական հեռագրերում նախազգուշացնում էր, որ «Ուլումիան և Մուլջրուլազը գտնվում են Իրանից անջատվելու վտանգի տակ, իսկ Միանդոսըը գրավելուց հետո, կարելի է վստահ լինել, որ թուրքական զորքերը շեն հասպաղի ժամանել նաև Թավրիզ»²⁰⁹:

Այս լուրերը իսկապես ծայրահեղորեն զրգռել էին երկրի բոլոր հայրենասերներին: Մեջլիսում ձախ պատգամավորները մերկացնում էին կառավարությանը, հայտարարելով, որ վերջինս երկրի դինված ուժերը օգտագործում է ոչ թե արտաքին թշնամիների, այլ էնջումենների ու պառլամենտի դեմ: Մայրաքաղաքում սեղի էին ունենում ցույցեր. ժողովուրդը պահանջում էր, որպեսզի կառավարությունը բոլոր մարտունակ զորքերը, այդ թվում նաև հակահեղափոխական ուժերի ապավին կազակական բրիգադը, ուղարկի սահման²¹⁰: Իսկ Թավրիզի էնջումենը անընդհատ հեռագրեր էր ուղարկում կառավարությանը, պահանջելով, որ շտապ միջոցներ ձեռնարկվեն թուրքական ագրեսիայի դեմ, սպառնալով, հակառակ դեպքում ողջ Ադրբեջանում մերկացնել շահի զավաճանական քաղաքականությունը²¹¹:

Այս պայմաններում շահական կառավարությունը դիմեց խորամանկ քաղաքական մանյուրի: 1908 թ. հունվարի 18-ի Մեջլիսի նիստում շահի անունից հայտարարվեց, որ հրամայված է զարգադյան և շահսենյան ցեղերի հեծյալներին անմիջապես մեկնել սահման: Այնուհետև «Մեջլիս» թերթում հրապարակվեց Թավրիզի էնջումենին ուղղված շահի հեռագիրը, որտեղ ասվում էր. «...մենք պատրաստ ենք մեր տրամադրության տակ եղած բոլոր ուժերով պաշտպանել Իրանի ազատությունն ու անկախությունը: Թուրքական արշավանքը զայրույթի տեղիք է տալիս ողջ պարսիկ ժողովրդի մոտ: Մենք դա շատ լավ գիտենք և հույս ունենք աստծո օգնությամբ և մեր առաքինի ժողովրդի աջակցությամբ ետ մղել այն և պայքարել մինչև արյան վերջին կաթիլը»²¹²:

²⁰⁹ ЦГИА Груз. ССР, ф. 15, д. 47, л. 5.

²¹⁰ «ИШКВО», № 21, Тифлис, 1908, стр. 66—67, № 22, Тифлис, 1908, стр. 74.

²¹¹ ЦГИА Груз. ССР, ф. 15, д. 47, л. 5 об.

²¹² روزنامه «مجلس» ۱۹۰۸، ۲۱ ژانویه، شماره ۲۹

Քանի որ այս խոստումները թերահավատությամբ ընդունվեցին հեղափոխական շրջանների և հատկապես Քալբրիլի էնջումենի կողմից, շահական կառավարությունը ստիպված էր դիմել որոշ «գործնական» քայլերի: Սահման ուղարկվեցին ոչ մեծ քանակությամբ անկանոն զորքեր, որոնք, սակայն, ճանապարհներից ցրվեցին և այդպես էլ չհասան ուղղման գործողությունների թատերարեմ²¹³: Բացի այդ, Քերմանշահի ժամանակավոր նահանգապետ Ջահիր-ուլ-Մուլքին հրամայվեց արշավանք կազմակերպել Քասրի-Շիրինի շրջանը, որտեղ սպասվում էին Քուրբիայի կողմից ագրեսիվ գործողություններ: Սակայն այդ ծիծաղելի արշավանքի հետևանքով, որին մասնակցում էին ընդամենը 50 հեծյալներ և մի զունդ, որի տրամադրության տակ կար ոչ ավելի քան մեկ հնացած թնդանոթ, տեղական բնակչությունը ավելի խստ թշնամանքով լցվեց շահական կառավարության նկատմամբ: Խուսափելով թուրքական զինված ուժերի հետ բախումից Ջահիր-ուլ-Մուլքը իր «զբորբերի» օգնությամբ ձեռնամուխ եղավ տեղական բնակչությունից մալխաթի դանձմանը և անխնա կողոպուտի²¹⁴:

Այս իրադարձությունները և հատկապես թուրքական զորքերի կողմից Սուլջրուլաղի գրավումը, որը սպառնալիքի տակ էր դնում Ռուսաստանի առևտրական²¹⁵, քաղաքական և ստրատեգիական զիրքերը Իրանական Քրդստանում, ցարական կառավարության կողմից զիտվեց որպես Իրանում Օսմանյան կայսրության քաղաքական ռանձգությունների ընդլայնման մի նոր փաստ: Որոշվեց Ստամբուլում ռուսական դեսպանի միջոցով խիստ բողոք ներկայացնել սուլթանին²¹⁶: Դա ունեցավ իր ազդեցությունը: Ճիշտ է, Բ. Դուռը փորձում էր արգարանալ, որ Ահմեդ Ֆադիլ փաշան Սուլջ-

²¹³ «ИШКВО», № 22, Тифлис, 1908, стр. 75—76.

²¹⁴ «Сборник дипломатических документов, касающихся событий в Персии», вып. 1, стр. 114.

²¹⁵ Ռուսաստանի համար Սուլջրուլաղն ուներ հեկայական առևտրական նշանակություն, որովհետև նա Ուրմիա, Համազան և Քուրբիա, հատկապես Ռեանդուդ տանոց քարավանային ճանապարհների հանգուցակետն էր: Տե՛ս Ս. Я. Максимович-Васильковский, Поездка в Персию. «Известия Кавказского отделения императорского Русского географического общества», 1904, т. XVI, № 4, стр. 235.

²¹⁶ ЦГИА Груз. ССР, ф. 15, д. 67, л. 97.

բուլազը գրավել է առանց կառավարության հրամանի, ինքնազույս, սակայն, ի վերջո ուսական ղեկավարի համառ պնդումների հետևանքով ստիպված էր հրամայել, որ թուրքական զորքերը զուրս բերվեն Սոււջբուլազից: 1908 թ. փետրվարի 24-ին Ֆարման Ֆարմայի ուղարկած ջոկատը Իմամ Ղուլի միրզայի հրամանատարությամբ մտավ Սոււջբուլազ:

Թուրքական քաղաքականության այս պարտությունը Մուրբի Քրդստանում ծանր տպավորություն գործեց տեղական բնակչության վրա և առաջին ուժգին հարվածը հասցրեց թուրքերի նկատմամբ քրդական ավագանու տածած համակրանքին. կասկածի տակ զրվեցին այն բոլոր խոստումները, որ օկուպացիոն իշխանությունները արել էին քրդական ֆեոդալներին: Ավելին, Սոււջբուլազի 21-օրյա օկուպացիայի ընթացքում տեղական բնակչությունը համոզվեց, որ թուրքական ասիլարները, որոնք նրանց պատկերացմամբ հանդիսանում էին իրենց հոգևոր առաջնորդ սուլթան-խալիֆի բարեպաշտ զինվորները, ոչ միայն վատ սուննիթներ են, այլև ուղղակի վատ մահմեդականներ, որովհետև դավանակից բնակչության նկատմամբ իրենց պահում էին ինչպես հաղթողը հաղթվողի հետ²¹⁷:

Սասանված հեղինակությունը վերականգնելու և մանավանդ զավթումներին նոր թափ հաղորդելու նպատակով Օսմանյան կայսրությունը սկսեց տենդորեն զորքեր կենտրոնացնել իրանական սահմանների մոտ: 1908 թ. հունվարի 31-ին Թուրքիայում Ռուսաստանի ռազմական գործակալ, զնդապետ Խոլմսենը հաղորդում էր, որ Օսմանյան կայսրության բարձրագույն զինվորական հանձնաժողովը հարց է առաջ բաշել մարիլիզացիայի ենթարկել 6-րդ կորպուսի ռեզիմենտի (ռեզերվային բանակ) 20 զումարտակներ և զրանք ուղարկել Փեսավե²¹⁸: Փետրվարին Լահիջանի շրջանում և Ուրմիա լճից արևմուտք ընկած շրջաններում, հատկապես Բաշկալայում և Սերայում կենտրոնացվեցին 17 զումարտակ, 3 հեծելավաշտ և 3 մարտկոց: 6 ուժեղացված զումարտակներ ուղարկվեցին նաև Խանեկիների ուղղությամբ: Մորիլիզացվում էին ոչ միայն հինգերորդ սերիական և վեցերորդ Բազդազի կորպուսների ռեզիմենտային զորամասերը, նիզամբ (մշտական բանակ) և համիրիե զնդերը, այլև

²¹⁷ Д. М. Беляев, *Եզվ. աշխ.*, էջ 10:

²¹⁸ ЦГВИА, ф. 2000, оп. 1, д. 1014, лл. 59—60.

Կովկասի դեմ կանգնած շորթորդ բանակային կորպուսի զորքերը²¹⁹։ Գերմանիան առատորեն մատակարարում էր այս զորքերին Կրուպպի նորագույն սիստեմի թնդանոթներ և զենքի այլ տեսակներ²²⁰։

Ռուսական հյուպատոսները և ռազմական գործակալները ուղղակի հեղեղում էին իրենց կառավարությանը տագնապալից հեռագրերով և ծածկագրված նամակներով։ Նրանցից շատերը (օրինակ, Քաղաղում ռուսական փոխ-հյուպատոս Մաշկովը) տեղեկացնում էր, որ ամենուրեք խոսակցություններ են գնում մոտ ժամանակներում Իրանի դեմ պատերազմ հայտարարելու մասին²²¹։

Իր ռազմական նախապատրաստությունները Ռուսաստանի և Անգլիայի մոտ արդարացնելու նպատակով օսմանյան կառավարությունը հայտարարում էր նրանց դեսպաններին, թե իբր արևելյան վիլայիթներում հայերը պատրաստվում են ապստամբություն և կառավարությունը ստիպված է միջոցներ ձևնարկել դրա դեմ²²²։ Իսկ Պետերբուրգում թուրքական դեսպան Հուսնի փաշան ի պատասխան Ռուսաստանի արտաքին գործերի մինիստրության պահանջի՝ բացատրել զորքերի այդ կենտրոնացումների պատճառները, հայտարարեց, որ այն բացարձակապես պայմանավորված է հայկական և քրդական «ավաղակախմբերի» դեմ պայքարի անհրաժեշտությամբ²²³։ Այս հայտարարությունները ճշմարտանման դարձնելու համար Վանում, Մուշում, Քիթլիսում, էրզրումում և Արևմտյան Հայաստանի այլ շրջաններում կառավարությունը սկսեց կազմակերպել հայ բնակչության հալածանքներ, ձերբակալություններ և մասնակի ջարդեր²²⁴։ Տեղական մահմեդական բնակչության շրջանում իշխանությունները լուրեր էին տարածում, որ հայերը նախապատրաստվում են համընդհանուր ապստամբության և որ հայ հեղափոխականները նշանակալից ուժեր ունեն նաև Իրանում և Ռու-

²¹⁹ *Նույն տեղում, թթ. 6, 12, 16, 18—19.* Տե՛ս նաև «Сборник дипломатических документов, касающихся событий в Персии», вып. 1, стр. 114.

²²⁰ ЦГИА Груз. ССР, ф. 15, д. 67, л. 96.

²²¹ *Նույն տեղում, թ. 117—117 հ. 1, տե՛ս նաև Колос, Готовится ли Турция к войне?.* «Тифлисский листок», 1908, 28 марта.

²²² «Тифлисский листок», 4 мая 1908.

²²³ АВГР, ф. «Политархив», 1908, д. 86, лл. 21—24.

²²⁴ ЦГВИА, ф. 2000, оп. 1, д. 1002, лл. 174—175, 176 об.

սաստանում²²⁵։ Անդրադառնալով այս իրադարձություններին, Վանում ռուսական փոխ-հյուպատոս Տերմենը իր 1908 թ. մարտի 24-ի հաղորդագրության մեջ գրում էր Ստամբուլի գեսպանին, որ, այսպես կոչված, «հայկական վտանդի» ուժեղացումը պատրվակ էր իրանական սահմանների մոտ զորքերի ուժեղացման համար, իսկ հայերի նկատմամբ վարած քաղաքականության նպատակն էր ապահովել թիկունքը բուն Իրանում ազրեսիվ դորժողություններ ծավալելու համար։ «...Քուրբիայի ազրեսիվ քաղաքականությունը պարսկական սահմանում, — գրում էր Տերմենը, — պահանջում էր թիկունքի ապահովում»²²⁶։

Չսահմանափակվելով բուն Քուրբիայում հայերի հալածանքներով, թուրքական էմիսարները Իրանական Ազրեհջանում և Քըրդըստանում ևս սկսեցին հրահրել հայ և ասորի բնակչության ջարդեր։ Այսպես, 1908 թ. մայիսի 3-ին թուրքական իշխանությունների զրգմամբ քրդերը հարձակում գործեցին Ուրմիայից 25 մղոն հեռավորության վրա ընկած երեք ասորական և հայկական գյուղերի վրա և կազմակերպեցին ահավոր կոտորած։ Ի պատասխան իրանական կառավարության բողոքների, Քահիր փաշան հայտարարեց, որ «մարդասիրության զգացումից ելնելով թ. Գուռը պատրաստ է Ուրմիա մտցնել շորս դումարտակ և այնտեղ սահմանել կարգ ու կանոն»²²⁷։ Ուրմիայի փոխ-հյուպատոս բարոն Չերկասովի տեղեկությունների համաձայն, զգալով թուրքական զորքերի մոտալուտ գալստյան վտանգը, հայերը տենդագին շտապողականությամբ կազմակերպում էին ինքնապաշտպանության ջոկատներ՝ դիմադրություն ցույց տալու համար²²⁸։

Քուրբիան նախապատրաստում էր հայկական ջարդեր ոչ միայն Իրանում, այլև Անդրկովկասում, հատկապես այդ նպատակով աշխատելով կասեր հաստատել Անդրկովկասի և Իրանի մահմեդական հոգեբրահանության հետ, որը ի վիճակի էր բորբոքելու խավար ամբոխի կրոնական ֆանատիզմը։ 1908 թ. սկզբներին Անդրկովկասում հայ-ազրեհջանական բախումների ժամանակ, Ստամ-

²²⁵ Նույն տեղում։

²²⁶ ЦГВИА, ф. 2000, оп. 1, л. 1002, л. 184 об.

²²⁷ «Тифлисский листок», 1908, 14 июня.

²²⁸ ЦГИА Груз. ССР, ф. 15 л. 67, л. 104 об.

բուլից Անդրկովկաս մեկնեց իսլամական մի միսիա, որի մեջ կա-
լին մեծ քանակությամբ զաղիներ, դերվիշներ և քարոզիչ գործա-
կալներ: Կովկասի ռազմական շրջանի շտաբի կարծիքով նրանց
հանձնարարված էր Ռուսաստանի պատերազմի դեպքում Թուր-
քիայի հետ նախապատրաստել Կովկասի մահմեդական բնակչու-
թյան ապստամբություն²²⁹:

Վերոհիշյալ միսիայի առթիվ «Голос Москвы» թերթը գրում
էր, որ ակամաչից այն ապավորությունն է ստեղծվում, որ «Իրանի
հորիզոնում ևս հավաքվում են ամպրոպաբեր ամպեր»²³⁰: Այդ մա-
սին տազնապի առաջին ազդանշանները տվեցին կովկասահայ թեր-
թերը, որոնք իրանահայերին կոչ էին անում բուսր պարագաներում
լինել զուսպ ու հավասարակշռված և չզառնալ թուրքական գործա-
կալության սադրանքների զոհը: «Тифлисский листок-ը», օրի-
նակ, գրում էր. «Պարսկաստանը ներկայումս վեր է ածվել թուրքա-
կան էմիրարների գործունեության ասպարեզի, որոնք հրահանգներ
են ստանում Յևղզ-Քյոշրից: Նրանք տեղորոհն աշխատում են ոչ
միայն Թեհրանում, Թավրիզում և ընդհանրապես Պարսկաստանի
կենտրոնական քաղաքներում, այլև նրա հեռավոր անկյուններում:
Նրանց նպատակն է այդ երկիրը հասցնել լրիվ հյուժման ու ներքին
քայքայման, որպեսզի վերջ ի վերջո ստիպեն նրան զլուխ խոնար-
հել սուլթանի քաղաքական գերիշխանության առջև: Առանց որևէ
հսկողության, իրենց արամադրության տակ ունենալով մեծ քանա-
կությամբ օսմանյան ոսկի, թուրքական գործակալները անընդհատ
զավեր են նյութում: Որպեսզի վնաս հասցնեն սահմանադրությանը
և նրան հնարավորություն չտան ամրապնդվելու և արմատներ գցե-
լու ժողովրդի խրճադիտակցության մեջ, նրանք ամեն կերպ աշ-
խատում են իրենց գործակալների օգնությամբ թշնամանք սերմա-
նել Պարսկաստանում գործող քաղաքական կուսակցություններին
միջև, բորբոքել նրանց կրքերը, իհարկե, բուսր դեպքերում պաշտ-
պանելով և հովանավորելով երկրի ռեակցիոն տարրերին: Այդ ուղ-
ղությունը նրանք ձեռք են բերում փայլուն արդյունքներ: Սակայն
առայժմ նրանց չի հաջողվում անվստահություն ներշնչել հայերի,
նրանց կուսակցությունների նկատմամբ և նրանց ու տեղական

²²⁹ ЦГВИА, ф. 2000, оп. 1, д. 1014, л. 34 об.

²³⁰ «Голос Москвы», 1908 г., 16 февраля.

մահմեդականների միջև հրահրել տարածայնություններ և փոխադարձ թշնամանք: Վերջերս Թավրիզում տեղի ունեցավ մի փոքր բախում հայերի և տեղական մահմեդականների միջև: Այդ փաստը, որն ուներ զուտ պրովոկացիոն բնույթ, Թավրիզի պրոգրեսիվ տարրերի շրջանում առաջ բերեց խորը պայտույթ և արդեն հրապարակված է մի կոչ, որը բուլդոզերի հորդորում է կղերայրական համերաշխություն»²³¹:

Միաժամանակ թուրքական գործակալությունը Իրանի սահմանամերձ նահանգների մահմեդական բնակչության շրջանում ազդիտացրա էր մի զուտ, որ նրանք չճանաչեն իրանական կառավարության իշխանությունը, հալածանքների ենթարկեն տեղական ալլադավան բնակչությանը, հրահրեն խառնակություններ և այլն, որպեսզի այնուհետև «կարգ ու կանոնը վերականգնելու» պատրվակի տակ թուրքական զորքերը հնարավորություն ունենան զավթելու նոր տերիտորիաներ»²³²:

Ցարական մի շարք գործիչներ այն տեսակետին էին, որ Թուրքիայի քայքայիչ գործունեության ակտիվացումը Իրանում և մասնավորապես զորքերի մոբիլիզացիան ու կենտրոնացումները իրանական սահմանների մոտ առաջին հերթին ուղղված են Ռուսաստանի դեմ, որ Թուրքիան պատրաստվում է հակահարված տալ Ռուսաստանին, եթե վերջինս փորձի ակտիվորեն միջամտել թուրք-իրանական հարաբերություններին: Այս տեսակետը եռանդուն պաշտպանում էր հատկապես Կովկասի փոխարքա Ի. Ի. Վորոնցով-Գաշկովը, պահանջելով ձեռնարկել վճռական միջոցառումներ ընդհուպ մինչև Կովկասի ռազմական շրջանի զորքերի մոբիլիզացիան: Սակայն արտաքին գործերի մինիստրությունը մերժեց այդ առաջարկը, սահմանափակվելով լուկ Բ. Գոան առջև դեսպան Զինովևի դիվանադիտական առաջադրություններով: Արտաքին գործերի մինիստր Ա. Պ. Իզվոլսկին այդ առաջադրությունների անհետևանք մնալու դեպքում միանգամայն արդյունավետ միջոցառում էր համարում անդլո-ռուսական համատեղ դիվանադիտական ելույթը, որը նրա

²³¹ Дервиш, Турецкие эмиссары в Персии, «Тифлисский листок», 1908 г. 27 января.

²³² ЦГИА Груз. ССР, ф. 15, д. 67, л. 104 об; ЦГВИА, ф. 2000, оп. 1, д. 1014, л. 60 об.

կարծիքով կարող էր ստիպել Քուրբխային հրաժարվել ուղղակիանե նախապատրաստություններից և վերջ տալ Իրանի նկատմամբ ազդեցիկ քաղաքականությունը²³³։ Քուրբ-իրանական հարաբերությունների հարցում Անգլիայի հետ համագործակցելու ցարական կառավարության քաղաքականության այս շրջադարձը պայմանավորված էր 1907 թ. վերջերին Իրանում թուրքական ինտերվենցիայի նկատմամբ անգլիական քաղաքականության մեջ տեղի ունեցած էական փոփոխությամբ։ Բրիտանական կառավարությունը եկավ այն համոզման, որ Օսմանյան կայսրության զավթողական քաղաքականությունը, վերջին հաշվով, ծառայում է գերմանական շահերին։ Որ Գերմանիան Քուրբխայի օգնությամբ ոչ միայն կարող է ամրապնդել իր դիրքերը Անգլիայի «կենսական» շահերի գոտում (Հարավարևմտյան Իրան, Միջագետք և այլն), այլև ուղղակի թափանցել Պարսից ծոց։ Ոչ պակաս կարևոր նշանակություն ուներ և այն, որ Գերմանիան ղեռ շարունակում էր փորձեր անել Ռուսաստանին Անտանտից պոկելու ուղղությամբ, իսկ Անգլիայի շեշտված պասսիվ դիրքը թուրք-իրանական հարաբերությունների նկատմամբ բացահայտ դժգոհության տեղիք էր տալիս Ռուսաստանի կառավարող շրջաններում և ուսական հասարակական կարծիքի առջև։

Ելնելով այս նկատառումներից, 1907 թ. վերջին Ֆորին Օֆիսը հանձնարարեց Ստամբուլում իր գեսպան Օ'Կոննորին ուսական գեսպանի հետ համատեղ ճնշում գործադրել Բ. Գուան վրա։ Անգլո-ռուսական կողմերից Լույսիբ սուլթանական կառավարությանը դրեց դժվարին վիճակի առջև։ Ի վերջո մեծ վեճից ստիպված խոստացավ շփոփոխել թուրք-իրանական սահմանների նախկին վիճակը (ստատուս-քվո) և շփոթել իրանական քրդերին զրավելու Քուրբխայի կողմը²³⁴։

Քեև այս խոստումները չկատարվեցին, սակայն էականը այն էր, որ թուրքական կառավարող շրջաններում հասկացան, որ այսուհետև Ռուսաստանից բացի իրանական հարցում իրենք գործ են ունենալու նաև Անգլիայի հետ և հանդիպելու են անգլո-ռուսական կողմերից դիմադրությունը։

²³³ АВПР, ф. «Политархив», 1907, д. 79, лл. 73—74.

²³⁴ АВПР, ф. «Персидский стол», 1907, д. 1196, л. 279.

1908 թ. հունվարի 13-ին թուրք-իրանական սահմանային հանձնաժողովը Ուրմիայում կրկին վերսկսեց իր աշխատանքները։ Այս նոր հանձնաժողովը ևս պատգամավորների տարածայնությունների և գլխավորապես թուրքական կոմիսար Քաշիր փաշայի բռնած անհաշտ ու ազդեցիկ զորքի պատճառով շտվեց և ոչ մի գրական արդյունք²³⁵։ Վերջինս չբավականանալով նույնիսկ Գերվիշ փաշայի «հին սահմանով» և 1869—1870 թթ. պաշտոնական քարտեզի սահմաններով պահանջ ներկայացրեց Սուլդուզի, Սուլջբուլազի, Սաբբըզի և Հորհորեյի նկատմամբ²³⁶։ Առհասարակ Քաշիր փաշայի վարքագիծը վկայում էր, որ նա բանակցությունների էր եկել ոչ թե սահմանային կոնֆլիկտի վերաբերյալ ինչ-որ համաձայնության գալու նպատակով, այլ թուրքական զավթումները արդարացնելու, ժամանակ շահելու և նոր զավթումներ կատարելու մտադրությամբ։

Բանակցությունների ընթացքում ավելի զարգացնելով իր պահանջները, Քաշիր փաշան սկսեց պահանջել այն բոլոր հողերը, որոնք ընկած էին հյուսիսային լայնության 30—40°-ի միջև, այսինքն ողջ Իրանական Քրդստանը։ Այդ մասին ոչ երկիմաստ ասվում էր նաև իրանական կառավարությանը ներկայացված 1908 թ. փետրվարի 2-ի թուրքական հուշագրում²³⁷։

Հանձնաժողովի անդամներին փաստի առջև կանդնեցնելու նպատակով թուրքական զորքերը բանակցությունների ընթացքում գրավեցին նոր տերիտորիաներ²³⁸։ Իզվոլսկին կրկին ստիպված էր հանձնարարելու Զինովևին, որպեսզի նա Բ. Դոնից վճռականորեն պահանջի թույլ շտալ թուրքական զորքերի հետագա առաջխաղացումը իրանական տերիտորիայում²³⁹։ Սակայն համոզվելով, որ մեծ վեզիրի հավաստիացումները զործնական կենսագործում չեն ստանում, այլ ընդհակառակը, զավթումները զնալով ընդունում են ավե-

²³⁵ АВПР, ф. «Канцелярия МИД», 1908, д. 37, л. 232.

²³⁶ «Турецко-персидская пограничная спорная полоса», стр. 80.

²³⁷ АВПР, ф. «Миссия в Персии», 1907—1908 гг., д. 86, л. 28.

(Իսկ 1908 թ. հունիսի 24-ի հուշագրում ուղղակի նշվում էր, որ «Քրդստանը (Իրանական—Վ. Բ.) կազմում է Օսմանյան կայսրության մի մասը»։

²³⁸ Տե՛ս АВПР, ф. «Персидский стол», 1908, д. 1198, л. 22.

²³⁹ АВПР, ф. «Персидский стол», 1908, д. 657, л. 16.

լի ու ավելի սիստեմատիկ բնույթ, ցարական կառավարությունը գումարեց հատուկ նիստ, որի կենտրոնական հարցերից մեկը Իրանում թուրքական ինտերվենցիան էր: 1908 թ. հունվարի 21-ի այդ նիստում Իզվուլսկին հայտարարեց, որ Թուրքիայի գործողություններն Իրանում ոչ միայն սպառնում են Ռուսաստանի ստրատեգիական շահերին, այլև կարող են միանգամայն բացասաբար անդրադառնալ նրա հեղինակության վրա Մերձավոր Արևելքում: Խորհրդակցությունում նույն ոգով ելույթներ ունեցան նաև ռազմական մինիստրի օգնական գեներալ-լեյտենանտ Պուլիանովը, գլխավոր շտաբի պետ Պալիցինը, ֆինանսների մինիստր Կոկոլցովը և այլն: Սակայն նրանց ելույթների ոգին միանգամայն անհարթ էր վերջում ընդունած որոշմանը: Վերջացնելով խորհրդակցությունը, մինիստրների խորհրդի նախագահ Ստոլիպինը կտրուկ հայտարարեց, որ «ներկայումս արտաքին գործերի մինիստրը վճռական քաղաքականություն վարելու համար չի կարող հույս գնել ոչ մի աջակցության վրա: Ռուսաստանի նոր մոբիլիզացիան, հեղափոխությանը, որից մենք նոր ենք սկսել դուրս գալ, կհաղորդեր նոր ուժեր... Այլ քաղաքականություն, բացի խիստ պաշտպանողականից, ներկա ժամանակամիջոցում կլինեն աննորմալ կառավարության զառանցանք, և այն իր հետ կբերեր վտանգ գինաստիայի համար»²⁴⁰:

Եվ այսպես, ցարական Ռուսաստանի վիճակը, որը ջնջված էր հեղափոխությամբ, անհնար էր դարձնում ցարիզմի ավանտյուրաները Մերձավոր և Միջին Արևելքում: Դրանով էլ հենց պայմանավորված էին ռուսական դիվանագիտության անհաջողությունները: Խորհրդակցությունում որոշվեց, որ Ռուսաստանը պետք է թուրք-իրանական կոնֆլիկտի հարցում գրավի ծայրահեղ զգույշ դիրք և ոչ մի դեպքում չկատարի զորքերի մոբիլիզացիա²⁴¹:

Այս ոգով հրահանգներ ուղարկվեցին Իրանում և Թուրքիայում գտնվող բոլոր ներկայացուցիչներին: Ելնելով այդ դիրեկտիվից ռուսական հյուպատոսներն աշխատում էին համոզել շահական կառավարությանը միջոցներ ձեռնարկել հակաթուրքական տրամադրություններ ունեցող բրդական ցեղերի նկատմամբ, որպեսզի վերջիններս տեղիք շտան Թուրքիայի հետ «սահմանային նոր թյուրի-

²⁴⁰ «Вестник НКВД», 1919, № 1.

²⁴¹ АВПР, ф. «Секретный архив», 1908, д. 266/267, лл. 11—20.

մացությունները»²⁴²։ Այդ նույն գիրեկտիվի հետևանքով սուսական հյուպատոսները մերժում էին թուրքերից դժգոհ բրզգերի խնդրանքը՝ իրենց սուսական հովանավորության տակ վերցնելու վերաբերյալ²⁴³։

Անշուշտ ցարական կառավարության նման անվճռական քաղաքականությունը թուրքերին ոգեշնչելու էր նոր զավթումների։ Եվ իսկապես, Ուրմիայում սահմանային հանձնաժողովի գործունեության ընթացքում, հատկապես 1908 թ. մայիս-հուլիս ամիսներին, թուրքական զորքերը զբաղեցրին համարյա ամբողջ Արևմտյան Իրանական Ադրբեջանը, հասնելով մինչև Ուրմիա լճի ափը, իսկ հյուսիսում փորձելով դուրս գալ Խոյի հարթավայրը, որտեղից ճանապարհ էր բացվում դեպի Երևանի նահանգը²⁴⁴։ Թուրքական զորքերի գործողություններին զուգահեռ բրզգական ջոկատները ևս (հատկապես զերզա և մամաշ ցեղերից բաղկացած ջոկատները) սկսեցին գործել ավելի վճռականորեն, ընդլայնելով թուրքական զավթումների գոտին։ Շատ հաճախ կանոնավոր զորքերն ու բրզգական ջոկատները գործում էին համատեղ։ Այսպես, 1908 թ. մայիսի վերջին Սալմաստի, Սոմաչի և Բարանդուլի շրջաններում ավերվեցին ու ամառացվեցին բազմաթիվ գյուղեր²⁴⁵։

Առհասարակ, պետք է ասել, որ ոչ մի ժամանակ ասպատակություններն ու կողոպուտը և «ղեհալեթի»²⁴⁶ պրակտիկան չէին

²⁴² АВПР, ф. «Миссия в Персии», 1908, д. 81, л. 21.

²⁴³ АВПР, ф. «Персидский стол», 1908, д. 1198, лл. 280, 413—415.

²⁴⁴ ЦГВИА, ф. 2000 с., оп. 1, д. 6862, л. 89.

²⁴⁵ АВПР, ф. «Персидский стол», 1908, д. 1197, лл. 331, 346.

²⁴⁶ «Գեհալեթ» դիմում էր, որը ներկայացվում էր առանձին անձի կամ ամբողջ համայնքի կողմից, որտեղ ասվում էր, որ դժգոհ լինելով իրենց ներկա վիճակից, խնդրում են Օսմանյան կայսրությանը բնորոշել իրենց թուրքական հպատակության տակ և հովանավորել։ Մեծ մասամբ զեհալեթները նախորդում էին զավթումներին և աչդիսով թուրքական զորքերը համարյա միշտ հանդես էին գալիս օգնություն հայցող բնակչությանը հովանավորողի դերում։ Շատ հաճախ բնտանիքի մեկ անդամը, որը վատ հարաբերությունների մեջ էր բնտանիքի մյուս անդամների հետ, զեհալեթ էր տալիս թուրքերին նրանց բարյացակամ վերաբերմունքը շահելու, կամ հողակտորներ և նույնիսկ գյուղեր ձեռք բերելու միտումով։ Տեղական խաները ամբողջ շրջաններ էին տալիս թուրքերին այն հույսով, որ փոխարենը կստանան ինչ-որ առավելություններ մյուս խաների նկատմամբ։

հասել այնպիսի շափերի, որքան 1908 թ. գարնանը և ամռանը: Թուրքական գործակալությունը բացահայտորեն հորդորում էր իրանական բրդերին շենթարկվել շահական իշխանություններին, ընդունել Թուրքական հովանավորություն և հարկեր վճարել միայն սովյանական կառավարությանը²⁴⁷: Օկուպացիոն իշխանություններն աշխատում էին բրդական արշավանքներին տալ իրանական տիրապետության դեմ ցեղերի մասսայական շարժման բնույթ: Դա հնարավորություն էր տալիս նրանց հայտարարելու, որ Թուրքական զորքերը հայտնվել են անվիճելի իրանական տերիտորիայում բացառապես դավանակից քուրդ սուննիթների իրավունքները պաշտպանելու նպատակով, որոնք բազմիցս զիմում են Թուրքիային օգնության աղերսով:

Չնայած Մեջլիսի եռանդուն դիմումներին²⁴⁸, շահական կառավարությունը ոչ մի միջոցառում չձեռնարկեց պրոթուրքական տրամադրություններ ունեցող իրանահպատակ բրդերին իր կողմը զրավելու ուղղությամբ: Ընդհակառակը, շքանկանալով խորամուխ լինել նրանց դժգոհության և պրոթուրքական տրամադրությունների բուն պատճառների մեջ, կառավարությունը նրանց «հնազանդեցնելու» մտադրությամբ հաճախ կազմակերպում էր պատժիչ արշավանքներ, որոնք տալիս էին միանգամայն հակառակ արդյունք:

Թուրքիայի հետ իրանական բրդերի մերձեցումը, ինչպես նաև այն, որ զավթիչները ընդլայնում էին իրենց զավթումների գոտին ոչ միայն անմիջականորեն, այլև բրդերի օգնությամբ, մեծագույն տազնասլ էր ներշնչում Իրանի հեղափոխական շրջաններին: Էնջու-մենները որոշեցին բացատրական լայն աշխատանք ծավալել բրդական ցեղերի շրջանում: Այդ նպատակով հեղափոխականները հատկապես զիմում էին հայերին, խնդրելով շփվել քուրդ բնակչության հետ, բացատրել իրերի իսկական վիճակը և համոզել նրանց ետ կանգնելու Թուրքիայի ազրեսիվ մտադրություններին գործիք հանդիսանալուց²⁴⁹: Նրանց խորին համոզմամբ այս առաքելության

²⁴⁷ АВПР, ф. «Персидский стол», 1908 г., д. 656, л. 22.

²⁴⁸ АВПР, ф. «Посольство в Константинополе», 1908, д. 3546, л. 176.

²⁴⁹ Дервиш, Персия и Турция, «Тифлисский листок», 1908, 17 января.

հաշոդության դեպքում մեծապես կշափավորվեր թուրքական կառավարող շրջանների ախորժակը իրանական տերիտորիաների նկատմամբ:

Սակայն այս ազդեցության շունքը հաշոդության ոչ մի գրավական, որովհետև այն հանդիպելու էր թուրքական օկուպացիոն իշխանությունների ու նրանց գործակալության կատաղի դիմադրությանը և Թուրքիայի հետ բազմաթիվ թևերով կապված քրդական վերնախավի թշնամական վերաբերմունքին: Բացի այդ, այն աջակցություն չէր գտնելու և իսկապես չգտավ նաև իրանական իշխանությունների կողմից, որոնք «խոտվարար քրդերի» հետ խոսելու միակ լեզուն համարում էին զենքը: Հատկանշական է, որ թուրքական օկուպացիայից դժգոհ տեղական բնակչությունը, այդ թվում նաև քրդերը, տեղյակ լինելով իր հպատակների նկատմամբ շահական կառավարության այդ դիրքորոշմանը և գիտակցելով, որ նա անզոր է կամ չի ցանկանում միջամտել սահմանամերձ գոտում ծավալվող իրադարձություններին, հեռագրերով օգնության աղերս էր ուղարկում ոչ թե կառավարությանը, այլ Մեջլիսին և հեղափոխական էջումեններին²⁵⁰:

Ուրմիայում սահմանային հանձնաժողովի գործունեության ծախողումը ուստական կառավարող շրջաններին դրեց դժվարին վիճակի առջև: Ռուսական բուրժուազիան, Ֆինանսա-արդյունաբերական շրջանները և այլն, որոնք Իրանում ունեին մեծագույն շահեր, վրձնականորեն պահանջում էին կառավարությունից շտապ և արմատական միջոցառումներ ձեռնարկել ուստական կապիտալի շահերը Իրանում թուրքական և գերմանական ոտնձգություններից պաշտպանելու համար: Արտահայտելով ուստական բուրժուազիայի այդ ձգտումները, Պետական դումայի 1908 թ. ապրիլի 4-ի նիստում կաղետական կուսակցության լիդեր Միլյուկովը հայտարարում է, որ Օսմանյան կայսրության կողմից Իրանական Աղբբեջանի օկուպացիան կարող է Ռուսաստանին առմիշտ կտրել Պարսից ծոցից: «Թեև այստեղ,—շարունակում է Միլյուկովը,—մեր մարդասիրական զգացումները կարող են ավելի քիչ տուժել, քան Բալկանյան թև-

²⁵⁰ АВПР, ф. «Канцелярия МИД», 1908, д. 175, л. 66.

բակղզում, սակայն, այնուամենայնիվ, այստեղ ևս ոչ պակաս շափով մեղ համակում է առողջ ևսասիրության զգացումը»²⁵¹: Պետական դումայի մեկ այլ նիստում Գուշկովը իր հերթին անում է հետևյալ հայտարարությունը. «Անձամբ ևս զործերի վիճակը Մերձավոր Արևելքում համարում եմ չափազանց լուրջ: Մենք յուրաքանչյուր բույս պետք է պատրաստ լինենք ամեն կարգի անակնկալներին... Պահը լուրջ է, նրա նկատմամբ պետք է վերաբերվել մեծագույն ուշադրությամբ: Մենք չպետք է թույլ տանք վերջին պատերազմի սխալների կրկնությունը, երբ միանգամայն անպատրաստ էինք ռազմական գործողություններ սկսելու համար: Գրանից խուսափելու համար, պետք է հենց այժմյանից նախապատրաստել մեր ռազմական ուժերը. պետք է հոգալ նաև մեր երկաթուղիները և հատկապես Կովկասի և Անդրկովկասի երկաթուղիները պատշաճ վիճակի բերելու մասին: Ես մտադիր եմ վերջին հարցը հարուցել պետական պաշտպանության հանձնաժողովի առջև հենց առաջին իսկ նիստում...»²⁵²:

Իրանում Թուրքիայի բաղաբականությունը բազատեղյակ ուսգիվանագետները ևս այն կարծիքին էին, որ դա Ռուսաստանի համար առաջնակարգ բաղաբական նշանակություն ունեցող հարց է, սրովհետև, Վ. Մինորսկու արտահայտությամբ, թուրք-իրանական հարցը աստիճանաբար վեր էր ածվել ռուս-թուրքական հարաբերությունների հարցի²⁵³:

Մյուս կողմից սահմանային հանձնաժողովի աշխատանքների ձախողումը և առհասարակ Ռուսաստանի պասսիվ դիրքը Թուրքիայի սոսնձությունների նկատմամբ առաջ բերեց ոչ միայն ռուսական հասարակական կարծիքի բացահայտ դժգոհությունը, այլև ուղղակի հարված հասցրեց Ռուսաստանի հեղինակությունը Իրանում, որտեղ դա մեկնաբանվեց որպես Ռուսաստանի թուլություն:

Հաշվի առնելով վերոհիշյալ հանգամանքները, ցարական կառավարությունը որոշեց դիմել ավելի կոնկրետ գործնական բաշխե-

²⁵¹ «Тифлисский листок», 1908, 5 апреля.

²⁵² «Тифлисский листок», 1908, 16 февраля.

²⁵³ В. Ф. Минорский, Турецко-персидское разграничение, Пг., 1916, стр. 7.

րի: 1908 թ. դարնանը Ուրմիայի նախկին փոխ-Հյուպատոս բարոն Ջերկասովին և զնդապետ Թումանսկուն հանձնարարվեց մեկնել Թուրքիայի զավթած տերիտորիաները և սյարզել այնտեղ ստեղծված վիճակը, ինչպես նաև խորամուխ լինել Օսմանյան կայսրության զավթողական քաղաքականության վերջնական նպատակի մեջ:

Ցարական ռազմական շրջաններին հետաքրքրում էր նաև Թուրքիայի՝ Իրանի և Ռուսաստանի դեմ պատերազմի նախապատրաստությունների վերաբերյալ լուրերի հավաստիության հարցը: Այդ նպատակով 1908 թ. հունիսին կովկասյան հրամանատարությունը էրզրում և էրզինջան գործուղեց երկու բարձրաստիճան զինվորականների՝ 16-րդ զրենադերական մենդրելյական գնդի հրամանատար Ավերյանովին և զնդապետ Մաքսիմովին²⁵⁴: Թուրքական շորորդ բանակային կորպուսի հրամանատար Ջեքի փաշայի և այլ զինվորականների հետ հանդիպումներից, ինչպես նաև սահմանային շրջաններում ուղևորություններից հետո Ավերյանովը և Մաքսիմովը հանգեցին այն եզրակացության, որ Թուրքիան մտադիր է ամրանալ Իրանի իր զավթած շրջաններում, որը սպառնալիք կլինի ոչ միայն ողջ Իրանական Ազրբեջանի, այլև Անդրկովկասի համար²⁵⁵:

Ռուսաստանը որոշեց կտրուկ ելույթ ունենալ: 1908 թ. հունիսի 6-ին Իզվոլսկին հանձնարարեց Ստամբուլում իր դեսպանին վճռականորեն հայտարարել մեծ վեղիրին, որ իր կառավարությունը չի կարող պասսիվ դիտորդի դերում լինել վիճելի գոտու սահմաններից դուրս օսմանյան զորքերի շարժման և քրդերի մշտապես աճող սպառնալուծությունների նկատմամբ, մանավանդ որ դրանք սկսում են տարածվել նաև Ռուսաստանի հարևան Սալմաստի շրջանի վրա: Որ ռուսական սահմանների մոտ Թուրքական զորքերի հարձակողական շարժումը կարող է բարդացնել Ռուսաստանի և Թուրքիայի հարաբերությունները և ավելի դժվարացնել Թուրք-իրանական սահմանա-

²⁵⁴ ЦГИА Груз. ССР, ф. 15, д. 66, лл. 1—14.

²⁵⁵ Նույն տեղում, տե՛ս նաև АВПР, ф. «Канцелярия МИД», 1908», д. 155, т. 1, л. 59.

չին հարցի լուծումը: Արտաքին գործերի մինիստրը խնդրում էր ավելացնել, որ այդ շարժումը շղաղարեցնելու ղեկարում համապատասխան ռազմական նախապատրաստություններ կձևանարվեն նաև Կովկասյան սահմաններում²⁵⁶:

Այս ոգով հունիսի 9-ին ռուսական ղեկավարը եռանդուն առաջադրություն կատարեց մեծ վեզիրի և արտաքին գործերի մինիստրի առջև: Նրա ղեմարշը պաշտպանեց նաև Ստամբուլում Բրիտանական գործերի հավատարմատար Բարկլեյը, որին նախապես հանձնարարված էր իրանական հարցում իր գործողությունները համաձայնեցնել ռուսական ղեկավարի հետ²⁵⁷: Միաժամանակ նախնական պայմանավորվածության համաձայն Ստամբուլում իրանական ղեկավարը Բ. Դոստը ներկայացրեց նոտա, որտեղ պահանջվում էր անհամապատասխան գործերը ետ քաշել զավթված շրջաններից և զաղարեցնել բրդական արշավանքները²⁵⁸:

Այս կողմերից ելույթը Թուրքական կառավարող շրջանների վրա թուղեց որոշակի տպավորություն, մանավանդ որ, ի տարբերություն նախորդ գիվանագիտական ելույթների, Ռուսաստանը և Անգլիան այս անգամ պահանջում էին անմիջապես զիմել գործնական քայլերի: Հրավիրվեց մինիստրների խորհրդի արտակարգ նիստ, որտեղ քննարկվեց հետևյալ որոշումը. հրամայել Քահիրե փաշային գործերը ետ քաշել մինչև վիճելի գոտու սահմանները, թույլ չտալ Օսմանյան կայսրության բրդերին անցնելու իրանական տերիտորիան և չօդադործել բրդական զանգվածներին որպես Իրանի նկատմամբ Թուրքիայի հարձակողական քաղաքականության գործիք²⁵⁹: Մի բանի օր անց Թուրքական գործերը իսկապես դուրս բերվեցին անվիճելիորեն Իրանին պատկանող տերիտորիայից և տեղակայվեցին վիճելի գոտու սահմաններում: Միաժամանակ զաղարեցվեցին գործերի խոշոր կենտրոնացումները Իրանի ու Ռուսաստանի սահմանամերձ շրջաններում:

²⁵⁶ ЦГВИА, ф. 2000, д. 1033, л. 121; АВПР, ф. «Канцелярия МИД». 1908, д. 37, лл. 279—279 об.

²⁵⁷ АВПР, ф. «Персидский стол», 1908, д. 1197, л. 339; АВПР, ф. «Канцелярия МИД», 1908, д. 37, л. 242.

²⁵⁸ «Тифлисский листок», 1908, 13 июня.

²⁵⁹ АВПР, ф. «Персидский стол», 1908, д. 1197, л. 348.

Թուրքական կառավարության այս ժամանակավոր նահանջը կարելի էր բացատրել հետևյալ հանգամանքներով: 1908 թ. հունիսին Թուրքիան գտնվում էր ներքին բազաբական սուր ճգնաժամի վիճակում: Մակեդոնիայում և կայսրության մյուս շրջաններում ծավալվող ազգային-ազատագրական շարժումները գնալով ընդունում էին սպառնալից բնույթ: Երիտթուրքերը իրենց գործունեության ասպարեզը արտասահմանից տեղափոխել էին բուն Թուրքիա: Հեղափոխական խմբումները համակել էին նույնիսկ բանակը: Մայր աստիճանի վտանգավոր իրադրություն էր ստեղծվել նաև կայսրության միջազգային դրության մեջ: Ավստրո-Հունգարիան պատրաստվում էր զավթել Մակեդոնիան: Ինչևիդև անգլիական թագավորն ու ռուսական ցարը բանակցություններ էին վարում «մակեդոնական հարցը» իրենց օգտին լուծելու համար: Մեծ լարվածության էին հասել նաև անգլո-թուրքական հարաբերությունները: Ինչպես նշվեց, դեռևս 1907 թ. գարնանը Գերմանիան Թուրքիայից թույլտվություն էր խնդրել Պարսից ծոցի Զարուրի կղզում ծովային կայան կառուցելու համար: Թուրքիան ավելի սկզբունքային համաձայնություն: Իր այդ հաջողությունը ամրապնդելու և ցույց տալու համար, որ Պարսից ծոցի ջրերում Գերմանիան պահանջում է «իրավահավասարություն» և որ այն ձևեր կրերի ուժով, 1908 թ. սկզբներին Բեռլինը սկսեց նախապատրաստություններ տեսնել Պարսից ծոցի օսմանյան ջրերը մի ամբողջ ռազմական նավատորմ ուղարկելու համար: Բնականաբար Անգլիան չէր կարող հանդուրժել այդ բանը: Արտաքին գործերի մինիստր Գրեյը հանդես եկավ պաշտոնական հայտարարությամբ, որ «որևէ մեկի փորձը Պարսից ծոցում ծովային կայան կամ ամրացված նավահանգիստ ստեղծելու ուղղությամբ կհանդիպի Անգլիայի վճռական դիմադրությանը»: Գրեյը միաժամանակ հայտնեց Լոնդոնում թուրքական գործերի հավատարմատարին, որ այսուհետև Անգլիան չի ճանաչելու Օսմանյան կայսրության ոչ մի իրավունք Զարուրի, Աբու-Մուս և մի շարք այլ կղզիների նկատմամբ: Շուտով Անգլիան զորքեր մացրեց Քուվեյթ, նպատակ ունենալով Քուվեյթի շեյխ Մորաբեր-էս-Սաբահին պարտադրել ստորագրելու պայմանագիր, որով Քուվեյթը պետք է անցներ անգլիական հովանավորության տակ: Ի վիճակի չլինելով դի-

մագրավել բրիտանական կառավարության այս քայլերին, սուլթանը դիմեց Վիլհելմ II-ին խնդրելով օգնություն: Սակայն վերջինս անորոշ պատասխան տվեց: Ավելին, որոշ ժամանակ անց ղերմանական արտաքին գործերի մինիստրը հայտարարեց Բեռլինում թուրքական ղեկավարին, որ Գերմանիան չի պաշտպանի թուրքերին Օսմանի ծոցում մի կղզու համար նրա ունեցած վեճում Անգլիայի հետ²⁶⁰: Ինչպես տեսնում ենք, Գերմանիան վրեժ էր լուծում Ստամբուլից նրա պասսիվ քաղաքականության համար Իրանի հարավ-արևմուտքում և Պարսից ծոցի շրջանում:

Այսպիսով, թեև սուլթանական կառավարությունը իր համար ստեղծված ներքին և արտաքին քաղաքական անբարենպաստ իրադրության պատճառով ստիպված էր սահմանափակել իր ագրեսիվ ախորժակը Իրանի նկատմամբ, բայց փաստերը վկայում են, որ նա մտադիր չէր վերջնականապես հրաժարվել զավթումների այն քաղաքականությունից, որը լուրջ այս կամ այն անհատի կամ խմբավորման ցանկությունը չէր, այլ նախապես մշակված և թուրքական կառավարող շրջանների կողմից պետական քաղաքականության մակարդակի հասցված գիծ էր:

Արտաքին զավթողական այդ քաղաքականությունը սուլթանական կառավարությունը հաջողությամբ առաջ էր տանում օգտվելով մեծ պետությունների միջև գոյություն ունեցող հակասություններից և մասնավորապես անգլո-ռուսական հակամարտությունից: Օսմանյան կայսրության արտաքին քաղաքականության ղեկավարները իրենց անձնական փորձով արդեն համոզվել էին, որ Անգլիան իրանական հարցում Ռուսաստանի նկատմամբ վարում է երկակի, ոչ անկեղծ քաղաքականություն: Որ եթե Թուրքիայի ագրեսիվ քաղաքականության սլաքը բացառապես ուղղված լինի Ռուսաստանի ագրեսիվության դեմ և ռուսական շահերի դեմ, Անգլիան ոչ միայն ցույց չի տա որևէ դիմադրություն, այլև նույնիսկ կցուցաբերի զաղտոնի աջակցություն: Փորձը ցույց էր տալիս, որ Անգլիան թուրք-իրանական հարաբերությունների հարցում Ռուսաստանի հետ համատեղ հանդես էր գալիս միայն այն դեպքում, երբ Օսմանյան կայ-

²⁶⁰ A. K. Фыке, 524. աշխ., էջ 113—114:

սըրուձյան վրա ցանկանում էր ձնշում գործադրել իր շահերի հետ կապված ամենաբազմապիսի հարցերում և կամ, երբ անհրաժեշտ էր լինում կանխել Մերձավոր Արևելքում գերմանական իմպերիալիզմի քաղաքական կոմբինացիաներն ու հարված հասցնել իր այսույանին:

Վերոհիշյալ հանգամանքները պարզորոշ գիտակցում էին նաև թուրքիայում և Իրանում աշխատող ռուսական դիվանագետներից շատերը: Օրինակ, Ստամբուլում ղեսպան նեյիդովը արտաբին գործերի մինիստրությանն ուղղված հաղորդագրություններում իր պարտքն էր համարում նախազգուշացնել, որ բրիտանական կառավարությունը Ռուսաստանի նկատմամբ վարում է ոչ անկեղծ քաղաքականություն: 1908 թ. հուլիսի 5/18 Բույուկդերեից ուղարկած գաղտնի հաղորդագրության մեջ նա գրում էր, որ կասկածով է վերաբերվում Բ. Գոան մոտ թուրք-իրանական կոնֆլիկտի հարցում Ռուսաստանի դիվանագիտական ելույթները պաշտպանելու ուղղությամբ Անգլիայի անկեղծությանը: Որ Ստամբուլում անգլիական ղեսպանի առանձին արտահայտություններից երեւում է, որ Մեծ Բրիտանիային այդ հարցը ըստ էության չի հետաքրքրում, որի հետևանքով և միջնորդ պետությունների ելույթները թուրքական կառավարության վրա չեն թողնում երկու պետությունների համատեղ ելույթի ցանկալի տպավորություն²⁶¹: Նեյիդովին հաջողվում է ձեռք բերել նաև մեծ վեզիրի անունով գրված սուլթանի առաջին քարտուղար Քահսին փաշայի գաղտնագիր նամակը, որի մեջ ուղղակիորեն բացատրվում էր Անգլիայի վերոհիշյալ քաղաքականության պատճառները: Նամակում ասվում էր. «Վերջերս արբունիքում ստացված տարբեր հաղորդումներից պարզվում է, որ թուրքական զորքերի կողմից պարսկական սահմանին կից տերիտորիաների գրավման հարցը ոչ մի ղեպքում չի հարուցի թուրքական կառավարության համար անցանկալի օտարերկրյա միջամտություն, որովհետև ըստ Անգլիայի քաղաքականության, քանի որ այդ շրջաններում ինքը ի վիճակի չէ վարդապետելու իր շահերը, նրա համար գերադասելի է, որ վիճելի շրջանները գտնվեն ոչ թե Ռու-

²⁶¹ АВПР, ф. «Канцелярия МИД», 1908, д. 39, л. 172.

սաստանի, այլ մեր (Թուրքիայի) ազդեցության ներքո»։ Գրան ավելացվում էր, որ Լինկոլդ Անգլիայի վերոհիշյալ քաղաքականությունից, սուլթանը հրամայել է ռազմական և ֆինանսական մինիստրություններին ժամանակ չկորցնել ավելորդ և գործին օգուտ չբերող գրագրությունները դրադվելու վրա և ամեն կերպ նպաստել իրանական սահմանում զինվորական իշխանությունների այն պահանջներին, որոնք վերաբերում են Իրանում թուրքական զորքերի մատակարարման և անհրաժեշտության դեպքում ուժեղացման հարցին»²⁶²։

Այսպիսով, անգլիական կառավարությունը ուղղակի հասկացնում էր Բ. Գոանը, որ Թուրքիայի սահմանամերձ իրանական տերիտորիաներում ինքը գերադասում է տեսնել թուրքերին և ոչ թե ռուսներին։ Անգլիան ոչ միայն գաղտնապես հրահրում էր Թուրքիային զավթումներ կատարելու իր մրցակցի ազդեցության գոտում, այլև պահանջում էր արագացնել և հնարավորին չափ կարճ ժամկետում ավարտել այդ գործը։ Այդ էր վկայում Լոնդոնում թուրքական դեսպանի հունիսի 30-ի (հուլիսի 13-ի) հեռագիրը այն մասին, որ Անգլիայի արտաքին գործերի պետական քարտուղարը հաղորդել է իրեն Մեծ Բրիտանիայի կառավարության խորհուրդը, որ Թուրքիան հնարավորին չափ շուտ ավարտի իր «թյուրիմացությունները» Իրանի հետ՝ կանխելու համար օտար միջամտությունը, որը անկասկած տեղի կունենա, եթե սահմանում շարունակվի ներկա վիճակը»²⁶³։

Վերոհիշյալ փաստերը վկայում են, որ թեև խոսքով սուլթանական կառավարության մոտ Անգլիան պաշտպանում էր Ռուսաստանի Ելույթները Իրանում Թուրքիայի ագրեսիվ գործողությունները դադարեցնելու վերաբերյալ, սակայն գործնականում նա գաղտնապես հրահրում էր Թուրքիային շարունակել այդ քաղաքական գիծը։ Բրիտանական կառավարության այս քաղաքականությունը հետևանքով, Ստամբուլը, անվիճելի իրանական տերիտորիաներից իր զորքերը դուրս բերելուց ընդամենը մի քանի օր հետո, կրկին ակտիվացրեց Իրանի նկատմամբ ագրեսիվ քաղաքականության գիծը։ 1908 թ. հուլիսի 2-ին օսմանյան կառավարությունը

²⁶² АВПР, ф. «Канцелярия МИД», 1908, л. 39, л. 185.

²⁶³ նույն տեղում, Բ. 193:

ուլտիմատիվ բնույթի հուշագիր ներկայացրեց շահական կառավարութեանը, որտեղ պահանջներ էին ներկայացվում Սուլթուզի, Սուլջբուլաղի, Բանեի, Սաքքըզի և մի շարք այլ վայրերի նկատմամբ, որոնք հայտարարվում էին որպես Օսմանյան կայսրությանը պատկանող տերիտորիաներ²⁶⁴։ Միաժամանակ 6-րդ բանակային կորպուսի հրամանատարին հրամայվեց Բանեի, Սերդեշտի, Վեզնեի, Լահիջանի, Մերգեների, Թերգեների և մի շարք այլ շրջաններում կազմակերպել իրանական բրգերից համալրված համիրդիե զնդեր²⁶⁵։ Հուլիսի 10-ին Բ. Դուռը Իրանում գործող թուրքական օկուպացիոն զորքերի հրամանատար Մեհմեդ Ֆալիլ փաշային հայտնեց սուլթանի հրամանը՝ օգտվելով Ուրմիայի շրջանում հեղափոխականների և միապետության կողմնակիցների միջև բորբոքված պայքարից և զրա հետևանքով ստեղծված խառնակ վիճակից, զորքերը Փեսվեից շարժել դեպի Ուրմիա։ Միաժամանակ թուրքական արտաքին գործերի մինիստրին հանձնարարվեց Ստամբուլում իրանական դեսպանին հայտարարել, որ Ուշնուն իր շրջակայքով կազմում է Օսմանյան կայսրության անբաժանելի մասը։ Հուլիսի 15|28-ին սուլթանի առաջին բարտուղարը հաղորդեց մեծ վեզիրին, որ սուլթանը կարգադրել է Թահիր փաշային պնդել բոլոր զավթված տերիտորիաների նկատմամբ թուրքիայի «սրբազան» իրավունքների վրա և չհամաձայնվել «զիջելու թեկուզև մեկ թիղ հող»²⁶⁶։ Այս ոգով արտաքին գործերի մինիստրությունը 1908 թ. հուլիսի 30-ին շահական կառավարությանը ներկայացրեց նաև մի հուշագիր, որտեղ հավակնություններ էին ներկայացվում Դեշտբիլի, Ուշնուի, Բարանդուզի մի մասի, Մերգեների, Դեշտի (Բերդեսուր), Թերգեների, Բարադուսթի, Էնդելի, Սոմայի, Սուլթուզի, Սուլջբուլաղի, Սերդեշտի, Սաքքըզի, Բանեի, Հորհորեի, Չահրիբի, Չերգամանի, Դիրբի, Հուրեբի, Ռեզավեի շրջանների և Մակուի խանության նկատմամբ²⁶⁷։

²⁶⁴ АВПР, ф. «Персидский стол», 1908, д. 1198, л. 298.

²⁶⁵ АВПР, ф. «Миссия в Персии», 1908, д. 85, л. 6; ф. «Канцелярия МИД», 1908, д. 39, л. 172 об.

²⁶⁶ АВПР, ф. «Канцелярия МИД», 1908, д. 39, л. 193.

²⁶⁷ АВПР, ф. «Персидский стол», 1908, д. 1198, л. 326; ЦГВИА, ф. 2000 с., оп. 1, д. 7696, л. 94.

Այսպիսով, օգտվելով Մերձավոր և Միջին Արևելքում մեծ պետությունների հակասություններից, Օսմանյան կայսրությունը XX դ. առաջին տասնամյակում հնարավորություն ստացավ Իրանի նկատմամբ կիրառել ագրեսիվ-զավթողական քաղաքականություն: Թուրքիայի նվաճողական քաղաքականությանը նպաստում էր նաև այն, որ Անգլիան և Ռուսաստանը, որոնք շահագրգռված էին իրանական հեղափոխության ջախջախման հարցում սուլթանական ռեակցիայի ուժերը օգտագործելու մեջ, ոչ միայն վճռական միջոցառումներ չէին ձեռնարկում թուրքական ագրեսիան վնասագերծելու ուղղությամբ, այլև, ըստ էության, խրախուսում էին Թուրքիայի կողմից իրականացվող հակահեղափոխական ինտերվենցիան: Մյուս կողմից սուլթանական ռեակցիայի դաշինքը գերմանական իմպերիալիզմի հետ, որն աշխատում էր Օսմանյան կայսրության օգնությամբ խաբխիլել իր մրցակիցների դիրքերը Մերձավոր և Միջին Արևելքում և հատկապես թափանցել Իրան, այն կարևոր գործոնն էր, որը ոգեշնչում էր Թուրքիայի ագրեսիվ միլիտարիստական շրջաններին համարձակ և միանգամայն ինքնուրույն ձեռնամուխ լինել ահաբիվ նվաճողական քաղաքականության իր արևելյան հարևանի՝ զաջարական Իրանի դեմ: Վերջինիս ռազմա-տնտեսական թուլությունը, իմպերիալիստական պետություններից կախյալ վիճակը և հեղափոխության հետևանքով ստեղծված ներքին անկայուն դրությունը հույս էր ներշնչում թուրքական կառավարող շրջաններին, որ նրա նկատմամբ ժավալվող զավթողական քաղաքականությունը չի հանդիպի լուրջ դիմադրության և հակահարվածի:

ԵՐԻՏԹՈՒՐՓԱԿԱՆ ԿԱՌԱՎԱՐՈՒԹՅԱՆ ԷՔՍՊԱՆՍԻՈՆԻՍՏԱԿԱՆ
ՔԱՂԱՔԱԿԱՆՈՒԹՅՈՒՆԸ ԻՐԱՆՈՒՄ ԵՎ ԹՈՒՐՔԱԿԱՆ ԲԱՆԱԿԻ
ՀԱԿԱՀԵՂԱՓՈՒՍԱԿԱՆ ԻՆՏԵՐՎԵՆՅՈՒՆ

1908 թ. հուլիսին երիտթուրքական հեղաշրջման հետևանքով խորտակվեց սուլթան Աբդուլ Համիդ II-ի բռնակալական ռեժիմը և Թուրքիայում հաստատվեցին սահմանադրական կարգեր: Կայսրության ճնշված ժողովուրդները ցնծության մեջ էին: Երիտթուրքերը խոստանում էին սահմանադրությունից բխող զեմոկրատական իրավունքներ և եղբայրություն ու համերաշխություն երկրի բոլոր բրիստոնյա և մահմեդական ազգությունների միջև: Սակայն երիտթուրքական կուսակցության քաղաքական ծրագիրը կտրուկ փոփոխության ենթարկվեց, հենց որ իշխանությունն անցավ նրանց ձեռքը:

Նախ ներքին քաղաքականության բնագավառում «Իթթիհազ վե Թերաքքե» կուսակցության ծրագիրը զրսևորեց զուտ շովինիստական և նեղ ազգայնական ձգտումներ: Պարզվեց, որ Իթթիհազը ոչ միայն մտադիր չէ հաշվի նստելու կայսրության զանազան ժողովուրդների ազգային իղձերի հետ, այլև տահասարակ հրամարվում է ճանաչել Օսմանյան կայսրությունում ոչ թուրք ազգերի առկայությունը: Ասիմիլյատորական օսմանիզմը վերածվեց երիտթուրքերի պաշտոնական գաղափարախոսության:

1908 թ. հոկտեմբերի 17-ի հաղորդագրությունում Ստամբուլում ռուսական ռազմական գործակալ զնդապետ Խոլմսենը գրում էր. «Մահմեդականների և բրիստոնյաների եղբայրացումը փոխարինվեց ավելի մեծ անվստահությունամբ, քան զոյություն ուներ նախկինում: Մի խոսքով հուլիսյան հեղափոխությունից անմիջապես հե-

տո համընդհանուր ցնծությունն ու լավատեսական տրամադրությունը փոխարինվեց ճնշված, ծայրահեղ նյարդային տրամադրությամբ»¹:

Ներքին բաղաբականության բնագավառում երիտթուրքերի վարած ունկեցիկ շովինիստական գիծը շուտով տեղի տվեց ճնշված ժողովուրդների բուռն ելույթներին: 1908 թ. ամռանը Դերսիմում կրկին սկսվեց զվլբաշ բրդերի ապստամբություն²: Հուզումներ էին տեղի ունենում նաև էրզրումի, Դիարբեքի, Սվասի և այլ վիլայեթներում, որտեղ հուսախաբ եղած բնակչությունը իր բացահայտ դժգոհությունն էր արտահայտում նոր սեփիմի նկատմամբ³: Երիտթուրքական իշխանությունների դեմ հզոր ապստամբություններ սկսվեցին նաև Իրաքում, հատկապես Բաղդադի և Քիրքուքի շրջաններում և Մոսուլի վիլայեթում⁴:

Ուժեղացան նաև արաբական թերակղզում (Եմենում, Ասիրում, Նեղզում) ծայր առած բաղաբական անջատվողական շարժումները: Սոցիալական և բաղաբական բնույթի այդ շարժումները ճնշելու համար երիտթուրքերը դիմեցին զենքի: Իսկ այն մակերեսային սեփորները, որոնք կատարեցին նրանք իշխանությունը գրավելուց հետո, բացառապես հետապնդում էին պետության ռազմական հզորությունը ամրապնդելու նպատակներ և ուղղված չէին կայսրության ժողովուրդների ազգային և սոցիալական լուծք թեթևացնելու գործին:

Ինչ վերաբերում է արտաքին բաղաբականության հարցերին, ապա այստեղ ևս երիտթուրքերը ամբողջապես որդեգրեցին իրենց նախորդի ծրագրերը: Հրապարակ նետելով մեծապետական օսմանիդի և ասիատական պանթուրքիզմի իրենց հորինած գոկտրինաները, նրանք լայնորեն շրջանառության մեջ դրեցին նաև Աբդուլ Համիդի ժառանգություն մնացած պանիսլամիզմի կրոնա-բաղաբական գաղափարախոսությունը⁵: Այս բոլոր գաղափարական ուղ-

¹ ЦГВИА, ф. 2000, оп. 1, д. 1017, л. 91.

² ЦГВИА, ф. 2000, оп. 1, д. 6862, л. 12 об.

³ ЦГИА Груз. ССР, ф. 521, д. 100, лл. 3, 7—8.

⁴ ЦГВИА, ф. 2000, д. 1015, лл. 139—140.

⁵ Sz' u E. Ф. *Людшувейт*, Турция в годы первой мировой войны 1914—1918 гг., М., 1966.

դուժյունների զուգակցումը իթթիհազի արտաքին քաղաքականությանը հաղորդում էր շեշտված շովինիստական և մոլի ռազմաշունչ ոգի: «Երկու գաղափարախոսությունների՝ քաղաքական պանթուր-բիզմի և կրոնական պանիսլամիզմի յուրօրինակ զուգորդումը,— գրում է ժամանակակից անգլիական պատմաբան Վ. Գոսլիբը,— բնորոշ էր թուրքական իմպերիալիզմին»⁶:

Թուրքիայում Աբդուլ Համիդի վարչակարգի տապալումը զուգադիպեց Իրանում ծավալվող բուռն իրադարձությունների հետ: 1908 թ. հունիսի 23-ին տեղի էր ունեցել հակահեղափոխական հեղաշրջում: Մոհամեդ Ալի շահը ցրել էր առաջին Մեջլիսը, մայրաքաղաքի հեղափոխական էնջումենները և այլն: Սահմանադրության կողմնակիցները ենթարկվում էին անզուսպ հալածանքների: Այսպիսի պայմաններում հարևան երկրում բուսպետական վարչակարգի տապալումը բնականաբար մեծ արձագանք էր ունենալու Իրանի հեղափոխական շրջաններում: Ենթադրվում էր, որ Թուրքիայում սահմանադրական կարգերի հաղթանակը զգալիորեն կնպաստի նաև Իրանում հեղափոխական ուժերի ակտիվացմանը: Հուլիսի 20-ին ռուսական դեսպանորդ Գարուլիզը Թեհրանից հաղորդում էր, որ Թուրքիայում սահմանադրություն ընդունելու լուրը ուժեղ տպավորություն գործեց իրանական մայրաքաղաքի հասարակական շրջանների վրա և «կենդանացրեց Պարսկաստանում սահմանադրական կարգերի պահպանման հույսը»⁷: Պատահական չէ, որ հուլիսի վերջին, սահմանադրության ավելի քան 150 կողմնակիցներ բեստ նստեցին թուրքական դեսպանատան ամառային շենքում, պահանջելով վերականգնել սահմանադրությունը⁸: Ոգևորությունը հատկապես մեծ էր Իրանական Աղբբեջանում, որտեղ նույնիսկ լուրեր տարածվեցին, որ շուտով երիտթուրքական կառավարության զորքերը օգնության ձևոք կմեկնեն ևեակցիայի դեմ մարտնչող Թավրիզի հեղափոխականներին⁹: Թուրքիայում վտա-

⁶ В. В. Готлиб, Тайная дипломатия во время первой мировой войны, М., 1960, стр. 39.

⁷ «Сборник дипломатических документов, касающихся событий в Персии», вып. 1, стр. 244.

⁸ Նույն տեղում, էջ 245:

⁹ دكتور مهدي ملكزاده، ۲۲۲، ۱۷۲۰، ۵، ۵، էջ 33.

րանդիտության մեջ գտնվող իրանական հեղափոխական կազմակերպությունները ևս անմիջապես ակտիվացրին իրենց գործունեությունը, աշխատելով սերտ կապերի մեջ մտնել երիտթուրքերի հետ: Հատուկ ուղեհրձով նրանք դիմեցին Ստամբուլի կոմիտեին, խնդրելով օգնություն ցույց տալ իրանական հեղափոխությանը¹⁰: Իրենց հերթին երիտթուրքերը ևս սկսեցին եռանդուն աշխատանք ծավալել իրանական հեղափոխականների համակրանքը շահելու և հնարավորության դեպքում առանձին գործիչների իրենց հետ կապելու ուղղությամբ: Այդ նպատակով 1908 թ. հուլիսի վերջին Թավրիզ ժամանեցին երիտթուրքական մի քանի գործիչներ, որոնք սկսեցին ազդեցիկ մղել այն մասին, որ երկու հարևան մահմեդական պետությունները պետք է միավորվեն «ազատամիտ սահմանադրության հովանու ներքո»¹¹:

Օսմանյան նոր կառավարության վերաբերմունքը դեպի իրանական հեղափոխությունը պաշտոնապես հայտարարելու և, իհարկե, իրանական հեղափոխականների համակրանքը շահելու նպատակով երիտթուրքերը հրապարակեցին հատուկ դիմում՝ ուղղված իրանական ժողովրդին¹², իսկ թուրքական Մեջլիսի նախագահներ Ահմեդ Րիզան և Սեյիդ փաշան հեռագրեցին Մոհամմեդ Ալի շահին, որտեղ հայտարարվում էր, որ «օսմանյան ժողովուրդը համակրանք է տածում իրանական հեղափոխության նկատմամբ»¹³: Նման հայտարարությունների հետևանքով իրանական հասարակական կարծիքը հանգեց նաև այն եզրակացության, որ Թուրքիայի նոր սահմանադրական կառավարությունը, որը «օգնության ու համագործակցության» ձևով է մեկնում ներքին ռեակցիայի և իմպերիալիստական պետությունների դեմ մարտնչող իրանական ժողովրդին, մտադիր չէ շարունակել սուլթան Աբդուլ Համիդի ազդեցիկ զավթողական քաղաքականությանը:

Հարկ է նշել, սակայն, որ երիտթուրքական կուսակցության իրականացրած վերնախավային հեղափոխությունը մեկուսացած էր

¹⁰ Նույն տեղում, էջ 118:

¹¹ «Մշակ», 31 հուլիսի 1908 թ., էջ 1:

¹² «Ներիտասարդ թուրքերը և Պարսկաստանը», «Մշակ», 15 օգոստոսի 1908 թ., էջ 2:

¹³ دکتر مهدی ملکزادہ Եջ. աշխ., Կ. Ց, էջ 110:

Արեւելքում մյուս հեղափոխական շարժումներից: Այս իսկ տեսա-
կեախից նա մեծապես տարբերվում էր նաև 1905—1911 թթ. իրա-
նական հեղափոխությունից: Բացահայտելով երիտթուրքական հե-
ղափոխության վերնախավային բնույթը, Վ. Ի. Լենինը նշում էր.
«Եթե օրինակի համար վերցնենք XX դարի ռեուլյուցիաները, ապա
հարկ կլինի, իհարկե, պորտուգալական ու թուրքական ռեուլյուցիա-
ներն էլ բուրժուական համարել: Բայց նրանցից ո՛չ մեկը, ո՛չ էլ մյուս-
ը «ժողովրդական» չեն, որովհետև ժողովրդի մասսան, նրա վիթ-
խարի մեծամասնությունը ակտիվ, ինքնուրույնորեն, իր սեփական
տնտեսական ու քաղաքական պահանջներով նկատելի կերպով
հանդես չի եկել այդ ռեուլյուցիաներից և ոչ մեկի մեջ»¹⁴:

Իթիբիհադի հետաքրքրությունը Իրանում հեղափոխական շարժ-
ման նկատմամբ բացառապես հետապնդում էր տակտիկական
նպատակներ:

Թուրքական նոր կառավարության վերաբերմունքի հարցը դե-
պի Իրանը խորապես հետաքրքրում էր նաև ցարական դիվանագի-
տությունը: Այդ հարցում օսմանյան կառավարության տրամադրու-
թյունները շոշափելու նպատակով 1908 թ. օգոստոսին Զինովևը
զրույց ունեցավ մեծ վեզիր Քյամիլ փաշայի և արտաքին գործերի
մինիստր Թեֆիկ փաշայի հետ, պահանջելով թուրքական զորքերը
անհապաղ դուրս բերել իրանական տերիտորիայից: Մեծ վեզիրն ու
արտաքին գործերի մինիստրը հայտարարեցին ռուսական ղեսպա-
նին, որ «իրենք հավանություն չեն տալիս Պարսկաստանի նկատ-
մամբ իրենց նախորդների գործելակերպին և մտադիր են կարգա-
դրել սահմանային զինվորական իշխանություններին մարբել ան-
վիճելիորեն Պարսկաստանին պատկանող բոլոր վայրերը, իսկ ինչ
վերաբերում է վիճելի վայրերին, ապա այդ կապակցությամբ նա-
խատեսում են կամ անմիջական համաձայնության դալ շահական
կառավարության հետ և կամ դիմել Ռուսաստանի և Անգլիայի միջ-
նորդությանը»¹⁵:

1908 թ. օգոստոսի 19-ին մեծ վեզիրը պաշտոնապես հայտնեց
Ստամբուլում իրանական ղեսպանին, որ սուլթանի կողմից հաս-

¹⁴ Վ. Ի. Լենին, Երկերի լիակատար ժողովածու, հ. 25, էջ 537:

¹⁵ АВГР, ф. «Персидский стол», 1908, л. 1198, л. 244.

տատվել է մինիստրների խորհրդի որոշումը թուրքական զորքերը մինչև վիճելի գոտին ետ բաշելու և սահմանաչին հարցի վերաբերյալ բանակցություններ սկսելու մասին¹⁶։ Նույն իմաստով հայտարարություն արվեց նաև անգլիական և ռուսական դեսպաններին։ Սեպտեմբերի սկզբին սկսվեց զորքերի էվակուացիան¹⁷։ Օկուպացիոն զորքերի հրամանատարներ Իդլեթ փաշան և Յավեր փաշան իրենց ջոկատներով վերադարձան Թուրքիա։

Թվում էր, թե, իսկապես, երիտթուրքերը վերջնականապես որոշել են հրաժարվել Իրանի նկատմամբ Աբդուլ Համիդի վարած բաղաբականությունից և այսպիսով թուրք-իրանական հարաբերությունները ստանում են սկզբունքային նոր բովանդակություն։ Սակայն փաստերը վկայում են, որ Օսմանյան կայսրության կողմից իր արևելյան հարևանի նկատմամբ ագրեսիվ նկրտումների ժամանակավոր դադարեցումը ուներ խորը բաղաբական պատճառներ։ Երիտթուրքական հեղաշրջումից հետո Թուրքիան ապրում էր ներքին խորը ճգնաժամ։ Բացահայտ ռեակցիոն և շովինիստական բաղաբականության հետևանքով իթթիհադի սոցիալական բաղան գնալով նեղանում էր։ Կայսրության տարբեր շրջաններում երիտթուրքերից հուսախարված ճնշված ժողովուրդների ազգային-ազատագրական շարժումը ապրում էր բուռն վերելք։ Միանգամայն վտանգավոր վիճակ էր ստեղծվել նաև Թուրքիայի միջազգային հարաբերությունների բնագավառում։ Ավստրո-Հունգարիան պատրաստվում էր անբասիայի ենթարկել Բոսնիան և Հերցեգովինան։ Այդ նպատակով նա բանակցությունների մեջ էր մտել եվրոպական մի շարք պետությունների, այդ թվում նաև Ռուսաստանի հետ¹⁸։ 1908 թ. հոկտեմբերի 5-ին ավստրիական կայսրը հրապարակեց հրամանագիր, որտեղ հայտարարում էր իր գերիշխանության տարածման մասին Բոսնիայի և Հերցեգովինայի վրա։ Ավստրո-Հունգարական իմպերիալիզմի դիվանագիտությունը Օսմանյան կայսրությունից վրա ճնշում գործադրելու նպատակով աշխատում էր հրահրել թուրք-բուլղարական կոնֆլիկտ։

¹⁶ АВПР, ф. «Канцелярия МИД», 1908, д. 36, л. 333.

¹⁷ ЦГВИА, ф. 2000 с., оп. 1, д. 6862, л. 20; АВПР, ф. «Персидский стол», 1908, д. 656, л. 54.

¹⁸ «История дипломатии», т. II, стр. 649—658.

Բնականաբար այս պայմաններում հրիտթուրքերին ձեռնտու չէր անմիջապես ձեռնամուխ լինել Արևելքում ազրեսիվ քաղաքականության կուրսի շարունակմանը, մանավանդ որ դա անխուսափելիորեն կարեր հարաբերությունները Ռուսաստանի հետ և տեղի կտար անցանկալի միջազգային տարածայնությունների:

Փաստերը, սակայն, վկայում էին, որ դա միայն ժամանակավոր նահանջ էր և թուրքական ռեակցիան բնավ մտադիր չէր հրաժարվել Իրանական Ազրբեջանի և Քրդստանի նկատմամբ ունեցած մեծապետական-զավթողական հավակնություններից: Եվրոպական քաղաքական շրջանների կարծիքով «վերածնված և բարեփոխված Թուրքիան անխուսափելիորեն հայացքը կուղղի դեպի Արևելք: Իր հարեանին կույ տալը կհեշտանա նրանով, որ նա իր եվրոպական տիրույթներում, որոնք անշատվում են նրանից ինչպես հասած պտուղը ծառից, միշտ կգտնի բավարար չափով նյութ եվրոպական պետությունների հետ ամեն տեսակի գործարքների և փոխհատուցումների համար: Պարսկաստանը կարող է խուսափել այդ վտանգից միայն եվրոպական կենսաձևի հետ շփվելու միջոցով»¹⁹:

Շուտով պարզվեց, որ Ստամբուլը մտադիր չէ իր զորքերը ամբողջապես դուրս բերել անվիճելիորեն Իրանին պատկանող տերիտորիաներից: Թուրքական զորքերը շարունակում էին օկուպացված պահել Բարանդուզը, էնզելը, Չահրիքը, Սոմայը և մի շարք այլ վայրեր, որտեղ շարունակվում էր տեղական բնակչությունից հարկերի և տուրքերի գանձումը²⁰: Մեկնելուց առաջ թուրքական սոլաները կանչում էին իրենց հետ համազործակցող քրդական բեգերին և տալիս մանրամասն հրահանգներ՝ նրանց գործունեության հետագա խնդիրների մասին: Մասնավորապես կարգադրվում էր անվերապահորեն ենթարկվել տեղերում գաղտնապես թողնված թուրքական սպաներին և ոչ մի դեպքում թույլ չտալ, որպեսզի «պարսիկները հայտնվեն «թուրքական տերիտորիայում»: Իսկ հայտնվելու դեպքում պարտադրվում էր անխնա խփել նրանց»²¹:

¹⁹ «Турецкий сборник» (К событиям на Ближнем Востоке), СПб., 1909, стр. 55—56.

²⁰ АВПР, ф. «Канцелярия МИД», 1908, д. 36, лл. 333—334.

²¹ АВПР, ф. «Персидский стол», 1908, д. 656, лл. 54—55.

Սվ իսկապես, որոշ կետերից թուրքական զորքերի հեռանալուց հետո, երբ իրանական իշխանությունները փորձեցին վերականգնել իրենց տիրապետությունը այդ տերիտորիաներում, հանդիպեցին թուրքական օկուպացիոն զորքերի հրամանատարության կողմից հրահանգավորված քրդական ցեղապետների կատաղի դիմադրությանը: Այդ պատճառով որոշ վայրերում (Քարանդուզի, էնզելի, Սալմաստի և այլ շրջաններում) տեղի էին ունենում դինված բախումներ իրանական կառավարական զորքերի և քրդական շեկատների միջև²²:

Այնուհետև Ստամբուլը աստիճանաբար սկսեց հող նախապատրաստել Իրանի ներքին գործերին միջամտելու համար: 1908 թ. սեպտեմբերի 13-ին մինիստրների խորհրդի արտակարգ նիստում, որին մասնակցում էին մեծ վեզիրը, ռազմական, ֆինանսների և ներքին գործերի մինիստրները, որոշվեց հայտարարել շահական կառավարությանը, որ եթե Քավրիզում հեղափոխական ֆիդայիների և կառավարական զորքերի միջև տեղի ունեցող ռազմական գործողությունների հետեանքով թուրքահայտակները վնասներ կրեն, ապա անհապաղ Քավրիզ կուղարկվեն թուրքական զորքեր²³: Միաժամանակ Իրանում գործող երիտթուրքական գործակալությունը սկսեց հեղափոխական շրջաններին առաջարկել «նոր Թուրքիայի» ծառայությունները Մոհամմեդ Ալի շահի և ուսկիցիայի դեմ պայքարելու համար²⁴:

Ֆարական մի շարք դիվանագետներ այն հաստատ համոզմունքըն էին հայտնում, որ Անգլիան շարունակում է գաղտնապես Թուրքիային ակտիվ գործողությունների հրահրել Իրանի դեմ, նպաւակ ունենալով շահել թուրքական նոր կառավարության համակրանքը, լարվածության վիճակում պահել ռուս-թուրքական հարաբերությունները և Թուրքիայի օգնությամբ ջլատել ու զերոյի հավասարեցնել Իրանում իր մրցակցի ազդեցությունը: Հարկ է նշել, որ երիտթուրքական հեղաշրջումից հետո Անգլիային հաջողվեց վերականգնել իր խարխլված ազդեցությունը Ստամբուլում: Օսմանյան

²² Նույն տեղում, թ. 57:

²³ «Тифлисский листок», 1908, 17 сентябры.

²⁴ ЦГИА Груз. ССР, ф. 521, оп. 2, д. 511, л. 13 об.

կայսրությունում Մեծ Բրիտանիայի դիրքերը ավելի կայունացնելու նպատակով անգլիական կառավարող շրջանները նույնիսկ հրաժարվեցին Ռուսաստանի հետ կնքած Ռևելի համաձայնագրից²⁵ և առհասարակ սկսեցին բուռն հակում գրսևորել թուրքական շահերը պաշտպանելու ուղղությամբ:

Զինովեք 1908 թ. հոկտեմբերին տեղեկացնում էր արտաքին գործերի մինիստրությանը. «Թուրք-պարսկական սահմանային վեճին վերաբերող հարցերում անգլիական կառավարության բողոքոված գործունեությունը, Թուրքիայի շահերի նկատմամբ Անգլիայի կողմնակալ վերաբերմունքը սկսեց ավելի նշմարելի կերպով դրսևտրվել այն ժամանակից, երբ այդ երկրում կատարված հեղաշրջման հետևանքով Անգլիային հաջողվեց վերականգնել իր ազդեցությունը Կ. Պոլսում»²⁶: Մեկ այլ հաղորդագրությունում (հոկտեմբերի 18/31-ի) Զինովեք հաղորդում էր, որ իրանական «զավթրված շրջաններում զորքերը թողնելու որոշումը թուրքական կառավարությունն ընդունել է անգլիական դեսպանի խորհրդով, որը գաղտնաբար հայտնել է մեծ վեզիրին, թե նշված վայրերի վերջնական մաքրումը կարող է մեկնաբանվել որպես Պարսկաստանում լիբերալ շարժման նկատմամբ Թուրքիայի անտարբեր վերաբերմունքի գրսևորում, մի հանգամանք, որը վնաս հասցնելով Թուրքիայի հմայքին, կզրկեր նրան Պարսկաստանի գործերի ընթացքին անմիջականորեն միջամտելու հնարավորությունից այն դեպքում, եթե դա պահանջվեր հանգամանքների բերումով և կամ եթե իրադարձությունները առաջ բերեին այլ արտաքին միջամտություն»²⁷: Մրանից կարելի էր անել հետևյալ եզրակացությունները. Անգլիան խրախուսում էր Իրանում Թուրքիայի զավթումների քաղաքականությունը, նա հրավիրում էր Օսմանյան կայսրությանը շարունակել հակահեղափոխական ինտրովենցիան, ձգտում էր իրագործել ուրիշի ձեռքերով իրանական հեղափոխությունը ճնշելու քաղաքականությունը, թուրքերին հրահրում էր գործուն մասնակցություն ցուցա-

²⁵ А. А. Алимов, Революция 1908 г. в Турции. Сб. «Пробуждение Азии, 1905 г., и революции на Востоке», Л., 1935, стр. 54.

²⁶ АВПР, ф. «Канцелярия МИД», 1908, д. 36, л. 333.

²⁷ Նույն տեղում, թ. 334 հ.:

բերել «Իրանի ճակատագրի» լուծմանը այն դեպքում, եթե Ռուսաստանը ձեռնարկեր Իրանական Ազրբեջանի օկուպացիան կամ նրա անեքսիան:

Ի լրացումն այս տեղեկությունների Զինուժը հազարգում էր արտաքին գործերի մինիստրությանը, որ Լոնդոնում թուրքական դեսպան Ռիֆաաթ փաշան հանդիպում է ունեցել արտաքին գործերի պետական քարտուղար էդուարդ Գրեյի հետ, որը հիշեցրել է անգլիական կառավարության կողմից Բ. Դոանը արված խորհուրդը՝ ուշադիր հետևել Պարսկաստանում իրադարձությունների ընթացքին, դրան ավելացնելով, որ որքան էլ տազնասպալից լինի գործերի վիճակը Բալկաններում, այնուամենայնիվ թուրքական կառավարության շահերը պարտադրում են նրան իրանական սահմանում, մասնավորապես Ուրմիայի մոտ, ձեռնարկել որոշ ազդմական միջոցառումներ: Զինուժը դրան ավելացնում էր, որ միաժամանակ Ստամբուլում անգլիական դեսպանը իր քարտուղարի միջոցով հասկացրել է մեծ վեզիրին, որ թուրքական կառավարությանը անհրաժեշտ է անհապաղ հոգ տանել չորրորդ բանակային կորպուսի զորքերի մորթիլիզացիան իրագործելու համար, որովհետև բրանական և թուրքական սահմանների մոտ ուստական կառավարության կողմից ձեռնարկած միջոցառումների պատճառով կարող է ամեն րոպե անհրաժեշտություն ստեղծվել այդ կորպուսի զորքերի կենտրոնացման համար²⁸:

Սակայն նախքան այս խորհուրդներին հետևելը, խորհրդակցելով ազդմական մինիստրի հետ, մեծ վեզիրը անհրաժեշտ համարեց կարգադրել չորրորդ կորպուսի հրամանատարին շտապ կարգով տեղեկություններ հավաքել Թուրքիայի սահմաններում ուստական կառավարության ձեռնարկած միջոցառումների մասին: Նույնանման հրահանգներ արվեցին նաև Կովկասում թուրքական հյուպատոսներին: Բ. Դոան կասկածամտությունը Անգլիայի խորհուրդների նկատմամբ ներվայնացնում էր Լոնդոնի կաբինետին: Գրեյը կրկին դիմեց Ռիֆաաթ փաշային խնդրելով տեղեկացնել Բ. Դոանը, որ Լոնդոնի կաբինետի կարծիքով «Թուրքիան պարտավոր է, շեղելով

²⁸ Նույն տեղում, թ. 334-335, 377-378:

իր ուշադրությունը անմիջականորեն նրան հետաքրքրող հարցերից, շարունակել զգոն հետևել Պարսկաստանում իրագործությունների ընթացքին և պարսկական սահմանում իրագործել ռազմական միջոցառումներ, որոնք անհրաժեշտ են մահմեդական մեծ պետության իր նշանակությունը պահպանելու համար, որն ընդ որում օգտվում է Անգլիայի համակրանքից»²⁹:

Իր այս քաղաքական դիժը կենսագործելու նպատակով Բրիտանական կառավարությունը որոշեց դիմել որոշ «զոհողությունների», որոնք, ըստ էության, դարձյալ ծառայելու էին անգլիական շահերին: Ինչպես հայտնի է, Աբդուլ Համիդի տիրապետության շրջանում Անգլիայի համար Թուրքիայի վրա ճնշում գործադրելու առավել հուսալի միջոցներից մեկը նրա միջամտությունն էր Պարսից ծոցի ավազանի թուրքական հպատակության տակ գտնվող արաբական ցեղերի գործերին: Սակայն երիտթուրքական հեղաշրջումից և մանավանդ իր անգլոֆիլական ձգտումներով հայտնի Քյամիլ փաշային մեծ վեզիրի պաշտոնում նշանակվելուց հետո, անգլիական կառավարությունը անհրաժեշտ համարեց արմատապես փոխել իր վերաբերմունքը հիշյալ հարցի նկատմամբ: Բ. Գոանը հայտարարվեց, որ Անգլիան մտադիր է այսուհետև ձեռնպահ մնալ արաբների գործերին միջամտելուց: Այդ առթիվ էդուարդ Գրեյը պաշտոնապես հայտարարեց Լոնդոնում թուրքական դեսպան Ռիֆաաթ փաշային, որ ի ապացույց իր հաստատ և կայուն մտադրության՝ Պարսից ծոցում անգլիական քաղաքականությունը Թուրքիայի շահերի հետ համաձայնեցնելու վերաբերյալ, անգլիական կառավարությունը խնդրում է Բ. Գոանը իր վրա վերցնել Ֆառլի և Մոհամմեդիայի հարակից շրջանում կարգը պահպանելու հոգսը: Ավելի առաջ գնալով Գրեյը խորհուրդ էր տալիս Թուրքիային լավագույն հարաբերություններ պահպանել իրանական պետությունից անջատվողական ձգտումներ զրսևորող Մոհամմեդիայի կառավարիչ շեյխ Խազալի հետ և խրախուսել նրան Իրանի հետ կապերը խզելու համար³⁰:

Ինչպես տեսնում ենք Անգլիան իր այս քայլով մի կողմից աշ-

²⁹ Նույն տեղում, թ. 377—378:

³⁰ АВПР, ф. «Канцелярия МИД», 1908, д. 37, лл. 149—150 об.

խատում էր ձևոր բերել թուրքական կառավարության համակրանքը, մյուս կողմից՝ հրավիրում էր նրան իր հետ համագործակցած պաշտպանել շահական կառավարության դեմ ուղղված իրանական ֆեոդալների սեպարատիստական շարժումները:

Հատկանշական է, որ այդ շրջանում, Անգլիայի հետ միաժամանակ և նրանից անկախ, ելնելով սեփական նկատառումներից, Թուրքիային Ռուսաստանի դեմ ակտիվորեն տրամադրում էր նաև Գերմանիան: Զինովեք իր 1908 թ. նոյեմբերի 24-ի (դեկտեմբերի 6-ի) նամակում հայտնում էր, որ Բեռլինում թուրքական դեսպանը հեռագրել է Բ. Գուանը, թե գերմանական կառավարությունը խնդրել է նախադրուշացնել թուրքական կառավարությանը, որ համաձայն ձևոր բերած հավաստի տեղեկությունների, Թուրքիային սպառնում է անխուսափելի վտանգ Ռուսաստանի կողմից և այդ պատճառով թուրքական կառավարությունը պարտավոր է անհապաղ պատրաստություն տեսնել 4-րդ կորպուսը մոբիլիզացնելու համար³¹:

Գերմանական իմպերիալիզմը միաժամանակ Թուրքիային հրահրում էր նոր զավթումների Իրանում, նպատակ ունենալով նրա օդնությունը թափանցել Ազրբեջան և Իրանական Քրդստան, այդ շրջաններում գերմանական կապիտալի շահերը ապահովելու և Ռուսաստանի հետ ապագա պատերազմի դեպքում ստրատեգիական կարևոր դիրքեր ձևոր բերելու համար: Զինովեք տեղեկացնում էր իր կառավարությանը, որ գերմանական արտաքին գործերի պետական քարտուղար ֆոն Շյոնը հայտարարել է Բեռլինում թուրքական դեսպան Օսման Նիզամի փաշային, որ թուրքերը պետք է ավելացնեն Ուրմիայում գտնվող իրենց զորքերի թիվը այնտեղ կարգը պահպանելու և գերմանական հպատակների անվտանգությունը ապահովելու համար: Բ. Գուանը հանձնարարել էր Օսման Նիզամի փաշային հայտնել ֆոն Շյոնին, որ «մոտ ժամանակներս Ուրմիա կուղարկվեն ևս երկու գումարտակ»³²: Անգլո-գերմանական «նախազգուշացումների» և «խորհուրդների» հետևանքով թուրքական կառավարությունը հրամայեց էրզրումի վիլայեթի զինվորական և քաղաքացիական իշխանություններին ձևանարկել հնաբավոր բոլոր միջոցառումները մոբիլիզացիայի նախապատրաստվելու համար:

³¹ АВПР, ф. «Канцелярия МИД», 1908, л. 36, лл. 388—388 об.

³² АВПР, ф. «Переидский стол», 1909, л. 661, л. 4.

Ինչպես տեսնում ենք Անդրիան և Գերմանիան, թեև նրանցից չուրաքանչյուրը Ռուսաստանի հետ իրենց բաղաբաղական հարաբերություններում գտնվում էին միանգամայն տարբեր բեկեռներում, ըստ էության, դրսևորում էին ջանքերի միասնություն Մերձավոր և Միջին Արևելքում ցարիզմի գիրքերը թուլացնելու համար:

Իրենց արտաքին բաղաբաղականության բնագավառում դրսևորելով մեծագույն երկյուղ անգլո-ռուսական մերձեցման նկատմամբ, երիտթուրքական կառավարող շրջանները շատ շուտով անտեսապես և բաղաբաղականապես սկսեցին կողմնորոշվել դեպի իմպերիալիստական Գերմանիան: Խոսելով թուրք-գերմանական համագործակցության պատճառների մասին Վ. Գոալիբը նշում է. «երիտթուրքերի պանիալամիստական ձգտումները և մի շարք այլ հանդամանքներ օսմանյան կառավարությանը կապում էին Բեռլինի հետ»³³: Այդ համագործակցությունը հատկապես սկսեց դրսևորվել Իրանում, որի նկատմամբ երկու պետություններն էլ ունեին իմպերիալիստական զավթողական նպատակներ և հետևաբար նրանց գործելակերպի ու բաղաբաղականության մեջ նկատվելու էր շահերի կատարյալ միասնություն:

1908 թ. աշնանը գերմանական հետախուզությունը թուրքական գործակալության հետ համատեղ Իրանական Ադրբեջանում և Քրդստանում եռանդուն գործունեություն ծավալեց տեղական բնակչության մեջ հակառուսական տրամադրություններ բորբոքելու և այդ շրջանների վերաբերյալ ուղղամ-բաղաբաղական հետախուզական տվյալներ հավաքելու ուղղությամբ³⁴:

Թավրիզում և, առհասարակ, Իրանական Ադրբեջանում ալեախիվ գործունեություն էին ծավալել թուրքական սպաներ Իրրահիմ փաշան և Մահմուդ բեյը և Հյուսիսային Իրանում գերմանական հետախուզության պարագլուխ Շյունեմանը: Վերջինիս օգնելու նպատակով Թավրիզ ժամանեցին նաև բաղաբաղական հետախույզներ կապիտան Գոաֆրիդ Շտիվերը և Ստամբուլում գերմանական զեսապանատան քարտուղար Անդերսը³⁵:

³³ В. В. Готлиб, *н.д.*, т. 2, с. 42.

³⁴ ЦГИА Груз. ССР, ф. 15, д. 67, л. 253.

³⁵ АВПР, ф. «Канцелярия МИД», 1908, д. 37, лл. 300, 306; ЦГИА Груз. ССР, ф. 15, д. 67, л. 253.

Կովկասի ռազմական շրջանի շտաբի տվյալներով թուրքական կառավարությունը պատրաստվում էր իրանական մի շարք բազարներին, ինչպես նաև Քիֆլիսի, Կարսի և Բաթումի իր հյուպատոսություններին կից թուրքական առևտրական գործակալների անվան տակ նշանակել բարձրագույն կրթություն ունեցող սպաների՝ գաղտնի հետախուզական ծառայություն կատարելու համար³⁶։ Գերմանա-թուրքական գործակալությունը Իրանական Ազրբեջանում հեղափոխական ազդեցության հետ միաժամանակ պրոպագանդում էր նաև պանիսլամիստական գաղափարները։ Սակայն, ի տարբերություն Աբգուլ Համիդի կողմից խթանվող պանիսլամիզմի, իթթիհադի պանիսլամիստական բարոզությունը կրում էր առավելապես ոչ թե կրոնական ֆանատիզմի բնույթ, այլ քաղաքական, ազատագրական, մասնավորապես մահմեդական պետություններին ղինելու միտում՝ ընդդեմ «իսլամի թշնամիների» և առաջին հերթին՝ ընդդեմ Ռուսաստանի։ Երիտթուրքերի մարտնչող նացիոնալիզմի և հարձակողական ռեանշիզմի գաղափարախոսության ներկայացուցիչներից մեկը՝ Ջելալ Նուրին իս «Իսլամի միավորումը» գրքում անդրադառնալով պանիսլամիզմին խոստովանում է, որ իր կուսակցությանը հետաքրքրում է ոչ թե պանիսլամիզմի կրոնական կողմը, այլ քաղաքական, որ իսլամի բարոզը հետապնդում է միասնական մահմեդական ազգերի ստեղծումը, որոնց թիվը հասնում է շուրջ 300 միլիոնի³⁷։

Թուրքիայի պանիսլամիստական գործակալները, որոնց մեծ մասը իթթիհադական սպաներ էին, բուն գործունեություն ծավալեցին Անտանտի պետությունների ազդեցության տակ գտնվող երկրներում։ Ստամբուլից Չարիբովը հաղորդում էր, որ «Երիտթուրքական ռազմական ապստամբությունից հետո որոշ քանակությամբ սպաներ ուղարկվեցին Աֆղանստան, Պարսկաստան և Մարոկո՝ մահմեդական գործի բարելավմանը նպաստելու համար»³⁸։

1908 թ. սեպտեմբեր-հոկտեմբեր ամիսներին, երբ Քավրիզում հակահեղափոխական շարժումը բուն վերելք էր ապրում, թուրքական գործակալները գերմանական հետախուզության հետ հա-

³⁶ ЦГИА Грyз. ССР, ф. 15, д. 57, лл. 1—4.

³⁷ *Jelal Nuri*, ittihadı islam, istanbul, 1331, s. s. 11—13.

³⁸ АВПР, ф. «Политархив», 1909, д. 1035, л. 64.

մատեղ Ադրբեջանում լայն ազիտացիա ծավալեցին, կոշ անելով կազմակերպվել համընդհանուր ապստամբություն ինքնավարություն ձևեր բերելու նպատակով: Նրանց կողմից նույնիսկ մշակված էր ապստամբության մանրամասն պլան, որն իրագործելու համար կազմակերպվում էին հատուկ գաղտնի կոմիտեներ, էնջումենների մատակարարվում էր զենք ու զինամթերք և այլն³⁹: Թավրիզի թուրքական հյուպատոսը խոստանում էր, որ Թուրքիան կհովանավորի Ադրբեջանին և նրան ցույց կտա ամեն տեսակի աջակցություն⁴⁰: Իսկ Թեհրանում թուրքական դեսպանատունը մշտում էր գործադրում շահական կառավարության վրա պահանջելով թուլլատրել Թավրիզ մտցնել «աղզային պահակախումբ», իբր թե թուրքական հյուպատոսությունը և թուրքահպատակներին պաշտպանելու համար⁴¹:

Իրանական Ադրբեջանի նկատմամբ իր քաղաքական ծրագրերը կենսագործելու նպատակով երիտթուրքական կենտրոնական կոմիտեն և օսմանյան կառավարությունը աշխատում էին օգտագործել նաև Ստամբուլում, Տրապիզոնում, էրզրումում և այլ վայրերում գտնվող իրանական էնջումեններին: Վերջիններիս հանձնարարվում էր համոզել Թավրիզի հեղափոխականներին, որ Ադրբեջանի միակ փրկությունը թուրքական հովանավորություն ընդունելն է: Էնջումենների անդամների մի մասը հավաքագրված լինելով թուրքական հետախուզական մարմինների կողմից և կամ միամտորեն հավատալով «Ադրբեջանի փրկության» վերաբերյալ խոստումներին» կատարում էին իրենց արվող համապատասխան ցուցումները: Ստամբուլից ուսական դեսպանը այդ առթիվ հաղորդում էր արտաքին գործերի մինիստրությանը, որ մայրաքաղաքում գործող «Սաադաթե Իրանիան» կողմած էնջումենը⁴², ինչպես նաև տեղի իրանական բազմամարդ գաղութը «մշտական կապերի մեջ է գտնվում երիտթուրքական կոմիտեի անդամների հետ, նրանից ստանում է խոր-

³⁹ «Автономия Азербайджана», «Тифлисский листок», 1908, 11 октября.

⁴⁰ ЦГВИА, ф. 2000 с., оп. 1, л. 7696, лл. 110—111.

⁴¹ Նույն տեղում, թ. 112:

⁴² Այս էնջումենը կազմակերպվել էր երիտթուրքական հեղաշրջումից հետո Ստամբուլում գտնվող իրանական հեղափոխական վտարանդիների կողմից:

հուրդներ և գրանք հազորդում Ազրբեջանում իր համախոհներին ի ղեկավարություն»⁴³։

Թավրիզի պաշտպանության ճգնաժամային օրերին, երբ կառավարական զորքերը և ռեակցիոն խաների բանդաները շրջապատել էին հեղափոխական Թավրիզը և սպառնում էին հաշվհարդար տեսնել նրա պաշտպանների հետ, վերջիններիս մի մասի մոտ, հուսալրության հետևանքով, ավելի ու ավելի էր մասսայականություն գտնում Թուրքիայի հովանավորության տակ Ազրբեջանի ինքնավարության հուշակամ գաղափարը⁴⁴։ Թավրիզում թուրքական զլխավոր հյուպատոս Աբգուլ Քերիմ բեյը պատրաստակամություն էր հայտնում բոլոր բնակիչներին Թուրքիայի հովանավորության տակ վերցնել և նրանց թուրքական անձնագիր բաժանել⁴⁵։ Քուղարկվելով հեղափոխական լուսնոգներով և իրենց ձևացնելով սրպես իրանական սահմանադրության պաշտպաններ⁴⁶, թուրքերն ու նրանց թիկունքում կանգնած ղերմանացիները փորձում էին միջամտել Թավրիզի հեղափոխականների և շահական բանդաների միջև մղվող պայքարին, առաջարկում էին էնջումեններին իրենց օգնությունը՝ բազարի պաշտպանությունը կազմակերպելու գործում։

Չբավարարվելով Ազրբեջանի ինքնավարության վերաբերյալ ադիտացիայով, թուրքական զործակալությունը ուղղակի պրոպագանդա ծավալեց Իրանական Ազրբեջանը Օսմանյան կայսրությանը միացնելու օգտին⁴⁷։

Իթիբահադի զործակալները կենտրոնական կոմիտեից հրահանգ ունենին ամեն զնով շահել Թավրիզի հեղափոխականների փառաբանված առաջնորդներ Սաթթար խանի և Բադիր խանի անձնական համակրանքը, իսկ հնարավորության ղեպրում նրանց ուղղակի

⁴³ АВПР, ф. «Канцелярия МИД», 1908, д. 37, лл. 73—74.

⁴⁴ «Մշակ», 14 նոյեմբերի 1908 թ., էջ 2։

⁴⁵ ЦГИАЛ, ф. 560, оп. 28, д. 353, лл. 55—56, 232 об.

⁴⁶ «Представители Турции и Германии в Персии в роли защитников персидской конституции». «ИШКВО», № 22, Тифлис, 1908, 1-я треть, стр. 34—35.

⁴⁷ М. С. Иванов, Иранская революция 1905—1911 гг., стр. 329—330. նաև «Մշակ», 12 նոյեմբերի, 1908 թ., էջ 2։

գարձնել Իրանական Ազգրբեջանում թուրքական քաղաքականությունը ծառայեցնելու գործիքներ: Այդ նպատակով օսմանյան կառավարությունն հանձնարարություն 1908 թ. հոկտեմբերի 31-ին Քավրիզում թուրքական գլխավոր հյուպատոսը Սաթթար խանին պարզատրեց «խիզախություն համար» շքանշանով⁴⁸:

Այսպիսով, ինչպես տեսնում ենք, օսմանյան թուրքիան և իմպերիալիստական Գերմանիան աշխատում էին իրանական ժողովուրդներին ազգային-ազատագրական, հակաիմպերիալիստական ու հակաֆեոդալական շարժումն օգտագործել Իրանի նկատմամբ իրենց քաղաքական ծրագրերն իրագործելու համար:

Սակայն իրանական հեղափոխականների օգնությամբ Ազգրբեջանը անբասիայի ենթարկելու երիտթուրքերի մշակած ծրագիրը կատարյալ ձախողման մատնվեց, որովհետև ժողովուրդն ու հեղափոխական շրջանները միանգամայն անվստահությամբ ու կասկածանքով վերաբերվեցին թուրքական գործակալության ամբոխավարական հայտարարություններին:

1908 թ. աշնանը թուրքիան ակտիվ գործունեություն ծավալեց նաև սահմանամերձ իրանական տերիտորիաներում: Երիտթուրքական գործակալությունը սկսեց ամենուրեք լուրեր տարածել, թե իբր Իրանը արդեն բաժանված է Անգլիայի, Ռուսաստանի և թուրքիայի միջև, ընդ որում, մինչև Ջաղաթու դեռն բնկած տերիտորիաներն անցել են Ռուսաստանին, նրանից հարավ՝ Անգլիային, իսկ Ջաղաթուից արևմուտք՝ թուրքիային⁴⁹: Այս լուրերը ոչ միայն ուղղակի ակնարկ էին վերահիշյալ պետությունների միջև Իրանի բաժանման անհրաժեշտության մասին, այլև նպատակ ունեին հավատ ներշնչել թուրքերին աջակցող տեղական բնակչությանը, որ իրենց թուրքասիրական վարքագծի համար նրանք պատասխանատու չեն լինելու ո՛չ Իրանի, և ո՛չ էլ Անգլիայի ու Ռուսաստանի առջև:

Օսմանյան կառավարությունը եռանդուն փորձեր էր կատարում նաև սահմանամերձ իրանական տերիտորիաները տնտեսապես նվաճելու ուղղությամբ: 1908 թ. օգոստոսին օսմանյան «Գետապյուբլիկ» ընկերության վերատեսուչ Լոդոֆետիցիսը ուղարկվեց

⁴⁸ ЦГИАЛ, ф. 560, оп. 28, д. 355, л. 165.

⁴⁹ Д. М. Беляев, *Նշվ. աշխ.*, էջ 11.

Ուրմիա, լճից ազի հանույթի և նրա շահագործման հնարավորությունների հետ ծանոթանալու համար: Այնուհետև, «Յուրք մասնագետներին» անվան տակ Ուրմիայի շրջանը սկսեցին ժամանել գերմանացի ինժեներներ և արդյունաբերողներ, որոնք ծանոթանում էին այդ նահանգի «հնարավորությունների» հետ⁵⁰: Բացի այդ, Ուրմիա լճի մոտ Ջերել-Քենդի գյուղում թուրքական իշխանությունները կազմակերպեցին մաքսատուն⁵¹: Այդ միջոցառումը բացի զուտ անասական նկատառումներից նպատակ ուներ նաև շեշտել, որ գավթված շրջանները թուրքական տերիտորիաներ են, որտեղից «ղեպի Իրան» ապրանքներ արտահանելու համար, միջպետական անասական հարաբերություններում բնդունված կարգի համաձայն, անհրաժեշտ է վճարել մաքսատուրք: Ուրմիայում փոխ-հյուպատոս Ա. Միլլերը այդ առթիվ գրում էր, որ «թուրքական տերիտորիա» հայաարարված Սուլդուլից, Գոլից և Բարանգուլից այլ վայրեր ապրանքներ տեղափոխելիս Ջերել-Քենդիի մաքսատանը թուրքերը կանոնավոր կերպով դանձում են մաքսատուրքեր: Ընդ որում, մաքսատան հարկացուցակներում ուղղակի նշվում էր, որ «թուրքիայից Պարսկաստան տեղափոխվող բոլոր ապրանքները ենթակա են մաքսատուրքի վճարման»⁵²:

Գնահատելով այս երևույթը Ա. Միլլերը գրում էր Թեհրանում ուստական գեսպանորդ Սարլինին. «...թուրքերը վերադառնում են իրենց «մինչ սահմանադրական» շրջանի քաղաքականությանը»⁵³: Մի այլ հազորդագրության մեջ նա նշում էր. «Թուրքիայի վարքագիծը Ուրմիայի շրջանում ավելորդ անգամ հաստատում է, որ նոր երիտթուրքական կառավարությունը ևս պարսկական սահմանային հարցում ամբողջապես շարունակում է սուլթանի նախկին քաղաքականությունը, որը հիմնված էր ուժի, խարեություն, ուխտազրբություն, նենգություն և այն ներքին խառնակությունների վրա, որի մեջ ներկայումս գտնվում է Պարսկաստանը»⁵⁴:

⁵⁰ «Մշակ», 6 օգոստոսի, 1908 թ., էջ 2:

⁵¹ АВПР, ф. «Персидский стол», 1908, д. 656, л. 140.

⁵² АВПР, ф. «Персидский стол», 1909, д. 661, лл. 52—53.

⁵³ АВПР, ф. «Персидский стол», 1908, д. 656, л. 140.

⁵⁴ АВПР, ф. «Персидский стол», 1909, д. 661, лл. 50—52.

1908 թ. իրենց ձեռքը վերցնելով իշխանությունը երիտթուրքերը հանդես եկան Ասիական Թուրքիայում երկաթուղային շինարարության լայն ծրագրով:

Դա վկայում էր այն մասին, որ նախ նրանք ցանկանում են ազատվել Փոքր Ասիայի հյուսիսում երկաթուղային շինարարության վերաբերյալ 1900 թ. մարտի 31-ին Ռուսաստանի գրած արգելքից և ապա ձգտում են ամրապնդել իրենց ստրատեգիական դիրքերը Ռուսաստանի և Իրանի սահմանների մոտ: Մանրամասն ծանոթանալով երկաթուղային շինարարության այդ նախագծերի հետ Ստամբուլում ռուսական ռազմական գործակալը նշում էր, որ դրանց նպատակն է «փոխել ուժերի հարաբերությունը մեր կովկասյան ճակատում հօգուտ թուրքերի»⁵⁵: Միանգամայն պարզ է, որ ֆինանսական ծանր ճգնաժամի մեջ գտնվող թուրքական կառավարությունը ի վիճակի չէր սեփական միջոցներով իրագործել իր այդ ծրագրերը: Այդ պատճառով նա դիմեց ֆրանսիական, ամերիկյան և օտարերկրյա մի շարք այլ սինդիկատների, առաջարկելով խոշոր կոնցեսիաներ⁵⁶: Սակայն երկաթուղային շինարարության այդ ծրագրերը, հատկապես նրանք, որոնք մոտենալու էին ռուսական և իրանական սահմաններին, գլխավորապես ողելնչվում էին գերմանական իմպերիալիզմի կողմից, որը Բաղդադի երկաթուղու շինարարության հարցում անգլո-ռուսական դիմագրությունը հաղթահարելու նպատակով աշխատում էր այդ հսկա մագիստրալի առանձին հյուղավորումների շինարարությունը ներկայացնել որպես ղուտ թուրքական նախաձեռնություն: Պատահական չէ, որ երկաթուղային շինարարության իր ծրագրերում թուրքական կառավարությունը առաջին պլան էր մղում հատկապես Զուրեյր—Պարսից ծոց և Սադիզե—Խանեկին գծերը⁵⁷, որոնց շինարարության վերաբերյալ գերմանական նախագծերը հանդիպել էին անգլո-ռուսական կատաղի դիմագրությանը: Սակայն միանգամայն սխալ կլիներ եզրակացնել, որ

⁵⁵ А. Попов, Железнодорожное строительство держав в Малой Азии, «Новый Восток», 1925, № 7, стр. 139.

⁵⁶ Նույն տեղում, էջ 141:

⁵⁷ «Вооруженные силы Турции». Изд. Главного управления Ген. штаба, СПб., 1910, стр. 162—163; АВПР, ф. «Канцелярия МИД», 1911, д. 31, л. 10.

օսման յան կառավարութիւնը և թուրքական պառլամենտը, որտեղ բննարկվում էին երկաթուղային շինարարութիւն վերոհիշյալ նախազօժերը, ցանկանում էին լուրջ ընդառայել գերմանական իմպերիալիզմի երկաթուղային բաղաբաղականութեանը Մերձավոր Արեւելքում: Փաստերն անառարկելիորեն վկայում են, որ թուրքական կառավարող շրջանները, որոնց որդեգրած ռազմաշունչ քաղաքականութեան կուրսը անխուսափելիորեն մղում էր նրանց արտաքին զավթումներին, չէին կարող անտեսել սեփական հսկողութեան տակ գրտնրվող ստրատեգիական նշանակութիւն ունեցող երկաթուղիներին ստեղծման հարցը: Ի դեպ, ռուսական դիվանագետների կարծիքով, «Օսմանյան կայսրութեան տերիտորիալ ամբողջականութիւնը պաշտպանելու պատրվակի տակ երիտթուրքերի առաջ քաշած հզոր բանակ ու նավատորմ ստեղծելու լուրջ գիտնելու ևս թաքնված էին ազդեցիկ նպատակներ և փայլուն ռազմական սպառազօյ մասին իղձեր»⁵⁸:

1909 թ. սկզբից երիտթուրքական կառավարութիւնը զննելով ավելի ու ավելի էր հակվում Գերմանիայի կողմը: Գրան նպաստող հանգամանքներից էր այն, որ անգլոֆիլ Քյամիլ փաշայի կարիքները փոխարինվեց գերմանոֆիլ Հիլմի փաշայի կառավարութեամբ: Գերմանական ազդեցութեան ուժեղացումը առաջին հերթին դրսևորվեց թուրքական բանակի վրա: 1909 թ. ամռանը գերմանական ռազմական միսիան գեներալ Ֆոն դեր Գուլցի գլխավորութեամբ ժամանեց Ստամբուլ, որից հետո սենդորեն սկսվեց թուրքական բանակի գերմանիզացիայի պրոցեսը: Նույն թվականի օգոստոսին վիլհելմ կայզեր հրամանով գեներալ Մահմուդ Շեքեթ փաշան (հետագայում ռազմական մինիստր) ժամանեց Գերմանիա՝ գերմանական բանակի մեծ զորախազերը դիտելու⁵⁹: Գերմանական ռազմական շրջանները, ըստ երևութիւնի, որոշել էին իրենց բանակի մարտական հատկանիշները ցուցադրելով սպաւորութիւն գործել թուրքական գեներալի վրա:

Շուտով հայտնի դարձավ, որ Ֆոն դեր Գուլցի պահանջով թուր-

⁵⁸ ЦГВИА, ф. 2000 с., оп. 1, д. 3818, л. 92 об.—93.

⁵⁹ Նույն տեղում:

բական կառավարութիւնը որոշել է կրկնապատկել շորթորդ զորաբանակի կազմը⁶⁰:

Քնն Գերմանիայի ազդեցութեան ուժեղացումը Քուրբիայի վրա և վերջինիս ռազմական հզորութեան մեծացման փորձերը ներվային վիճակ էին ստեղծում «Եռյակ համաձայնութեան» երկրների կառավարող շրջաններում, բայց և նրանց միջև գոյութիւն ունեցող անլուծելի հակասութիւնները թույլ չէին տալիս համատեղ ելույթ ունենալ այդ վտանգի դեմ: Ավելին, Քուրբիան նույնիսկ աջակցութիւն էր գտել Ֆրանսիայի կողմից, որը հետապնդելով իր կապիտալիստների նեղ տնտեսական շահերը բազմաթիւ փոխառութիւններով ու վարկերով ուժեղացնում էր թուրքական կառավարութեանը:

Քուրբիայում ավելի ու ավելի հաճախակի էին լսվում ուսանչի կոչեր «մի շարք ստորացումների համար», ու տենչանքներ Իրանը, Կովկասը զավթելու և Սև ծովում թուրքական տիրապետութիւն հաստատելու վերաբերյալ: Դա նկատվում էր նաև մամուլի հաճախակի և ծայրահեղ ելույթներում⁶¹, որը սիստեմատիկորեն ատելութիւն էր բորբորում հատկապես Ռուսաստանի դեմ: «Եռյակ դաշինքի» երկրները իրենց հերթին Քուրբիային մղում էին դեպի Ասիա, հատկապես Իրան, ենթադրելով, որ նրա դեմ ռազմական ելույթը անխուսափելիորեն կհանգեցնէր Ռուսաստանի հետ ռազմական կոնֆլիկտի⁶²: Քուրբիան իր նետն ուղղում էր նաև Անգլիայի դեմ, հավակնութիւններ ներկայացնելով Պարսից ծոցի առափնյա տերիտորիաների նկատմամբ ընդհուպ մինչև Բահրեյան կղզիները, որտեղ սկսվում էին անգլիական հովանավորութեան տակ գտնվող Մասկաթի իմամի տիրապետութիւնները⁶³: «Միասնութիւն և Առաջադիմութիւն» կոմիտեն առաջարկում էր Պարսից ծոցի վերաբերյալ Քուրբիայի ու Անգլիայի միջև բոլոր վիճելի հարցերը հանձնել միջնորդ դատարանի ընկնութեանը՝ նախապես ստանալով Բեռլինի խոստումը նրան աջակցութիւն ցույց տալու վերաբերյալ⁶⁴: Այսպի-

⁶⁰ Նույն տեղում, Թ. 116:

⁶¹ «Красный архив», т. 44, стр. 35.

⁶² ЦГВИА, ф. 2000 с., д. 3818, л. 92 об.

⁶³ М. Ардатов, Германизация турецкой армии. «ИШКВО», № 28, Тифлис, 1910, стр. 63—64.

⁶⁴ Նույն տեղում, էջ 113:

սով անգլո-թուրքական հարաբերությունների ժամանակավոր ջերմացումը, որը նկատվում էր երիտթուրքական հեղաշրջումից անմիջապես հետո, կրկին փոխարինվեց փոխադարձ սառնություն: Էդուարդ Գրեյը հրավիրելով Լոնդոնում թուրքական դեսպան Ռիֆաթ փաշային հայտարարում է, որ Քյամիլ փաշայի փոխարինումը Հիլմի փաշայով, որը հայտնի է իր դերմանոֆիլ ձգտումներով, անդլիական կառավարության կողմից մեկնաբանվում է որպես մարտահրավեր: Եվ որ այդ պատճառով Թուրքիան «այլևս չպետք է հույս դնի ոչ Անգլիայի, ոչ էլ նրա բարեկամների վրա»⁶⁵:

1909 թ. սեպտեմբերին Օսմանյան կայսրությունը ակտիվացրեց իր քաղաքականությունը Իրանի նկատմամբ: Երիտթուրքական կուսակցությունը բուռն պրոպագանդա ծավալեց այն մասին, որ թուրքական կառավարությունը որոշել է վճռականորեն հանդես գալ իրանական հեղափոխական շարժումը պաշտպանելու դիրքերում⁶⁶: Իթիֆհադի դորձակալությունը ամենուրեք շեփոտում էր, որ թուրքական սահմանային իշխանությունները Ստամբուլից հրաման են ստացել ամեն կերպ նպաստել Իրանում սահմանադրական ձեռնարկի հաղթանակին⁶⁷: Խոսելով այն մասին, թե ինչ քաղաքական նպատակներ են հետապնդում երիտթուրքերը սիրախաղ անելով իրանական հեղափոխական շարժման հետ, Ուրմիայի փոխ-հյուպատոս Միլլերը նկատում էր. «Երիտթուրքերը հայտնվել են այստեղ, ոչ թե պարսիկ սահմանադրականներին աջակցություն ցույց տալու համար, այլ սահմանամերձ շրջաններում հեղափոխական շարժմանը տիրապետելու և այն բացառապես իրենց կառավարության շահերի հունով ուղղելու նպատակով»⁶⁸: Ի դեպ, նույն տեսակետին էր նաև անգլիական փոխ-հյուպատոս կապիտան Դիկսոնը⁶⁹: Կովկասի ռազմական շրջանի հետախուզական բաժնի տեղեկությունների համաձայն, իրանական հեղափոխության համար «մարտնչող» թուրքական սպաները մեծ մասամբ խավարամիտ, կասկածելի անցյալ

⁶⁵ Նույն տեղում:

⁶⁶ АВПР, ф. «Персидский стол», 1909 г., д. 661, л. 26.

⁶⁷ Նույն տեղում, թ. 20:

⁶⁸ Նույն տեղում, թթ. 96, 117, 141:

⁶⁹ Նույն տեղում:

ունեցող, թուրքական սահմանադրության հակառակորդ և սուլթան Աբդուլ Համիդի կողմնակից մարդիկ էին, որոնք մասնակցել էին սուլթանի կողմից կազմակերպված հայկական ջարդերին և այլն⁷⁰։

Բոլոր փաստերից երևում էր, որ Իրանում հեղափոխական շարժմանը զարկ տալու պատրվակի տակ երիտթուրքական կոմիտեն առաջին հերթին նախապատրաստում էր իր կողմից նախապես ծրագրած ապստամբությունը՝ Ադրբեջանը Իրանի կազմից անջատելու և այն Թուրքիային միացնելու պլանը իրականացնելու համար։ Հենց այդ նպատակով 1909 թ. սկզբին Սալոնիկից էրզրում ժամանեցին և այնուհետև մեկնեցին Իրան երիտթուրքական Սալոնիկի կոմիտեի անդամներ, բանակի սպաներ բու-աղասի Խալի բեյը, մյուլազիմ-ավվալ Յակուբ էֆենդին, մյուլազիմ-սանի Հիլմի էֆենդին և Նաջի բեյը⁷¹։ Միաժամանակ էֆզրումի ռազմական շտաբում տեղի էր ունենում այն զինվորականների ցուցակագրում, որոնք ցանկություն էին հայտնում որպես կամավորներ մեկնել Իրան⁷²։ Մրանց վրա խնդիր էր դրված նպաստել Ադրբեջանի հեղափոխականների ռազմական ջանքերի ակտիվացմանը, որպեսզի նրանք ի վիճակի լինեն ջախջախելու շահական զորքերին և Իրանական Ազրբեջանը հայտարարեն ինքնավար, որը երիտթուրքերի ծրագրերի համաձայն պետք է միանար իր «արյունակից» ժողովրդի հետ։ Այս ուղղությամբ տարվող քաղաքական աշխատանքը արդյունավետ դարձնելու համար երիտթուրքերը Թավրիզում նույնիսկ ստեղծեցին իրենց կոմիտեի մասնաճյուղ⁷³։

Ստամբուլում ուստական ղեկավարը այն միտքն էր առաջ բաշում, որ Ադրբեջանում պարսկական ազատագրական ջոկատների տակտիկական հաջողությունները մասամբ պետք է բացատրել նաև նրանով, որ նրանցում գործում են այնպիսի սպաներ, ինչպիսիք են Նաջի բեյը և նրա կուլեգաները, որոնք ստացել են հիմնավոր ռազմական կրթություն⁷⁴։ 1909 թ. փետրվարին հատուկ առաքե-

⁷⁰ ЦГВИА, ф. 2000, оп. 1, д. 1002, л. 260 об.

⁷¹ Նույն տեղում, թ. 205։

⁷² Նույն տեղում։

⁷³ «Մշակ», 28 ապրիլի 1909 թ.։

⁷⁴ АВПР, ф. «Политархив», 1909, д. 1035, л. 63.

լուծյամբ Իրանական Ազգրբեջանի արևմտյան շրջանները ժամանեց նաև թուրքական օկուպացիոն զորքերի սպաներից մեկը, որը հեղափոխական գործիչների հետ զրույցների ընթացքում աշխատում էր շեշտել, որ իր կառավարությունը պատրաստ է անհրաժեշտություն դեպքում լայն հովանավորություն ցույց տալ հեղափոխական շրջաններին: Ի միջի այլոց, նրա այդ ազդեցության ուղեկցվում էր Դիլմանի, Սալմաստի և մի շարք այլ շրջանների բնակչությանը թուրքական անձնագրերի վաճառքով, որոնցից յուրաքանչյուրը գնահատվում էր 14 զրան⁷⁶: Չսահմանափակվելով զուտ քաղաքական պրոպագանդայով, երիթթուրքական գործակալությունը մաքսանենգություն մեծ քանակությամբ զենք էր ներմուծում Իրանական Ազգրբեջան և վաճառում տեղական բնակչությանը⁷⁶:

Թուրքիան սկսեց ահաբեկորեն միջամտել նաև Թեհրանում ծավալվող իրադարձություններին: Մեծ աշխուժություն էր ցուցաբերում նաև թուրքական զեսպանատունը⁷⁷, ապաստան տալով ոչ միայն հեղափոխականներին, այլև իշխանությունների կողմից հալածվող բրեսական տարրերին և զանազան խառնակիչներին: Թուրքական գործերի հավատարմաբար Սադրեղզին բեյը խրախուսում էր զեսպանատանը ապաստանած ուսուցիչներ Սադր-ուլ-Մուլի կոչերը՝ ուղղված բռնվոր ցեղերի առաջնորդներին, որոնց նա հրավիրում էր զինված ջոկատներով շարժվել դեպի Թեհրան⁷⁸: Սադրեղզին բեյը միաժամանակ հեռագրեր էր ուղարկում Ստամբուլ, առաջարկելով զորքերը պատրաստ պահել Թեհրանի վրա արշավելու համար, եթե «զեսպանատունը կարիք ունենա պաշտպանություն»⁷⁹:

Թուրքական ինտերվենցիայի այս սպառնալիքները ըստ երևվույթին այն աստիճանի ունեւ էին, որ Իզվոլսկին ստիպված էր հեռագրել Ստամբուլ, որպեսզի ուստական զեսպանը Բ. Դոան ուշա-

⁷⁶ АВПР, ф. «Персидский стол», 1909, д. 661, л. 46.

⁷⁶ ЦГИА Груз. ССР, ф. 15, д. 199, лл. 3—3 об; АВПР, ф. «Персидский стол», 1909, д. 661, л. 58.

⁷⁷ *St'u* „White Book, Persia“ (1909), № 2, p. 26.

⁷⁸ «Մշակ», 13 մարտի 1909 թ.:

⁷⁹ «Մշակ», 18 մարտի 1909 թ.:

գրությունը հրավիրի Քեհրանում թուրքական զեսպանատան գործակերպի վրա, որը, ինչպես նշվում էր հեռագրում, «չի համապատասխանում օտտոմանյան կառավարության մեզ տրված այն հավաստիացումներին, որ նա չի խառնվելու Պարսկաստանի ներքին գործերին»: Այնուհետև Իզվոլսկին կարգադրում էր Ստամբուլից պահանջել, որպեսզի թույլ չտան Սաղրեղլին բեյին ազիտացիոն գործունեություն ծավալել Քեհրանի թուրքական զեսպանատանը բնառ նստած հեղափոխականների շրջանում⁸⁰:

1909 թ. դարնանը երիտթուրքական կենտրոնական կոմիտեն որոշեց Իրանում տարվող իր քաղաքական աշխատանքներում լայնորեն օգտագործել նաև դաշնակցական կուսակցությունը: Վերջինս 1908 թ. հոկտեմբերից, երբ Թավրիզում հեղափոխական շարժումն ապրում էր բուռն վերելք, որոշեց մասնակցություն ցուցաբերել իրանական հեղափոխությանը⁸¹: Կովկասի ռազմական շրջանի հետախուզական բաժնի հաղորդագրությունում ասվում էր, որ 1909 թ. մարտի 5-ին «դաշնակիների պարագլուխ Վաամյանը, նաջի բեյը և իրանական հեղափոխական Սեյիդ բեյը հանդիպել են Վանում, որպեսզի քննարկեն իրանական գործողությունների ծրագիրը»⁸²: Այդ նույն հաղորդագրությունում նշվում էր, որ դաշնակցական կուսակցությունը միջոցներ է փնտրում օգնելու իրանական հեղափոխական շարժմանը, որովհետև նա ենթադրում է, որ եթե հեղափոխությունը Իրանում կրի անհաջողություն, ապա Թուրքիայում ռեակցիոն տարրերը կուժեղանան և թուրքական սահմանադրությունը կարող է տապալվել⁸³:

Այսպիսով միամտորեն հավատալով երիտթուրքերին և իրենց քաղաքական կարճատեսության հետևանքով խորամուխ չլինելով Իրանում նրանց հետապնդած նպատակների մեջ, դաշնակցություն-

⁸⁰ АВПР, ф. «Канцелярия МИД», 1909, оп. 470, д. 37, л. 4.

⁸¹ Триа, Персидская революция и русский социал-демократический отряд ее. В кн.: М. Павлович и С. Иранский, Персия в борьбе за независимость, М., 1925, стр. 111. տե՛ս նաև АВПР, ф. «Персидский стол», 1908, д. 656, лл. 88—88 об.

⁸² ЦГВИА, ф. 2000, оп. 1, д. 1002, лл. 239—239 об.

⁸³ նույն տեղում, թ., 261:

նը որոշեց Քրանում գործել իթթիհադի հետ համատեղ: 1909 թ. մարտին խմբապետ Սմբատը և նաջի բեյը իրենց ջոկատներով ժամանեցին Սալմաստ⁸⁴: Այնուհետև նրանց հետևեցին մի շարք այլ ջոկատներ:

Բնութագրելով դաշնակցական կուսակցության նման բազարական դիժը, Անդրանիկը նշում է. «Կ. Պոլսեն հարձակումի ադդանշան մը արվեցավ «ցարիզմի» ղեմ: Դաշնակցական թերթերը կպոռային «անկցի Ռուսաստան, կեցցե ազատ և հեղափոխական Թուրքիա»: Այնուհետև նա շարունակում է. «Դաշնակցությունը փոխվեցավ հազար ուղղություն: Օր մը ռուսասեր էր, մյուս օր ռուսատյաց, օր մը թուրքերու թշնամին էր, մյուս օրը անոնց բարեկամ. օր մը անգլիասեր էր, մյուս օրը կպոռար «անկցի Անգլիա», օր մը Պարսկաստանի բարեկամն էր, մյուս օրը կկուվեր անոր ղեմ»⁸⁵:

Եթև Օսմանյան կայսրության համար խիստ անցանկալի էր միապետության կողմնակիցների շուտափույթ հաղթանակը Իրանում, որը անմիջապես կամրապնդեր Ռուսաստանի և Անգլիայի դիրքերը այդ երկրում և խոչընդոտ կհանդիսանար թուրքական միջամտությանը նրա ներքին գործերին և զավթումների քաղաքականության հետագա ընդլայնմանը, ապա նրա համար անցանկալի էր լինելու նաև հեղափոխության հաղթանակը Իրանում, որի հետևանքով Օսմանյան կայսրության առջև կստեղծվեր կուռ ու ամուր պատենշ զավթումներ կատարելու ճանապարհին:

Հետևաբար երիտթուրքերը «պաշտպանում» էին հեղափոխական շարժումն իրանում այնքանով, որքանով որ անհրաժեշտ էր պահպանել երկրի քաղաքական անկայուն վիճակը գործողությունների աղատություն ստանալու համար:

«Երիտթուրքերի տիրապետության շրջանում թուրքական ռեակցիան,— իրավացիորեն նկատում է Մ. Ս. Լազարևը,— հանդես էր գալիս հարևան Իրանում հեղափոխական շարժման ղեմ ոչ միայն իր տաժաժ թշնամանքի պատճառով ղեպի ղեմոկրատիան ընդհանրապես և Իրանում տեղի ունեցող իրադարձությունների հեղափո-

⁸⁴ «Մշակ», 2 ապրիլի 1909 թ.:

⁸⁵ Փեներալ Անդրանիկ, Հայկական առանձին հարվածող զորամասեր, Պոսթոն, 1921, էջ 228—229:

իրականացնող ազդեցությունը չեզոքացնելու ձգտման պատճառով, այլև այն պատճառով, որ իրանական հեղափոխության հաջողության դեպքում իրանական Քրդստանի նկատմամբ թուրքական զավթողական պլանների իրականացումը կհանգիպեր ավելի մեծ դժվարությունների: Թուրքական զավթիչների մոտ առանձնակի տեսլություն էր առաջ բերում իրանական Քրդստանում և Ադրբեջանում հեղափոխական էնջումենների գործունեությունը՝ այդ շրջաններում կարգ ու կանոն հաստատելու և ստիջ գլուխ փտած շահական վարչության դեմ պայքարելու գործում⁸⁶:

Իրենց «իրանական հեղափոխության գաշնակից» հորջորջող երիտթուրքերը ոչ միայն չէին ցանկանում նպաստել իրանական ժողովրդի ազատագրական շարժմանը, այլև աշխատում էին ձախողել ու ջախջախել այն:

1908 թ. վերջերին «Իթթիհադ վե Թերաքքի» կուսակցությունը իրանում արդեն դիմել էր բացահայտ հակահեղափոխական ինտերվենցիայի, դրանով իսկ շարունակելով սուլթան Աբդուլ Համիդի ռեակցիոն քաղաքական դիժը: Ռուսական հյուպատոսները տեղեկացնում էին, որ թուրքական օկուպացիոն զորքերի հրամանատարությունը ոչ միայն հակահեղափոխական պայքար է ծավալել «պարսկական ազատության մարտիկների» դեմ, այլև աշխատում է տեղայնացնել ֆիդայիների հեղափոխական գործունեությունը և թույլ չտալ նրա տարածումը մյուս, մասնավորապես թուրքական զորքերի կողմից գրավված շրջաններում⁸⁷: Որ հակասահմանադրական տրամագրություններ ունեցող ռեակցիոներները և խաները, որոնք ակտիվորեն հանդես են գալիս հեղափոխության դեմ, թուրքական զորքերին հրավիրում են իրենց շրջաններ⁸⁸:

1908 թ. նոյեմբեր-դեկտեմբերին, երբ Ադրբեջանում ռեակցիոն խաները կատաղի պայքար էին մղում հեղափոխական էնջումենների դեմ, թուրքական օկուպացիոն իշխանությունները ոչ միայն աջակցություն ցույց չէին տալիս էնջումեններին, այլև բացահայտորեն ռեակցիոներներին վերցնում էին իրենց հովանավորության

⁸⁶ М. С. Лазарев, *Уд. աշխ.*, էջ 182:

⁸⁷ АВПР, ф. «Персидский стол», 1908, д. 656, л. 136.

⁸⁸ АВПР, ф. «Персидский стол», 1909, д. 661, лл. 15—16.

տակ: նույնիսկ հեղափոխականների դեմ պայքարում ջախջախված
 ռեակցիոն բանդանների պարագլուխները ապաստան էին գտնում
 Խոյի թուրքական զլխավոր հյուպատոսությունում⁸⁹: Խուսափելով
 վերջնական ջախջախումից, նրանք վերստին հնարավորություն
 էին ստանում զինվել և շարունակել պայքարը սահմանադրական-
 ներքի դեմ: Ռուսական հյուպատոսների հաղորդագրություններում
 բերվում էին բազմաթիվ փաստեր նաև այն մասին, որ թուրքական
 հյուպատոսները երաշխավորությամբ ազատում են հեղափոխա-
 կանների կողմից ձերբակալված ռեակցիոն խաներին⁹⁰, նրանք ըն-
 դունում էին թուրքական հպատակություն, ձեռք բերում թուրքա-
 կան անձնագրեր, դրանով իսկ խուսափում պատժից և հնարավո-
 րություն ստանում շարունակելու զինված պայքարը հեղափոխու-
 թյան դեմ⁹¹: Այսպես, օրինակ, Սաքքըզի ռեակցիոն խաները, որոնք
 Սելֆ-էդ-Դին խանի զլխավորությամբ ջախջախել էին տեղի հեղա-
 փոխական էնջումենը և զազանորեն դատաստան տեսել նրա ան-
 դամների հետ, անմիջապես թուրքական իշխանություններին տվե-
 ցին ղեհալեթ և խուսափեցին հատուցումից⁹²: Օկուպացիոն զորքերի
 հրամանատարությունը ակտիվորեն միջամտում էր հատկապես
 Սալմաստի շրջանում ծավալված հեղափոխական շարժմանը: Օգ-
 տրվելով այնտեղ բորբոքված պայքարից, թուրքական զորքերը
 պատրաստվում էին լրիվ օկուպացնել այդ շրջանը: 1908 թ. նույն-
 բերի 20-ին Ստամբուլից ներքին գործերի մինիստրը հեռագրում
 էր վանի վալիին. «Դուք պետք է ձեռնարկեք անհրաժեշտ միջոցա-
 ումներ և պատրաստեք բավարար քանակությամբ զորքեր, որ-
 պեսզի անհրաժեշտության դեպքում նրանց ուղարկեք Սալմաստի
 կողմը»⁹³:

1909 թ., երբ Արևմտյան Ադրբեջանում պայքարը հեղափոխա-
 կանների և հակահեղափոխության միջև ընդունեց ավելի թեժ
 բնույթ, թուրքական զորքերը բացահայտորեն սկսեցին հանդես գալ

⁸⁹ АВПР, ф. «Персидский стол», 1908, д. 656, лл. 113—114.

⁹⁰ АВПР, ф. «Персидский стол», 1909, д. 661, л. 96.

⁹¹ АВПР, ф. «Персидский стол», 1908, д. 656, л. 118.

⁹² «Объезд оккупированных...», стр. 36; Дм. Беляев, *Եզվ. աշխ.* էջ 17:

⁹³ ЦГВИА, ф. 2000, оп. 1, д. 1002, лл. 219—219 об.

ռեակցիայի կողմում, միաժամանակ մասնակցելով հեղափոխական էնջումեններին ջախջախման օպերացիաներին: Այսպես, նրանք գրված լին ջախջախեցին Խոյի հեղափոխական էնջումենի առաջնորդ Հայգար խան Ամու-օղլիի և Դիլմանի էնջումենի նախագահ Սայիդու-Մեմալիի ջոկատները և ցրեցին տեղի էնջումենները: Այնուհետև նրանք օկուպացրին Դիլմանը և հայտարարեցին, որ հեղափոխական էնջումենը լուծարքի է ենթարկվում, իսկ բաղաբի իշխանությունը անցնում է թուրքական նահանգապետին⁹⁴: Մայիս-հունիս ամիսներին հեղափոխական ֆիդայիներին և ասկյարների միջև արյունահեղ բախումներ տեղի ունեցան Դիլմանի, Ուրմիայի և Սալմաստի շրջակայքում⁹⁵: Ընդ որում, թուրքական հրամանատարությունը լայն աշակցություն էր ցույց տալիս Ռահիմ խան Չելեբիանլուի բանդաներին հաշվեհարդար տեսնելու Ուրմիայի շրջանի ֆիդայիների հետ⁹⁶: Ավելին, էնջումենները ջախջախելու և հեղափոխական տրամադրություններ ունեցող տեղական բնակչությանը ահաբեկելու նպատակով թուրքական իշխանությունները ստորի հանեցին շեքբաբ և մի շարք այլ բրդական ցեղերի, որոնք սարսափելի ավերածություն ու կողոպուտի ենթարկեցին Խոյի և Սալմաստի շրջակա գյուղերն ու նրանց բնակիչներին⁹⁷: Ստամբուլի էմիսարները ներշնչում էին բրդական ցեղապետներին, որ եթե նրանք շրնդունեն օսմանյան հպատակություն և շօժանդակեն «թուրքական» գործին, ապա անխուսափելիորեն կենթարկվեն հեղափոխականների հալածանքներին⁹⁸:

Այս ադիտացիայի հետևանքով բրդական բնակչությունը մասսայաբար զհհալեթ էր տալիս թուրքերին⁹⁹, դրանով իսկ հնարավորություն տալով նրանց իրենց բնակավայրերը հայտարարելու «թուրքական տերիտորիա»¹⁰⁰:

⁹⁴ АВПР, ф. «Персидский стол», 1909, д. 661, л. 169.

⁹⁵ Նույն տեղում, թթ. 188, 167—170; ЦГИА Груз. ССР, ф. 15, л. 170, лл. 62—63.

⁹⁶ АВПР, ф. «Персидский стол», 1909, д. 661, лл. 121, 123—124.

⁹⁷ Նույն տեղում, թ. 116:

⁹⁸ Նույն տեղում, թ. 109:

⁹⁹ Նույն տեղում, թթ. 123—124:

¹⁰⁰ Նույն տեղում, թ. 110:

Քոլոր օկուպացիոն շոկատների հրամանատարները Ստամբուլից հրաման էին ստացել սուննիթների պաշտպանության պատրվակի տակ Իրանական Ադրբեջանում և Քրդստանում գրավել նոր տերիտորիաներ, անկախ նրանից, դրանք բնակեցված են սուննիթներով, ինչ շիրիթներով: Թուրքական սպաները հայտարարում էին, որ եթե կուսակցությունների փոխադարձ պայքարի հետևանքով սահմանամերձ տերիտորիաներում ստեղծվի անիշխանության վիճակ, ապա իրենք զորքեր կմտցնեն այդ շրջանները կարգ ու կանոնը վերականգնելու համար¹⁰¹: Ավելի կոնկրետացնելով այս հայտարարությունները, նրանք ակնարկում էին իրանական իշխանություններին, որ «Ուրմիալում անկարգություններ ծագելու դեպքում հնարավոր է, որ այնտեղ մտցվեն թուրքական զորքեր»¹⁰²:

Հարավային (Մուրբի) Քրդստանում օկուպացիոն զորքերը առանձնակի եռանդով աշխատում էին ջախջախել Սոուջբուլազի էնջումենը, որը Ղադի Ֆաթթահի գլխավորությամբ համառ պայքար էր մղում թուրքերի դեմ: Սոուջբուլազի շրջակայքում ընդհուպ մինչև 1910 թ. գարնանը կատաղի մարտեր էին զնում ասիլարների և հեղափոխական շոկատների միջև¹⁰³:

Ստամբուլը մեծ ակտիվություն էր գրսեւորում նաև Մակուի խանությունում ծավալված հեղափոխական շարժմանը միջամտելու գործում: Ի վիճակի չլինելով սեփական ուժերով հաշվեհարդար տեսնել խանությունում ծայր առած հեղափոխական շարժման հետ, Մակուի սարդար էդրալ-ու-Սալթանեն հրավիրեց թուրքական զորքեր, որոնք տեղական ռեակցիոն բանդաների հետ ջախջախեցին ֆիդայիներին և կազմակերպեցին հեղափոխականներին համակրող տեղական բնակչության դարհուրելի կոտորած¹⁰⁴:

Թուրքական հրամանատարությունը գործուն աջակցություն էր ցույց տալիս նաև ռեակցիոն այն տարրերին, որոնք հեղափոխական

¹⁰¹ АВПР, ф. «Перендский стол», 1908, д. 656, лл. 138—139.

¹⁰² նույն տեղում:

¹⁰³ «Тифлисский листок», 1910, 21 мая.

¹⁰⁴ دکتر مهدی ملکزاد ۵۲۴. «۲۱» ۵. ۳, էջ ۳۲. ЦИИА Груз. ССР, ф. 15, д. 170, лл. 105—106.

էնչումենների զեմ պայքարելու նպատակով ստեղծում էին իրենց հետադիմական կրոնական տիպի էնչումենները¹⁰⁵:

Հարավային Ադրբեջանը իրանական պետության կազմից անջատելու և Թուրքիային միացնելու միտումով երիտթուրքական գործակալությունը պրովոկացիոն ազիտացիա էր մղում, թե իբր Թեհրանի սահմանադրական կառավարությունը որոշել է բնաջնջման քաղաքականություն վարել ադրբեջանցիների և առհասարակ Իրանի թուրքալեզու ժողովուրդների նկատմամբ: Թուրքական պատմաբան Ռեշիդ Սաֆֆեկթը ուղղակի գրում է, որ 1908 թ.-ից սկսած «Իրանի սահմանադրությունը բացահայտորեն պայքարել է այս հսկա զանգվածի դեմ»¹⁰⁶: «Այն ուժերը, —շարունակում է նա,— որոնք 1906 թ.-ից մինչև 1913 թ. կառավարության կողմից զինվել և ուղարկվել էին Ադրբեջանի ժողովրդի դեմ, բազկացած էին բախտիարներից և Եփրեմ խանի հայերից: Թնդանոթներով և գնդացիներով զինված այս ուժերը երևակայական ապստամբությունները ձեռնելու պատրվակի տակ կործանել են Ադրբեջանը, հրդեհել հարյուրավոր գյուղեր, կոտորել կին և երեխա, հազարավոր թուրքեր, նենգորեն պաշարել ու սպանել հազարավոր երիտասարդների, որոնք գտնվում էին համարյա անզեհ վիճակում: Ես ինքս ականատես եմ եղել այս ողբերգություններին: Թրքության ամենամեծ սպանդանոցներից մեկը և իրանական սահմանադրության զոհը եղել է թշվառ իրանական Ադրբեջանը»¹⁰⁷: Այնուհետև նա նշում է, որ Իրանական Ադրբեջանի բնակչության արժնացող ազգային ինքնագիտակցությունը մթազնելու համար «իրանցիները ուրիշ ելք չգտան, բայց եթե «կոտորածի միջոցով բնաջնջել Իրանի թուրք տարրին՝ ադրբեջանցիներին, կաշկայցիներին և այլն»¹⁰⁸:

Երիտթուրքական կառավարության նման պրոպագանդան հետապնդում էր նաև Իրանի թուրքալեզու ժողովուրդներին հեղափոխության զեմ ոտքի հանելու և իրանական ժողովուրդներին պառակտելու ու միմյանց հեռ գժտեցնելու նպատակը:

¹⁰⁵ АВПР, ф. «Персидский стол», 1909, д. 661, лл. 15—16.

¹⁰⁶ *Reşit Saffet*, Türklük ve Türkçülük izleri, 1 inci Kitap, Ankara 1930, s. 161.

¹⁰⁷ *Նույն տեղում*, էջ 162—163:

¹⁰⁸ *Նույն տեղում*, էջ 164—165:

Իրանի հեղափոխական շարժման մեծ թվով գործիչների համար միանգամայն պարզ էր, որ բողարկվելով հեղափոխական լուղունդներով երիտթուրքական կառավարությունը իրագործում է հակահեղափոխական ինտերվենցիա և երկրի քաղաքական ճգնաժամը աշխատում է օգտագործել իր նվաճողական նպատակների իրագործման համար: Այդ պատճառով թուրքական ինտերվենցիայի դեմ դիմված պայքար մղելու հետ միաժամանակ նրանք առաջնակարգ կարևորություն ունեցող խնդիր էին համարում շարքային հեղափոխականներին և բնակչության լայն զանգվածներին պարզաբանել թուրքական քաղաքականության բուն էությունը¹⁰⁹: Սահմանադրական ուղղության մի շարք թերթեր (օրինակ Խոյում հրատարակվող «Մուրաֆաթ») («Հատուցում») թերթը և այլն) սխտեմատիկորեն հրապարակում էին հակաթուրքական ոգով գրված հոդվածներ: Շատ հաճախ անկարող լինելով դիմադրավել թուրքերին, հեղափոխական էնջումենտները դիմում էին առևանգան իշխանություններին, խնդրելով կասեցնել իրանական տերիտորիայում օտարերկրյա զավթիչների ոտնձգությունները¹¹⁰:

Հատկանշական է, որ կռահելով թուրքական կառավարության գաղտնի մտադրությունները Իրանում, Ստամբուլում գտնվող իրանական հեղափոխականները ևս աստիճանաբար սկսում էին հեռանալ երիտթուրքերից և հրաժարվում էին համագործակցել նրանց հետ: Այսպես, երբ Դիլմանից ղեհալեթ ուղարկեցին Ստամբուլի իրանական էնջումենտի հասցեով այն Բ. Դուանը հանձնելու համար, էնջումենտը հրաժարվեց այն հանձնել, դիլմանցիներին արարքը ղեհաճատելով որպես «ոչ հայրենասիրական գործ»¹¹¹:

Վերոհիշյալ փաստերը վկայում են, որ «երիտթուրքական կառավարության գորքերը օկուպացված շրջաններում ջախջախեցին ամեն մի հեղափոխական շարժում»¹¹²: Երիտթուրքական կառավարությունը, ինչպես և Անգլիայի և ցարական Ռուսաստանի իմպերիալիստական շրջանները նույնպես թշնամաբար էին վերաբերվում

¹⁰⁹ АВПР, ф. «Персидский стол», 1909, д. 661, лл. 103—104.

¹¹⁰ Նույն տեղում, Թ. 75:

¹¹¹ Նույն տեղում, ԹԹ. 2—3:

¹¹² «История дипломатии», т. II, стр. 693.

Իրանում դեմոկրատական, հակաֆինոգալական շարժմանը: Իսկ Քուրբիան աշխատում էր օգտվել նաև հակաիմպերիալիստական շարժումից՝ գործի դնելով պանիսլամիզմի լողունգները: Յարիզմն ու բրիտանական իմպերիալիզմը, որոնք սպասում էին հարմար մոմենտի իրանական հեղափոխությունը զենքի օգնությամբ ջախջախելու համար, բացարձակապես ոչ մի արգելք չհարուցեցին Քուրբիայի կողմից իրականացվող հակահեղափոխական ինտերվենցիայի դեմ: Նրանց այդ պատասխիլությունը անշուշտ վկայում էր այն մասին, որ այս երեք պետությունների միջև գոյություն ունեւր ներքին համաձայնություն համատեղ ուժերով խեղդելու հեղափոխական շարժումն Իրանում:

* * *

Ինչպես հայտնի է, 1909 թ. ապրիլին ահաբեկվելով Իրանում ծավալվող հեղափոխական իրադարձությունների հուժկու թափից, ցարական Ռուսաստանն ու Անգլիան որոշեցին դիմել հակահեղափոխական զինված ինտերվենցիայի:

Անգլիական իմպերիալիստները, որոնք արդեն հասցրել էին Իրանի հարավում խեղդել հեղափոխական շարժումը, աշխատում էին Իրանական Ադրբեջանում այն ջախջախել ցարիզմի օգնությամբ: Այդ պատճառով բրիտանական կառավարությունը ճնշում էր գործադրում Պետերբուրգի վրա, պահանջելով արագացնել զորքերի ուղարկումը Քավրիզ¹¹³:

1909 թ. ապրիլի 12/25 ցարական օկուպացիոն զորքերը զեներալ Մնարսկու գլխավորությամբ Զուլֆայում անցան սահմանը և շոտով մոտեցան Քավրիզին¹¹⁴: Ռուսական կաղակնների մուտքը Քավրիզ վերջ տվեց ապստամբությունը:

Այսպիսով ռուսական ցարիզմը անգլիական իմպերիալիստների հետ համագործակցված դիմեց հակահեղափոխական ինտերվենցիայի՝ նպատակ ունենալով ջախջախել Քավրիզի ապստամբությունը և առհասարակ հեղափոխական շարժումն Ադրբեջանում,

¹¹³ М. С. Иванов, Иранская революция 1905—1911 гг., стр. 365.

¹¹⁴ «Сборник дипломатических документов, касающихся событий в Персии, вып. II, стр. 140, 153, 155.

մրկել Մոհամմեդ Ալի շահի և ռեակցիոն ֆեոդալական ղաջարական կլիկի իշխանությունը: Ռուսական զորքերի ուղարկումը Քավրիզ նպատակ ուներ նաև խափանել Ադրբեջանի զավթման թուրքզեմանական պլանների իրագործումը և թույլ չտալ, որ Գերմանիան և Թուրքիան մոտ ապագայում այդ նահանգն օգտագործեն որպես ռազմական հենակետ Անդրկովկասի վրա հարձակվելու համար¹¹⁵:

Այս իրադարձությունները, որոնք տեղի ունեցան զխապտույտ արագությունով, ցնցող տպավորություն գործեցին Գերմանիայի և Թուրքիայի վրա: Երկու պետությունների կառավարությունները անմիջապես հասկացան, որ Ռուսաստանը և Անգլիան Իրանում պատենել են ստեղծում իրենց առջև: Թուրքական կառավարող շրջաններում ռուսական զորքերի մուտքը Քավրիզ մեկնաբանվեց որպես առաջին հերթին Թուրքիայի դեմ ուղղված միջոցառում: Բ. Դուռը զգաստ կերպով գնահատեց այն սպառնալիքը, որ ստեղծվում էր Իրանում իր ազդեցիվ ժրագրերի ծավալման ճանապարհին: Որոշվեց դիմել ակտիվ բայլերի: Առաջինը գրոհի նետվեց Գերմանիան: Օգտվելով Ադրբեջանի բնակչության հակառուսական տրամադրությունների ուժեղացումից, նա ծավալեց բուռն ազիտացիա այն մասին, որ ցարիզմը ցանկանում է անկրթիայի ենթարկել Ադրբեջանը և միացնել Ռուսաստանին¹¹⁶: Բեռլինում անմիջապես կազմակերպվեց այսպես կոչված «Պարսիկ ժողովրդի շահերի պաշտպանության կոմիտե», որը հայտարարեց, թե Իրանի զրավումը որևէ մեկի կողմից անխուսափելիորեն կհարուցի միջազգային կոնֆլիկտ»¹¹⁷: Պանգերմանական մամուլը կատաղի կամպանիա ծավալեց Իրանում անգլո-ռուսական բաղաբանության դեմ, միաժամանակ հորդորելով Գերմանիայի արտաքին գործերի մինիստրությանը ավելի եռանդուն բաղաբանություն վարել Իրանում, շեշտելով, որ Գերմանիան չափազանց շահագրգռված է այդ երկրի ճակատագրով¹¹⁸:

¹¹⁵ М. С. Иванов, Иранская революция 1905—1911 гг., стр. 370.

¹¹⁶ Տե՛ս Միլլերի 1909 թ. ապրիլի 26-ի թվակիր հեռագիրը. А. К. Фукс, Եզդ. աշխ., էջ 126:

¹¹⁷ «Тифлиеский листок», 1909, 17 июня.

¹¹⁸ «Тифлиеский листок», 1910, 12 октября.

Թուրքական և գերմանական կառավարությունները որոշեցին մշակել համատեղ գործողությունների ծրագիր: Այդ նպատակով 1909 թ. մայիսի 30-ին Բ. Գուրբ գիմեց Բեռլինի կաբինետին, առաջարկելով հանձնարարել Թեհրանում իր ներկայացուցչին թուրքական գործերի հավատարմատարի հետ քննարկել Իրանում ստեղծված դրությունը պարզելու համար, թե ապագայում երկու կառավարությունները ինչպիսի քաղաքական գիծ են անցկացնելու այդ երկրում: Մի քանի օր անց Բեռլինում թուրքական դեսպան Օսման Նիզամի փաշան արդեն հաղորդում էր Բ. Գուանը, որ հեռագրով Թեհրանում գերմանական ներկայացուցչին են հաղորդվել իր ցանկությունը համապատասխան հրահանգներ¹¹⁹:

Թեև մեզ չհաջողվեց ձեռք բերել այդ հանդիպման արդյունքների մասին վկայող որևէ փաստաթուղթ, բայց կասկածից վեր է, որ որոշվելու էր ավելի ուժեղացնել թուրք-գերմանական համագործակցությունը Իրանում անգլո-ուսական գիրքերի վրա գրոհելու համար: Դրա փայլուն վկայությունն է հանդիսանում Թուրքիայի և Գերմանիայի հետագա գործողությունները Իրանում:

Նախ այս երկու պետությունները կոոպերացնելով իրենց գործողությունները աշխատում էին օգտագործել Թավրիզի հեղափոխականների հակաուսական տրամադրությունները Ադրբեջանում Ռուսաստանի դեմ շարժում հրահրելու համար: Թավրիզում թուրքական գլխավոր հյուպատոսը իր գերմանական կոլեգայի՝ Շյունեմանի հետ բորբոքում էր տեղական բնակչությանը ոտանների դեմ, հայտարարելով, որ նրանք զավթողական նպատակներ են հետապնդում Ադրբեջանում, աշխատելով փոխհատուցում ստանալ Բոսնիայի և Հերցեգովինայի համար¹²⁰: Երիտթուրքական գործակալությունը Թավրիզում ազիտացիա էր մղում, որ «իրենք իրենց հայրենիքը դուրս են բերել ազատության ուղի առանց օտար միջամտության», խորհուրդ տալով նույն կերպ վարվել նաև Թավրիզում¹²¹:

¹¹⁹ АВПР, ф. «Канцелярия МИД», 1908, д. 39, л. 98; ЦГВИА, ф. 2000 с., оп. 1, д. 7696, л. 182.

¹²⁰ АВПР, ф. «Персидский стол», 1909, д. 924, лл. 113—114, 263.

¹²¹ նույն տեղում, թթ. 263—265:

Գերմանացիները և թուրքերը Ատրպատականում խաղում էին մեկ «Արևելքին ցույց տրվող գերմանական ավանդական հովանավորության», մեկ «մահմեդական միասնության» պանիսլամիստական գաղափարների վրա, որոնց ընդհանուր քաղաքական իմաստըն այն էր, որ անհրաժեշտ է միավորվել և պայքարել ուսանելի ու անզլիացիների դեմ: Երիտթուրքական ազդեցությունները ամենուրեք կոչ էին անում շիիթներին և սուննիթներին հիշել, որ նրանք «Հավատի եղբայրներ են, որ այսուհետև միշտ պետք է զործեն համատեղ, որովհետև ողջ մահմեդական աշխարհը պայքարում է ազատության համար, հետևաբար պետք է համարձակ դուրս գալ իսլամի և մահմեդականների բոլոր այն թշնամիների դեմ, որոնք կկանգնեն իրենց ճանապարհին»¹²²:

1909 թ. երիտթուրքական կառավարությունը առաջ քաշեց նաև, այսպես կոչված, միջազգային մահմեդական պառլամենտ ստեղծելու նախագիծը, որի տակ դարձյալ թաքնված էր թուրքիայի գերիշխանության տակ մահմեդականներին միավորելու նպատակը: «Հավատի միասնության» այդ կոչերը լայն արձագանք էին գտնում նաև իրանական պանիսլամիստների շրջանում: Մայրաքաղաքի և նահանգական քաղաքների մի շարք թերթերում սկսեցին տպագրվել մեծ քանակությամբ հոդվածներ երկու հարևան երկրների մահմեդական ժողովուրդների միավորման հնարավորության մասին: Ընդ որում, թուրքիայի հետ կապված «Մոզաֆֆերի» ամսագրի խմբագիր, իրանական պանիսլամիստական շրջաններում հայտնի գործիչ Միրզա-աղա-Շիրազին առաջ էր քաշում Մեքքայում միջազգային մահմեդական պառլամենտի հիմնադրման մի առաջարկ, որը ըստ նրա միավորելու էր Մերձավոր և Միջին Արևելքի բոլոր մահմեդականներին¹²³:

Երիտթուրքական ազդեցությունները աշխատում էին ցույց տալ, որ իրանական գործերը ընդհանրապես, և Ռուսաստանի կողմից Ադրբեյջանի օկուպացիան մասնավորապես, ունեն համամուսուլմանական նշանակություն¹²⁴: Թուրքիան և Գերմանիան ճարպկորեն

¹²² АВПР, ф. «Персидский стол», 1909, д. 661, л. 170.

¹²³ «Проект интернационального мусульманского парламента» («ИШК-ВО», № 25, Тифлис, 1909, стр. 92).

¹²⁴ АВПР, ф. «Канцелярия МИД», 1909, д. 35, л. 251.

օգտագործում էին նաև Քարբալայի և Նաջաֆի իրանական մուշ-տեհիզների հակառուսական տրամադրությունները, մինչև իսկ հոր-դորելով նրանց ռուսների դեմ հայտարարել «սրբազան պատերազմ» (ջիհադ) սկզբում Կովկասում և ապա Իրանում¹²⁵: Չարիքովը Ստամբուլից հաղորդում էր, որ իր տեղեկությունների համաձայն Քարբալայում և Նաջաֆում ակտիվ հակառուսական գործունեության էին լծվել այնպիսի ազդեցիկ շիիթական մուշտեհիզներ, ինչպիսիք են Քյադիմ-Խորասանին, Արզուլա-Մազանդերանին և Շարիաթ-Խորասանին, որոնց կողմից Ռուսաստանի դեմ ուղղված ջիհադի կոչերը լայնորեն տարածվում են թուրքական ուլեմաների կողմից¹²⁶: Երիտթուրքերը մեծ բանակությամբ էմիսարներ սկսեցին ուղարկել նաև Կովկաս՝ տեղի մահմեդական բնակչության շրջանում աղքատամբություն հրահրելու համար¹²⁷:

Թուրքական կառավարությունը աշխատում էր ռուսների դեմ պայքարի հանել ոչ միայն իրանական հեղափոխականներին և առհասարակ բոլոր հայրենասերներին, այլ պանիսլամիստներին, ֆանատիկ տրամադրություններ ունեցող կուլք ու խավար ամբոխին: Փորձ կատարվեց այդ նպատակի համար ներգրավել նույնիսկ իրեն՝ Իրանի շահնշահին և նրա կառավարությանը: Թեհրանում թուրքական գործերի հավատարմատար Սադրեդդին-բեյը այդ իմաստով հատուկ նոտա ներկայացրեց շահական արտաքին գործերի մինիստրին՝ «մահմեդական միասնության և հարևանության մասին», որտեղ բննադատվում էր նաև ցարական զենեքալ Մնարսկու գործելակերպը Իրանում¹²⁸:

Իրանական բանակի ռազմական մարտունակությունը բարձրացնելու անվան տակ Թեհրանում գերմանական գործերի հավատարմատար կոմս Կվադտը աշխատում էր համոզել շահին, որ նա հրավիրի գերմանացի ռազմական խորհրդականներ, որոնք ըստ նրա «ավելի էժան կնստեն պարսկական կառավարության վրա, բան չափազանց թանկ արժեցող կյախովները և Խաբանները»¹²⁹:

¹²⁵ ЦГИА Груз. ССР, ф. 521, оп. 2, д. 511, лл. 21—23 об.

¹²⁶ ЦГВИА, ф. 2000 с., оп. 1, д. 7696, л. 207.

¹²⁷ АВПР, ф. «Канцелярия МИД», 1909, д. 35, л. 253 об.

¹²⁸ АВПР, ф. «Персидский стол», 1909, д. 924, лл. 114 об, 266.

¹²⁹ Նույն տեղում, Բ. 268:

Սարգիսը հաղորդում էր, որ «պատրաստվում են Թեհրան ժամանել մի քանի գերմանական հրահանգիչներ, այդ թվում նաև Թուրքական բանակի նախկին գերմանական հրահանգիչներ, որոնք այժմ մեկնում են Ստամբուլից»¹³⁰: Այս կապակցությամբ Թեհրանում ուսուցական ղեկավարողը նախազգուշացնում էր Իզվլուսկուն, որ «անհրաժեշտ է լրջորեն հաշվի նստել գերմանա-թուրքական դավերի հետ»¹³¹:

Թուրք-գերմանական գործակալությունը սկսեց ամենուրեք լուրեր տարածել, որ չհանդուրժելով Ադրբեջանի օկուպացումը ուսուցների կողմից, Թուրքական կառավարությունը մտադիր է դիմել վճռական գործողությունների: Խոյում Թուրքական հյուպատոս Հյուսեին Խամի բեյը ամեն առիթով հայտարարում էր, որ եթե ուսուցները շուտափույթ իրենց զորքերը դուրս չբերեն Ադրբեջանից, իր կառավարությունը սահմանամերձ շրջանները կուղարկի մի ամբողջ բանակ¹³²: Իսկ վանի զորամասերի սպանների մեջ խոսակցություն էր գնում այն մասին, որ եթե Ռուսաստանը փորձի գրավել Ադրբեջանը, ապա նա գործ կունենա Թուրքիայի հետ¹³³:

Երիտթուրքական կառավարությանը լուրջ մտահոգություն էին պատճառում այն կասկածները, որ Ռուսաստանը պատրաստվում է անեքսիայի ենթարկել Իրանական Ադրբեջանը և այն միացնել Կովկասյան Ադրբեջանի հետ: Այդ պատճառով 1909 թ. ամռանը Թուրքիան կրկին ակտիվորեն սկսեց պրոպագանդել Իրանական Ադրբեջանի ինքնավարության գաղափարը, շեշտը դնելով զլխավորապես այն բանի վրա, որ տեղի ժողովուրդները ծագումով Թուրքեր են և պետք է լինեն Թուրքիայի հետ: Այդ քարոզը, որն ուղեկցվում էր հեղափոխական լոզունգներով, մեծ արձագանք էր զբաղում նահանգում: Ավելին, Ադրբեջանի հեղափոխական գործիչների մի մասը ուսուցական զորքերի կողմից նահանգի օկուպացումը համարելով «հեղափոխության վախճան» և ընկնելով հուսահատության գիրկը ենթադրում էր, որ Ռուսաստանին երկրամասից դուրս

¹³⁰ АВІР, ф. «Персидский стол», 1910, д. 666, лл. 26 об.—27.

¹³¹ АВІР, ф. «Персидский стол», 1909, д. 924, л. 265.

¹³² АВІР, ф. «Персидский стол», 1909, д. 661, л. 148.

¹³³ ЦГВИА, ф. 2000, д. 1002, л. 229.

բշխու համար գոյութուն ունի միայն մեկ ելք, այն է հենվել Իրանական Ադրբեջանում նրա հակառակորդների և մրցակիցների՝ այսինքն Թուրքիայի և Գերմանիայի վրա: Առաջնորդվելով նշված տեսակետներով, Ադրբեջանի նահանգական էնջումենը 1909 թ. ամռանը առաջարկեց մի նախագիծ, ըստ որի Ադրբեջանը պետք է վերածվեր Իրանի «արտոնյալ նահանգի» երիտթուրքական կառավարության հովանավորության ներքո¹³⁴: Մի շարք քաղաքականապես կարճատես հեղափոխականներ նույնիսկ հույս ունեին, որ Թուրքիայի օգնությամբ իրանական ժողովրդին կհաջողվի ոչ միայն երկրում սահմանել սահմանադրական կարգեր, այլև ապագայում Իրանին վերադարձնել Անգրկովկասի այն տերիտորիաները, որոնք նախկինում պատկանել են նրան¹³⁵:

Թուրքական կառավարությունը բացահայտ հասկացնում էր Անգլիային և Ռուսաստանին, որ Իրանում ինքը պահանջում է նրանց հետ «հավասար իրավունքներ»: Այլ կերպ ասած, հարց էր դրվում Իրանի բաժանման գործում մասնակից դարձնել նաև Թուրքիային: Այս իսկ տեսակետից հատկանշական է Թավրիզում թուրքական գլխավոր հյուպատոս Մեհմեդ Ալի բեյի հայտարարությունը «РУССКОЕ СЛОВО» թերթի թղթակցին: Նրա կարծիքով Սաթթար խանի բեստը Թավրիզի թուրքական հյուպատոսությունում (ուսական զորքերի մուտք գործելուց հետո Թավրիզ—Վ. Բ.) ապացուցում է, թե «ինչպիսի քաղաքական սխալ է թույլ տրվել Ռուսաստանի և Անգլիայի կողմից, Թուրքիային շնորհրավելով Պարսկաստանի մասին իրենց համաձայնագրի մեջ»¹³⁶:

Մեկնարանելով Մեհմեդ Ալի բեյի հայտարարությունը, Թեհրանում ուսական ղեկավարող Սաբլինը գրում էր Իզվեցիկուն. «Երբ տարի առաջ գերմանացիները քաղաքական սխալ էին համարում իրենց շքնորդները Մարոկկոյի վերաբերյալ Անգլիայի և Ֆրանսիայի համաձայնության մեջ: Այդ պատճառով ես սխալված չեմ լինի, եթե ենթադրեմ, որ թուրքական գլխավոր հյուպատոսի կող-

134 АВПР, ф. «Персидский стол», 1909, д. 540, л. 53.

135 АВПР, ф. «Персидский стол», 1910, д. 666, лл. 26—27.

136 АВПР, ф. «Персидский стол», д. 924, л. 266.

մից մեր թղթակցին արած հայտարարության վրա ինչ-որ աննկատելի տեղում դրված է «Made in Germany» գրոշմը»¹³⁷։

Այդ կապակցությամբ Զինավեճին ուղղված իր 1909 թ. հունիսի 11-ի հեռագրում Իզվոլսկին գրում էր, որ կառավարությունը լրջորեն անհանգստացած է Թավրիզի ղեպքերով և գտնում է, որ «անհրաժեշտ է վերջ տալ թուրքական դիվանագիտության աչքօրինակ գործունեությանը»։ Մինիստրը խնդրում էր դեսպանից ևուանդուն առաջադրություն կատարել Բ. Դուան առջև¹³⁸։ Իսկ մինիստրների խորհրդի նախագահ Ստոլիպինը Կովկասի փոխարքային ուղղված 1909 թ. մայիսի 26-ի գաղտնագրված հեռագրում հայտնում էր, որ Թավրիզում թուրքական հյուպատոսական ներկայացուցչի ակտիվ ելույթը պատճառ է հանդիսացել հրավիրելու մինիստրների խորհրդի արտակարգ խորհրդակցություն, որտեղ որոշվել է, որ Թուրքիայի ակտիվ գործունեությունը Ադրբեջանում միանգամայն անցանկալի ու վտանգավոր է Ռուսաստանի համար։ Հեռագրում այնուհետև Ստոլիպինը ցուցում էր տալիս Վորոնցով-Գաշկովին, որ անհրաժեշտ է խափանել թուրքական ներկայացուցչի կապը Թավրիզի հեղափոխության առաջնորդներ Սաթթար խանի և Բադիր խանի հետ, մանավանդ թույլ չտալ, որ նրանք բնատ նստեն թուրքական հյուպատոսությունում¹³⁹։

Ստամբուլում Զինավեճը անմիջապես դեմարշ կատարեց Բ. Դուան առջև։ Մեծ վեզիրի և արտաքին գործերի մինիստրի հետ բացարժեք ժամանակ նա կտրուկ պահանջեց, որ թուրքական կառավարությունը վերջ տա ինչպես Թավրիզի իր գլխավոր հյուպա-

¹³⁷ Նույն տեղում, թթ. 267—268։

¹³⁸ АВПР, ф. «Канцелярия МИД», 1909 г., д. 37, лл. 18—19.

¹³⁹ ЦГИА Груз. ССР, ф. 15, д. 198, л. 16. (Վախենալով սուաների կողմից ձերբակալումից, Սաթթար խանը և Բադիր խանը դիմեցին անգլիական հյուպատոսությանը, խնդրելով ապաստան։ Սակայն անգլիական հյուպատոսության ղոնները փակվեցին նրանց առջև։ Դրանից հետո միայն, մայիսի 16(29)-ին նրանք բնատ նստեցին թուրքական հյուպատոսությունում, որտեղից սակայն շատ շուտով դուրս եկան, զգալով, որ Թուրքիան աշխատում է իրենց ներկայությունը հյուպատոսությունում ծառայեցնել իր քաղաքական շահերի օգտին։ SLՆ ЦГВИА, ф. 2000 с. on. 1, д. 7696, л. 178; „The Times“ 1909 թ., 30 մայիսի)։

տութի, այնպես էլ Քեհերանում թուրքական գործերի հավատարմատարի «այդօրինակ գործելակերպին»:

Թուրքական ղեկավարները, ինչպես միշտ, այս անգամ ևս գերադասեցին հակատամարտ շտաբ Ռուսաստանի դիվանագիտական ելույթին և ձևացրին, թե իրենք ոչ մի տեղեկություն չունեն Իրանում տեղի ունեցող այդ «դեպքերի» մասին: Ռիֆաաթ փաշան հանգրստացրեց Զինովևին, որ արդեն մի քանի օր առաջ կարգադրված է գլխավոր հյուպատոսին «ճշտակատարությամբ ձեռնպահ մնալ պարսկական խռովություններին միջամտելուց»: Դրան նա ավելացրեց, որ շուտով Քավրիզի գլխավոր հյուպատոսը կփոխարինվի ուրիշ անձով: Սակայն գրույցի ընթացքում, այնուամենայնիվ, Ռիֆաաթ փաշան խայթելով նշեց, որ իրեն բնավ հայտնի չէր, որ ռուսական հպատակները քաղաքական ապաստան են փնտրում Քավրիզի թուրքական հյուպատոսությունում¹⁴⁰: Դրանով իսկ նա անշուշտ ցանկանում էր շեշտել, որ Թուրքիայի հեղինակության մեծացումը Իրանական Ազրբեջանում հետևանք է Ռուսաստանի «գործելակերպի»:

Շուտով Ռուսաստանի քաղաքական շրջաններում հայտնի դարձավ, որ երիտթուրքական կոմիտեն որոշել է Ստամբուլ հրավիրել Քավրիզի հեղափոխության առաջնորդներին, նրանց միջոցով Իրանական Ազրբեջանում հակառուսական շարժումն ուժեղացնելու նպատակով: 1909 թ. հուլիսին Քավրիզ ժամանեց Բաթումում թուրքական փոխ-հյուպատոս Ռեմզի բեյը, որին հանձնարարված էր համոզել գեթ Սաթթար խանին մեկնել Ստամբուլ¹⁴¹: Պարսկական կառավարությունը, որին միանգամայն ձեռնտու էր Սաթթարի թեկուղ և ժամանակավոր հեռացումը Ազրբեջանից, արգելքներ հարուցեց Թուրքիայի վերահիշյալ նպատակի դեմ: Այդ առթիվ Իզվոլսկին հեռագրում էր վերոնցով-Դաշկովին, որ շուտով Կովկասի վրայով Թուրքիա է մեկնելու Քավրիզում գլխավոր հյուպատոս Մեհմեդ Ալի բեյը: Նրա հետ պատրաստվում են մեկնել նաև Ազրբեջանի հեղափոխական առաջնորդներ Սաթթարն ու Բադիրը, որոնց առջև շվեդը է հարուցել որևէ արգելքներ¹⁴²:

¹⁴⁰ ЦГВИА, ф. 2000 с., оп. 1, д. 7696, л. 193.

¹⁴¹ АВПР, ф. «Персидский стол», 1909, д. 540, л. 78.

¹⁴² ЦГИА Груз. ССР, ф. 15, д. 170, л. 88.

Սակայն Ստամբուլի համար միանգամայն անսպասելի պարզվեց, որ Սաթթար խանը և Բաղիր խանը կտրուկ հրաժարվում են մեկնել Թուրքիա: Թեև Թեհրանում գերմանական և իտալական զեսպանությունների ներկայացուցիչները ևս փորձեցին համոզել նրանց, որ իրանական հեղափոխության շահերը պահանջում են համադրժակեցել երիտթուրքերի հետ¹⁴³, սակայն այդ փորձերը ևս ձախողվեցին:

Ինչպես երևում է, Թավրիզի թուրքական հյուպատոսությունում հեղափոխականների բևտը այն խաբուսիկ պատրանքն էր ստեղծել թուրքական զիվանագետների մոտ, որ այսուհետև այլ ելք չունենալով, հեղափոխության առաջնորդները ապավինելու են իրենց: Մինչդեռ Սաթթար խանը, Բաղիր խանը և նրանց զինակիցները թուրքական հյուպատոսությունից ապաստան խնդրեցին միայն այն պատճառով, որպեսզի հնարավորություն ունենան շարունակել հեղափոխական ազիտացիան ցարիզմի կողմից Ազրբեջանի օկուպացման դեմ, մանավանդ որ թուրքական հյուպատոսությունը դրա համար պատրաստ էր ստեղծելու բոլոր հնարավորությունները: Հեռեւորար միանգամայն ակնհայտ դարձավ, որ հեղափոխությանը անձնվիրորեն նվիրված մարտիկները չեն ցանկանում գործիք դառնալ երիտթուրքական կառավարությանը:

Թավրիզում իր զիվանագիտության ձախողումից հետո Ստամբուլը որոշեց ակտիվացնել զավթումների քաղաքականության զիծր Հյուսիսարևմտյան Իրանում: Թուրքական մամուլը հասկացնում էր Ռուսաստանին, որ Բ. Գուռը որոշել է իր զորքերը դուրս չբերել իրանական տերիտորիայից, մինչև որ վերջին ռուսական զինվորը չհեռանա այնտեղից: Ազրբեջանում ռուսական աճող ակտիվությանը զիմազորավելու և Ռուսաստանի համար թուրքական սպառնալիքը ուժեղացնելու նպատակով գերմանական զիվանագիտությունը իր հերթին ճնշում էր գործադրում թուրքական կառավարության վրա, որպեսզի վերջինս զորքերի նոր համալրումներ ուղարկի Իրան և կրկնապատկի Կովկասի դեմ կանգնած շորթոթ կուրդուսի կազմը: Այդ առթիվ 1909 թ. մայիսի 15-ի № 89 զազանի հաղորդագրության մեջ Զինուվեր գրում էր. «...գերմանական կառա-

¹⁴³ «Тифлисский листок», 1910, 5 августа.

վարույթունը արդեն բանիցս Բ. Դոան ուշագրույթունը հրավիրում է թուրքական 4-րդ կորպուսում բարեփոխութուններ կատարելու անհրաժեշտության վրա՝ այն կրկնապատկելու իմաստով: Ինչպես երևում է Բեռլինում թուրքական ղեսպանի մայիսի 12-ի իմ ձեռք բերած գաղտնի հեռագրից, գերմանական արտաքին գործերի պետական քարտուղարը Օսման Նիզամի փաշայից ցանկացել է իմանալ, ինչ թուրքական կառավարությունը մտազի՞ր է արդյոք հետևել Գերմանիայի խորհուրդներին: Թուրքական ղեսպանին հանձնարարված է եղել հաղորդել Բեռլինի կաբինետին, որ օսմանյան կառավարությունը չի հապաղի զբաղվել հիշյալ հարցի քննարկմամբ, և, որ ընդհատված բանակցութունները կվերսկսվին, հենց որ թուրքական ղեսպանության մայոր էնվեր բեյը, որը ներկայումս գտնվում է Կ. Պոլսում, վերադառնա Բեռլին»¹⁴⁴:

1909 թ. հունիսի 3-ի թվակիր գաղտնի հեռագրով Զինովկը հաղորդում էր այդ բանակցութունների արդյունքների մասին: Նա հայտնում էր, որ Բեռլինում թուրքական ղեսպան Օսման Նիզամի փաշան մայիսի 27-ի հեռագրով տեղեկացրել է Բ. Դոանը, որ գերմանական արտաքին գործերի պետական քարտուղար Ֆոն Եյսնը արել է հետևյալ հայտարարությունը. «Թուրքական զորքերը, որոնք ուղարկվել են Ուրմիա այնտեղ կարգը պահպանելու և, իմիջիպալոց, գերմանական հպատակների անվտանգութունը ապահովելու համար, շահազանց բիշ են: Պարսկական բնակչությունը, որ ծայրահեղ վրդովված է Պարսկաստանի տերիտորիան ուսական ջոկատի մուտք գործելու պատճառով, համառորեն պահանջում է Ուրմիայի շրջանը գրավել թուրքական գումարտակների ավելի նշանակալից թվով և, որ գերմանական կառավարությունը նախկինի պես խորհուրդ է ապրիս Բ. Դոանը անհապաղ ձեռնարկել համապատասխան միջոցառումներ»: Զինովկը նշում էր, որ թուրքական ղեսպանին արդեն հանձնարարված է հայտարարել Ֆոն Եյսնին, որ կառավարությունը առաջադրել է ուղիմական միջխտորին մոտակա վայրերից Ուրմիա ուղարկել թուրքական ևս երկու լրացուցիչ գումարտակ¹⁴⁵:

¹⁴⁴ ЦГИА Груз. ССР, ф. 15, д. 187, л. 35.

¹⁴⁵ АВІР, ф. «Канцелярия МИД», 1909, д. 39, л. 98; ЦГВИА, ф. 2000 с., оп. 1, д. 7696, лл. 182—183.

Միաժամանակ Բեռլինը հանձնարարեց Պետերբուրգում իր դեսպանին նույն բաղադրում թուրքական զիվանագիտական ներկայացուցչի ուշադրությունը հրավիրել այն բանի վրա, որ Հյուսիսային Իրանի օկուպացիան ուսական զորքերի կողմից, սարսափելի հեռանդներ կարող է ունենալ թուրքիայի համար: Հետևաբար թուրքական կառավարությանը անհրաժեշտ է լրջորեն վերաբերվել Իրանում ծավալվող իրադարձություններին: Իսկ Ստամբուլում զերմանական դեսպանը կարգադրություն էր ստացել Բեռլինից ներշնչել Բ. Գուանը, որ Իրանի գործերին Ռուսաստանի միջամտության պատճառով թուրքական կառավարությանը անհրաժեշտ է զիմել ավելի եռանդուն միջոցառումների՝ հանուն Իրանում իր շահերի պաշտպանության¹⁴⁶:

Իրանում թուրքիայի բաղադրականության ակտիվացման վերաբերյալ Անգլիայի տրամադրությունները ևս շոշափելու նպատակով Բ. Գուանը 1909 թ. մայիսին բանակցությունների մեջ մտադրբիտանական կառավարության հետ: Լոնդոնում թուրքական գործերի հավատարմատարին հանձնարարվեց պարզել, թե որքանով է իրական թուրքական կառավարությանը հասած այն լուրը, որ Ռուսաստանի կողմից Իրանում ձեռնարկված ռազմական միջոցառումները անհանգստացնում են անգլիական կառավարությանը և որ վերջինս համակրանքով կվերաբերվեր թուրքիայի միջամտությանը, որը կարող էր ծառայել որպես հակակշիռ Իրանական Աղբյուրներից հանում Ռուսաստանի աճող ազդեցությանը: Թուրքական գործերի հավատարմատարի 1909 թ. մայիսի 30-ի պատասխան հեռագրում հայտնվում էր, որ անգլիական արտաքին գործերի պետական բարտուղարի օգնականը հայտարարել է իրեն, որ անգլիական կառավարությունը պատճառներ չի տեսնում Ռուսաստանի կողմից Պարսկաստանում ձեռնարկված ռազմական միջոցառումների առթիվ անհանգստանալու համար, քանի ղեռ այդ միջոցառումները կրում են ժամանակավոր բնույթ: Ե... Որ ներկա մոմենտին Լոնդոնի կարիները աշխատում է իր համար պարզել գործերի իրական վիճակը, և վերջին ժամանակներս թեև նա մի բանի անգամ մտադիր է

¹⁴⁶ ЦГВИА, ф. 2000 с. оп. 1, д. 7696, л. 183.

Եղել խորհուրդ տալ Բ. Գոանը անտարբերությամբ չվերաբերվել Պարսկաստանի վիճակին, բայց չի արել այդ բացառապես այն պատճառով, որ երկյուղ է կրել, թե տեղական թուրքական իշխանությունները անընդունակ կդռնվեն ինչպես քաղաքական, այնպես էլ ռազմական միջոցառումների բնագավառում գործը առաջ տանել նրբանկատորեն»։ Չորին Օֆիսի ղեկավարի օգնականը այս բուրբին ավելացնում էր, որ «ներկա հանգամանքներում Մեծ Բրիտանիայի կառավարությունը հնարավոր չի համարում Բ. Գոանը խոստանալ իր օգնությունը այն դեպքի համար, եթե նրա միջամտությունը Պարսկաստանի գործերին առաջ բերի բարդություններ Քուրբիայի և Ռուսաստանի միջև»¹⁴⁷։

Անգլիական արտաքին գործերի մինիստրության ներկայացուցչի այս պատասխանը Բ. Գոան կողմից ընկալվեց իր իսկական իմաստով, այն է՝ բրիտանական կառավարությունը ոչ միայն համաձայն է Իրանում Քուրբիայի ակտիվ քաղաքականության կուրսի ընդլայնմանը, այլև ուղղակի կոչ է անում արագացնել դրա իրագործումը, եթե այն ուղղված է բացառապես Ռուսաստանի դեմ։ Սա անշուշտ թեկավորելու էր թուրքական կառավարությանը։ Վերոհիշյալ հեռագիրը ստանալու հաջորդ օրը, մայիսի 31-ին, Ռիֆամթ փաշան անմիջապես հեռագրեց Լոնդոն, որտեղ անգլիական կառավարությունից ներողություն խնդրելով, որ իր կառավարությունը ի վիճակի չէ անմիջապես լայն գործողություններ ծավալել Իրանում, բացատրում էր դրա պատճառները. «Վերջին ժամանակներս թուրքական կառավարությունը որոշել էր ավելի եռանդուն դիրք գրավել Պարսկաստանի նկատմամբ և հանձնարարել էր 4-րդ կորպուսի հրամանատարին Ուրմիայի շրջան ուղարկել բավարար քանակությամբ զորքեր։ Սակայն, ինչպես հազորդում է հիշյալ հրամանատարը ռազմական մինիստրությանը, հնարավոր չեղավ մերիկիզացնել այն հետևակային դունդը, որը ենթադրվում էր ուղարկել Ուրմիա. մշուս կողմից գործերի վիճակը հայկական բնակչությունն անցող կենտրոններում թույլ չի տալիս թուլացնել Մուշում, Բիթ-

¹⁴⁷ АВПР, ф. «Канцелярия МИД», 1909, л. 39, лл. 98—98 об.

լիսում և Վանում տեղավորված զորքերին¹⁴⁸: Այդ պատճառով ներկայումս որոշված է Ուրմիա ուղարկել միայն երկրորդ կորպուսի երկու զումարտակ»¹⁴⁹: Այնուհետև արտաքին գործերի մինիստրը հեռագրով կարգադրում էր Լոնդոնում իր ներկայացուցչին. «Հազարեցեք այս բոլոր մանրամասնությունները բրիտանական կառավարությանը և հենվելով Ձեր խոսակցության վրա անզլիական պետական բարտուղարի օգնականի հետ, պարզորոշ հասկացրեք նրան, որ պարսկական հարցում Բ. Գուռը ցանկանում է իր գործելակերպը համապատասխանեցնել Անգլիայի հայացքների հետ»¹⁵⁰:

Յարական զիվանագետները Անգլիայի դաշնակցային անաղնիվ այս վարքագծի մասին բերում էին նաև այլ փաստարկներ: Նրանք, օրինակ, գտնում էին, որ Բուշիրից անգլիական օկուպացիոն զորքերի հապճեպ դուրս բերումը տարօրինակ ձևով համընկավ ռուսական զորքերի Քավրիզ մուտք գործելու հետ, որի հետևանքով «պարսիկների» վայրույթը ուղղվեց բացառապես Ռուսաստանի դեմ»: Նրանց տրամադրության տակ հավաստի աղբյուրներից բաղված տեղեկություններ կային նաև այն մասին, որ Քարբայլում անգլիական հյուպատոսը տեղի իրանական բարձր հոգևորականությունը զրգոում է ռուսների դեմ¹⁵¹: Սա ևս ավելորդ անգամ վկայում էր այն մասին, որ Մեծ Բրիտանիան ոչ միայն հարվածի տակ էր գնում Ռուսաստանին, այլև ակտիվորեն նախապատրաստում էր այդ հարվածը: Անգլիական կառավարող շրջանները թեև շահագրգռված էին ռուսական զորքերի կողմից Հյուսիս-

¹⁴⁸ Քուրթական կառավարությունը աշխատում էր անգլիացիներից վարձել այն փաստը, որ շորթորդ բանակային կորպուսում տեղի էին ունենում զինվորական հուզումներ, որը հնարավորություն չէր տալիս զորքերի խոշոր համարումներ ուղարկել Իրան: Տես Քուրթական արտաքին գործերի մինիստրի մայիսի 26-ի (հունիսի 8-ի) հեռագիրը Օսման նիզամի փաշային և էրզրումում գլխավոր հյուպատոս Ակրյարինի մայիսի 1-ի հաղորդագրությունը: ЦГВИА, ф. 2000 с. оп. 1, д. 7696, лл. 183 об.—184.

¹⁴⁹ АВПР, ф. «Канцелярия МИД», 1909, д. 39, лл. 98 об.—99; ЦГВИА, ф. 2000 с. оп. 1, д. 7696, лл. 182 об.—183.

¹⁵⁰ Նույն տեղում:

¹⁵¹ АВПР, ф. «Канцелярия МИД», 1909, д. 39, лл. 251—251 об.

այսին Իրանում հեղափոխական շարժումը ճնշելու մեջ, բայց և վախենում էին, որ Ռուսաստանը այլևս դուրս չի գա իր օկուպացրած տերիտորիաներից և հավանական է, որ անկախության կնիքակիր Էջմանական Ազդերեզանը: Լոնդոնի կաբինետի կարծիքով Ռուսաստանի այդ մտադրությունը խափանելու գործում լավագույն ծառայություն կարող էր մատուցել Քուրբիան: Կառավարական շրջանների հետ սերտորեն կապված անգլիական «Գեյլի նյուս» լրագիրը, օրինակ, գրում էր, որ «Ռուսաստանի կողմից Իրանական Ազդերեզանի գրավումը այն հետևանքը կունենա, որ թուրքերը զորքեր կուղարկեն Քավրիզ: Այդ պատճառով Անգլիան,— կըրտկացնում էր հողվածագիրը,— պետք է խորհուրդ տա Ռուսաստանին շխառնվել իրանական գործերին»¹⁵²:

Համոզվելով, որ իրանական գոշծերում իր ակտիվ բաղաբաղանությունը ոչ միայն չի հանդիպի անգլիական դիմադրությունը, այլ ավելին, կարժանանա բրիտանական կառավարության խրախուսանքին, Ստամբուլը որոշեց գործել ավելի վճռական: Ուրմիայի նահանգն ուղարկված վերոհիշյալ երկու գումարտակներից բացի 1909 թ. հունիսին այնտեղ ուղարկվեցին լրացուցիչ զորքեր: Իրանական տերիտորիա զորքեր մտցնելու համար թուրքական կառավարությունը լայնորեն օգտագործում էր նաև հյուսպատոսական պահակախմբերի ուժեղացման պատրվակը¹⁵³: Ընդ որում, հատուկ շեշտովում էր, որ այդ ջոկատների վրա խնդիր է դրված նաև թուրքահայատակ սուննիթ ղյուղացիներին (խոսքը «ղեհալեթ» տված անձանց մասին է—Վ. Բ.) պաշտպանել ֆիզալիներից և անիշխանության հետևանքով ստեղծված անապահով վիճակից¹⁵⁴:

Սակայն դավթումներ կատարելիս նախկինի պես հիմնական շեշտը դրվում էր իրանական բրդերի վրա: Երիթթուրքական կառավարությունը իր էմիսարների միջոցով բուռն ապիտացիա ծավալեց նրանց շրջանում աշխատելով համոզել բրդական ավազանուն, որ հեղափոխության հետևանքով թուլացած Իրանը այլևս ի վիճակի

¹⁵² «Մշակ», 10 ապրիլի 1909 թ.:

¹⁵³ АВПР, ф. «Персидский стол», 1909, д. 540, лл. 84—85.

¹⁵⁴ АВПР, ф. «Канцелярия МИД», 1909, д. 35, л. 271; ЦГИА Груз. ССР, ф. 15, д. 170, л. 63.

չէ պահելու Քրդատանը, որը անխուսափելիորեն անցնելու է Քուր-
քիային¹⁵⁵: Երիտթուրքերը հույս ունեին իրանական բրզների օգնու-
թյամբ ոչ միայն իրագործել Օսմանյան կայսրության գերիշխանու-
թյան տակ ողջ Քրդատանի միավորման զաղափարը, այլև Իրանա-
կան Ադրբեջանը յուրացնելու ծրագիրը¹⁵⁶:

Քուրքերի օգտին գործող բրզական բեկերի ու աղալարները
ջոկատները Ուրմիայի, Սալմաստի և այլ շրջանների առևտրա-
անտեսական կյանքը անդամալուծելու և այդ շրջանների հետ ուու-
սական առևտուրը կասեցնելու նպատակով անողբամ կողոպուտի
էին ենթարկում առևտրական բարավանները, և հաբեկում շրջակա
բնակչությանը և այլն: Հատկապես աչքի ընկավ շեքքաթ ցեղի
առաջնորդներից Օմեր աղան, որը իր վարքագիծը արդարացում
էր նրանով, որ «Պարսկաստանը միանգամայն մեռած երկիր է, որը
այլևս երբևր ի վիճակի չի լինելու պաշտպանվել որեէ մեկից: Մինչ-
դեռ թուրքերը կանգնած են այն շրջաններում, որտեղ գտնվում են
իր կալվածքները և հրամայում են իրեն գործել պարսիկների
դեմ»¹⁵⁷:

1909 թ. մայիսին թուրքական օկուպացիոն իշխանությունների
հրահանգով իրանական մամաշ և մանգուր ցեղերից բաղկացա-
ավելի բան երկու հազար բրզական հեծյալներ Համդե-Սուլեյմանի
և Բաշազիդ աղայի գլխավորությամբ ներխուժեցին Սոուջբուլաղի
շրջանը, նպատակ ունենալով զրավել Սոուջբուլաղի և Մարաղայի
միջև ընկած ողջ անրիտարիան մինչև Միանդոար, իսկ հաջողության
գեպքում փորձել զավթել նաև Ուրմիան¹⁵⁸: Մայիսի 15-ին Կովկասի
փոխարքային գրած հաղորդագրությունում փոխ-հյուպատոս Միլ-
լերը նախադրուշացնում էր, որ Ուրմիայի վրա կախված է մեծա-
գույն սպառնալիք, որ բրզերի հետ համատեղ ծպտված գործում են
նաև բազմաթիվ թուրքական գինվորներ¹⁵⁹:

¹⁵⁵ Д. М. Беляев, *Истор. зап.*, т. 11:

¹⁵⁶ АВПР, ф. «Посольство в Константинополе, 1910, д. 1599, лл. 109—
110.

¹⁵⁷ АВПР, ф. «Персидский стол», 1909, д. 661, лл. 19—20.

¹⁵⁸ ЦГИА Груз. ССР, ф. 15, д. 170, лл. 47—47 об.

¹⁵⁹ АВПР, ф. «Канцелярия МИД», 1909, д. 177, лл. 44, 59.

Իսկապես, կարձ ժամանակամիջոցում բրդական ջոկատների օգնությունը թուրքական զորքերին հաջողվեց գրավել Միանդոսը, Սուլդուղի շրջանի դեռևս չգրավված կեսը, Խոյը, Գիլմանը, Կուշչին և մի շարք այլ տեղիտորիաներ և ընդհուպ մոտենալ Ուրմիալին: Ընդհանուր է, Մարաղայի նահանգապետ Շոջա-էդ-Գոուլեի զինված հակահարվածի հետևանքով թուրք-բրդական ջոկատները ստիպված էին հեռանալ Միանդոսից ու Սուլջբուլաղից¹⁶⁰ և թուրքերին շահազուրկեց հաստատվել Մուրրի Քրդստանում, սակայն դրանից հետո նրանք կրկնապատակեցին իրենց ակտիվությունը Ուրմիալի ուղղությամբ: Այն զավթելու գործը հեշտացնելու նպատակով թուրքական հրամանատարությունը ուժեղացրեց թուրքոֆիլական ագիտացիան և անկարգությունների հրահրումը Ուրմիալում և նրա շրջակայքում¹⁶¹: Քրդական ջոկատներին հրահանգված էր ահաբեկել, անխրնա կողոպտել ու ավերել Քրդստանի և Ատրպատականի «անհնազանդ» բնակչությունը: Սուլջբուլաղի նահանգապետ Իմամ Դուլի միրզան և Ատրպատականի հայկական գաղութի եկեղեցական ներկայացուցիչները թախանձազին զինուժներ էին կատարում ուսասական իշխանություններին, խնդրելով պաշտպանել տեղական բրիտանյա և մահմեդական բնակչությանը կոտորածից¹⁶²: Հազորդելով այն մասին, որ բրդական ֆեոդալները հատուկ նախանձախրնդություններ ու եռանդով կողոպտաի ու հալածանքների են ենթարկում հայ աղգաբնակչությանը Միլլերը գրում էր. «Հայերը Պարսկական Ազրբեջանում չեն թաքցնում իրենց ուսուֆիլությունը և այն հույսը, որ Ռուսաստանը վերջ է վերջն կմիջամտի պարսկական զորքերին»¹⁶³:

Օգտվելով այս ահաբեկումների հետևանքով Ուրմիալի շրջանի բնակչության ընդհանուր ընկճված տրամադրությունից, թուրքական իշխանությունները մասսայաբար սկսեցին հավաքել դեհալեթներ, վաճառել անձնագրեր, զրոշներ և թուրքական պետականություն այլ ատրիբուտներ: Այն վայրերում, որտեղ բնակչությունը

¹⁶⁰ Նույն տեղում, թ. 44—45, 59—60:

¹⁶¹ ЦГИА Груз. ССР, ф. 15, д. 170, лл. 62 об.—63.

¹⁶² Նույն տեղում, թ. 48:

¹⁶³ АВПР, ф. «Персидский стол», 1909, д. 611, л. 12.

հրաժարվում էր ընդունել Թուրքական հպատակություն, անմիջապես հայտնվում էին բրդական և Թուրքական զինված ջակատները և զործադրում բռնություններ¹⁶⁴։

Այս տեսակետից իր «ձեռնարկներում» հատկապես աչքի էր ընկնում Բարանզուլի բինբաշի Սուլեյման վեհբի բեյը, որը Կերբի ցեղի առաջնորդ Քերիմ խանի հետ սարսափելի շարժերի ու ավերածությունների միջոցով հավարապրում էր «Թուրքահպատակներ»¹⁶⁵։ Այդ ուղղությամբ Թուրքերին մեծագույն ծառայություններ էր մատուցում նաև սմն Պիտեր էլլու, որի մոլի անցյալի մասին Իրանական Քրդստանում շրջում էին զանազան լեգենդներ։

Բնականաբար, ոչ մի այլ ելք չունենալով գյուղացիները վերջի վերջո ստիպված ընդունում էին Թուրքական հպատակություն, որից հետո ասկյարները անմիջապես մուար էին զործում նրանց դյուղերը։ Ուրմիայի ռուսական փոխ-հյուպատոսը տաղնապով հաղորդում էր, որ Թուրքական իշխանություններին հաջողվել է զավթված շրջաններում ստեղծել Թուրքահպատակների զգալի թիվ, իսկ «Ուրմիայի համարյա ողջ շրջանը գեհալեթ է ավել Թուրքերին»¹⁶⁶։

1909 թ. հունիսի սկզբին Բ. Գուռը զիմեց ցարական կառավարությանը, առաջարկելով Ուրմիայից դուրս բերել ռուսական ջոկատը, իբր թե խուսափելու համար նրա հավանական բախումներից Թուրքական զորքերի հետ։ Միաժամանակ Պետերբուրգում գեսպան Թուրհան փաշան առաջարկեց Իզվուլսկուն թույլ տալ Թուրքական զորքերի պաշտպանության տակ վերցնել Ուրմիայի ռուսական հյուպատոսությունը և այդ նահանգի ռուսահպատակներին¹⁶⁷։ Սա արդեն բացահայտ առաջարկություն էր Ուրմիան զիջել Թուրքիային։ Թեև ռուսական արտաքին գործերի մինիստրը կտրուկ մերժեց այն, սակայն նրա և կառավարության կողմից այնուամենայնիվ վճռական միջոցառումներ չձեռնարկվեցին Օսմանյան կայսրության փոստակը սահմանափակելու ուղղությամբ։

¹⁶⁴ Նույն տեղում, թ. 138։

¹⁶⁵ Նույն տեղում, թ. 49—51։

¹⁶⁶ АВПР, ф. «Персидский стол», 1909, д. 661, л. 138.

¹⁶⁷ АВПР, ф. «Канцелярия МИД», 1909, д. 37, лл. 21—21 об.

Յարական կառավարության այս անվճռական քաղաքականութ-
յունը հարվածի տակ էր դնում նաև տեղական ժողովուրդների,
այդ թվում նաև քրդերի նկատմամբ տարվող քաղաքականությունը:
Թուրքական զորքերի կողմից Իրանական Քրդստանի տերիտորիա-
ների օկուպացումը և տեղական բնակչության նկատմամբ բանու-
թյունների քաղաքականությունը առաջ էին բերել քրդական մի
շարք ցեղերի զգուհությունը, որոնք թուրքական օկուպացիայի մեջ
տեսնում էին նաև իրենց նախկին ազատությունների սահմանա-
փակում: Աներձհատ Թավրիզ և Թեհրան էին ուղարկվում նամակ-
ներ ու հեռագրեր. իրանական իշխանություններից պահանջվում էր
միջոցներ ձեռնարկել ինչպես իրազորվող բնությունների, այն-
պես էլ իրանական տերիտորիաների զավթումների դեմ: 1909 թ.
մայիսին Միլլերը հազորդում էր, որ ուրմիացիների հսկայական
մեծամասնությունը ցանկանում է, որ թուրքական զորքերը հեռա-
նան իրենց շրջանից¹⁶⁵: Սակայն կենտրոնական կառավարությունը
և շահական իշխանությունները անպատասխան էին թողնում այս
դիմումները: Լավագույն դեպքում նրանք կազմակերպում էին դի-
մադրության առաձին փորձեր, որոնք որպես կանոն լրիվ ձախող-
վում էին: Այսպես, երբ 1909 թ. վերջին Մոհեբեշամ-ու-Սալթանեն
փորձեց Սուլթուլից դուրս վճռել թուրքական զորքերին, վերջին-
ներս Դոլի շրջանում իրենց կողմնակից քրդական ջոկատների հետ
շրջապատեցին և զլխովին ջախջախեցին իրանական ջոկատներին¹⁶⁶:

Համոզված լինելով, որ շահական կառավարությունը և նրա
տեղական մարմինները անկարող են պաշտպանել իրենց, թուրքա-
կան օկուպացիայից զգուհ բնակչությունը սովորաբար դիմում էր
ռուսական իշխանություններին: Այսպես, դեռևս 1908 թ. ամռանը
Թերզեների, Մերզեների, Բարադոսթի, Դեշտի, Ուշնուի և մի շարք այլ
շրջանների քրդական բնակչությունը և ցեղապետների մի մասը դի-
մեցին Ուրմիայի ռուսական փոխ-հյուպատոսին խնդրելով հովա-
նավորություն: Նույնանման դիմումներ բազմիցս կատարվում էին
նաև հետագայում: Սակայն այդ խնդրանքները մերժվում էին ռու-
սական հյուպատոսների կողմից, որովհետև ցարական արտաքին

¹⁶⁵ ЦГИА Груз. ССР, ф. 15, д. 170, л. 146.

¹⁶⁶ Նույն տեղում, թ. 276—277.

գործերի մինիստրութիւնը հրահանգել էր նրանց ոչ մի դեպքում առիթ չառնել թուրքիայի հետ հարաբերութիւնները սրելուն¹⁷⁰։ Ռուսաստանի խորհրդով շահական իշխանութիւնները ևս հորդորում էին իրենց հավատարիմ քրդական ցեղերին հանգիստ լինել և չհարուցել ոչ մի թշուրիմացութիւն¹⁷¹։

Ռուսաստանի այս քաղաքականութիւնը անշուշտ բացասական ազդեցութիւն էր գործելու հակաթուրքական տրամադրութիւններ ունեցող քրդական զանգվածների վրա։ Իսկ թուրքական զործակալութիւնը ուսական դիվանագիտական զործիշների այդօրինակ վարքագիծը մեկնաբանում էր որպէս ցայտուն վկայութիւն այն բանի, որ Ռուսաստանը ձեռնարկներն ձանաչում է Արևմտյան Իրանում Օսմանյան կայսրութեան տերիտորիալ նվաճումները։

* * *

Ինչպէս հայտնի է Թավրիզի ապստամբութիւնից հետո Իրանում հեղափոխական պայքարի կենտրոնը տեղափոխվեց հյուսիս՝ Գիլյանի նահանգը և հարավ՝ Սպահան։ Այստեղ բախտիարական խաները Սամաս-էս-Սալթանեի և նրա եղբայր Սարգար-Ասադի գլխավորութեամբ պատրաստվում էին արշավանք կազմակերպել Թեհրան՝ Մոհամմեդ Ալի շահին տապալելու համար։ Անգլիական իմպերիալիստական շրջանները ամեն կերպ աջակցում էին բախտիարների շարժմանը, որովհետև նախ Ռուսաստանի հետ կապված Մոհամմեդ Ալի շահի տապալումը հնարավորութիւն կստեղծեր Իրանում թուլացնել իր մրցակցի դիրքերը և ապա բախտիարների օգնութեամբ, որոնք կապերի մեջ էին անգլիացիների հետ, ուժեղացնել իր ազդեցութիւնը ողջ Իրանում։

1909 թ. հունիսին բախտիարական ջոկատները Սպահանից շարժվեցին մայրաքաղաքի վրա։

Երիտթուրքական կառավարութիւնը օգտվեց Իրանում սրված ներքին քաղաքական պայքարից։ Մտավելով որպէս հոգևորական ուլեմաներ, թուրքական սպաները թափանցում էին իրանական հե-

¹⁷⁰ АВПР, ф. «Персидский стол», 1908, д. 1198, лл. 413—414.

¹⁷¹ АВПР, ф. «Миссия в Персии», 1908, д. 81, лл. 20—21 об.

ղափոխականների շարքերը, աշխատելով մտնել բախտիարական ջոկատների մեջ: Չարիքովին, օրինակ, հաջողվել էր պարզել, որ Սալոնիկի կենտրոնական երիտթուրքական կոմիտեի ղեկավարներից մեկը՝ Նաջի բեյը ծալոված գտնվում է Քեհրան արշավող բախտիարների ջոկատում, իսկ երկու այլ սպաներ՝ Սադիկ բեյը և Նազիֆ բեյը գործում են այլ վայրերում¹⁷²:

Նստաստելով Մոհամմեդ Ալի շահի գեմ ուղղված բախտիարներին շարժմանը, երիտթուրքական կառավարությունը ըստ երևույթին հետապնդում էր հետևյալ նպատակները. 1) աջակցել Ռուսաստանի կողմնակից Մոհամմեդ Ալի շահի տապալմանը. 2) ազդեցություն ձեռք բերել Իրանի հարավի ցեղերի շրջանում, որոնք ծրագրել էին իրենց անբաժան տիրապետությունը հաստատել ողջ Իրանի նկատմամբ այսպես կոչված «բոշվորական միապետություն» («սուլթանաթե աշայերի») ստեղծելու ճանապարհով¹⁷³, 3) և իհարկև ոսկւլամել իրենց որպես իրանական հեղափոխության ջերմ համակիրներ: Միանգամայն հասկանալի է, որ թուրքական կառավարությունը մտադիր էր նաև օգտվել Իրանում լարված բաղաբական իրադրութւոնից, այդ երկրի ներքին գործերին առավել ակտիվորեն միջամտելու համար:

1909 թ. հուլիսին Մոհամմեդ Ալի շահը գահընկեց եղավ: Ղաջարական գահին նստեց նրա 14-ամյա որդին՝ Սուլթան Ահմեդը: Ստամբուլը անմիջապես սկսեց մեծագույն ճիգեր գործադրել մերձենալու համար ինչպես շահական նոր կառավարության, այնպես էլ սահմանադրական շրջանների հետ: 1909 թ. սեպտեմբերին Իրանում դեսպան նշանակվեց «Միասնություն և Առաջադիմություն» կուսակցության անդամ Խասիբ բեյը, որին հանձնարարված էր հատկապես սերտ կապեր հաստատել Մեջլիսի և սահմանադրության կողմնակից բաղաբական գործիչների հետ:

1909 թ. կաղմակերպվեց «Իրանական դեմոկրատական կուսակցությունը», որին թվում էր, որ Իրանում Ռուսաստանի և Անգլիայի դեմ պայքարող յուրաքանչյուր պետություն հանդիսանում

¹⁷² АВПР, ф. «Политархив», 1909, д. 1035, л. 64.

¹⁷³ М. С. Иваков, Иранская революция 1905—1911 гг., стр. 379.

է իրանական հեղափոխութեան անկեղծ կողմնակից¹⁷⁴։ Թեհրանի թուրքական դեսպանատունը իրանական ղեմնկրատներին սկսեց խոստանալ ամեն տեսակի օգնություն Ռուսաստանի դեմ նրանց միգրացիայի արգելադրում¹⁷⁵։ Երիտթուրքական կառավարության հրահանգով Խասիբ բեյը եռանդուն փորձեր սկսեց կատարել նաև իրանական նոր կառավարության հետ մերձենալու ուղղությամբ։ Այս քաղաքական գծի հաշտության գրավականն այն էր, որ Իրանի նոր կառավարությունը, ուր խոշոր դեր էին կատարում բախտիարական խաներ Սեփահաբը և Սարգար-Ասադը, բացարձակապես ոչինչ չձեռնարկեց թուրքական ազրեսիայի և Իրանի ներքին գործերին Թուրքիայի միջամտության դեմ։ Առհասարակ այս կառավարության ինչպես ներքին, այնպես էլ արտաքին քաղաքականության մեջ չէր նկատվում ոչ մի արմատական փոփոխություն և հեղափոխական գիծ¹⁷⁶։

Իրանում փոխված քաղաքական իրավիճակը մի կողմից և երկրի ներքին գործերին Օսմանյան կայսրության միջամտության ակտիվացումը և ղավթումների քաղաքականության ընդլայնումը մյուս կողմից, Ռուսաստանի մերձավոր և միջինարևելյան քաղաքականության համար ստեղծում էին նոր, լուրջ բարդություններ։ Այդ պատճառով Թուրքիայում և Իրանում աշխատող ռուսական զիվանագիտական և զինվորական գործիչների մեծագույն մասը կառավարությանը կոչ էր անում հրաժարվել պասսիվ դիրքից և ակտիվորեն միջամտել իրադարձություններին։ Ընդ որում, իրենց բազմաթիվ հաղորդագրություններում, ծածկագրված նամակներում և հեռագրերում նրանք մեկ առ մեկ նշում էին, թե ինչպիսի ծանր հետևանքներ կարող է ունենալ Ռուսաստանի անգործունյա քաղաքականությունը թուրքական աճող ակտիվության նկատմամբ։ Նրանց փաստարկումները հիմնականում հանգում էին հետևյալին. Իրանական Ազրբեջանում և Քրդստանում Օսմանյան կայսրությունը

¹⁷⁴ Т. С. Короткова, Иран накануне первой мировой войны. Доклады и сообщения исторического факультета Московского Государственного университета, вып. 8, 1948, стр. 12.

¹⁷⁵ «Сводка сведений...», № 3, Тифлис, 1911, стр. 1—2.

¹⁷⁶ М. С. Иванов, Иранская революция 1905—1911 гг., стр. 394.

ձեռք կրեցի հարմարավետ ուղղամատրատեգիական դիրքեր. անպայման կաշխատի այդ շրջաններում հարված հասցնել Ռուսաստանի տնտեսական և քաղաքական շահերին. իրանական քրդերի ենթարկումը թուրքական ազդեցությանը Ռուսաստանի համար կարող է ունենալ խիստ բացասական հետևանքներ, որովհետև այն կարող է ձախողել քրդերի նկատմամբ տարվող քաղաքականությունը, ի չիք դարձնել նշված վայրերում ռուսական կապիտալի տնտեսական գործունեության ընդլայնման հեռանկարը, և հնարավորություն ստեղծել Գերմանիայի ու Թուրքիայի համար առհասարակ սպառնալիքի տակ ղենլու Ռուսաստանի ներկայությունը ողջ Հյուսիսային և Հյուսիս-արևմտյան Իրանում¹⁷⁷:

Իսկ Ստամբուլից ռուսական գիվանադետները հավաստիացնում էին իրենց կառավարությանը, որ թուրքական մայրաքաղաքում տիրող մթնոլորտը այնպիսին է, որ դժվար է հույս դնել Իրանի նկատմամբ «Թուրքիայի գործողությունների բանական դիրքի վրա»¹⁷⁸: Եղրակացությունը մեկ էր, անհրաժեշտ է Օսմանյան կայսրությանը հնարավորություն շտալ իրագործելու իր վերոհիշյալ ծրագրերը: Սակայն Պետերբուրգում դարձյալ գտնում էին, որ անժամանակ ու վտանգավոր է Թուրքիայի դեմ կտրուկ միջոցառումներ իրականացնել: Որոշվեց միայն սեղանացնել թուրքական զավթումները որոշակի շրջաններում: Միաժամանակ Իրանում ռուսական պեսպանորդին և հյուպատոսական ներկայացուցիչներին խստիվ կարգադրվեց կանխել ռուսական ջոկատների բախումները թուրքական զորքերի հետ և ոչ մի զեպրում չիտրծել զրավել այն շրջանները, որտեղ արդեն առկա են թուրքական զորքեր: Բացի այդ, ցարական կառավարությունը որոշեց վերսկսել իր դեմարշները Բ. Դուան առջև¹⁷⁹, հույս ունենալով գիվանագիտական ճանապարհով հասնելու որոշակի հաջողության:

¹⁷⁷ АВПР, ф. «Персидский стол», 1909, д. 661, лл. 140—141; Дм. Беляев, *նշվ. աշխ.*, էջ 18; ЦГИА Груз. ССР, ф. 521, д. 492, л. 24.

¹⁷⁸ АВПР, ф. «Канцелярия МИД», 1909, д. 661, л. 148.

¹⁷⁹ АВПР, ф. «Персидский стол», 1909, д. 663, л. 4.

* * *

Բանակի վերակազմակերպման հետ միաժամանակ, 1908 թ. աշնանից երիտթուրքական կառավարությունը ներքին քաղաքականության բնագավառում փորձեց թուլացնել քրդական շէյխերի ու աղալարների գիրքերը և ամրապնդել կառավարության ուժն ու ազդեցությունը քրդական մասսաների վրա: Այդ նպատակով որոշվեց նախ լրջորեն զբաղվել քրդական համիդիե զնդերի հարցով: Դեռևս երիտթուրքական հեղաշրջումից անմիջապես հետո թուրքական զինվորական շրջաններում սկսեցին խոսել համիդիե զնդերի ցրման մասին, վկայակոչելով այն հանգամանքը, որ խաղաղ ժամանակ նրանք միայն ահաբեկում են քաղաքացիական բնակչությանը, իսկ պատերազմի ժամանակ բերում են կասկածելի օգուտ: Առաջարկվում էր, վաշկատուն ցեղերին ներգրավել զինվորական ծառայության ընդհանուր հիմունքներով՝ բանակի հեծնլազորային զորամասերում: 1909 թ. կառավարությունը ձեռնամուխ եղավ իր այդ ծրագրի իրագործմանը՝ լուրջ դժգոհություն առաջ բերելով քրդերի շրջանում¹⁸⁰: Միաժամանակ թուրքական իշխանությունները սկսեցին հետապնդել, դատի տալ և բանտարկել քրդական այն ցեղապետներին, որոնք ղբաղվում էին կողոպուտով և ասպատակություններով¹⁸¹:

Այսպիսով, երիտթուրքական հեղաշրջումից հետո քրդական բեյերի ու աղալարների այն կանխատեսությունը, որ Թուրքիայում քաղաքական նոր ուժերի ստեղծումը կսահմանափակի իրենց իրավունքները¹⁸², միանգամայն արդարացավ:

Քրդերի դեմ հակակշիռ ստեղծելու և նրանց գիրքերը թուլացնելու նպատակով կառավարությունը սկսեց քրդական ֆեոդալների՝ հայերից բռնագրավված հողերը վեղադարձնել նախկին տերերին: Ստամբուլը նաև ցուցում տվեց իր տեղական իշխանություններին

¹⁸⁰ «Об отношениях курдов в Азиатской Турции к турецкому правительству». «Сборник Главного управления Генерального штаба», вып. II, СПб., февраль, 1910 г., стр. 61.

¹⁸¹ АВПР, ф. «Политархив», оп. 482, д. 544, лл. 1—1 об.

¹⁸² „British documents on the origins of the war 1898—1914“, vol. 5, p. 254.

հայ բնակչության շրջանում ամեն կերպ ձեռք բերել ժողովրդականություն և զրանով իսկ ոչ միայն հակազդել քրդերին, այլև խորտակել հայերի հավատը Ռուսաստանի նկատմամբ¹⁸³։

Երիտթուրքական կառավարության քաղաքական այս դիժը հատկապես բրդական վերնախավի շրջանում առաջ բերեց խորը դժգոհություն¹⁸⁴։ Թուրքական Քրդստանում և Արևմտյան Հուլաստանի բրդաբնակ շրջաններում 1909 թ. ամեն ընդամենը սպասվում էր բրդական ապստամբության պոտնելում։ Համիդիե հեծելազորի մասնակի զինաթափումը և ոչ մահամեղականների զինակոչման օրերի ընդունումը, որը հետապնդում էր բրդական անկանոն հեծելազորի ազդեցության և նշանակության նվազեցման նպատակ, վերջնականապես կատաղեցրին բրդական ցեղային ավազանուն։

Հնարավորություն չունենալով բացահայտորեն դուրս գալ կառավարության դեմ, երիտթուրքերի «բրդական» քաղաքականությունից դժգոհ վանի, Բիթլիսի, էրզրումի վիլայեթների բազմաթիվ ցեղապետներ իրենց աշիրեթներով սկսեցին անցնել Իրան։ Այսպես վարվեցին հայդերանի ցեղի առաջնորդներ Հյուսեին փաշան, էմին փաշան, Հաջի Թեյմուր փաշան, Մեհմեդ Սազըկը և խոշոր բրդական ֆեոդալ Քոո Հյուսեին փաշան¹⁸⁵։

Բրդական ազդեցիկ ցեղապետների տեղափոխությունը Իրան երիտթուրքերի դեմ թշնամաբար տրամադրեց Թուրքիայի բրդական բնակչության մեծամասնությունը¹⁸⁶։ Բիթլիսում փոխ-հյուպատոս Շիրբուլը հայտնում էր, որ ըստ իր ստացած լուրերի, բրդերը սրուշել են մասսայաբար տեղափոխվել Իրան և իրանական սահմանամերձ շրջանները, որպեսզի համախմբվելով հետագայում աշակցություն ցույց տան Թուրքիայում սեպեթիոն շարժմանը¹⁸⁷։ Նրանք

¹⁸³ ЦГИА Груз. ССР, ф. 521, д. 492, лл. 51, 113.

¹⁸⁴ АВПР, ф. «Политархив», 1910, д. 1039, л. 59.

¹⁸⁵ ЦГИА Груз. ССР, ф. 521, оп. 2, д. 492, лл. 23, 83, 86; АВПР, ф. «Канцелярия МИД», 1910, д. 149, лл. 16, 17; ЦГВИА, ф. 2000 с, оп. 1, д. 7716, лл. 80—82.

¹⁸⁶ «Сборник Главного управления Ген. штаба», вып. 11, СПб., февраль 1910, стр. 63—64.

¹⁸⁷ АВПР, ф. «Политархив», оп. 482, д. 544, л. 10 об.

իճարկն հետապնդում էին նաև այն նպատակը, որպեսզի ստիպեն թուրքական կառավարությունը հրաժարվել իրենց նկատմամբ տարվող սեպրեսիվ քաղաքականությունից: Այդ ճնշումը ուժեղացնելու նպատակով Իրան տեղափոխված քրդական ցեղապետները նույնիսկ սկսեցին որոնել ռուսական հովանավորությունը: Կովկասի փոխարքային ուղղված նամակում նրանք առաջարկում էին Թուրքիայում բարձրացնել քրդերի համընդհանուր ազատամրությունն և Ռուսաստանի ազդեցությունը ենթարկել ողջ Քրդաստանը¹⁸⁸: Միաժամանակ նրանք դիմեցին Մակուի սարգարին, խնդրելով միջնորդել ռուսական իշխանությունների մոտ իրենց ռուսական հպատակության տակ վերցնելու մասին: «Աբդուլ Համիդի նախկին հավատարիմ ծառաները՝ թուրքական քրդերը, որոնք պատրաստ էին նրա առաջին իսկ հրամանով նենավել Անդրկովկասի վրա, ի զեմս իրենց առաջնորդներ Հյուսեին փաշայի, Ամիր խանի և Հաջի Թեյմուր խանի դիմեցին (Մակուի) սարգար Մուրթեզա Կուլի խանին, խնդրելով նրա միջնորդությունը իրենց ռուսական հպատակության տակ ընդունելու համար»¹⁸⁹, ոչ առանց իրոնիայի հայտնում էր Ադրբեջանի գլխավոր հյուպատոսության բարտուղար Գուլուբինովը:

Դա միանգամայն համապատասխանում էր Մակուի սարգարի շահերին, որովհետև նրա հավերժական թշնամիները, որոնց անընդհատ հարձակումները անհանգստացնում էին իրեն, դիմում էին նրա օգնությանը խոստանալով այսուհետև ընդմիշտ հավատարիմ լինել իրեն: 1910 թ. փետրվարին սարգարը մեկնեց Երևան, այդ հարցի կապակցությամբ ռուսական իշխանությունների հետ բանակցություններ վարելու համար: Սակայն կովկասյան իշխանությունները մերժեցին նրա առաջարկը պատճառաբանելով, որ Ռուսաստանի կողմից քրդերին հովանավորելը կարող է տեղի տալ անցանկալի միջազգային բարդությունների, որովհետև դա կհանդիսանար ուղղակի միջամտություն Թուրքիայի ներքին գործերին¹⁹⁰:

¹⁸⁸ АВПР, ф. «Канцелярия МИД», 1910, д. 149, лл. 15—17.

¹⁸⁹ ЦГИА Груз. ССР, ф. 15, д. 299, л. 78.

¹⁹⁰ ЦГИА Груз. ССР, ф. 15, д. 299, лл. 78—79; АВПР, ф. «Посольство в Константинополе», 1907—1913 гг., д. 3572, лл. 11—12.

Մերժելով բրդերի առաջարկը, ըստ երևույթին, Ռուսաստանը ոչ միայն աշխատում էր խուսափել Օսմանյան կայսրության հետ հարաբերությունների սրումից, այլև վախենում էր, որ իր ակտիվ ելույթը Քրդստանում Անգլիայի և Գերմանիայի կողմից կհանդիպի վճռական հակահարվածի:

Չնայած բրդերի պահանջի նկատմամբ Ռուսաստանի բռնած բացասական դիրքին, երիտթուրքական կառավարությունը անմիջապես լուրեր տարածեց, թե Ռուսաստանն է հրահրում բրդերին տեղափոխվել Իրան, որպեսզի այնտեղից քրդական առաջնորդները կաղմակերպեն «ռեակցիոն շարժում սահմանադրական օսմանյան կառավարության դեմ»¹⁹¹: Վանի դինվորական շրջաններում, սակայն, վախենում էին, որ փախած բրդերը սահմանի մոտ կստեղծեն մշտական անհանգիստ տարր, որը սպառնալիք կստեղծի այդ շրջանների անվտանգության համար: Անշուշտ այդ ենթադրություններն ունեին ռեալ հիմքեր, որովհետև Իրան տեղափոխված բրդերը աստիճանաբար զրսևորում էին թուրքական կառավարությունից վրեժ լուծելու և նրա դեմ ակտիվորեն պայքարելու տենդենցներ: Հյուսիսի փաշան իր ցեղակիցների միջոցով Թուրքիայում մղում էր հակակառավարական պրոպագանդա՝ երզրումի վիլայեթի գլխավոր քրդական ցեղերին համախմբելով հակասահմանադրական միություն մեջ, որն իր տրամադրության տակ ուներ մեծ քանակությամբ զենք և զրամական միջոցներ¹⁹²: Բացի այդ, Հայդերանլի աշիրեթի առաջնորդները հորդորում էին Մակուի սարգարին համատեղ ուժերով գրավել Աբաղա (Կապա Բերկրի) հարուստ հովիտը, պատճառաբանելով, որ այն միշտ էլ պատկանել է Իրանին և բռնի ու անօրինական ճանապարհով միացվել է Թուրքիային¹⁹³: Վերջինիս առանձնապես անհանգստացնում էր այն, որ թուրքական և իրանական բրդերի միջև նկատվում էր մեծ համախմբվածություն: Նրանց նախկին սուր թշնամանքը փոխարինվում էր փոխադարձ մերձեցման առաջին քայլերով: Այն պահից, երբ երիտթուրքական կառավարու-

¹⁹¹ ЦГИА Груз. ССР, ф. 521, д. 492, л. 6.

¹⁹² АВПР, ф. «Канцелярия МИД», 1910, д. 33, лл. 118—119, 123.

¹⁹³ ЦГИА Груз. ССР, ф. 521, д. 492, л. 34.

Յյունը ձեռնամուխ եղավ համիդիե հեծելագործը ցրելուն և իր տիրապետության տակ զանվոզ բրդերի արտոնություններն ու իրավունքները սահմանափակելուն, սահմանային բախումները իրանական և թուրքական բրդերի միջև միանգամայն դադարեցրին¹⁹⁴։ Դա իր մեջ պարունակում էր մեծագույն սպառնալիք. Թուրքիայում նախագրյալներ էին ստեղծվում բրդական համընդհանուր ապրտամբության բանկման համար։ Բացի այդ, Ստամբուլը զրկվում էր իրանական բրդերին իր զավթողական քաղաքականության նպատակներին ծառայեցնելու հնարավորությունից և առհասարակ սպառնալիքի տակ էր զրկվում Իրանի նկատմամբ Թուրքական քաղաքականության ապագա հաջողությունը։

Վախենալով, որ մյուս ցեղապետները ևս կհետևեն Իրան փախչողներին օրինակին, Վանի ղեներալ-նահանգապետ Բեքիր Սամիբեյը կառավարության համաձայնությամբ զորքերի նոր համալրում ուղարկեց թուրք-իրանական սահմանը, ընդ որում, իր այդ քայլը պատճառաբանելով նրանով, որ Ռուսաստանը ուժեղացրել է իր զորամասերը Իրանում¹⁹⁵։ Թուրքական զորքերի նոր կենտրոնացումը սահմանի մոտ Վանի ռուսական փոխ-հյուպատոսը մեկնաբանում էր նրանով, որ Բ. Դուռը նոր քայլ է կատարում զավթումներ կատարելու և նախկինում զավթած տերիտորիաները ամրապնդելու ուղղությամբ¹⁹⁶։

Արևմտահայաստանի հայ բնակչությունը աստիճանաբար համոզվում էր, որ հայ-բրդական հարաբերությունների նկատմամբ վերաբերմունքի հարցում Ստամբուլը անընդհատ տատանվում և անորոշ քաղաքականություն է վարում։ Հայերի հավատը երիտթուրքական կառավարության նկատմամբ վերջնականապես խորտակվեց 1909 թ. մայիսին՝ Աղանայում կազմակերպած հայկական ջարդի հետևանքով։ Այն համոզմունքը, որ Արևմտյան Հայաստանում ևս զրոյությունը ծայր աստիճանի լարված է և ամեն րոպե կարող են սկսվել հայ-բրդական կոտորածներ, ստիպում էր հայ գործիչնե-

¹⁹⁴ ЦГИА Грыз. ССР, ф. 15, д. 299, лл. 54—54 об.

¹⁹⁵ ЦГИА Грыз. ССР, ф. 521, д. 492, лл. 36—37.

¹⁹⁶ Նույն տեղում, թթ. 24, 34։

րին դիմումներ անել կառավարությանը, պահանջելով վճռականորեն միջամտել հայ-բրդական հարաբերություններին: Վանից թուրքական պառլամենտի պատգամավոր Վահան Փափաղյանը, օրինակ, բրդական հարցի վերաբերյալ ներքին գործերի մինիստրությանը ներկայացրեց մանրամասն ղեկուցադիր, որի մեջ առաջարկում էր անհապաղ ձեռնարկել մի շարք միջոցառումներ, որոնք, ըստ իրեն, հույժ անհրաժեշտ էին բրդերին կառավարական իշխանությունը ենթարկելու համար: Մասնավորապես նա նշում էր, որ անհրաժեշտ է ավելացնել ղորերի թիվը Վանի վիլայեթում և թուրքիրանական սահմանի շրջանում, բրդերի նկատմամբ կիրառել ավազակախմբերի վերաբերյալ նոր օրենքը, իրանական կառավարությունից պահանջել անհապաղ վտարել Մակուում թաքնված բրդական ցեղապետներին և նրանց հեծյալ ջոկատներին, իսկ Թուրքիա վերադառնալուց հետո ցրել նրանց և բնակեցնել կայսրության տարբեր շրջաններում որպես հասարակ զինվորներ¹⁹⁷:

Սակայն երիտթուրքական կառավարության համար դժվար էր ընդառաջել այդ ցանկություններին և մինչև վերջ տանել ծրագրված քաղաքականությունը, մանավանդ որ բրդերը իթիհադի արտաքին քաղաքական պլաններում խաղալու էին առաջնակարգ դեր: Բ. Գոան տազնապները բրդական հարցի նկատմամբ ավելի խորացան, երլուրեր տարածվեցին, որ Շամդինանի շեյխ Աբդուլ Ղադերը, որը այդ շրջանում հանդիսանում էր բրդական ցեղապետների հակակառավարական ընդդիմադիր շարժման պարագլուխը, ձգտում է միավորել բոլոր բրդական ցեղերին Օսմանյան կառավարության դեմ ելույթ ունենալու համար: Նույնիսկ տեղեկություններ կային, որ այդ նպատակով նա գաղտնի կապերի մեջ է մտել Մակուի սարդարի և Իրան տեղափոխված բրդական ցեղային ավագանու հետ, ինչպես նաև փորձում է համաձայնություն գալ հայերի և Իրաքի ու Զեբել Գրուլի արաբների հետ երիտթուրքական կառավարության դեմ համատեղ ելույթ ունենալու համար¹⁹⁸:

Այս տեղեկությունները անշուշտ չէին կարող շանհանգստաց-

¹⁹⁷ ЦГИА Грыз. ССР, ф. 521, оп. 2, д. 492, лл. 51, 86—87.

¹⁹⁸ Նույն տեղում, թթ. 112—113.

նել թուրք կառավարող շրջաններին: Երիտթուրքական կառավարության մի շարք ականավոր գործիչներ սկսեցին կառավարությունից պահանջել զիջումներ քրդական հարցում: Բ. Դուան վրա ձնշում էին գործադրում հատկապես էքստրեմիստական տրամադրություններ ունեցող գործիչները, որոնց կարծիքով քրդերի նկատմամբ կտրուկ քաղաքականությունը կառավարությունից կվաներ նաև Իրանի պրոթուրքական տրամադրություններ ունեցող քրդական ցեղերին, որոնք միավորվելով Թուրքիայից տեղափոխված աշխրեթների հետ կարող էին զինված դիմադրություն ցույց տալ իրանական տերիտորիայում Օսմանյան կայսրության քաղաքական ոտնձգություններին: Բացի այդ, նրանց կարծիքով, Թուրքիայի և Իրանի քրդերի միավորումը պարունակում էր մեծագույն վտանգ այն առումով, որ ողջ Քրդստանում կարող էր բռնկել հակակառավարական հզոր շարժում:

Հաշվի առնելով այս բոլորը, երիտթուրքական կառավարությունը որոշեց հրաժարվել քրդական հարցի վերաբերյալ իր իսկ ընդունած քաղաքական դժից: 1910 թ. մարտին ներքին գործերի մինիստրը հրաման արձակեց ազրարային հարցի լուծման հետաձգման մասին, մինչև «գրա համար նպաստավոր մոմենտի ստեղծումը»¹⁹⁹: Այնուհետև կառավարությունը հայերի հաշվին կոմպրոմիսի մեջ մտավ քրդական աղալարների հետ և սկսեց քուրդ ֆեոդալներին սիրաշահելու և հողային ու այլ հարցերում նրանց պաշտպանելու քաղաքականություն վարել: Այն խոստումները, որոնք տրվում էին հայերին, սին ու պատիր դուրս եկան: Թուրքական կառավարող շրջանները փաստորեն հրաժարվեցին երկրի արևելյան նահանգներում ազրարային հարցի կարգավորումից և դրանով իսկ հարթեցին «քրդական հարցը»: Բոլոր Իրան տեղափոխված քրդերին կառավարությունը խոստացավ վերադարձի դեպքում ներումն շնորհել, հակառակ դեպքում սպառնալով զրկել նրանց աստիճաններից ու տիտղոսներից և բռնագրավել ողջ շարժական ու անշարժ գույքը²⁰⁰: Քրդերը հասկացան, որ կառավարությունը զիջումների է

¹⁹⁹ Նույն տեղում, թթ. 112—113, 133:

²⁰⁰ ЦГВИА, ф. 2000, оп. 1, д. 3778, лл. 351—351 об.

գնում և այդ պատճառով 1910 թ. գարնանից իրենց աշխրեթներով վերադարձան Քուրբիա²⁰¹:

Իթթիհաղը զիջումների գնաց նաև համիդիե զնդերի հարցում: Նրան, այնուամենայնիվ, շահջողվեց ցրել այդ զնդերը և քրդերին ներգրավել ծառայության՝ կանոնավոր բանակի շարքերում: Այս ուղղությամբ միակ փոփոխությունը համիդիե զնդերի վերանվանումն էր «աշիրեթ խաֆիֆ սոսլարի ալայլարի» («Քոչվորների թեթև հեծելազորային զնդեր»)՝²⁰², որոնց էությունը, սակայն, նույնն էր:

Վերադարձից հետո քրդական աղալարները ավելի դաժան հալածանքների էին ենթարկում հայերին²⁰³: Այս անգամ արդեն թուրքական իշխանություններն էին օգնում նրանց հայերից հողերը ետ գրավելու համար: Արևմտյան Հայաստանից Ստամբուլ էին թռչում տագնապալից հեռագրեր հայերի նկատմամբ կիրառվող բռնությունների վերաբերյալ: Վանից Ս. Օլֆերեը հաղորդում էր, որ ամենուրեք հայերին սպառնում է մեծագույն վտանգ²⁰⁴:

Այսպիսով երիտթուրքական կառավարության փորձերը՝ քրդերին ինչ-որ չափով կառավարական իշխանությունը ենթարկելու ուղղությամբ, ավարտվեցին ձախողմամբ: Սակայն դա թուրքական կառավարող շրջաններին հնարավորություն տվեց հետաձգել քրդական հակակառավարական ապստամբության հնարավորությունը և քրդական զանգվածներին վերստին ներքաշել իր զավթումների ռազմաշունչ քաղաքականության հորձանուտը:

Ինչ վերաբերում է նշված ժամանակաշրջանում քրդական հարցում Ռուսաստանի վարած քաղաքականությանը, պետք է նշել, որ ցարական դիվանագիտությունը ի վիճակի չեղավ օգտագործել նրանց դժգոհությունը Քուրբիայի «նոր սահմանադրական կառա-

²⁰¹ АВПР, ф. «Посольство в Константинополе», 1910, д. 1599, лл. 42, 43—50; ЦГВИА, ф. 2000, оп. 1, д. 3778, лл. 331, 337; ЦГИА Груз. ССР, ф. 15, д. 299, л. 6.

²⁰² ЦГВИА, ф. 2000, д. 397, лл. 73—74.

²⁰³ АВПР, ф. «Посольство в Константинополе», 1910, д. 1599, лл. 40—43, 50—51.

²⁰⁴ ЦГИА Груз. ССР, ф. 521, д. 492, л. 133.

վարությունից»։ Թեև կովկասյան իշխանությունները և ցարական արտաքին գործերի մինիստրության մի շարք բարձրաստիճան չինովնիկները (այդ թվում նաև արտաքին գործերի մինիստրության կառավարիչ, հետագայում արտաքին գործերի մինիստր Ս. Դ. Սաղունովը) գտնում էին, որ անհրաժեշտ է Թուրքիայում սկսված բերդական շարժումը օգտագործել թեկուզև իրանական հարցում Ստամբուլի վրա ճնշում գործադրելու համար²⁰⁵, սակայն այդ առաջարկությունները այդպես էլ գործնական իրականացում չստացան։

Թուրքական կառավարող շրջանները հույս ունեին արտաքին զավթումների ընդլայնման միջոցով շեղել ժողովրդի ուշագրությունը երկրի ներքին ճգնաժամից և ինչ-որ չափով ամրապնդել իրենց խարխուլ դիրքերը։ «Եթե ներքին քաղաքականության գործերում,— գրում էր Վանում փոխ-հյուպատոս Ս. Օլֆերևը,— թուրքական իշխանությունները դուրս չեն գալիս մշտական տատանումներից, ապա պարսկական հողում իրենց ոտնձգությունների բնագավառում նրանք գործում են համառորեն և պլանաչափ»²⁰⁶։

Մինչև 1910 թ. գարունը թուրքական օկուպացիոն զորքերին հաջողվեց զրավել իրանական մի շարք նոր տերիտորիաներ²⁰⁷։ Հատկապես նրանք աշխատում էին ավարտել Ուրմիայի շրջանի փաստական անեքսիան այն հաշվով, որ Ուրմիա լիճը իր շրջակա տերիտորիաներով մտնի թուրքական տիրապետությունների մեջ²⁰⁸։ «Միասնություն և Առաջադիմություն» կուսակցության կենտրոնական կոմիտեի հրահանգով Թուրքական և Իրանական Քրդստան մեկնեցին իթիհադի մի շարք ականավոր գործիչներ, քրդական ցեղապետներին հորդորելու, որպեսզի նրանք իրենց զինված ջոկատներով աջակցեն Իրանում Ստամբուլի «ազմական ջանքերին»²⁰⁹։ Միա-

²⁰⁵ ЦГВИА, ф. 2000 с, оп. 1, д. 7716, лл. 85—86; ЦГИА Груз. ССР, ф. 521, оп. 2, д. 492, л. 52.

²⁰⁶ ЦГИА Груз. ССР, ф. 521, оп. 2, д. 492, л. 52.

²⁰⁷ ЦГВИА, ф. 2000, д. 3778, л. 308 об; АВПР, ф. «Персидский стол», 1910, д. 666, л. 111.

²⁰⁸ АВПР, ф. «Персидский стол», 1910, д. 666, лл. 20—20 об, 29, 30; ЦГВИА, ф. 2000, оп. 1, д. 3778, лл. 228 об.

²⁰⁹ ЦГИА Груз. ССР, ф. 71, д. 58, лл. 60—64, 66—66 об.

ժամանակ թուրքական հյուպատոսներին հրահանգվեց սերտ կապեր հաստատել Իրանի բրդական ավազանու հետ և տալ նրանց գործունեության համապատասխան ծրագիր²¹⁰։ Երկար ժամանակ չպահանջվեց, որպեսզի երևան դան Ստամբուլի այս գործունեության հետևանքները։ Իրանական Քրդստանում սկսվեց շահական կառավարության և Ռուսաստանի դեմ ուղղված իսկական պարտիզանական բնույթի պատերազմ։ Քրդական ջոկատները հարձակումներ էին գործում առևտրական քարավանների վրա, անդամալուծում էին թուրքերի դեռևս չզավթած շրջանների տնտեսական կյանքը, ոչնչացնում էին հեռավորական դժերը, ավերում ու քարուքանդ էին անում ամբողջ գյուղեր՝ աշխատելով սարսափի մթնոլորտ ստեղծել տեղական բնակչության շրջանում և կորզել խնդրագրեր թուրքական հովանավորության մասին։ Հատկապես սարսափելի տևորի ենթարկվեց Ուրմիայի շրջանի ասորական բնակչությունը²¹¹, որի հետևանքով զգալի քանակությամբ ասորիներ գաղտնի հեռացան արտասահման, հատկապես ԱՄՆ, իսկ տեղում մնացածները կամ ընդունեցին մահմեդականություն և ղեհալեթ տվեցին թուրքական իշխանություններին, և կամ անդադրում դիմումներ էին կատարում ռուսական հյուպատոսներին, խնդրելով պաշտպանել իրենց կյանքը, պատիվն ու ունեցվածքը²¹²։

Իրանական իշխանությունները ուղղակի անզոր էին որևէ արդյունավետ միջոցառում ձեռնարկել քրդերի մղած պարտիզանական պատերազմի դեմ, մանավանդ որ անհաջողության դեպքում քրդական ջոկատները թաքնվում էին օկուպացված շրջաններում, որտեղ իրանական զորքերին արգելված էր մուտք գործել²¹³։

1910 թ. ամռանը թուրքական զորքերը ներխուժեցին նաև Մա-

²¹⁰ АВПР, ф. «Персидский стол», 1910, д. 667, л. 90.

²¹¹ Քրդական ջոկատների կողոպուտներից ու հայաժանրներից պաշտպանվելու համար դեռևս 1908 թ. վերջերին Ուրմիայում ասորական մտավորականությունը որոշեց հիմնել «Միրիական գյուղերը կողոպուտիչներից պաշտպանելու խաղճական միություն» անունով կազմակերպությունը։ Տե՛ս АВПР, ф. «Персидский стол», 1908, д. 656, л. 120.

²¹² АВПР, ф. «Персидский стол», 1910, д. 666, л. 59 об.; ЦГВИА, ф. 2000, д. 3778, лл. 329—329 об.; «Тифлисский листок», 1910, 14 августа.

²¹³ «Մշակ», 2 նոյեմբերի 1910 թ., էջ 2։

կուի խանութուն, գրսեորելով Ռուսաստանի հարևանության մեջ գտնվող այդ փոքրիկ կիսաանկախ խանութունը անբարխալի ենթարկելու ձգտում: Թեև ցարական արտաքին գործերի մինիստրութունը հայտարարեց Բ. Գուանը, որ թուրքական զորքերի գործողութունները Մակուի խանության սահմաններում կղիտվի որպես Ռուսաստանի դեմ ուղղված ոչ բարեկամական ակտ²¹⁴, սակայն այդ առաջադրությունը ոչ մի տպավորություն չգործեց Ստամբուլի վրա: Ընդհակառակը, սահմանային նիֆտո գյուղը գրավելուց հետո, թուրքական զորքերը հարձակողական գործողություններ սկսեցին Յարիմ-Քալի և Բուլաղ-Բաշիի ուղղությամբ²¹⁵, այսինքն՝ սկսեցին խորանալ դեպի խանության կենտրոնական շրջանները: Երիտթուրքերը լուրեր էին տարածում, թե իբր Ռուսաստանի, Անգլիայի և Թուրքիայի միջև կնքվել է գաղտնի համաձայնություն Իրանը բաժանելու մասին և Թուրքիային բաժին է ընկել սահմանամերձ իրանական տերիտորիաները, այդ թվում նաև Մակուի խանութունը²¹⁶: Այդ լուրերը ճշմարտանման դարձնելու համար վկայակոչվում էր այն փաստը, որ Ռուսաստանը մերժեց սարգար՝ Թուրքիայից փախած բրդերին ռուսական հովանավորության տակ վերցնելու առաջարկը և ոչ մի միջոցառում չի ձեռնարկում ծավալվող թուրքական ագրեսիայի դեմ²¹⁷:

Ռուսաստանի համար ստրատեգիական առաջնակարգ նշանակություն ունեցող Մակուի խանութունում գրությունը առավել վտանգավոր բնույթ էր ստանում. Մակուի սարգար Մուրթեղա Ղոյի խանը զրսեորում էր Թուրքիային մերձենալու և նրա հետ համագործակցելու բացահայտ տենդենցներ: Այդ հայտնի ռեակցիոները, որն իր խանութունում և հարևան շրջաններում հանդես էր գալիս որպես հեղափոխականների արյունոտ դահիճ, ցանկանում էր օգտվել թուրքական զորքերի ծառայություններից իր խանութունում հեղափոխական շարժումը իսպառ արմատախիլ անելու համար: Եվ

²¹⁴ «Турецко-персидская пограничная спорная полоса», стр. 81.

²¹⁵ ЦГИА Груз. ССР, ф. 15, д. 299, л. 81 об.

²¹⁶ Նույն տեղում, թ. 135—14:

²¹⁷ Նույն տեղում:

ապա սարգարը մշտական երկչուղ էր կրում, որ Ռուսաստանը վերջ-
իվերջո կարող է ղալթել իր խանությունը և զրկել իրեն սարգարի
իր «պապենական» իրավունքներից: Իրենց հերթին թուրքական իշ-
խանությունները, որոնք ուշի-ուշով հետևում էին սարգարի քաղա-
քական տրամադրությունների մակերնթացություններին և տեղա-
տվություններին, առաջնորդվելով իրանական առավել ունեցիտն և
հակահեղափոխական տրամադրություններ ունեցող ֆեոդալներին
իրենց կողմը գրավելու տակտիկայով, ակտիվորեն փնտրում էին
Մակուի սարգարի հետ առավել լայն համագործակցության եզրեր:
Այդ նպատակով նրանք նախապես երաշխիք տվեցին Մուրթեզա
Ղուլի խանին, որ խանությունում թույլ չեն տա հեղափոխականների
գործունեությունը²¹⁸: Վանի վալիի հանձնարարությամբ 13 և 14-րդ
համիդիե գնդերի հրամանատար Մուհամմեդ Սիդիկ բեյը ժամանեց
Մակու և սարգարին հրավիրեց Վան «բարեկամական բանակցու-
թյուններ» վարելու համար: Ռուսական իշխանություններին թեև
հաջողվեց ստիպել սարգարին շմեկնել Վան²¹⁹, սակայն նրանք ի
վիճակի չեղան խղել սարգարի գաղտնի կապերը Թուրքիայի հետ:

Թուրքական զորքերի շարժումը դեպի Մակու Ռուսաստանի դեմ
ուղղված մարտահրավերի սպառնալիք էր, մանավանդ որ Գերմա-
նիան գաղտնապես աջակցում էր այդ խանությունը Թուրքիային
միացնելու երիտթուրքական կառավարության ջանքերին: Այդ ուղ-
ղությամբ հատկապես ակտիվորեն գործում էր Թեհրանում գերմա-
նական միսիայի ռազմական կցորդ կապիտան ֆոն Կաննիցը, որը
անձամբ հաճախակի այցելություններ էր կատարում սարգարին²²⁰:

Տագնապի առաջին աղղանշանը տվեցին կովկասյան իշխանու-
թյունները: Նրանց նախաձեռնությամբ արտաքին գործերի մինիս-
տրությունը հանձնարարեց Գոլուբինովին մեկնել Մակուի խանու-
թյուն պարզելու համար նրա ներքին քաղաքական վիճակը և խա-
նությանը սպառնացող թուրքական վտանգի բնույթը: Իր պաշտո-
նական զեկուցագրում Գոլուբինովը անում էր հետևյալ եզրակացու-

²¹⁸ ЦГИА Грyз. ССР, ф. 15, д. 299, л. 6.

²¹⁹ Նույն տեղում, թթ. 6—7:

²²⁰ Նույն տեղում, թ. 8:

թյունները. 1) Եթե Ռուսաստանը չկասեցնի թուրքերի հարձակողական գործողությունները Սուլդուղից և Սալմաստից հյուսիս, դեպի Մակուի խանություն, հեռու չի լինի այն պահը, երբ Արարատը կդադարի սահման ծառայել երեք պետությունների միջև և նրա ստորոտում ռուս-իրանական սահմանը կփոխարինվի թուրք-ռուսական սահմանով: 2) Սահմանների այդպիսի փոփոխությունը բացասաբար կազդի Ռուսաստանի ստրատեգիական և քաղաքական դիրքերի վրա: 3) Սահմանային հարցում Ռուսաստանի յուրաքանչյուր թողտվություն կործանարար ազդեցություն կունենա ռուսական հեղինակության վրա Իրանում: 4) Ռուսաստանի քաղաքական շահերը պահանջում են Մակուի և Թուրքիայի սահմանում պահպանել ստատուս-քվոն²²¹:

Իր զեկուցագիրը Գոլուրինովը սվարտում էր հետևյալ կերպ. «Եթե ներքին խառնաշփոթություններից հյուժվող պարսկական կառավարությունը ի վիճակի չէ իր տերիտորիան պաշտպանել թուրքական ոտնձգություններից, ապա Ռուսաստանը պետք է հայտարարի Թուրքիային՝ «ձեռքերդ հեռու Պարսկաստանից»: Որքան շուտ և վճռականորեն ասվի այդ խոսքը, այնքան քիչ կտուժեն Ռուսաստանի քաղաքական շահերը Միջին Արևելքում»²²²:

Ռուսական արտաքին գործերի մինիստրությունը հանձնարարեց Ստամբուլում իր դեսպանին սպառնալից առաջադրություն կատարել Բ. Գոան առջև: Իր 1910 թ. հուլիսի 25-ի նամակով Չարիքովը հայտնում էր. «Այսօր արտաքին գործերի մինիստրին հանձնեցի մի խիստ հուշագիր Մակուի մասին: Կարծես մինիստրը հասկացավ, որ չի կարելի ձեռք տալ այդ խանությանը: Նա հայտարարեց ինձ, որ կառավարությունը ոչ մի այնպիսի բան թույլ չի տա, որը մեր կողմից մեկնաբանվի որպես թշնամական արարք Թուրքիայի կողմից»²²³:

Այսպիսով, Մակուի խանության վերաբերյալ Ռուսաստանի դիվանագիտական ճնշման արդյունքը միանգամայն դրական էր: Ժա-

²²¹ Նույն տեղում, թթ. 815, 835, 84:

²²² Նույն տեղում, թ. 84:

²²³ АВПР, ф. «Канцелярия МИД», 1910, д. 38, л. 52.

մանակալորապես դադարեցվեց թուրքերի հարձակողական շարժումը ինչպես Մակուի, այնպես էլ Ալվաջիկի խանության ուղղությամբ: Թուրքական կառավարության այս նահանջը կարելի է բացատրել թերևս նրանով, որ Ստամբուլում համոզվեցին, որ Ռուսաստանը երբեք չի հանդուրժի այդ խանության օկուպացումը: Ամենալին հավանականությամբ թուրքական դիվանագիտությանը հայտնի էր նաև, որ ռուսական քաղաքական գործիչների զգալի մասը, այդ թվում նաև Ստամբուլում ռուսական դեսպանը, առաջարկում էին կառավարությանը Մակուի խանությունում թուրքական զորքերի գործողություններին հակազդել ռազմական միջոցառումներով, ընդհուպ մինչև խանության ժամանակավոր օկուպացիան²²⁴:

Յարական կառավարող շրջաններում այս հաջողությունը գնահատվեց որպես քաղաքական կարևոր նշանակություն ունեցող հաղթանակ: Ռուսական դիվանագետները գտնում էին, որ հիմքեր կան կարծելու, որ Ռուսաստանի միջամտությունը իրանական տերիտորիայի անձեռնմխելիությունը պաշտպանելու հարցում անպայման արձագանք կգնաի նաև Ռեհրանում և «կնպաստի Ռուսաստանի նկատմամբ անբարյացակամորեն տրամադրված քաղաքական շրջաններում բարեկամներ ձեռք բերելուն»²²⁵:

Սակայն այդ հաջողությունը ամրապնդելու համար անհրաժեշտ էր ուժեղացնել Ռուսաստանի ազդեցությունը Մակուի սարդարի վրա և ամենակարևորը՝ Մակուում անհասպող հիմնել ռուսական փոխ-հյուպատոսություն²²⁶:

Դեսպան Չարիբովը գտնում էր, որ Օսմանյան կայսրության ներքին քաղաքական իրավիճակը և բարդ միջազգային դրությունը հնարավորություն են տալիս Ռուսաստանին ավելի կտրուկ հարվածել Իրանում Թուրքիայի վարած քաղաքականությանը: Արտաքին գործերի մինիստրին ուղղված հեռագրերում նա նշում էր. «Բնձ թվում է, որ Արևմուտքում Թուրքիայի այժմյան դժվարությունները (խոսքը վերաբերում է Կրետական ճգնաժամին—Վ. Բ.) բարե-

²²⁴ АВПР, ф. «Канцелярия МИД», 1910, д. 34, лл. 95—96.

²²⁵ ЦГИА Груз. ССР, ф. 15, д. 299, лл. 31 об—32.

²²⁶ ЦГИА Груз. ССР, ф. 521, д. 492, л. 337.

նպաստ իրադրութիւնն են ստեղծում Ուրմիայի հարցում Բ. Գոան վրա ազդելու համար»²²⁷։

Սակայն դեսպանի առաջարկութիւնները այս անգամ ևս շարժանացան արտաքին գործերի մինիստրութեան լուրջ ուշադրութեանը, և ցարական դիվանագիտութիւնը ապաշնորհ կերպով ձեռքից բաց թողեց բարենպաստ մոմենտի ընձեռած հնարավորութիւնը։

Մակուի խանութիւնը զավթելու փորձերը ձախողման մատնելուց հետո Թուրքիան վերստին ակտիվացրեց իր գործողութիւնները Ուրմիայի ուղղութեամբ։ Մեկնաբանելով այդ փաստը, Ստամբուլում իրանական դեսպան Միրզա Ռիզա խանը, որը սերտ հարաբերութիւններին մեջ էր Չարիքովի հետ, այն տեսակետն էր հայտնում, թե դա հետևանք է այն բանի, որ թուրքական կառավարութիւնը համարյա համոզված է, որ «Պետերբուրգի կարինետը չի պաշտպանի Իրանին», որովհետև Թեհրանի քաղաքական շրջաններում առկա են հակառուսական ուժեղ տրամադրութիւններ»²²⁸։

Դեսպանի այս հայտարարութիւնից կարելի էր եզրակացնել, որ թուրքական կառավարող շրջաններում պարզորոշ դիտակցում էին, որ Պետերբուրգը աշխատում է օգտագործել թուրքական ագրեսիայի հարցը իրանական կառավարութեան և հատկապէս Մեջլիսի ու հեղափոխական շրջանների վրա ճնշում գործադրելու նպատակով։

Իր դեկլարութեանը հաղորդելով շահական դեսպանի վերոհիշյալ տեսակետը, Չարիքովը կարծիք էր հայտնում, որ չի կարելի անտարբեր դիրք գրավել Ուրմիայի շրջանում Թուրքիայի անօրինական գործողութիւնների նկատմամբ, որ դա Ռուսաստանի շահերի տեսակետից միանգամայն վտանգավոր երևույթ է։ Ընդհակառակը, այդ իրադարձութիւններին միջամտելը, դեսպանի կարծիքով, հնարավորութիւն կտար նաև Իրանում շահելու քաղաքական կապիտալ, որովհետև նախ Ռուսաստանը ավելորդ անգամ կապացուցեր, որ վճռականորեն պաշտպանում է Իրանի տերիտորիալ ամբողջականութիւնն ու անձեռնմխելիութիւնը և ապա կհամոզեր

²²⁷ АВПР, ф. «Канцелярия МИД», 1910, д. 33, лл. 289 об.—290.

²²⁸ АВПР, ф. «Политархив», 1910, д. 1038, лл. 98—99.

պարսիկներին, որ ռուսները ոչ միայն շեն ցանկանում նվաճել, օկուպացնել կամ մասնատել Իրանը, այլ ընդհակառակը, հող են տանում նրա անձեռնմխելիությունը պաշտպանելու համար:

Այս տեսակետը պաշտպանում էին նաև ցարական մի շարք այլ դիվանագետներ, որոնք առավել հավաստի ինֆորմացիա ունեին Մերձավոր և Միջին Արևելքի բաղադրական իրադրության մասին: Օրինակ, Ս. Օլֆերևի կարծիքով թուրքերի կողմից իրանական տերիտորիայի գրավումը բրդերի շրջանում անպայման կբարձրացնեն Թուրքիայի հեղինակությունը, որը դժվար թե համապատասխաներ Իրանում Ռուսաստանի ուղղակի շահերին, որովհետև «հայկական և բրդական հարցերը, նրանցից յուրաքանչյուրը առանձին վերցրած և իրար հետ փոխկապակցության մեջ Ռուսաստանի արտաքին բաղադրականության համար ունեն առաջնակարգ նշանակություն»²²⁹:

1910 թ. ամռանը թուրքական զորքերը հսկողություն սահմանեցին Քավրիզ, Քերմանշահ և Ուրմիա տանող բոլոր ճանապարհների վրա և առևտրական քարավաններից սկսեցին դանձել ծանր մաքսատուրքեր և հարկեր: Դա անշուշտ անտեսական լուրջ հարված էր հասցնում իրանական վարչությանը, զրկելով նրան եկամտի կայուն աղբյուրներից: Ավելին, վարչական իշխանությունը իրանական աստիճանավորների ձեռքից խլելու նպատակով, թուրքերը իրենց տեղական դրածոներից սկսեցին նշանակել նահանգապետներ²³⁰: Բացի այդ, մի շարք օկուպացված քաղաքներում թուրքական հրամանատարության կողմից նշանակվեցին զինվորական զայմագամներ (պարեաններ)²³¹:

Այդ պատճառով 1910 թ. հոկտեմբեր-նոյեմբերին սահմանակից շրջաններում թուրքական զորքերի և իրանական վարչության ջոկատների միջև սկսվեցին արյունալի ընդհարումներ²³²: Մոհթեշամ-ուս-Սալթանին փոխարինած Ուրմիայի նոր նահանգապետ

²²⁹ ЦГИА Груз. ССР, ф. 521, оп. 2, д. 492, лл. 53—54.

²³⁰ ЦГИА Груз. ССР, ф. 15, оп. 1, д. 298, лл. 6—7, 15; ф. 521, д. 492, л. 6.

²³¹ АВПР, ф. «Персидский стол», 1910, д. 666, л. 2 об.

²³² ЦГИА Груз. ССР, ф. 15, оп. 1, д. 298, л. 7.

էջլալ-օլ-Մուբը իր շուրջը համախմբելով ասորիներին, հայերին, աղբբեջանցիներին, կարափափախներին և առհասարակ հակա-
թուրքական տրամադրութիւններ ունեցող տեղական ողջ բնակչու-
թյանը կաղմակերպեց դիմադրութեան ուժեղ շարժում թուրքական
զավթիչների դեմ²³³։ Միաժամանակ օկուպանտների դեմ ուժգին
պայքար ծավալեցին տեղական հեղափոխական ֆիդայիները։ Այդ
առթիւ կովկասյան մամուլի թղթակիցները գրում էին. «Ֆիդայի-
ների գործունեութունը թուրքական ռեժիմից դժգոհ բոլոր տարբե-
րին համախմբելու ուղղութեամբ դառնում է ավելի ու ավելի ակնա-
ռու։ Վերջերս ֆիդայիի կողմից Ուրմիայում թուրքական հյուպատոսի
դեմ կատարած մահափորձը հանդիսանում է ընդհանուր դժգոհու-
թյան արդյունք։ Ասորիներին, և ընդհանրապես լուսնային ռազմա-
շունչ ցեղերին, ֆիդայիները առատորեն մատակարարում են զին-
քով, որը բերվում է Քերմանշահի և Բենդեր-Աբբասի վրայով»²³⁴։
Անդրադառնալով այդ իրադարձութիւններին, 1910 թ. նոյեմբերին
Ստամբուլից Չարիբովը հեռագրում էր արտաքին գործերի մինիս-
տրութեանը. «Պարսկաստանի և Թուրքիայի միջև ներկայումս
սկսվել է սուր զինված պայքար թուրքերի կողմից օկուպացված հո-
ղերի համար»²³⁵։

Կովկասի ռազմական շրջանի շտաբի հետախուզական բաժնի
տեղեկութիւնների համաձայն 1910 թ. աշնանը և ձմռանը, թուր-
քական և իրանական զորքերի միջև արյունահեղ այդ ընդհարում-
ների ժամանակ թուրքերը ունեին զգալի մարդկային կորուստներ,
որը նրանք բացատրում էին նրանով, թե իբր այդ ընդհարումների
ժամանակ իրենք գործ են ունեցել պարսկական սարքազների հա-
զուստ հագած ռուսական զորքերի հետ²³⁶։ Ուրմիայում թուրքական
գործի հաջողութեան համար ստեղծվել էր բավականին լուրջ վի-
ճակ։ Այդ պատճառով Ստամբուլը գիտեց վճռական քայլերի։ Նախ
մեծ վեղիբը հրամայեց Իրան ուղարկել 3000-անոց մի ջոկատ և

²³³ АВПР, ф. «Персидский стол», 1910, д. 666, лл. 2—3, 93, 96—97, 111—112.

²³⁴ «Тифлиссский листок», 1910, 31 декабря.

²³⁵ АВПР, ф. «Канцелярия МИД», 1910, д. 33, л. 518.

²³⁶ ЦГВИА, ф. 2000 с, оп. 1, д. 7716, л. 132.

բացի այդ Բաղդադից, Բիթլիսից, Վանից և Մուշից սահմանի երկայնքով կենտրոնացվեցին ավելի քան 20 տաբոր լրացուցիչ զորքեր²³⁷։ Այնուհետև թուրքական կառավարությունը որոշեց իրանական բրդերի շրջանում բորբոքել հակահառավարական ուժերին շարժում և նրանց օգտագործել թուրքերի դեմ պայքարող բնակչությանը ահաբեկելու և Քրդստանի սուննիթ բնակչությանից մեծ և ուժեղ բանակ կազմակերպելու համար²³⁸։ Այդ նպատակով այս անգամ առաջին պլանի վրա քաշվեց Շամդինանի շեյխ Աբդուլ Ղադերը։ Վերջինս երիտթուրքական հեղաշրջումից հետո սկզբնական շրջանում հանդիսանալով բրդական հակահառավարական օպոզիցիայի պարագլուխը, շուտով անցավ երիտթուրքերի կողմը և սկսեց ծառայել նրանց։ Իրանական բրդերի շրջանում հակահառավարական շարժում ծավալելու և պրոթուրքական ազդեցության մղելու համար նա Ստամբուլից ստացավ խոշոր գումար և ժամանեց իրանական Քըրդստան։ Օգտագործելով բրդերի շրջանում ունեցած իր մեծ հեղինակությունը և շրջանառության մեջ դնելով թուրքական ոսկիները, Աբդուլ Ղադերին հաջողվեց Ուրմիայի բրդերի մեծամասնությունը տրամադրել իրանական կառավարության դեմ²³⁹։ Նրա ջանքերով թուրքերի կողմն անցավ ամբողջ բեկդադե ցեղը, շեքբաբների մի մասը և այլն²⁴⁰։ Շամդինանի շեյխի հանձնարարությամբ Պիտեր էլտուն Ուրմիայի շրջանում սկսեց զբաղվել իրանական կալվածատերերի հողերի գնումով, որպեսզի դրանք հռչակվեն «թուրքական տերիտորիաներ»։ Նրանք, ովքեր հրաժարվում էին վաճառել իրենց հողերը, ենթարկվում էին հալածանքների, իսկ նրանց կալվածքները կողոպտվում և այրվում էին։ Ուրմիայի թուրքական հյուպատոսությունը հայտարարեց, որ բոլոր ցանկացողները հյուպատոսությունից կարող են ստանալ ազգային թուրքական անձնագիր²⁴¹։ Սա ուղղակի կոչ էր այն մասին, որ հալածանքներից փրկվելու միակ ելքը թուրքական քաղաքացիությունն ընդունելն է։

²³⁷ ЦГИА Груз. ССР, ф. 15, оп. 1, д. 298, лл. 7, 15.

²³⁸ АВПР, ф. «Персидский стол», 1910, д. 666, л. 30.

²³⁹ АВПР, ф. «Миссия в Персии», 1910, д. 60, лл. 10—11; ф. «Полит-архив», 1910, д. 1038, л. 77; ЦГИА Груз. ССР, ф. 521, д. 492, лл. 336—337.

²⁴⁰ ЦГВИА, ф. 2000, д. 60, л. 310.

²⁴¹ АВПР, ф. «Персидский стол», 1910, д. 666, л. 22.

Ստամբուլը որոշեց նաև ձնշում գործադրել շահական կառավարության վրա, որպեսզի վերջինս ազդի Ուրմիայի դիմադրության շարժման մասնակիցների վրա, թուրքական զորքերի դեմ պայքարը դադարեցնելու համար: Այդ նպատակով շահական կառավարությանը ներկայացվեց վերջնագիր, որի մեջ ասվում էր, որ եթե մեկ ամսվա ընթացքում չզադարեցվեն Ուրմիայի շրջանում սկսված «խառնակությունները» և չբավարարվեն թուրքահպատակների պահանջները, ապա Բ. Գուռը կհրամայի հալածանքներ սկսել Թուրքիայում բնակվող երեք հարյուր հազար իրանահպատակների նկատմամբ²⁴²: Այս վերջնագիրը ավելի ազդու դարձնելու համար թուրքական կառավարությունը արգելեց պարսիկներին ուխտագնացություն կատարել Օսմանյան կայսրության տերիտորիայում գտնվող շիրիֆների սրբազան վայրերը՝ Քարբալա և Նաջաֆ²⁴³:

Թեև ի պատասխան այս վերջնագրի շահական կառավարությունը ձևական բողոք հայտնեց Թուրքիայի «ունշով շարդարացվող անօրինական գործողությունների դեմ» հայտարարելով, որ այդ «խառնակությունների» ողջ պատասխանատվությունը ընկնում է օսմանյան կառավարության վրա, բայց և ոչ մի օդնություն չցուցաբերեց Ուրմիայի շրջանում սկսված հակաթուրքական շարժանքը: Իսկ Ռուսաստանը սահմանափակվեց նրանով, որ Ստամբուլում իր դեսպանի միջոցով բացատրություն պահանջեց Բ. Գոնից: Ռիֆաթ փաշան պատասխանեց Չարիբովին, որ թուրքական զորքերը ետ կկանչվեն Ուրմիայի նահանգից միայն այն ժամանակ, երբ տեղական իրանական իշխանությունները ի վիճակի լինեն այնտեղ սպահովել կարգ ու կանոնը²⁴⁴:

1910 թ. երիտթուրքական կառավարությունը կրկին Անգլիայի և Ռուսաստանի առջև հարց բարձրացրեց Իրանում «հավասար իրավունքներ» ունենալու, այլ կերպ ասած՝ Թուրքիային ևս Իրանի բաժանման մեջ մասնակից դարձնելու վերաբերյալ:

Վանի վալի Բեքիր Սամի բեյը, օրինակ, ռուսական հյուպատ-

²⁴² «Тифлисский листок», 1910, 19 сентября.

²⁴³ Նույն տեղում, 12 հոկտեմբերի 1910 թ.:

²⁴⁴ АВПР, ф. «Политархив», 1910, л. 1038, лл. 99—100.

տասի հետ զրույցների ժամանակ «սլաւասոնական մտքեր էր արտահայտում Պարսկաստանի բաժանման անհրաժեշտութեան մասին. Ռուսաստանի, Անգլիայի և Քուրբիայի միջև»²⁴⁵; Ս. Օլֆերեկին ոչինչ չէր մնում, եթէ ոչ հիշեցնել, որ Իրանի «տեքիտորիալ անձեռնմխելիութիւնը երաշխավորված է 1907 թ. անգլո-ռուսական համաձայնագրով»²⁴⁶; Այս շրջանում թուրքական մամուլում մեծ քանակութեամբ հոդվածներ էին տպագրվում Իրանի վերաբերյալ, որոնցում փորձեր էին արվում ապացուցելու, որ Քուրբիայի համար իրանական հարցը կյանքի ու մահու հարց է²⁴⁷; «Չպետք է մոռանալ,— գրում էր, օրինակ, «Քանին» լրագիրը,— որ օսմանյան գրողակը մի ժամանակ ծածանվում էր Քավրիզի վրա, որ Ատրպատականի միլիտանտոր բնակիչները նույն թուրքերն են և արշուճով, և կրոնով, և լեզվով»²⁴⁸;

Ռուսական քաղաքական շրջաններում գտնում էին, որ Իրանի նկատմամբ Քուրբիայի քաղաքականութեան ակտիվացման հարցում դոյութիւն ունեն ներքին համաձայնութիւն երիտթուրքական կառավարութեան և Գերմանիայի միջև. Գա հիմնավորվում էր բազմաթիւ փաստարկներով: Նախ, որ առանց Գերմանիայի աջակցութեան Քուրբիան չէր համարձակվի Իրանի դեմ սկսել այդքան լայն կամպանիա: Այդ հարցի առթիւ գրված գեկուցագրերից մեկում ասվում էր. «Չնայած Բալկանյան թերակղզում և Կրետե կղզում Քուրբիայի ապրած ծանր քաղաքական վիճակին, եվրոպական կոնցերտում այդ թույլ պետութիւնը իր գերմանական հովանավորողի հավանութեամբ Արևմուտքում իր կորուստների դիմաց իրեն վարձատրում է Արևելքում նոր զավթումներով»²⁴⁹: Յարական զինվորական շրջաններին հայտնի էր, որ Գերմանիայի արևելյան սահմանների մոտ Ռուսաստանի զինված ուժերը թուլացնելու և առհասարակ ապագա ռուս-գերմանական պատերազմի զեպրում ռուսական ուժերը Եվրոպայից շեղելու նպատակով գերմանական կառավարու-

²⁴⁵ ЦГИА Груз. ССР, ф. 521, д. 492, л. 259.

²⁴⁶ «Турецко-персидская пограничная спорная полоса», стр. 80.

²⁴⁷ ЦГИА Груз. ССР, ф. 521, оп. 2, д. 492, лл. 53—54.

²⁴⁸ «Մշակ», 26 հոկտեմբերի 1910 թ., էջ 2:

²⁴⁹ ЦГИА Груз. ССР, ф. 15, д. 299, лл. 83 об.—84.

Բյուրնը աշխատում է Ռուսաստանի համար լուրջ սպառնալիք ստեղծել Կովկասում և Իրանում: Այդ պատճառով նա հետևողականորեն պահանջում էր Ռ. Դոնից ավելացնել զորքերի թիվը կայսրության արևելյան վիլայեթներում և հատկապես Արևմտյան Հայաստանի ուղղմական թատերաբեմում: Ընդառաջելով այդ պահանջներին, թուրքական ուղղմական մինիստրությունը 1910 թ. կրկնապատկեց շորթորդ բանակային կորպուսի սվինների թիվը, 1911 թ. աշնանը այն հասցնելով մոտ 70 հազարի²⁵⁰: Միաժամանակ ուժեղացվեցին թուրք-իրանական սահմանների մոտ կենտրոնացված զինված ուժերը: 1910 թ. հոկտեմբերի 14/27-ի գաղտնի հեռագրում Չարիբովը Ստամբուլից հաղորդում էր, որ իրանական զորքերում Ռուսաստանի նկատմամբ թշնամական քաղաքականության նախաձեռնությունը զալիս է Գերմանիայի ազդեցության տակ գտնվող ուղղմական մինիստր Մահմուդ Շեքեթ փաշայից²⁵¹:

1910 թ. վերջերին Թուրքիայում կրկին սկսեցին լուրեր պտտվել Ռուսաստանի հետ մոտալուստ պատերազմի մասին: Ընդ որում, շեշտվում էր, որ կոնֆլիկտը բորբորվելու է Իրանի համար: Երիտթուրքական կենտրոնական կոմիտեն հենց ինքն էր ընթացք տալիս այդ լուրերին²⁵²: Թուրքական կառավարությունը աշխատում էր Ռուսաստանի հետ ուղղմական բախման զեպրում նրա զեմ ոտքի հանել նաև Աֆղանստանին: Դեռևս 1909 թ. թուրքական սպաները ուղղմական-հրահանգչական գործունեություն էին ծավալել աֆղանական բանակում²⁵³: Իսկ 1910 թ. ապրիլին Քարուլ ժամանեցին երիտթուրքական շորս էմիսարներ, որոնք գործուղվել էին Աֆղանստան Ռուսաստանի զեմ պրոպագանդա ծավալելու համար: Նրանց հանձնարարված էր նաև առաջարկել աֆղանական կառավարությանը Թուրքիայի հետ կնքել սրբազան դաշինք Ռուսաստանի զեմ²⁵⁴:

²⁵⁰ «Военный сборник», СПб., 1911, № 12, стр. 91; «ИШКВО», 1910, № 28, стр. 73.

²⁵¹ АВПР, ф. «Канцелярия МИД», 1910, л. 33, л. 447.

²⁵² ЦГИА Груз. ССР, ф. 15, оп. 1, д. 298, л. 15.

²⁵³ ЦГВИА, ф. 2000, л. 1020, л. 32.

²⁵⁴ ЦГВИА, ф. 2000, л. 3778, лл. 440 об.—441.

Թուրքական կառավարող շրջաններում ավելի ու ավելի հաճախակի էր խոսվում Իրանի վերաբերյալ հատուկ գերմանա-թուրքական համաձայնագիր կնքելու մասին: Կառավարական շրջանների հետ կապված պաշտոնական մամուլը այդ մասին գրում էր միանգամայն բացահայտ: Այսպես, 1910 թ. հուլիսի 24-ի համարում «Le Jeune Turc» թերթը հրատարակեց մի հոդված «Պարսկական հարցը և Թուրքիան» վերնագրով, որտեղ Ռուսաստանի հասցեին արվում էին շարամիտ հարձակումներ և կոչ էր արվում իրանական գործերի վերաբերյալ հատուկ համաձայնագիր կնքել Գերմանիայի հետ²⁵⁵:

Լոնդոնի կաբինետի դիմումը Թեհրանի կառավարությանը, որտեղ պահանջվում էր եռամսյա ժամկետում վերականգնել Հարավային Իրանի առևտրական հանապարհների անվտանգությունը, Թուրքիայում ընկալվեց որպես վերջնագիր Իրանի բաժանման վերաբերյալ: Ստամբուլում սկսվեցին աղմկալի բողոքի ցույցեր²⁵⁶: Հեռագրերի տարափ սկսեցին տեղալ Վիլհելմ II-ի անունով, որոնցում խնդրվում էր «փրկել» Իրանը Անգլիայից և Ռուսաստանից:

Երիտթուրքերի կազմակերպած այդպիսի միտինգներում և ցույցերում բուռն ձայներով հանդես էր գալիս նաև հայտնի պանթուրքիստ, ռուսահայտակ Աղաևը²⁵⁷: Ռուսաստանի շուրջը բոլոր կողմերից կրակն օղակ ստեղծելու նպատակով Թուրքական կառավարությունը որոշեց ավելի նպատակասլաց օգտագործել պանիսլամիզմի ղեկըր: Բաղդադում ռուսական փոխհյուպատոս Օրլովը հայտնում էր Չարիբովին, որ Թուրքական իշխանությունների հրահանգով Նաջաֆի արաբական մուշտեհիդները համոզում են իրանական ամենաազդեցիկ մուշտեհիդ Սեյիդ Քյադիմ Յեզդիին Իրանում ծավալել հակառուսական ազիտացիա և հրատարակել մահմեդականների միավորման մասին հատուկ ֆեթվա: Թեև Սեյիդ Քյադիմը հրաժարվեց կատարել այդ պահանջը, սակայն, գտնվեցին մուշտեհիդներ, որոնք մեղանշելով իրականության դեմ և դավա-

²⁵⁵ ЦГИА Груз. ССР, ф. 521, д. 492, лл. 285—286.

²⁵⁶ E. Browne, The Press and Poetry of Modern Persia, pp. 326—327

²⁵⁷ АВПР, ф. «Канцелярия МИД», 1910, д. 33, лл. 447—447 об.

Ճանելով իրենց ազգային շահերին շահական կառավարությանը և Մեջլիսին հեռագրում էին. «Մահմեդականների միավորումը արդեն տեղի է ունեցել և եթե ձեզ ինչ-որ բան անհրաժեշտ է երկրում վերափոխություններ անց կացնելու համար, դիմեցե՛ք թուրքական կառավարությանը և նա կօգնի ձեզ: Անհավատներից մեր փրկությունը բոլոր մահմեդականների միավորման մեջ է»²⁵⁸:

Գերմանական իմպերիալիզմը մեծադույն եռանդով և հետևողականությամբ շարունակում էր խրախուսել Թուրքիայի ելույթները Անտանտի՝ իր հակառակորդների դեմ:

Իրանում անգլո-ուսական դիրքերի դեմ (հատկապես այդ պետությունների կողմից Իրանի հարավային և հյուսիսային շրջանների օկուպացումից հետո) կատաղի կամպանիա էր ծավալել պանգերմանական մամուլը: Նա արտաքին գործերի մինիստրությանը հրավիրում էր ավելի եռանդուն քաղաքականության, հիմնավորելով այդ նրանով, որ Գերմանիան չափազանց շահագրգռված է Իրանի ճակատագրով: Ավստրո-հունգարական մամուլը ավելի էր բորբոքում գերմանա-թուրքական միլիտարիստական շրջանների կըրքերը, հայտարարելով, որ Գերմանիան և Թուրքիան շեն կարող անտարբեր մնալ Իրանի բաժանմանը Անգլիայի և Ռուսաստանի կողմից²⁵⁹:

1910 թ. Գերմանիան Իրանում նետվեց նոր գրոհի: Թուրքիան դրա նկատմամբ դրսևորեց կատարյալ համերաշխություն: Պետք է նշել, որ 1910 թ. Իրանում Գերմանիայի և Թուրքիայի քաղաքականության կոոպերացումը իր մասշտաբներով ու թափով հասավ աննախընթաց չափերի: 1910 թ. թուրքերի օգնությամբ գերմանացիները ձեռնամուխ եղան իրանական սպաների ռազմական ուսուցմանը: Սպաների մի մասը մեկնեց սովորելու Ստամբուլի ռազմական դպրոցներում, իսկ Թեհրանում գերմանացիները հիմնադրեցին բարձրագույն ռազմա-ուսումնական հաստատություն²⁶⁰, Գերմանիան կրկին փորձեց Իրանում ձեռք բերել ֆինանսա-տնտեսական

²⁵⁸ АВГР, ф. «Политархив», 1910, д. 1039, лл. 199, 203.

²⁵⁹ «Тифлисский листок», 1910, 12 октября.

²⁶⁰ «Русское слово», 1910, 8 апреля.

Նվաճումներ և հնարավորության դեպքում այդ ասպարեզում դուրս մղել իր մրցակիցներին: Գերմանական իմպերիալիզմը հատկապես լայն հարձակում ծավալեց Հյուսիսային Իրանում: 1909 թ. այնտեղ սկսեց գործել «Մոսսիգ և Շյունեման» ընկերությունը, որը գերմանական «Ահանայան գծի» բաժանմունքներից մեկն էր: Հիշյալ ընկերությունը հաջողությամբ դուրս մղեց «պարսկական փոխադրամիջոցների ուսսական բյուրոյին», որն օգտվում էր իրանական ապրանքների փոխադրման մենաշնորհային իրավունքից, և Իրանում սկսեց տարածել մեծ քանակությամբ գերմանական ապրանքներ²⁶¹: Նույն թվականին իրանական ներքին գործերի մինիստրությունից, այսպես կոչված, «Իրանա-գերմանական ընկերությունը» ստաշավ Ուրմիա լճի շահագործման կոնցեսիան:

Գերմանացիները Թավրիզում կառուցեցին նաև մեխանիկական ալլարդաց, կոճակի գործարան, կառեր, սալլեր, զանազան գյուղատնտեսական գործիքներ պատրաստող արհեստանոց և բազմաթիվ այլ ձեռնարկություններ²⁶²: Դեռևս 1910 թ. սկզբին գերմանական գործակալությունը համոզում էր իրանական կառավարական շրջաններին մերժել փոխառության վերաբերյալ անզու-ուսսական առաջարկությունը և փոխառության պայմանագիր կնքել Գերմանիայում: Այդ նպատակով 1910 թ. մարտին Թեհրան ժամանեց «Դեյչե բանկի» ներկայացուցիչ Սալիդ Ռյուլեն, որը սկսեց բանակցություններ վարել գերմանական փոխառության վերաբերյալ: Ռյուլենի միջոցով «Դեյչե բանկը» իրանական կառավարությունը ներկայացնում էր նաև մի շարք կոնցեսիաների պահանջներ: Մասնավորապես առաջարկում էր Գերմանիային տրամադրել Խանեկին — Թեհրան երկաթուղագծի շինարարության կոնցեսիան, որը Իրանը կադելու էր Բաղդադի երկաթուղու հետ, ինչպես նաև նավթի և այլ հանածոների շահագործման կոնցեսիաներ: Թուրքիան անմիջապես աջակցություն ցույց տվեց գերմանական այս նախաձեռնությունը: Թուրքական գործակալությունը Թեհրանի շուկայում և հա-

²⁶¹ А. Хацаб, Экономическое положение современной Персии и ее торговля с прочими странами. «Мир ислама», СПб., 1912, т. I, № 2, стр. 171.

²⁶² «Մշակ», 16 հունվարի, 1910 թ.:

սարակական այլ վայրերում սկսեց լուրեր տարածել «գերմանացի-ների օգտակար գործունեության մասին», ձրի բաժանել թուրքական թերթեր, որոնք աշխատում էին համողել ընթերցողին, որ Իրանի միակ փրկիչը Գերմանիան է: «Գեմոկրատական» կուսակցության օրգանները անմիջապես արձագանքեցին դրանց՝ հանդես գալով գերմանական բանկի արած սուաշարկությունների օգտին: «Իրանե նոուն», օրինակ, ցանկություն էր հայտնում, որ Իրանի բոլոր կոնցեսիաները տրվեն գերմանացիներին²⁶³: «Շարք» և «Մեջլիս» թերթերը գերմանական մամուլից արտատպում էին հոգվածներ, որոնցում նշվում էր, որ Իրանի ինքնուրույնության փայլուն ապացույց կարող է լինել այն, որ հակառակ Ռուսաստանի և Անգլիայի արգելքների նա Գերմանիային տրամադրի երկաթուղային կոնցեսիաներ²⁶⁴:

1910 թ. հուլիսին իրանական ռազմական մինիստրության պաշտոնական օրգան «Թամազգունը» հայտարարեց, որ «նորաստեղծ կաբինետը իր առջև նպատակ է դրել Իրանի մերձեցումը Գերմանիայի հետ»²⁶⁵: Մեջլիսում ևս ղեմոկրատները հանդես էին գալիս շուտափույթ կերպով գերմանիայի հետ մերձենալու, նրան երկաթուղային կոնցեսիաներ տրամադրելու և «Գեյլե բանկի» հետ փոխառություն կնքելու օգտին: Սակայն Անգլիայի և Ռուսաստանի հակադեղեցության հետևանքով այս անգամ ևս չհաջողվեց Իրանում ձևոք բերել կոնցեսիաներ: Մեջլիսը ստիպված սահմանափակվեց նրանով, որ որպես փոխհատուցում Գերմանիային իրավունք տրվեց առանց մաքսատուրքեր վճարելու Իրան ներմուծել գերմանական մեքենաներ Թավրիզի երկաթի իրերի և արդուզարդի ապրանքների սարքավորման համար²⁶⁶:

Սակայն այս անհաջողությունը չվհատեցրեց գերմանական իմպերիալիզմին, մանավանդ, որ Թուրքիայի հետ համադորձակցությունը նրան խոստանում էր փայլուն հեռանկարներ:

²⁶³ «Русское слово», 1910, 13 мая.

²⁶⁴ «Сборник дипломатических документов, касающихся событий в Персии», СПб., 1912, вып. IV, 1910.

²⁶⁵ Նույն տեղում, вып. V, 1910.

²⁶⁶ Т. С. Короткова, Иран накануне первой мировой войны, стр. 13—14.

Բացի նրանից, որ Քուրբիան Ուրմիայի շրջանում իր վարած քաղաքականությունը հարված էր հասցնում Ռուսաստանի տնտեսական շահերին և նպաստում գերմանական գործունեության ծավալմանը, նա ձեռնարկում էր մի շարք այլ միջոցառումներ, որոնք ուղղակի ծառայում էին նաև գերմանական շահերին: Այսպես, ռուսական դիվանագետների կարծիքով, Քուրբիան աշխատում էր փակել ռուսական ապրանքների մուտքը Ուրմիայի շրջան հօգուտ գերմանական ապրանքների²⁶⁷ և այդ պատճառով Գերմանիան աջակցում էր նրան ակտիվացնելու իր զավթումների քաղաքականությունը իր համար առաջնակարգ տնտեսական նշանակություն ունեցող այդ նահանգում²⁶⁸: Բացի այդ, թուրքական դիվանագետները բանակցություններ էին վարում Ուրմիա լճի սեփականատեր արքայազն Իմամ Ղուլի միրզայի հետ հօգուտ լճի վրա նավագնացություն սահմանելու վերաբերյալ գերմանական կոնցեսիայի²⁶⁹, ընդ որում, իմանալով, որ այդ կոնցեսիան աշխատում է վերցնել Ռուսաստանը:

Գերմանիան փորձում էր նաև Քուրբիայի օգնությամբ ողջ իրանական առևտուրը թեթև դեպի Տրապիզոն, շրջանցելով Բաթումը և Պարսից ծոցը²⁷⁰: Այդ ծրագրի իրագործումը նա բնականաբար կապում էր Բաղդադի երկաթուղու և նրա ճյուղավորումների շինարարության հետ: Գերմանական այս պլանները միանգամայն համապատասխանում էին Օսմանյան կայսրության շահերին և այդ պատճառով 1910 թ. երկու պետություններն էլ սկսեցին ավելի հաճախակի խոսել Քուրբիան Իրանի հետ կապող երկաթուղային շինարարության իրենց պլանների մասին: Գերմանական և թուրքական մամուլը անմիջապես նետվեցին գրոհի անզրո-ռուսական բլոկի դեմ: «Պոստը» գրում էր, որ Իրանում անգլիական քաղաքականությունը ձգտում է Մեծ Բրիտանիայի հզորության հրեշավոր ընդլայնման և «անկախ» Բաղդադի երկաթուղու ստեղծման գերմանա-թուրքական

²⁶⁷ АВПР, ф. «Персидский стол», 1910, д. 666, лл. 4, 30.

²⁶⁸ АВПР, ф. «Канцелярия МИД», 1910, д. 33, л. 518.

²⁶⁹ «Մշակ», 18 ապրիլի 1910 թ., էջ 3:

²⁷⁰ А. К. Фукс, նշվ. աշխ., էջ 112:

պլանի ոչնչացման²⁷¹: Իսկ Թուրքական մամուլում հրապարակվող բազմաթիվ հոդվածներում այն միտքն էր առաջ քաշվում, թե նախադրվող ռուսական Զուլֆա—Թավրիզ—Թևհրան հրկաթուղային գծի հետ մրցակցելու համար Թուրքիան պետք է անհապաղ կառուցի Ստամբուլ—Սիվաս—Էրզրում—Բայազեդ—Թավրիզ—Թևհրան գիծը²⁷²: Խոսվում էր նաև Թուրքիան Իրանի հետ կապող խճուղային ճանապարհների շինարարության հույժ անհրաժեշտության մասին, որոնցից իր անասական և ռազմական նշանակությամբ առավել կարևորը համարվում էր Վան—Ուրմիա ճանապարհը²⁷³:

Այս ծրագրերը չէին կարող շանհանգստացնել Ռուսաստանին, մանավանդ որ դրանց իրականացման գործում Գերմանիայից բացի ընդգրկված էր նաև Ֆրանսիան, որը Մերձավոր և Միջին Արևելքում անտեսական նվաճումների համար ոչ մի խտրություն չէր դնում միջոցների մեջ, ընդհուպ մինչև այն, որ անասելով իր դաշնակցային պարտավորությունները Անտանտի նկատմամբ, գործարքների մեջ էր մտնում Գերմանիայի հետ, և ամենագործուն մասնակցություն ցուցաբերում Փոքր Ասիայում հրկաթուղային շինարարության և ռուս-թուրքական սահմաններին մոտեցող խճուղային ճանապարհների շինարարության գործին, որոնք անմիջականորեն հարվածի տակ էին դնում Ռուսաստանի շահերը Մերձավոր Արևելքում:

1910 թ. Ֆրանսիան ևս սկսեց փորձեր կատարել Թուրքիայի օգնությամբ Իրանում գործեր ծավալելու ուղղությամբ, հատկապես աշխատելով ներխուժել ռուսական ազդեցության գոտու ոլորտները: Այդ նպատակով Ֆրանսիական կառավարող շրջանները սկսեցին ուշի-ուշով հետևել Իրանում Թուրքիայի զավթողական բաղաբաղանության ընթացքին: 1910 թ. գարնանը Վանից ռուսական փոխհյուպատոսը տեղեկացնում էր իր կառավարությանը, որ իր ձեռքի տակ եղած փաստաթղթերից և արժանահավատ այլ սկզբնաղբյուրներից բաղած տեղեկությունների համաձայն Ֆրանսիայի արտաքին

271 «Тифлисский листок», 1910, 12 октября.

272 ЦГИА Груз. ССР, ф. 521, л. 492, л. 308.

273 Նույն տեղում, Թ. 289:

գործերի մինիստրութիւնը հանձնարարել է Վանում իր փոխ-հյուպատոսին՝ անհրաժեշտ տեղեկութիւններ տալ թուրքերի գործունեութեան մասին Իրանում²⁷⁴։ Այնուհետեւ Ս. Օլֆերերը հայտնում էր, որ ֆրանսիական կապիտալը հատկապէս մեծ հետաքրքրութիւն է դրսևորում Արևելյան Անատոլիայի և Իրանի առևտրի նկատմամբ, մտադիր է ավտոմոբիլային խճուղային ճանապարհ կառուցել Տրապիզոնից Ադիլշեղ, որի հետևանքով, ըստ նախնական հաշիւումների, մի քանի անգամ կմեծանա Տրապիզոնի և Էրզրումի վրայով արևմտանվորական ապրանքների հոսքը դեպի Իրան։ Հաղորդագրութեան մեջ մասնավորապէս նշվում էր, որ թուրքերը արգեն ձեռնամուխ են եղել ֆրանսիական կապիտալի օգնութեամբ կառուցելու Վան—Ուրմիա հեռագրական գիծ և խճուղային ճանապարհ, որոնք թուրքիայի համար ունենալու են կարևոր ստրատեգիական նշանակութիւն²⁷⁵։ Այնուհետեւ ասվում էր, որ երիտթուրքական կառավարութիւնը վերոհիշյալ ծրագրերի իրագործումը համարում է առաջնակարգ քաղաքական նշանակութիւն ունեցող գործ, իսկ Ծրանսիան շահագրգռված է դրանցում առևտրական-քաղաքական տեսակետից²⁷⁶։

Այդ ծրագրերը խափանելու նպատակով փոխ-հյուպատոսը առաջարկում էր շտապ բարեկարգել Էջմիածին—Քայազեղ—Վան խճուղին, արգելելու համար Տրապիզոնի վրայով Արևմտյան Հայաստանի և Իրանական Ագրբեջանի շուկաների հեղեղմանը արևմտանվորական ապրանքներով։ Նրա կարծիքով այդ միջոցառումը կամրապնդեր նաև Արևմտյան Հայաստանի բարոյական կապը Ռուսաստանի հետ²⁷⁷։

1911 թ. աշնանը, հայտնի դարձավ, որ ֆրանսիացիները հետաքրքրութիւն են ցուցաբերում նաև թուրք-իրանական սահմանամերձ շրջանների հանքային հանածոների նկատմամբ։ Իրանց շահագործման կոնցեսիան ձեռք բերելու նպատակով Շամդինան²⁷⁸

274 ЦГИА Грyз. ССР, ф. 521, д. 492, л. 206.

275 Նույն տեղում, Թ. 289։

276 Նույն տեղում, ԹԹ. 159, 288։

277 Նույն տեղում, ԹԹ. 289։

278 Շամդինանը գտնվում էր Վանի վիլայեթի հարավ-արևելյան մասում և սահմանակցում էր Իրանին։

ժամանեց «Ֆրանսիական օտտոմանյան սինդիկատի» ներկայացուցիչ, ինժեներ Հրաչյա Մարալը, որը սկսեց բանակցություններ վարել տեղական շեյխերի հետ²⁷⁹: Թուրքական մինիստրների խորհուրդը որոշեց Շամդինանը վերածել առանձին «մութեսարիֆ-լիբի» և նրան միացնել Իրանից զավթված հարևան տերիտորիաները²⁸⁰:

Այս կապակցությամբ Կովկասի ռազմական շրջանի շտաբի տեղեկագիրը գրում էր. «Վաղուց արդեն հայտնի է, որ Քրդստանում և Թուրքահայաստանում մենք չենք կարող հույս դնել մեր նկատմամբ եվրոպական պետությունների անկեղծ վերաբերմունքի վրա: Նրանք բոլորը այդ վայրերում հետապնդում են իրենց ծածուկ նպատակները և նախանձով լի են Ռուսաստանի ամենափոքր իսկ հաջողությունների նկատմամբ: Նույնիսկ Ֆրանսիացիները՝ մեր դաշնակիցները, աշխատում են արգելք հանդիսանալ մեր ազդեցության տարածմանը Քրդստանում: Չի կարելի կասկածել նրանում, որ Թուրքերի հաջողությունները Ադրբեջանում շատ ավելի են արժանանում ֆրանսիացիների, գերմանացիների և անգլիացիների համակրանքին, քան այնտեղ մեր ազդեցության ուժեղացումը: Թուրքերից չեն վախենում, բայց Ռուսաստանի հզորության մեծացումը Քրդստանում մի մղձավանջ է նույնիսկ մեր դաշնակիցների համար: Այդ ճշմարտության հետ մենք պետք է հաշվի նստենք և Մերձավոր Արևելքի նշված վայրերում աշխատենք կրկնապատկված եռանդով, բացառապես հույս դնելով սեփական ուժերի վրա»²⁸¹:

Վանի փոխ-հյուպատոս Ս. Օլֆերեր արտաքին գործերի մինիստրությանը գրած իր հաղորդագրություններից մեկում մեկնաբանելով դեպի Արևելք շարժվելու Թուրքիայի բուռն ձգտման պատճառները, գտնում էր, որ Ռուսաստանը պետք է պատրաստ լինի կասեցնելու ոչ միայն Թուրքիայի, այլև իր բոլոր հակառակորդների

²⁷⁹ «Сводка сведений... за время с 1-го марта по 1-е апреля 1912 г.», № 19—20, Тифлис, 1912, стр. 4—5.

²⁸⁰ «Сводка сведений...», 1911, № 3, стр. 5.

²⁸¹ «Сводка сведений...», 1912, № 19—20, стр. 2—3.

շարժումը դեպի այն շրջանները, որտեղ նա ունի առաջնակարգ տնտեսական և քաղաքական շահեր: «Ոչ ոք չի կարող երաշխավորել, — գրում էր փոխ-հյուպատոսը, — որ ոչ հետու ապագայում Արարատի ստորաը, որտեղից իջնում են ճանապարհները դեպի Ռուսաստան և Իրան, Քուրբիայի համար ձեռք կրերի ավելի մեծ նշանակություն, քան ամբողջ Մակեդոնիան, որովհետև ամեն ինչ վկայում է այն մասին, որ թուրքական կայսրության ծանրության կենտրոնը անխուսափելիորեն Արևմուտքից տեղափոխվում է Արև-վելք: Միջագետքը, Փոքր Ասիան, Սիրիան, Պաղեստինը պետք է ընդգրկվեն համաշխարհային կյանքի ընդհանուր շրջանառության մեջ: Դա պատմության հերթական խնդիրն է և այն կիրազործվի»²⁸²: Որպես Ռուսաստանի կողմից հակազդող գործոն նա առաջարկում էր շտապ կարգով կառուցել Համադան—Քերմանշահ—Խանեկին երկաթուղին, որը ըստ նրա, հսկայական նշանակություն կունենար Ռուսաստանի առևտրական և քաղաքական ազդեցության ամրապնդման գործում ոչ միայն Իրանում, այլև Օսմանյան կայսրությունում, և հնարավորություն կտար մի կողմից նվաճել նոր շուկաներ, իսկ մյուս կողմից շեղել եվրոպական կապիտալիստների ուշադրությունը Բաղդադի երկաթուղուց²⁸³: Ինչպես տեսնում ենք, ցարական դիվանագետը ակնարկում էր այն մասին, որ անհրաժեշտ է անհաղթահարելի պատենել կառուցել ոչ միայն գերմանական եզակիրիլի, այլև «բարեկամ» եվրոպական պետությունների դեմ:

* * *

Դեռևս 1909 թ. Քուրբիան ձևոնամուխ եղավ Իրանում օկուպացված տերիտորիաների ամբացման գործին: Կազմակերպվեց քաղաքացիական վարչություն, որի նպատակն էր ոչ միայն տնտեսական ու քաղաքական տեսակետից չլուրացնել այդ տերիտորիաները, այլև շեշտել, որ դրանք այլևս դուրս են եկել շահական կառավարության իրավասությունից: Օկուպացիոն իշխանությունները սկսեցին բնակչությանից զանձել հողային հարկ, կազմակերպել

²⁸² ЦГИА Грyз. ССР, ф. 521, д. 492, л. 57.

²⁸³ Նույն տեղում, թթ. 61, 308:

տեղական վարչութիւնն օրգաններ²⁸⁴, փոստային հաղորդակցութիւն, նամակագրութիւնն գրաքննութիւնն, մի շարք վայրերում հիմնեցին մաքսատներ²⁸⁵, տեղական խաներից ու կալվածատերերից վարձակալութիւններ վերցրին հողեր, անց կացրին բնակչութիւնն մարդահամար և այլն:

Բ. Դուռը ծրագրեց զավթված շրջաններում սովորական օկուպացիոն ղորամասերը փոխարինել հատուկ սահմանապահ ղորերում («սերհեդ-բուլլաքաթի»), որոնք անմիջականորեն ենթարկվելու էին սահմանային կոմիսարներին: Վ. Մինորսկին ենթադրում էր, որ այդ սերհեդը նպատակ ունի մեկընդմիջտ վերացնել ակնարկներն այն մասին, որ դրանք օկուպացիայի ենթարկված շրջաններ են և հնարավորութիւնն ստեղծել դրանք Օսմանյան կայսրութիւնն մեկ ընդհանուր սահմանի մեջ մտցնելու համար²⁸⁶:

1909 թ. նոյեմբերին Վանի նոր կուսակալ (վալի) Բեքիր Սամիրելը ուղևորութիւն կատարեց դեպի զավթված շրջանները, կամ նրա արտահայտութիւնով «Վանի վիլայեթի նոր սահմանները», այդ շրջաններից հատուկ վարչական միավոր կազմակերպելու համար, որը անմիջականորեն ենթարկվելու էր Ստամբուլին²⁸⁷:

Տեղում ծանոթանալով իրավիճակի հետ, վալին կառավարութիւնը ներկայացրեց ընդարձակ ղեկուցագիր՝ անելով մի շարք կոնկրետ առաջարկութիւններ օկուպացված տերիտորիաների յուրացման գործը արագացնելու վերաբերյալ: Մասնավորապես նա գտնում էր, որ անհրաժեշտ է անհապաղ փոխել օկուպացիոն ղորերի կազմը, որոնք, նրա արտահայտութիւնով, «մինչև վերջին զինվորը գտնվում են սարսափելի բարոյալքված վիճակում և հետևաբար պիտանի չեն այդքան լուրջ բաղաբական միսիայի իրագործման համար, չհաշված այն, որ իրենց վարքագծով նրանք երբեք չեն կարողանա տեղական բնակչութիւնն շրջանում բարյացակամ վերաբերմունք ստեղծել Թուրքիայի նկատմամբ»²⁸⁸:

²⁸⁴ АВПР, ф. «Политархив», 1910, д. 1038, л. 100.

²⁸⁵ АВПР, ф. «Персидский стол», 1909, д. 540, л. 10.

²⁸⁶ «Объезд оккупированных...», стр. 109, 110.

²⁸⁷ АВПР, ф. «Персидский стол», 1909, д. 661, лл. 240—241.

²⁸⁸ Նույն տեղում, թթ. 267—268:

Ստամբուլը անմիջապես ընդառաջեց Բերքի Սամի բեյի առաջարկությանը: Քուրբական օկուպացիոն ջոկատները փոխարինվեցին նոր զորքերով, ընդ որում, նշանակալից չափով ավելի բան նախկինում²⁸⁹: Այնուհետև Չիարիքում, Ուշնուում, Սուլդուլում և մի շարք այլ վայրերում հիմնվեցին գալմազամուսթյուններ, որոնց վրա դրված էր հիշյալ շրջանների վարչական կառավարման պարտականությունը²⁹⁰: Որպես կանոն գալմազամի պաշտոնում նշանակվում էին սպաները («իզարեի մեմուրի»):

Չավթած տերիտորիաները սկզբում անվանեցին «նեահիյե ջեդիդե» (նոր գավառներ), կամ «նեահիյե շարկիե» (արևելյան գավառներ), դրանով իսկ այդ շրջանները հայտարարելով Օսմանյան կայսրության մի մասը: Սակայն քանի որ «նեահիյե ջեդիդե» անվանումը հակասում էր Ստամբուլի պնդումներին, թե իբր այդ նահանգները պատմականորեն միշտ էլ պատկանել են Քուրբիային, հիշյալ շրջանները վերանվանվեցին «Նեահիյե մալումե» (հայտնի գավառներ)²⁹¹: Այսպես կոչված «հայտնի գավառները» վարչական տեսակետից բաժանվեցին երկու մասի, որոնք համապատասխանաբար գտնվում էին էրբլանի հարբի (գլխավոր շտաբ) երկու սպաների՝ փոխգնդապետ Բեհշեթ բեյի և գնդապետ Ահմեդ Ռեֆիկ բեյի իրավասության տակ, որոնք կրում էին սահմանային կոմիտարի տիտղոս: Նրանցից առաջինի կենտրոնը գտնվում էր Վանում, երկրորդինը՝ Մոսուլում: Բեհշեթ բեյի իրավասության տակ գտնվող շրջանը իր մեջ ընդգրկում էր Չիարիքից մինչև Ուշնու ընկած տերիտորիան, իսկ Ռեֆիկ բեյի տեղամասը տարածվում էր Սուլդուլից մինչև Բանն:

Օկուպացված տերիտորիայի հյուսիսային կեսը գրավված էր շորբորդ բանակային կորպուսի զորքերով և բաժանվում էր երեք գալմազամուսթյունների՝ Չիարիք, Մավանա և Ուշնու: Հարավային կեսը օկուպացված էր 6-րդ բանակային կորպուսի կողմից և բաղկացած էր Սուլդուլ, Սերդեշտ և Բանն գալմազամուսթյուններից: Օկուպացիոն զորքերի սպաները օգտվում էին որոշակի վարչական

²⁸⁹ Նույն տեղում, թթ. 274—275:

²⁹⁰ ЦГИА Грyз. ССР, ф. 521, д. 492, лл. 3—3 об., 18, 24.

²⁹¹ ЦГВИА, ф. 2000, оп. 1, д. 1020, л. 35.

իրավունքներից, օրինակ, դաշմադամների բացակայութան ժամանակ նրանց փոխարինում էին սպաները²⁹² և այլն:

Հետագայում Թուրքական կառավարութան հատուկ որոշմամբ օկուպացված շրջանները հայտարարվեցին Վանի վիլայեթի մեջ մտնող տերիտորիաներ և սկսեցին տալ նույնիսկ պատգամավորներ Թուրքական պառլամենտի համար²⁹³: Սակայն այդ տերիտորիաների նկատմամբ վարչական որոշումները կայացվում էին ոչ թե Վանի վալիի, այլ անմիջականորեն Ստամբուլի կողմից²⁹⁴: Սա անշուշտ վկայում էր այն մասին, որ Իրանից զավթված տերիտորիաների յուրացումը կատարվում էր պետական բաղաբաղանդության մակարդակով:

Տեղական բնակչությանը իրանական պետությունից կտրելու և Թուրքիայի կողմը հակելու նպատակով Ստամբուլը որոշեց անց կացնել մի շարք միջոցառումներ: Նախ, բաղաբացիական վարչության օրգանները սկսեցին խստատնալ գյուղացիներին յոթ տարի ժամկետով հարկեր շղանձել նրանցից²⁹⁵: 1910 թ. հունիսին հայտարարվեց, որ Ստամբուլից ստացված հրամանի համաձայն աղանաջի (անասունների համար գանձվող հարկ) և աշարի (տասանորդ) գանձումը «նևահիչե ջեղիդե» շրջաններում վերանում է: Կառավարությունը կարգադրեց ամեն ինչ անել տեղական բնակչության համահրանքը շահելու համար²⁹⁶: Այդ առթիվ Ուրմիայի ուսական փոխ-հյուպատոսը գրում էր. «Թուրքերը ագիտացիա են մղում, թե մի քանի տարում վերացվում է հարկերի գանձումը բնակչության այն հատվածներից, որոնք համաձայն են ամբողջապես անցնել իրենց հպատակության տակ»: Նրա կարծիքով, թեև այդ միջոցառումը կրում էր փորձնական բնույթ, սակայն, այն կարող էր ունենալ մեծ հաջողություն, որովհետև տեղական բնակչությունը,

²⁹² «Объезд оккупированных...», стр. 110.

²⁹³ «Сводка сведений... за время с 1-го марта по 1-ое апреля 1912 г.», Тифлис, 1912, № 19—20, стр. 12.

²⁹⁴ ЦГИА Груз. ССР, ф. 521, оп. 2, д. 492, л. 205.

²⁹⁵ АВГПР, ф. «Персидский стол», 1911, д. 672, л. 138 об; ЦГВИА, ф. 2000 с, оп. 1, д. 7719, л. 85.

²⁹⁶ ЦГИА Груз. ССР, ф. 521, оп. 2, д. 492, л. 216.

որը «ամենօրյա ակնառու օրինակներից ավելի ու ավելի է համոզվում պարսկական կառավարության անզորության մեջ և այն բանում, որ գնալով թուրքերի ակզեցությունը քրդերի նկատմամբ ուժեղանում է, բնական է, որ վերջիվերջո կգերազասի անցնել ավելի ուժեղների կողմը, որոնք ցանկության ղեպքում ի վիճակի կլինեն պաշտպանել իրենց ոչ միայն ամենաահաբակու թշնամուց՝ քրդերից, այլև պարսկական կառավարությունից»²⁹⁷;

Իրենց համար կայուն սոցիալական հենարան ստեղծելու նպատակով թուրքական իշխանությունները սկսեցին խորխուլել նաև իրանական պետության հետ կապված տեղական կալվածատերերի դիրքերը, զուրս մղել նրանց և ընդհակառակը, թուրքահպատակ կամ թուրքոֆիլ քրդական ավազանուց ստեղծել հողատերերի նոր դասակարգ: Դա կատարվում էր իրանական կալվածատերերի կալվածքները վարձակալելու կամ բռնագրավելու միջոցով²⁹⁸: «...Անվըստահությունը վաղվա օրվա նկատմամբ,— գրում էր Ուրմիայի ռուսական մոխհչուպատոսը,— և թուրքերի կողմից առաջարկվող խոշոր կանխիկ գումարները ստիպում են կալվածատերերին համաձայնվել նման գործարքների հետ, թեև նրանք համոզված են, որ կալվածքները վարձակալությամբ թուրքերին տալը հավասարազոր է նրանց լրիվ կորստին: Հողատերերը իրավացիորեն գտնում են, որ ավելի լավ է իրենց կալվածքների համար ստանալ նրանց արժեքի տասերորդ մասը, քան զրանք տալ ձրի»²⁹⁹: Նույնիսկ այնպիսի խոշոր հողատեր-կալվածատերեր, ինչպես Աղա-խան Միր Փենչը, Նասիր-ուղ-Դոուլեն, Հաջի Մուսթեշար Լեշքերը և Սալար Մոզաֆֆարը, որոնք սկզբնական շրջանում հրաժարվում էին թուրքերի հետ ունենալ որևէ առնչություն, վերջ ի վերջո ստիպված էին հետևել մեծամասնության օրինակին և իրենց կալվածքները ղնել թուրքական «հովանավորության տակ»: Ընդ որում, տեղական իրանական իշխանությունները, որոնք տեղյակ էին այդ բոլորին, աչք

²⁹⁷ АВПР, ф. «Персидский стол», 1910, д. 666, лл. 70 об—71.

²⁹⁸ Նույն տեղում, թթ. 82—86, „Объезд оккупированных...“, стр. 19: ЦГВИА, ф. 2000с, оп. I, д. 7719, л. 75 об.

²⁹⁹ АВПР, ф. «Персидский стол», 1911, д. 672, лл. 139—139 об.

էին փակուս իրանական պետութեան համար այդ վտանգավոր երեւոյթներին նկատմամբ³⁰⁰: Այն կալվածատերերի հանդեպ, որոնք հրաժարվում էին իրենց կալվածքները «վարձով» տալ թուրքերին, վերջիններս կիրառում էին ռեպրեսիվ քաղաքականութիւն: Թուրքական իշխանութիւնները հրահրում էին նրանց ռայաթներին ապստամբել, հրաժարվել հարկեր մուծելուց և այլն³⁰¹: Շօղուտ գանձարանի բռնագրավում էին նաև շահի կամ արքայազների կողմից տեղական խաներին նվիրատւութեան կարգով տրված կալվածքները: Խաները հայտարարվում էին իրենց անշարժ գույքի օրինական սեփականատերեր միայն այն դեպքում, եթե ներկայացնէին համապատասխան փաստաթղթեր այն մասին, որ իրենց պատկանող հողերն ու գույքերը գնված են, այլ ոչ թե նվիրված³⁰²: Այդ ճանապարհով թուրքական քաղաքացիական վարչութիւնը ունեզրկում էր շահական կառավարութեանը նվիրված ֆեոդալներին ու աստիճանավորներին և նրանց զրկում ունեցած ազդեցութիւնից:

Ինչ վերաբերում է թուրքական հովանավորութիւն ընդունած կամ թուրքերին «գեհալեթ» տված ֆեոդալներին, ապա նրանց հողային տիրույթները հայտարարվում էին Օսմանյան կայսրութեան տերիտորիաներ: Այլ կերպ ասած տվյալ տերիտորիայի նկատմամբ իրանական պետութեան իրավունքները արհեստականորեն փոխարինվում էին հողային սեփականատիրոջ իրավունքներով: Այդ սկզբունքով, թուրքֆիլ բրդական մի շարք շեյխերի և խոշոր ֆեոդալների (օրինակ Շամղինանի շեյխ Աբդուլ Ղադերի) ընդարձակ տիրույթները հայտարարվեցին թուրքական տերիտորիաներ³⁰³: Հիշյալ սկզբունքի օգնութեամբ նոր տերիտորիաներ ձևւոյ բերելու նպատակով թուրքական իշխանութիւնները խրախուսում էին բրդական ֆեոդալներին «վարձակալել» կամ բռնագրավել նորանոր հողեր: Այս տեսակետից թուրքերին հատկապես խոշոր ծառայութիւններ էր մատուցում երիտթուրքական կառավարութեան հետ կապ-

³⁰⁰ АВПР, ф. «Персидский стол», 1910, д. 666, лл. 65 об, 138 об.

³⁰¹ Նույն տեղում, թ. 110 հ:

³⁰² Նույն տեղում, թ. 28:

³⁰³ Նույն տեղում:

ված, սենատոր Աբդուլ Ղադերը: Քաջ գիտակցելով, որ միայն շնորհիվ Քուրբիայի զավթողական քաղաքականության ինքը կարող է ևս ստանալ իր այն ժառանգական կալվածքները, որոնք բռնագրավել էր շահական կառավարությունը իր հոր՝ շեյխ Օբեյդուլլայի Իրանական Քրդստան կառարած արշավանքից հետո, Աբդուլ Ղադերը Մերզեհերում, Դեշթում, Թերզեհերում, Բարազոսթում և այլ վայրերում սեփական զինված ջոկատների օգնությամբ ուղղակի զավթում կամ հարկադրում էր իրեն «վարձով» տալ մեծ քանակությամբ գյուղեր և կալվածքներ:

Օկուպացված տերիտորիաներում թուրքական քաղաքականությունը բազմապիսի միջոցներով սահմանափակում էր շիիթ հողատերերի իրավունքները (օրինակ Սուլդուզի, Բարանդուզի, Սալմաստի շրջաններում) և ընդհակառակը, ընդլայնում էր սուննիթների իրավունքներն ու արտոնությունները: Խրախուսվում էր սուննիթ կալվածատերերի կողմից շիիթների հողերը զավթելու քաղաքականությունը և վերջիններս իրենց կալվածքները պահպանելու նպատակով ստիպված էին ընդունել սուննիդմը և դառնալ թուրքահայատակներ³⁰⁴: Դիֆերենցված քաղաքականություն էր կիրառվում նաև բուն սուննիթների նկատմամբ: Միանգամայն այլ էր վերաբերմունքը փոքր և աննշան բրդական աշիրեթապետների և խոշոր ցեղերի բեյերի ու աղալարների նկատմամբ: Առաջինների հետ թուրքական իշխանությունները համարյա հաշվի չէին նստում: Մական զժվար շէր հասկանալ, որ այն կիսաանկախ վիճակը, որից օգտվում էին բրդական աղղեցիկ կլանների առաջնորդները իրանական իշխանության պայմաններում, միանգամայն ձեռնառու է նրանց և որ այդ ցեղապետները գերադասում են առավել թույլ իրանական ուժերը, որը ապահովում է նրանց հինավուրց արտոնությունները: Այդ պատճառով իշխանություններն աշխատում էին միևնույն ցեղից առաջ քաշել նոր ցեղապետների և առհասարակ հներին փոխարինել այնպիսի մարդկանցով, որոնք իրենց բարձրացումով պարտական լինեին թուրքերին, հետևաբար և հնազանդ լինեին նրանց³⁰⁵:

³⁰⁴ ЦГИА Груз. ССР, ф. 521, д. 537, лл. 2—2 об; «Объезд оккупированных...», стр. 23, 114.

³⁰⁵ «Объезд оккупированных...», стр. 117.

Քաղաքացիական վարչության օրգաններն ամենուրեք պրոպագանդում էին, թե իրենք ցանկանում են սընչացնել խոշոր հողատերերի արտոնությունները, իրավահավասարություն ստեղծել աղաչի ու ուշաթի միջև, թեթևացնել նստակյաց գյուղացիության վիճակը և այլն: Այս դեմագոգիան ճշմարտանման դարձնելու համար նրանք ժամանակավորապես թեթևացնում էին հարկերը³⁰⁶, գյուղացիներին հատկացնում որոշ հողակտորներ, որպեսզի վերջիններս ընկնեն իրենց «ազատարարների» գիրկը և հին կարգերին վերադառնալու միտքը նույնիսկ զզվանք առաջացնի նրանց մոտ: Ավելի առաջ տանելով իրենց սոցիալական դեմագոգիան, նրանք հայտարարում էին, թե անկեղծորեն ցանկանում են տեղական բնակչությանը ազատել հողատերերի զեսպոտիզմից և իրենց առաջնակարգ խնդիրն է «ազատագրել» նաև սահմանամերձ շրջանների իրանական մյուս տերիտորիաները: Ի դեպ Բաննի գայմազամ Սուլեյման բեյը այդ անվանում էր «բրդերին սահմանադրական ոգով դաստիարակելու ծրագիր»³⁰⁷: Այս կարգի «տեսությունները» ոչ միայն իրավական տեսակետից արդարացի էին հռչակում իրանական տերիտորիաների զավթումները, այլև զավթիչների գլխին դնում էին «ազատարարի» լուսապսակ:

Հարկ է նշել, որ օկուպացված շրջանների գյուղացիությանը հարկերից ազատելու վերաբերյալ թուրքական պրոպագանդան սկզբնական շրջանում ունեցավ որոշակի հաջողություն: Դա սլամանավորված էր նրանով, որ շահական իշխանությունների կողմից գյուղացիության անլուր շահագործումը և տեղական նահանգապետների կամայականությունները գյուղացիությանը հասցրել էին ծայրահեղ հուսահատության: Ուրմիայից ուսական փոխհյուպատոսը 1910 թ. գարնանը հաղորդում էր, որ Ուրմիայի համար ճգնաժամային օրերին, երբ նրա վրա կախված էր թուրքական օկուպա-

³⁰⁶ Վ. Մինորսկին գրում էր, որ զավթած շրջաններում դանձարան մուծվող հողային հարկը տասանորդ էր: Սակայն թուրքական իշխանությունները հրապարակեցին հրաման, ըստ որի բնակչությունը չոթ տարի ժամանակով, ազատվում էր ամեն տեսակի հարկեր մուծելու պարտականությունից: *SE'a* „Объезд оккупированных...“, стр. 111.

³⁰⁷ Նույն տեղում, էջ 41:

ցիայի սպանալիքը, տեղի նահանգապետ Մոհեբեշամ-ու-Սալթանեն կատարում է «հարկային փորձեր»: Նրա կարգադրությամբ մտցվել է նոր հարկ, որը վաղուց վերացված է Իրանում: Ուրմիա քաղաքի բոլոր յոթը դարբասների մոտ դրված են հորումեթի (քաղաքապետարանի) մարդիկ, որոնք քաղաք մտնող բոլոր անասունների տերերից գանձում են յուրաքանչյուրից շորս շահի և բացի այդ 10 շահի յուրաքանչյուր հակից: «Այսպիսով,—շարունակում էր փոհհյուպատոսը,—վերականգնված է ներքին մարսերի («քահարի») սիստեմը»³⁰⁸: Բացի այդ, Մոհեբեշամ-ու-Սալթանեն յուրաքանչյուր նորածինի և մահացածի հարադատներից գանձում էր 5 դրան³⁰⁹: Ինչ վերաբերում է Աղբբեջանի գեներալ-նահանգապետ Մոխբեր-էս-Սալթանեին, ապա վերջինս, զբաղված լինելով հիմնականում նրանով, որ հարստանա Քավրիզում սկսված հացի սպեկուլյացիայից, ոչ մի միջոցառում չէր ձեռնարկում թուրքերի զավթած տերիտորիաները յուրացնելու գեմ³¹⁰:

Որոշ շրջաններում, որտեղ զավթիչները դեռևս չէին հասցրել քիչ թև շատ կայուն հիմնավորվել, անհնազանդ բնակչության նկատմամբ զործադրում էին բռնությունների քաղաքականություն, որպեսզի նրանց ստիպեն ընդունել թուրքական հովանավորությունն ու «նոր կարգերը»: Այդպիսի անլուր հալածանքների էին ենթարկվում, օրինակ, Մուղուզի շրջանի կարափափախները, որոնք հրաժարվում էին հավատարմության թուղթ («մադբաթ») տալ թուրքերին³¹¹:

Տեղական բնակչության համախմբվածությունը խաթարելու և հակաթուրքական ելույթները բացառելու նպատակով օկուպացիոն իշխանությունները կիրառում էին աղգամիջյան և միջցեղային հարաբերությունների սրման քաղաքականությունը: Հակաթուրքական հուզումների մասին ժամանակին տեղեկություններ ստանալու և դրանք շուտափույթ ճնշելու նպատակով անցկացվեցին մի շարք

³⁰⁸ АВПР, ф. «Персидский стол», 1910, д. 666, л. 35 об.

³⁰⁹ ЦГВИА, ф. 2000 с, оп. 1, д. 7722, л. 12.

³¹⁰ АВПР, ф. «Персидский стол», 1911, д. 549, л. 98.

³¹¹ «Объезд оккупированных...», стр. 23—24; ЦГВИА, ф. 2000 с, оп. 1, д. 7719, лл. 76—76 об.

հնաագրական և հնաախոսային գծեր, մասնավորապես՝ Վան—Ուրմիա, Մոսուլ—Կալա-Փասովա—Սուլդուզ, Մոսուլ—Լահիջան, որոնք օկուպացված շրջանները կապում էին թուրքական բանակների տեղակայման կենտրոնների հետ³¹²:

Թուրքական իշխանությունների օկուպացրած տերիտորիայում չէր կիրառվում ընդհանուր օսմանյան օրենսգիրքը: Բացառությամբ Սուլդուզի, ոչ մի շրջանում չէին մտցվել հատուկ տեղական օրենքներ: Բնակչության միջև ծագած վեճերը կարգավորվում էին Թուրքիայից ժամանած բուրդ մոլլաների, մուֆթիների և զազիների միջոցով, որոնք բացի իրենց վերոհիշյալ ֆունկցիայից զբաղվում էին նաև թուրքոֆիլական բաղաբախտն պրոպագանդայով: Լուրջ բրեական և բաղաբական գործերի դեպքում ամբաստանյալները ուղարկվում էին Վան կամ Քիրքուք³¹³:

Փորձ արվեց մի շարք վայրերում ստեղծել նաև հյուպատոսական դատարաններ: 1911 թ. ամռանը թուրքական կառավարությունը փորձեց Քավրիլ և Քերմանշահ ուղարկել հյուպատոս-դատավորների, նրանց հանձնարարելով քննության ենթարկել թուրքահպատակների, ինչպես նաև իրանական և օտար հպատակների բաղաբախտական և բրեական գործերը³¹⁴: Դա Իրանում էքստերիտորիալության իրավունք ձևով բերելու բացահայտ ակտ էր, և այդ պատճառով կատաղի դիմադրության հանդիպեց ինչպես Ռուսաստանի, այնպես էլ Անգլիայի կողմից:

Իրանական Ադրբեջանի օկուպացված տերիտորիաներում թուրքական իշխանությունները կոչ էին անում դատական վեճեր ծաղեղու դեպքում դիմել ոչ թե իրանական, այլ թուրքական դատարաններին: Այդ առթիվ Վանի վալի Բեբրի Սամի բեյը նույնիսկ հայտարարում է ռուսական փոխ-հյուպատոսին, որ «ինքը Ադրբեջանի բնակչության վրա նայում է որպես թուրքահպատակների և առաջարկում է նրանց անմիջականորեն դիմել թուրքական դատարաններին»³¹⁵:

³¹² ЦГИА Груз. ССР, ф. 521, оп. 2, д. 492, л. 159; АВПР, ф. «Персидский стол», 1910, д. 666, лл. 2 об, 101 об.

³¹³ «Объезд оккупированных...», стр. 111.

³¹⁴ АВПР, ф. «Персидский стол», 1911, д. 549, л. 163.

³¹⁵ АВПР, ф. «Персидский стол», 1910, д. 666, л. 65.

Օկուպացված շրջանների համար թուրքական իշխանությունները մշակեցին նաև մաքսային քաղաքականության սխտեմ, որն ուղղված էր գլխավորապես Ռուսաստանի դեմ, որովհետև այդ շրջաններում նա ուներ խոշոր առևտուր: Այդ քաղաքականությունից մեծապես տուժեց հատկապես ռուսահայատակ խոշոր վաճառական Զաբարիա Նազարբեկովի առևտրական տունը³¹⁶:

«Միասնություն և Առաջադիմություն» կուսակցության կենտրոնական կոմիտեն զավթված շրջանները յուրացնելու գործում առաջնակարգ տեղ էր հատկացնում կրոնա-գաղափարական ներգործության միջոցներին: Առաջին հերթին իթթիհազը հսկողություն սահմանեց զավթված շրջանների բոլոր դպրոցների վրա³¹⁷, հետևելով որպեսզի երեխաները դաստիարակվեն «Օսմանյան մեծ կայսրությանը» նվիրվածության գաղափարներով: Ստամբուլի հրահանգով գյուղերում բացվում էին դպրոցներ, որ թուրքահայատակներին նոր սերունդը 12-ից մինչև 18 տարեկան հասակում հաճախի դպրոց: Ընդ սրում, այդ դպրոցների ծախսերը հոգալու էին օկուպացված գյուղերի բնակիչները (յուրաքանչյուր աշակերտից կես տարվա համար գանձվում էր 2 թուման), որը, բայց էության, մի նոր, թեպետև անուղղակի, հարկային լուծ էր: Վերոհիշյալ զբոսըներում դասավանդումը կատարվում էր բացառապես թուրքերեն լեզվով, տեղական մոլլաների միջոցով և թուրք հրահանգիչների հսկողության տակ³¹⁸:

Ուրմիայից հյուսիս ընկած ասորական Գավիլյան և Զեմալարագ գյուղերում թուրքերը 12-ից մինչև 14 տարեկան ասորի երեխաներին բռնի ուղարկեցին այդ գյուղերում բացված դպրոցները, նպատակ ունենալով դաստիարակել նրանց զուտ թուրքական ոգով և ապա նրանց դարձնել թուրքական զինվորներ³¹⁹:

Մի շարք շրջաններում բացվեցին սուննիթական մզկիթներ, որտեղ թուրքական մոլլաները զբաղվում էին ոչ այնքան կրոնական

³¹⁶ Նույն տեղում, թթ. 38—39:

³¹⁷ «Объезд оккупированных...», стр. 65.

³¹⁸ АВПР, ф. «Персидский стол», 1910, д. 666, л. 3.

³¹⁹ «Православная Урмия в годы персидских смут», Киев, 1911, стр. 4.

բարոզով, որքան պանիսլամիստական գաղափարներ բարոզելով: Նրանք տեղական բնակչությանը սխտեմատիկորեն հորդորում էին նաև հարգել ու հնազանդվել «նոր կարգերին»³²⁰:

Թուրքերի գաղափարական դիվերսիան առաջ բերեց տեղական շիիթական բնակչության խորը դժգոհությունը: Ժողովուրդը հատկապես պահանջում էր դպրոցներում դասավանդումը անցկացնել ոչ թե իր համար օտար ու անհասկանալի թուրքերեն լեզվով, այլ պարսկերենով, հարգել տեղական սովորույթներն ու ավանդույթները և այլն: Այդ դժգոհության բացահայտ արտահայտություններին մեկն էր այն, որ գյուղացիները հրաժարվում էին իրենց երևիսաներին ուղարկել թուրքական դպրոցներ, որի հետևանքով և կրիթթուրքերի «դպրոցաշինարարության փորձերը ի վերջո ձախողման մատնվեցին»³²¹:

Առհասարակ թուրքական կառավարության «նոր օրենքները», դինվորների ու սպաների կամայականություններն ու բռնությունները տեղական բնակչության շրջանում առաջ բերեցին խորը դժգոհություն: 1911 թ. սեպտեմբերին Գոլուբինովը գրում էր, որ «սահմանալին գոտու բնակիչները, որոնք իրենց վրա կրել են հին և նոր թուրքական ռեժիմի լուծը, ատում են թուրքերին»³²²: Տեղական բնակչությունը համոզվեց, որ օսմանյան լուծը անհամեմատ ավելի ծանր է, քան շահական կառավարության շահագործման ողջ սխտեմը: Թուրքական վարչությունը հատկապես բարբարոսական շահագործման սկսեց ենթարկել իրանական գյուղացիությանը: Ռուսական և անգլիական սահմանալին հանձնաժողովի անդամներ Մինորսկին և Շիպլեն օկուպացված շրջաններում շրջագայելով և հանդամանորեն ծանոթանալով տեղական բնակչության սոցիալական վիճակի հետ գրում էին. «... Մենք համոզվեցինք, որ թուրքերի կառավարումը ժողովրդականություն չի վայելում նրանց նոր հպատակների շրջանում... Նոր ռեժիմի նկատմամբ տիրապետող տրամադրությունը, առանձնապես ֆեոդալ-հողատերերի

³²⁰ АВПР, ф. «Персидский стол», 1910, д. 666, л. 3 об.

³²¹ «Тифлиеский листок», 1911, 5 января.

³²² АВПР, ф. «Персидский стол Б», 1912—1915, д. 142, л. 21 об.; АВПР, ф. «Персидский стол», 1911, д. 672, л. 28 об.

և նրանց մերձավորների շրջանում, հանդիսանում է ընդհանուր գծագրությունը... Թուրքական զորքերի ներկայությունը, որի ծանրությունը գլխավորապես ընկնում է գյուղացիների վրա, հանդիսանում է բազում բողոքների պատճառ»³²³:

Թեև օկուպացիոն իշխանությունները հրապարակեցին հրաման՝ յոթը տարի ժամկետով բնակչությանը հողային և անասունների համար գանձվող հարկերից ազատելու վերաբերյալ, սակայն գործնականում չիրագործեցին լայնորեն ռեկլամված այդ հրամանը: Արդեն 1910 թ. նրանք ձեռնամուխ եղան մալիաթի գանձմանը³²⁴: Ոռոգովի հողերից ստացված հացահատիկի բերքից Թուրքական վարչությունը գանձում էր բերքի շորրորդ մասը և ստիպում էր կալվածատերերին հատկացնել 1/5 մասը, իսկ շոռոգվող հողերից ստացված բերքից գանձում էր ամբողջ բերքի 1/10 մասը և նույնքան էլ ստիպում էր հատկացնել կալվածատերերին: Բացի այդ, օկուպացիոն իշխանությունները հարկեր էին գանձում բեռնակիր և մանր ու խոշոր եղջերավոր անասուններից, մրգատու այգիների, խանութների տերերից, տնատերերից և այլն: Ընդ որում, հարկահավաքման գործը կանոնավորապես իրագործելու համար կազմվեցին հարկատուների մանրամասն ցուցակներ և ստեղծվեցին հեծյալ ժանդարմների ջոկատներ, որոնց անհրաժեշտությունը ղեկավարում էին օկուպացիոն զորքերը³²⁵:

Բացի վերոհիշյալ հարկերից, Թուրքական հարկային վարչությունը օկուպացված շրջանների բնակչությանից սկսեց գանձել միաժամանակյա գումարներ («իյանե») իրր թե դանազան շինարարական աշխատանքների համար, որոնք, սակայն, իրականում կամ չուրացվում էին իշխանությունների կողմից, և կամ ծախսվում օկուպացիոն զորքերի կարիքների համար: Ընդ որում, իյանեի չափը զնալով անընդհատ մեծանում էր: Բնակչությանից վերցվում էր նաև որոշակի քանակությամբ ցորեն՝ զորանոցների կառուցման, Թուրքական նավատորմի համար և նույնիսկ այն անձանց համար,

³²³ «Объезд оккупированных...», стр. 119—128.

³²⁴ ЦГВИА, ф. 2000 с, оп. 1, д. 7722, л. 33 об.

³²⁵ АВПР, ф. «Персидский стол», 1910, д. 666, лл. 28, 45.

ուրբեր տուժել էին Ստամբուլի հրդեհից³²⁵։ Տեղական բնակչությունը պարտավոր էր նաև ձրի կերակրել թուրքական հեծելազորայիններին և սպաներին, նրանց տրամադրել կացարան և այլն³²⁷։ Քաղաքացիական իշխանություններն ու զինվորականությունը պաշտոնապես սահմանված վերահիշյալ հարկերից բացի տարբեր պատըրվակներով կատարում էր բռնագանձումներ, բնակչության նկատմամբ թույլ տալիս բռնություններ և կամայականություններ³²⁸։

Օկուպացված իրանական տերիտորիաներից թուրքիա էր արտահանվում մեծ քանակությամբ գյուղատնտեսական մթերքներ, անասուններ և տեղական արտադրության բազմապիսի ապրանքներ³²⁹։

Թուրքերի տիրապետության օրոք մեծ չափերի հասավ նաև կաշառակերությունը, որը, ըստ էության, միակ միջոցն էր զինվորների ու սպաների բռնություններից ու կամայականություններից ինչ-որ չափով զերծ մնալու համար։

Նրիտթուրքական կառավարության կողմից Իրանի օկուպացված շրջաններում մտցված «նոր կարգերի» հետևանքով գյուղերը արագորեն բայթայվում էին, դադարում էր հազորագիցությունը տարբեր շրջանների միջև և առևտուրը լրիվ անկում էր ապրում. աճում էին առաջին անհրաժեշտության ապրանքների գները, բնակչությունը լրիվ սնանկանում էր։

Սոցիալական ճնշմանը թուրքական իշխանությունները ավելացրին նաև ազգային խտրականությունն ու ճնշումը։

Այսպիսով, անկախ ազգային ու կրոնական պատկանելությունից, օկուպացված շրջանների աշխատավոր բնակչությունը և շահական կառավարության հետ կապված ֆեոդալ-կալվաժատերերը դժգոհ էին թուրքական «նոր կարգերից»։ Ամենուրեք ծայր էին առնում հակաթուրքական գյուղացիական հուզումներ։ Հատկապես մեծ հուզումների տեղիք տվեց այն լուրը, որ թուրքական իշխա-

³²⁵ «Объезд оккупированных...», стр. 113.

³²⁷ АВПР, ф. «Персидский стол», 1910, д. 666, л. 110 об.

³²⁸ ЦГИА Груз. ССР, ф. 521, оп. 2, д. 492, л. 308.

³²⁹ ЦГВИА, ф. 2000 с, оп. 1, д. 7716, л. 110.

նուսթյունները պատրաստվում են 1911 թ. սկզբներից, զինակոշման տարիքի հասած ողջ արական բնակչությանը, անկախ նրանց ազգությունից և դավանանքից, ներգրավել թուրքական բանակի շարքերը և ուղարկել ժառանգության Օսմանյան կայսրության ներքին շրջանները³³⁰:

Թուրքական իշխանությունները օկուպացված շրջանների բնակչության հուզումները ճնշում էին զինված ուժի օգնությամբ՝ գործադրելով մասսայական ահաբեկումների և արյունոտ շահանությունների տակտիկան³³¹: Իսկ հակաթուրքական ելույթների կազմակերպիչներին կամ ոչնչացնում էին վարձու մարդասպանները, և կամ անմիջապես ձերբակալում ու արքորում Միջագետք և Օսմանյան կայսրության այլ շրջաններ³³²:

Դժգոհությունը թուրքական տիրապետությունից համակեց նույնիսկ քրդական ցեղային ավազանուն և խոշոր ֆեոդալներին, որոնց թուրքական վարչությունը զրկում էր իրանական պետականության պայմաններում իրենց վայելած ավանդական իրավունքներից, արտոնություններից, ինքնուրույնությունից և սեփական հողային տիրույթներից հարկեր հավաքելու ազատությունից: Քրդական ֆեոդալները դիմումներ էին կատարում ռուսական իշխանություններին, խնդրելով նրանց հովանավորությունը: Քրդերի լուռ տրտունջը և պասսիվ բողոքը երբեմն վերածվում էր բացահայտ զինված ելույթների: 1910 թ. ամռանը թուրքական լծի դեմ զինված ելույթ ունեցան Սոմալի քրդերը: Վ. Մինորսկին գրում էր, որ Սոմալի ամենաազդեցիկ բուրդ ցեղապետները, հատկապես շերքաք ցեղի ֆենակ Ճյուղի առաջնորդ Թեմիր աղա Ջանդոն, դելյան Ճյուղի առաջնորդ Մամեդ Շերիֆը, բարգար Ճյուղի առաջնորդ Իսմայիլ աղա Խասին կարուկ հրաժարվեցին ստորագրել «մաղաթա» և բնավ չեն ցանկանում հաշտվել իրենց վրա թուրքերի տիրապետության մտքի հետ³³³:

³³⁰ ЦГВИА, ф. 2000 с, оп. 1, д. 7722, л. 34.

³³¹ ЦГВИА, ф. 2000 с, оп. 1, д. 7719, л. 49 об; АВГПР, ф. «Персидский стол», 1910, д. 666, лл. 45, 46.

³³² ЦГВИА, ф. 2000 с, оп. 1, д. 7722, л. 35 об.

³³³ «Объезд оккупированных...», стр. 12.

1911 թ. գարնանը Ուրմիայի փոխ-հյուպատոս Գուլուբինովը տեղեկացնում էր իր ղեկավարութեանը, որ շեքքաք ցեղի քրդերի ապստամբությունը գնալով լուրջ բնույթ է ընդունում: «Էնդելի շրջանի (Կուլունջի, Զեմալաբադի և Քյազրիզի) բոլոր թուրքական զորքերը կանչված են Ղոթուրի շրջանը³³⁴ քրդերին զսպելու համար: Ընդհանրապես քրդերի մեծամասնությունն մոտ նկատվում է դժգոհություն թուրքական ռեժիմի դեմ: Քրդերը բացահայտ ասում են, որ իրենք չեն ցանկանում ճանաչել ոչ թուրքական և ոչ էլ պարսկական կառավարություններին և ձգտում են լրիվ ինքնավարություն»³³⁵:

Շեքքաքներին, իսկ այնուհետև նաև բեկզադե ցեղի հակախուրքական զինված շարժումը այն աստիճանի վախեցրեց թուրքական իշխանություններին, որ մի շարք վայրերում նրանք ձեռնամուխ հղան ամրություններ կառուցելուն, որպեսզի քրդերի ապստամբության գեպքում իրենց համար ապահովեն նահանջի ճանապարհ: «Եթե թուրքերը զբաղված չլինեին Արաբիայի և Մակեդոնիայի ապստամբություններով և ներքին դժվարություններով,—գրում էր Գուլուբինովը 1911 թ. մայիսին,—նրանց համար հեշտ կլիներ հաշիվ տեսնել քրդերի հետ, քան այժմ, երբ նրանք ստիպված են շոյել քրդական բեկերին նվերներով, որոնք ոչ միշտ են հասնում իրենց նպատակին: Եթե դրան ավելացվի այն, որ Վանի կորպուսի զինվորների համարյա հիսուն տոկոսը կազմում են նույն քրդերը, ապա հասկանալի կլինի, թե ինչու վերջին ժամանակներս թուրքերը անպատիժ են թողնում իրենց բացահայտ թշնամի շեքքաքներին և բեկզադիցիներին»: Վերջում փոխ-հյուպատոսը ավելացնում էր, որ «մեզ ձեռնտու է թեկուզ բարոյապես պաշտպանել քրդերի թըշնամական վերաբերմունքը թուրքերի հանդեպ»³³⁶:

Շեքքաքներին շարժումը ղեկավարում էր նույն ցեղի առաջնորդ և Ղոթուրի կառավարիչ Իսմայիլ աղա Սիմկոն: Թուրքական իշխանությունները քաջ գիտակցում էին, որ Ղոթուրի խանությունը զավ-

³³⁴ Շեքքաք ցեղի քրդերի բնակության հիմնական վայրը:

³³⁵ АВПР, ф. «Персидский стол». 1911, д. 672, лл. 35—36.

³³⁶ Նույն տեղում, թ. 53:

թեւու և շեքքաբներին խաղաղեցնելու համար առաջին հերթին անհրաժեշտ է իրենց կողմը գրավել Սիմկոյին, որը, ի դեպ, իր ցեղի շրջանում վայելում էր խիզախ և թուրքերի նկատմամբ անհաշտ դիրքավորում ունեցող առաջնորդի հեղինակութիւն: Սիմկոյի համակրանքը շահելու համար թուրքական իշխանութիւնները նրան խոստացան նշանակել Ղոթուրի, Չիարիքի և Սոմայի ցամահ կառավարիչ, փոխարենը պահանջելով իրենց հանձնել Ղոթուրը: Այդ առթիւ Սիմկոյին ուղղված Մահմուդիեի գայմագամ Մեհմեդ Զեքիի նամակում ասվում էր, որ այս պահանջը մերժելու դեպքում Սիմկոյն անպայման կոչնչացվի, եթե նույնիսկ փորձի փախչել մինչև «Թավրիզի դարբասները»³³⁷: Կռահելով, որ իրենց նպատակին հասնելուց հետո թուրքական իշխանութիւնները հաշվեհարգար կտեսնեն իր հետ, Սիմկոյն դիմեց իրանական կառավարութեանը, խնդրելով զենքով և դրամով օգնել իրեն Ղոթուրը Թուրքիայի տեսձգութիւններից պաշտպանելու համար³³⁸: Չստանալով ոչ մի օգնութիւն, նա նույնպիսի առաջարկով դիմեց ռուսներին, հավաստիացնելով, որ ինքը իր ջսկատներով ի վիճակի է Ղոթուրի շրջանում ապահովել իրանական տերիտորիաների անձեռնմխելիութիւնը³³⁹:

Թուրքերի վիճակը առավել բարդացավ 1911 թ. ամռանը, երբ կատաղի պայքար սկսվեց Աբդուլ Ղադերի և նրա ազգական Շամգինանի սելիդ Թահայի միջև: Աբդուլ Ղադերը, որին Թուրքիան աջակցում էր, դիմված պայքար սկսեց սելիդ Թահայի ընդարձակ ծխախոտային պլանտացիաները զավթելու համար³⁴⁰: Քրդական այն ցեղերը, որոնք հանդես էին գալիս Թուրքիայի դեմ, ի վերջո միավորվեցին Աբդուլ Ղադերի դեմ, հայտարարելով, որ իրանական տիրապետութիւնը գերադասում են թուրքականից³⁴¹:

Այսպիսով, արդեն 1911 թ. առաջին կեսին Իրանական Քրդըրստանում և Ադրբեջանում հակաթուրքական շարժման ակտիվացման հետևանքով սպառնալիքի տակ էին դրվում օկուպացված

³³⁷ ЦГВИА, ф. 2000, оп. 1, д. 3842, лл. 14—14 об.

³³⁸ АВПР, ф. «Персидский стол», 1910, д. 666, л. 111.

³³⁹ АВПР, ф. «Персидский стол», 1910, д. 1204, л. 19.

³⁴⁰ АВПР, ф. «Персидский стол», 1911, д. 672, л. 143.

³⁴¹ АВПР, ф. «Миссия в Персии», 1911, д. 133, лл. 45—46.

տերիտորիաները իրանական պետության կազմից անջատելու և Քուրբիային միացնելու երիտթուրքական կառավարության պլանները:

Հատկանշական է, որ իրանական մամուլում ևս երեացին հոգվածներ, որոնցում համարձակ քննադատության էին ենթարկվում թուրքերի զավթողական քաղաքականությունը և օկուպացված տերիտորիաներում նրանց անօրինական գործողությունները: Այսպես, «Քավրիզ» թերթի 1911 թ. 61-րդ համարում հրատարակված հոգվածում խստորեն դատապարտվում էր Իրանի նկատմամբ թուրքիայի «ոչնչով չարդարացվող զավթումների քաղաքականությունը» և բերվում էին բազմաթիվ փաստեր այն մասին, որ «անվիճելի պարսկական տերիտորիայում թուրքական զինվորական և քաղաքացիական իշխանությունները տեր ու տնօրինություն են անում, ինչպես իրենց տանը»³⁴²:

Իրանական մամուլի այս ելույթներին ձայնակցեց նաև Ստամբուլում հրատարակվող իրանական էմիգրանտական «Շեմա» թերթը, որը սերտ կապերի մեջ էր «Միասնություն և Առաջադիմություն» կուսակցության կենտրոնական կոմիտեի հետ: 1911 թ. մարտի 16-ի № 15-ում «Շեմսը» պահանջում էր թուրքական զորքերը անհապաղ դուրս բերել իրանական տերիտորիայից, որովհետև «պարսիկ ժողովուրդն ու պարսկական կառավարությունը այլևս ի վիճակի չեն հանդուրժել արտաքին միջամտությունն ու օկուպացիան»³⁴³:

Գնալով ուժեղանում էր նաև հեղափոխական ֆիդայիների ղեկավարությունը երիտթուրքական կառավարության ագրեսիվ քաղաքականության ու զինվորական և քաղաքացիական իշխանությունների բռնությունների նկատմամբ: Ֆիդայիները սկսեցին հաճախակի կազմակերպել տեռորիստական ակտեր թուրքական օկուպացիոն իշխանությունների առավել խոշոր աստիճանավորների դեմ: 1911 թ. հունվարին նույն Ֆիդայիները նույնիսկ մահափորձ կազմակերպեցին տեղի թուրքական շահբենդերի (հյուպատոս) դեմ³⁴⁴:

³⁴² АВПР, ф. «Персидский стол», 1911, д. 549, лл. 39, 76, 78, 96.

³⁴³ АВПР, ф. «Канцелярия МИД», 1911, д. 31, лл. 173—173 об.

³⁴⁴ АВПР, ф. «Персидский стол», 1911, д. 549, л. 28 об.

Երիտթուրքական կառավարության արկածախնդրական արտաբերին բաղաբականությունը դժգոհություն էր առաջացրել նաև բուն Թուրքիայում: Նույնիսկ կառավարող շրջանների և զինվորական գործիչների առանձին ներկայացուցիչներ սկսեցին սուր քննադատության ենթարկել այդ բաղաբականությունը: Այսպես, պառլամենտի նիստերից մեկի ժամանակ արտաբերին բաղաբականության հարցերի վերաբերյալ հանդես գալով ընդարձակ ճառով, արմատական հայացքների տեր պատգամավոր Ռիզա Քեֆվիկը հայտարարում է. «Մեր կառավարությունը եվրոպայի ընդհանուր ծաղրի առարկան է: Նա չունի տրամաբանություն և զուրկ է գործողությունների հիմքից: Նա անընդհատ նետվում է տարբեր կողմեր, մերթջանկանում է վերցնել Կրետեն, մերթ Պարսկաստանի մի մասը»³⁴⁵:

Գլխավոր շտաբի գնդապետ Ֆուադ բեյը, բացահայտ քննադատության էր ենթարկում թուրքական կառավարության «իրանական» բաղաբականությունը: «Ես շատ գոհ կլինեմ,— հայտարարում է նա,— եթե Թուրքիային շահաջողվի զավթել վիճելի գոտին, որից մենք ոչ մի օգուտ չենք կարող ստանալ: Մեկնելով այնտեղ, մեր զինվորները վատ վարչության մեղքով մատնվում են քաղցի և բարոյալքվում են... Այնտեղ չկան ոչ դատարաններ, ոչ դատավորներ և ոչ էլ վարչական սիստեմ: Ամեն ինչ կատարվում է կամայականորեն, առաջ բերելով բնակչության բողոքները և տեղի տալով դանազան միջադեպերի... Ես համոզված եմ, որ վերջիվերջո մեզ թույլ չեն տա կուլ տալու այդ պատառը»³⁴⁶:

Իրանական բաղաբականության բնագավառում դժգոհության այս շարժումը ստիպեց Թուրքիայի կառավարող շրջաններին շուտափույթ մշակել բաղաբական նոր տակտիկա: Այն առանձնապես անհրաժեշտ էր, որովհետև Իրանական Քրդստանում օրբստօրե ուժեղանում էին ուսասիրական տրամադրությունները և ընդհակառակը, բրդերը նկատելիորեն դուրս էին գալիս Թուրքիայի ազդեցության տակից: Մյուս կողմից իրանական հեղափոխական շրջանները, որոնց վրա իթթիհազը աշխատում էր հենվել, այլևս ոչ միայն

³⁴⁵ «Тифлисский листок», 1910, 23 ноября.

³⁴⁶ ЦГВИА, ф. 2000 с, оп. 1, д. 7716, лл. 98—99 об.

չէին ցանկանում համադործակցել երիտթուրքերի հետ միապետութեան դեմ մղած իրենց պայքարում, այլ և բացահայտորեն պայքարի էին դուրս գալիս նրանց դեմ:

1910 թ. վերջերից սկսած Իրանի նկատմամբ թուրքական բազմակողմանիության մեջ նկատվեց որոշակի փոփոխություն: Որոշվեց ինչ գնով էլ լինի մերձենալ տեղական բնակչության հետ, շահել նրա համակրանքը և ատելությունը ուղղել բացառապես Ռուսաստանի դեմ: Այդ առթիվ 1911 թ. հունվարի 20-ի զաղտնի զեկուցագրում Ուրմիայի փոխ-հյուպատոսության պահակախմբի պետ Իվանովը Քավրիդի ջոկատի հրամանատարին գրում էր. «վերջերս թուրքերը փոխել են իրենց տակտիկան պարսիկների նկատմամբ: Այժմ նրանք զանազան խոստումներով և բարյացակամ վերաբերմունքով աշխատում են նրանց գրավել իրենց կողմը: Պարսկական տերիտորիայում գտնվող բոլոր սպաներին ու զինվորներին հրամայված է քաղաքավարի լինել պարսկահայատակների հետ և բնակչության նկատմամբ ունենալ մեղմ վերաբերմունք: Այն սպաները, որոնք աչքի էին ընկել պարսկական բնակչության նկատմամբ իրենց բռնություններով և կոպիտ վերաբերմունքով, կանչվում են թուրքիա և փոխարինվում են նոր, առավելապես երիտթուրքական սպաներով, որոնք սերտ կապերի մեջ են մտնում երիտպարսիկների հետ: Ընդ որում, ինչպես նրանք, այնպես էլ զաղտնի թուրքական ազիտատորները հայտարարում են, որ թուրքերը չեն պատրաստվում զավթել Ուրմիայի շրջանը և եթե նրանց զորքերը գրտնրվում են այնտեղ, ապա բացառապես որպես հակակշիռ առանձին և անզլիացիների և որ լավ կլինեք, որպեսզի թուրքերն ու պարսիկները միավորվելով վճռեին ատելի գլավուրներին Պարսկաստանի սահմաններից»³⁴⁷:

Նույնանման հրահանգներ ստացել էին նաև թուրքական հյուպատոսները, որոնք անմիջապես սկսեցին մերձենալ շահական աստիճանավորների և տեղական հասարակայնության ներկայացուցիչների հետ³⁴⁸: Մի շարք վայրերում (օրինակ՝ Համազասնում և

³⁴⁷ АВПР, ф. «Персидский стол», 1911, д. 549, л. 28.

³⁴⁸ Նույն տեղում: Տե՛ս նաև «Тифлисский листок», 1911, 23 января.

այլն) թուրքերը բացեցին նոր հյուպատոսություններ, իսկ հին հյուպատոսները փոխարինվում էին իրանական գործերում առավել հմուտ գիվանազետներով³⁴⁹: «Միասնություն և Առաջադիմություն» կոմիտեի կարգադրությամբ երիտթուրքական սպաները ակտիվորեն մասնակցում էին երիտպարսիկների ժողովներին, աշխատելով նրանց մոտ ուժեղացնել հակառուսական տրամադրությունները: Նրանց վստահությունը շահելու նպատակով հավաստիացվում էր, որ շուտով «թուրք-իրանական սահմանային վեճը Ստամբուլում կստանա իր վերջնական լուծումը»³⁵⁰: Վանից անընդհատ պրոպագանդիստներ էին ուղարկվում Իրանի տարբեր շրջանները, որոնք հորդորում էին բնակչությանը «դինվել ուղղափառ Իրանը անհավատ պետությունների ոտնձգություններից պաշտպանելու համար»³⁵¹: Իրանական բնակչության շրջանում հակառուսական ազիտացիա մղելու գործի մեջ ներգրավվեցին նաև Կովկասից և Ռուսաստանից թուրքիա տեղափոխված պանիսլամիստական հայտնի գործիչներ Ահմեդ Աղաեք, Կարաբեկովը և ուրիշներ: Օլֆերեի տեղեկությունների համաձայն նրանք Իրանի «բնակչության շրջանում հարուցում են թշնամական բնաղդներ Ռուսաստանի դեմ, աշխատում են բրդերի միավորման և Իրանական Քրդստանը թուրքական ազդեցության ոլորտի մեջ մտցնելու վրա»: Այդ նպատակների, ինչպես նաև իրանական բրդերի առաջնորդներին կաշառելու համար ծախսվում էին այն փողերը, որոնք բաց էին թողնված համիդիկների վերակազմակերպման համար³⁵²:

Իր հերթին թուրքական պաշտոնական ու կիսապաշտոնական մամուլը, հատկապես «ժյոն թյուրքը», «Միրաթի-Մյուսթեբիմը», «Թաարյուֆի մյուսլիմինը», «Հիրմեթը», «Թանինը» և այլն սիստեմատիկորեն սկսեցին վարել պանիսլամիստական պրոպագանդա և հակառուսական բուռն ազիտացիա³⁵³: Այսպես. 1911 թ. հոկտեմ-

³⁴⁹ АВПР, ф. «Персидский стол», 1911, д. 549, л. 163.

³⁵⁰ АВПР, ф. «Персидский стол», 1911, д. 672, л. 29.

³⁵¹ «Մշակ», 8 մարտի 1911 թ.:

³⁵² АВПР, ф. «Посольство в Константинополе», 1910, д. 1598, лл. 5—6. ցիտված է ըստ М. С. Лазарев, նշվ. աշխ., էջ 181, 183.

³⁵³ Տե՛ս «Մշակ», 8 մարտի 1911 թ.:

բերի 14-ի համարում «Թանինը» հրապարակեց «Թուրքերի միակ դաշնակիցները» վերնագրով մի հոդված, որտեղ ասվում էր, որ իրանա-թուրքական դաշինքի կնքումը ուղղակի կենսական անհրաժեշտություն է երկու հարևան պետությունների համար: Սակայն, ի վիճակի չլինելով լուծվածք անցնել Իրանի նկատմամբ Թուրքիայի նվաճողական քաղաքականության փաստի կողքով, թերթը գրում էր, որ Թուրքիան Իրանում լոկ նպատակ ունի սահմանամերձ «ամայի» հողերում մտցնել կուլտուրա և կարգուկանոն, հետևաբար պետք չէ ուշադրություն դարձնել երկու պետությունների միջև թշնամական քաղաքականության վերաբերյալ հեթաթեների և Օսմանյան կայսրության կողմից իր արևելյան հարևանի հողերի զավթման մասին թշնամական բարբառանքների վրա³⁵⁴:

Հատկանշական է, որ թուրքական թերթերին սկսեցին արձագանքել նաև պանիսլամիստական ուղղության և հակառուսական ոգով տոգորված որոշ իրանական թերթեր: Թավրիզի «Շաֆրազ» թերթում, օրինակ, պարբերաբար սկսեցին հրապարակվել հոդվածներ «Իսլամի միասնության» մասին, որոնցում կոչ էր արվում Թավրիզից զենքի ուժով վտարել ռուսական ջոկատին:

Թուրքիայի հակառուսական բարոզությունը արժանանում էր նաև իրանական կառավարող շրջանների հավանությանը: Հնարավորություն չունենալով բացահայտորեն դրսևորել իրենց դժգոհությունը ռուսական զորքերի կողմից Ադրբեջանի մի շարք վայրերի օկուպացման և Իրանի ներքին գործերին Ռուսաստանի Լոանդուն միջամտության դեմ, շահական կառավարությունն ու ազգայնական շրջաններն աշխատում էին օգտագործել Թուրքիայի հակառուսական ելույթները, հույս ունենալով, որ Թուրքիայի օգնությամբ հնարավոր կլինի ստիպել Ռուսաստանին զորքերը դուրս բերել Իրանից: Իսկ հնդափոխական շրջանները, առաջնորդվելով «իմ թշնամու թշնամին իմ բարեկամն է» սկզբունքով, նույնպես համակրանքով վերաբերվեցին Իրանում Թուրքիայի ծավալած հակառուսական բուռն ագիտացիային: Սկսեցին պատվել նաև համառ լուրեր, որ իբր շահական կառավարության և Թուրքիայի միջև կնքվել

³⁵⁴ ЦГВИА, ф. 2000, оп. 1, л. 3778. л. 535.

է գաղտնի պայմանագիր՝ ուղղված Ռուսաստանի դեմ: 1911 թ. գարնանը Միլլերը Քավրիզից հաղորդում էր, որ Ադրբեջանում, հատկապես Քավրիզում, ամենուրեք ազիտացիա է մղվում հօգուտ թուրք-իրանական դաշինքի³⁵⁵: Իսկ Գոլուբինովը նույնիսկ ենթադրում էր, որ այդ դաշինքը արդեն կնքված է. «Ինձ հետ զրույցի ժամանակ էջլալ-օլ-Մուլլը (Ուրմիայի նահանգապետը—Վ. Բ.) հայտնեց, — գրում էր նա, — որ ղեռես երեք շաբաթ առաջ նա իր կառավարութունից հրահանգ է ստացել բոլոր ղեպերում գործել թուրքական հյուպատոսի հետ համատեղ: Այդ հայտարարութունը հաստատում է իմ կողմից նախապես հայտնած այն կարծիքը, որ պարսկական և թուրքական կառավարութունների միջև կնքվել է համաձայնագիր, որը հիմնված է պանիպամիզմի վրա և ուղղված է Պարսկաստանում ռուսական ազդեցության դեմ»³⁵⁶:

Իրանում իր մրցակցին թուրք-իրանական համաձայնագրի մղծավանջով ահաբեկելու նպատակով անգլիական դիվանագիտութունը գաղտնապես խրախուսում էր եթև ոչ այդ համաձայնագրի կնքումը, համենայն դեպս նրա մասին խոսակցությունները: Անգլիական պատմաբան է. Բրոունը ևս պրովոկացիոն խորհուրդ էր տալիս Իրանին՝ Քուրբիայի հետ կնքել պաշտպանողական դաշինք ուղղված Ռուսաստանի դեմ, Իրանի մայրաքաղաքը տեղափոխել Ապահան և այլն³⁵⁷:

Մինորսկին ենթադրում էր, որ հետևելով այդ խորհուրդներին Բրոունի մերձավոր բարեկամներից մեկը, «զեմոկրատական կուսակցության» ղեկավար Քադի Զադեն ժամանել է Ուրմիա, որից հետո մեկնել է Քուրբիա³⁵⁸: Ուրմիայում նա համոզում էր տեղի նահանգապետին, որ թուրքերը Իրանի համար այնքան էլ վտանգավոր չեն որքան եվրոպացիները, սրոնք սպառնում են բաժանել այն³⁵⁹:

³⁵⁵ АВПР, ф. «Персидский стол», 1911, д. 549, л. 49.

³⁵⁶ АВПР, ф. «Персидский стол», 1911, д. 672, л. 35 об.

³⁵⁷ E. Browne, The Persian Revolution of 1905—1909, Cambridge, 1910 pp. 349—350.

³⁵⁸ «Записка, составленная В. Минорским, о мерах противодействия турецким захватам в Персии». ЦГВИА, ф. 2000 с, оп. 1, д. 7719, л. 258 об.

³⁵⁹ ЦГВИА, ф. 2000 с, оп. 1, д. 7719, л. 150.

Այս բոլորը վիայում է, որ Ռուսաստանի դեմ պայքարի ելնելու վերաբերյալ թուրքական պանիսլամիստական պրոպագանդան Իրանում ուներ ակնհայտ հաջողություններ: Որպես ապացույց Միլլերը հաղորդում էր, որ Ադրբեջանում հակառուսական տրամադրություններ ունեցող բազմաթիվ շահական աստիճանավորներ զտնուում են, որ թուրքերի ներկայությունը զավթված տերիտորիաներում իրենից ոչ մի վտանգ չի ներկայացնում Ադրբեջանի տերիտորիալ ամբողջականության համար և ընդհակառակը, իրանա-թուրքական համաձայնագրի կնքումը երաշխիք կհանդիսանա այնտեղից ուսաների հեռացման համար³⁶⁰: Իսկ «Դեմոկրատական կուսակցություն» թերթերը, որոնք խիստ թշնամական ելույթներ էին ունենում Ռուսաստանի դեմ («Իրանն նոու») Թուրքիայի կողմից համարյա ամբողջ Ուրմիայի նահանգի անբախան համարում էին «հասարակ սահմանային թյուրիմացություն»³⁶¹: Նույն գիծն էին վարում նաև կառավարությանը մոտ կանգնած Քեհրանի մամուլի մի շարք օրգաններ:

Օրինակ «L'indépendance Persane» թերթը բանավեճի մեջ մտնելով ռուսական «Новое время» լրագրի հետ, որն իր հողվածներում բացահայտում էր Թուրքիայի ազդեցիվ քաղաքականության հետևանքները Իրանի համար, մեղադրում էր նրան «երկու հարեվան, բարեկամ ու դավանակից երկրների միջև փոխադարձ թշնամանք, անվստահություն և երկպառակություն սերմանելու մեջ»³⁶²:

Սակայն այս տեսակետից առավել բնորոշ է Մեջլիսի 1911 թ. փետրվարի 12-ի նիստում Իրանի արտաքին քաղաքականության հարցերին նվիրված շահական արտաքին գործերի մինիստրի արտասանած ճառը: Մասնավորապես կանգ առնելով իրանա-թուրքական հարաբերությունների վրա, մինիստրը հայտարարում է, որ «Թուրքիայի հետ հարաբերություններում միակ քաղաքական դիտոնանսը սահմանային թյուրիմացություններն են»: Դրան նա ավել-

³⁶⁰ АВПР, ф. «Персидский стол», 1911, д. 549, л. 21.

³⁶¹ «Тифлисский листок», 1911, 1 марта.

³⁶² «Тифлисский листок», 1911, 1 февраля.

լացնում է, որ «չի կասկածում, որ շուտով սահմանների որոշման հարցը կստանա արդարացի և կողմերին բավարարող լուծում»³⁶³։

Կասկածից վեր է, որ արտաքին գործերի մինիստրի այս սլաշտոնական լավատեսությունը գալիս էր նրանից, որ իրանական կառավարող շրջանները արդեն որոշակի համաձայնության էին եկել Քուրբիայի հետ Ռուսաստանի դեմ համատեղ պայքարելու հարցում։ Բացահայտելով այդ համաձայնության հետապնդած նպատակները, Գոլուբինովը նկատում էր. «Երիտթուրքերը հասկացան, որ Պարսկաստանում ավելի հաջող գործողությունների համար նրանց անհրաժեշտ է հենվել ոչ միայն զենքի ուժով ուժի վրա, այլ կրոնի միասնության վրա։ Նրանք հարթեցին Իրանի և Քուրանի դարավոր կրոնական տարաձայնությունը և նշանակալիորեն խարխուլեցին բրիտանացի Ռուսաստանի հեղինակությունը»։ Ինչ վերաբերում է Իրանին, ապա Գոլուբինովի կարծիքով նա գտնում էր, որ «ավելի լավ է ենթարկվել թեկուզև օտարերկրյա մահմեդական սկստականությանը, քան տանել գյավուրների միջամտությունը»³⁶⁴։

Ճիշտ է, Ուրմիայի փոխ-հյուպատոսը շփազանցնում էր Իրանի և Քուրբիայի տարաձայնությունների հարթեցման առկայությունը, բայց և միանգամայն իրավացի էր, նկատելով, որ Քուրբիայի կողմից Ռուսաստանի հեղինակությանը հասցված է շոշափելի հարված։

Բորբոքելով պանիսլամիզմը՝ բոլոր մահմեդականների քաղաքական ներդաշնակության այդ գաղափարը և մահմեդական զանգվածների կրոնական ֆանատիզմը ուղղելով Ռուսաստանի և մասամբ նաև Անգլիայի դեմ, երիտթուրքական կառավարությունը հույս ուներ օգտագործել այն ոչ միայն իր զավթողական նպատակների համար, այլև իր անհնազանդ մուսուլման հպատակների (հատկապես արաբների և քրդերի) ուշադրությունը նրանց հուզող ներքին հրատապ հարցերից շեղելու համար։ Դա շփազանց լուրջ ու կարևոր խնդիր էր, որովհետև Բ. Գուլը տեղեկություններ ուներ, որ որոշակի քայլեր են կատարվում արաբների և քրդերի միջև հա-

³⁶³ Նույն տեղում, 1911 թ., 1 մարտի։

³⁶⁴ АВПР, ф. «Персидский стол Б.», 1912—1915 гг., д. 142, л. 21 об.

կակառավարական միասնական ճակատ ստեղծելու և համատեղ ապստամբություն բարձրացնելու ուղղությամբ: 1911 թ. գարնանը Արարիայում ապստամբած Իմամ Յահյան քրդերի մոտ էր ուղարկել իր ներկայացուցչին, որը հակակառավարական ապստամբության վերաբերյալ բանակցություններ էր վարում սկզբում Բայազետի շրջանի, ապա նաև Մուշի շրջակայքի ազդեցիկ քրդական ցեղապետների հետ: Այդ բանակցությունների հետևանքը եղև էր այն, որ քրդերը խոստացել էին աջակցել Իմամ Յահյային: Ճիշտ է, թուրքական իշխանություններին հաջողվեց բացահայտել դավադրությունը և ձերբակալել մասնակիցներին³⁶⁵, բայց բացառված չէին այսպիսի փորձերի կրկնվելը: Հետևաբար երիտթուրքական կառավարության համար առաջնակարգ բաղաբական նշանակություն ունեցող խնդիր էր Օսմանյան կայսրության բնակչության մոտ կուտակված ողջ մաղձը ուղղել «մահմեդականության թշնամիներին»՝ Ռուսաստանի և Անգլիայի դեմ:

Իր այս նպատակներին հասնելու համար երիտթուրքական կառավարությունը ձեռնարկեց մի շարք միջոցառումներ: Նախ, նրա նախաձեռնությամբ Թեհրանում գումարվեց «մահմեդական ժողովուրդների ներկայացուցիչների խորհրդակցություն», որին մասնակցում էին Թուրքիայի, Աֆղանստանի, Բուխարայի, Իրանի և մի շարք այլ երկրների ներկայացուցիչներ: Թեհրանում ռուսական ղեկավարները հաղորդում էր, որ այդ խորհրդակցությունում «Թուրքիային հատկացվում է ղեկավար դեր»: Այնուհետև նա գրում էր. «Հենվելով Թուրքիայի վրա, ամբողջ մահմեդական աշխարհը պետք է ստբի կանգնի և տրորի ու սննդացնի Ռուսաստանին ու Եվրոպային, — այսպիսին է խորհրդակցության մասնակիցների երազանքը: Այստեղից եզրակացություն, որ Թուրքիային չպետք է ոչնչով խանդարել, հետևաբար չպետք է բողոքել նաև Պարսկաստանում նրա գավթումների դեմ»³⁶⁶:

Իրանական ժողովրդին Ռուսաստանի դեմ ոտքի հանելու և պանիսլամիստական պրոպագանդա ծավալելու գործում Ստամբուլ-

³⁶⁵ ЦГВИА, ф. 2000, д. 3778, л. 433.

³⁶⁶ Նույն տեղում, թ. 433Կ:

լին կրկին խոշոր ծառայություններ կարող էին մատուցել Նաչաֆի և Քարբալայի իրանական մուշտեհիդները: Այդ պատճառով կենտրոնը հանձնարարեց «Միասնություն և Առաջադիմություն» կուսակցության Բաղդադի կոմիտեին նշված վայրերի իրանական բարձր հոգևորականությանը հրահրել իրանում հակառուսական բուռն ագիտացիա սկսելու համար: Երիտթուրքական կառավարության հրահանգով զնդապետ Զիա բեյը հատուկ առաքելությամբ մեկնեց Բաղդադ և այնուհետև Նաչաֆ և Քարբալա: Մուշտեհիդներ Աբդուլլա Մաղանդարանին և Մոհամմեդ Քյազիմ Խորասանին հրապարակեցին հատուկ ֆեթվա «խալամի թշնամիների» դեմ, որտեղ ասվում էր, որ շիիդի և սուննիդի միջև կրոնական տեսակետից ոչ մի էական տարբերություն չկա, որ շիիթներն ու սուննիթները պետք է թողնեն իրենց տարաձայնությունները և սերտորեն համագործակցեն միմյանց հետ³⁶⁷: Այնուհետև ֆեթվայում կոչ էր արվում բոյկոտի ենթարկել ռուսական ապրանքները և միասնություն հաստատել սուննիթների և շիիթների միջև: Միաժամանակ առաջարկվում էր իրանական կառավարությանը դաշինք կնքել Թուրքիայի հետ իրանի «ազատության և անկախության դեմ երկու պետությունների (Ռուսաստանի և Անգլիայի—Վ. Բ.) ոտնձգություններին հակահարված տալու համար»³⁶⁸: Մոսուլի փոխշյուպատոս Կիրսանովի տեղեկությունների համաձայն մուշտեհիդները պատրաստվում էին նույնիսկ սրբազան պատերազմ հայտարարել Ռուսաստանի դեմ սկզբում Կովկասի ռուսահպատակ շիիթների շրջանում, իսկ ապա նաև իրանում³⁶⁹:

Մուշտեհիդների այս էնցիկլիկան առանց հետևանքի շմնաց: Բաղմաթիվ իրանական վաճառականներ դադարեցրին շաքարի, մանուֆակտուրայի և այլ ապրանքների ներմուծումը Ռուսաստանից³⁷⁰, մի շարք խաներ թուրքական իշխանություններին տվեցին գրավոր հավաստիացում, որ իրենք զոհ են իրանում թուրքական

³⁶⁷ ЦГИА Груз. ССР, ф. 521, оп. 2, д. 511, лл. 40—40 об.

³⁶⁸ АВПР, ф. «Персидский стол», 1911, д. 672, л. 30.

³⁶⁹ ЦГИА Груз. ССР, ф. 521, оп. 2, д. 511, лл. 21—21 об, 22.

³⁷⁰ АВПР, ф. «Персидский стол», 1911, д. 549, л. 41; д. 672, лл. 27—27 об.

զորքերի ներկայութիւնից³⁷¹: Քաղաքական տեսակետից սուննիթներին և շիիթներին հաշտեցման և նրանց միավորման անհրաժեշտութիւն մասին մուշտեհիդներին ազիտացիան մեծ արձագանք գտավ նաև Իրանի պանիսլամիստական շրջաններում և բարձր հոգևորականութեան մեջ: Շիիթական և սուննիթական աղանդների հոգևոր առաջնորդները փոխադարձ համաձայնութիւնից հետո հայտարարեցին, որ իրենք կօգտագործեն իրենց ազգեցութիւնը Իրանի, Թուրքիայի և նրանց հպատակների միավորման համար, որպէսզի հնարավոր լինի ապահովել այդ երկու մահմեդական պետութիւնների սահմանների ամբողջականութիւնն ու պետական անկախութիւնը: Համատեղ որոշման մեջ նշվում էր, որ իսլամի հինգ աղանդների հետևորդների (սուննիթական շոբս ուղղութիւնների՝ խանիֆիդների, խանբալիդների, շաֆիիդների և մալեքիդների մի կողմից և շիիթների՝ մյուս կողմից) միջև մշտական թշնամանքը հանդիսացել է Իրանի և Թուրքիայի թուլութեան պատճառ և սպառնում է ամբողջ մահմեդական աշխարհին կործանումով: Այնուհետև երկու աղանդների ներկայացուցիչները հայտարարում էին, որ իրենք պարտավորվում են ամեն կերպ նպաստել Թուրքիայի և Իրանի վերջնական դաշինքին³⁷²:

Թեև ուսական դիտորդները գտնում էին, որ շիիթների և սուննիթների միավորման գաղափարը անիրականանալի է, որովհետև «անհնարին է ոչնչացնել այն տարբերութիւնները, որ բաժանում են նրանց դարերի վեր», սակայն նախազգուշացնում էին, որ այդ երկու աղանդների միավորման շարժումը անխուսափելիորեն կնւրպատի պանիսլամիզմի տարածմանը: Հենց դրանով էլ նրանք բացատրում էին այդ գաղափարի պրոպագանդման քնազավառում Թուրքիայի դրսևորած եռանդը³⁷³:

Նվ իսկապես, փաստերը վկայում են, որ մահմեդական կրօնի միմյանց նկատմամբ թշնամական այդ երկու աղանդների միավոր-

³⁷¹ Նույն տեղում, գ. 549, թ. 50:

³⁷² Л. В. Евдокимов, Панисламизм и пантюркизм. «Военный сборник», СПб., 1911, № 12, стр. 91—92.

³⁷³ К. Смирнов, Примирение суннитов с шиитами. «Кавказский военный переводчик», 1911, № 4; ЦГИА Груз. ССР, ф. 521, оп. 2, д. 511, л. 40 об.

ման գաղափարը լայն արձագանք չգտավ Իրանում: Մասնավորապես այն ոչ մի տպավորություն չգործեց օկուպացված շրջանների բնակչության վրա: Ուրմիայի մուշտեհիդ միրզա Մեսիհը նույնիսկ հայտարարեց, որ թուրքերը ցանկանում են օգտագործել բնակչության կրոնական զգացումները, որպեսզի իրենց զորքերը մտցնեն Ուրմիա քաղաքը, որ, հետևաբար, չպետք է վստահել նրանց և այլն³⁷⁴: «Կրոնի միասնության» այդ փորձերը, ընդհակառակն, առաջ բերեց բնակչության աշխատավոր խավերի, ցածր շիիթական հոգևվորականության և հողատերերի դժգոհությունը, որոնք կոլեկտիվ բողոք ներկայացրին Իրանում Թուրքիայի դավթողական քաղաքականության դեմ³⁷⁵:

Սակայն, այնուհանդերձ, Թուրքիան կարողացավ Իրանի պանիսլամիստական շրջաններում ձեռք բերել զգալի թվով կողմնակիցներ և օգտագործել նրանց իր քաղաքական նպատակների համար: Երիտթուրքական կառավարությունը կարողացավ նաև միաժամանակ շահական կառավարության ազգայնական շրջանների ուշադրությունը շեղել թուրքական ազրեսիայից և այն ուղղել բացառապես Ռուսաստանի կողմը: Միանգամայն սխալ գուրս եկան նաև իրանական քաղաքական այն գործիչների հաշիվները, որոնք ենթադրում էին, որ Թուրքիային կարելի է օգտագործել որպես հակազդող ուժ Ռուսաստանի դեմ: Ընդհակառակը, Թուրքիան սկսեց իր իրանական քաղաքականությունը առաջ տանել ավելի համարձակ ու հետևողականորեն:

Մարսելով ամբողջ Ուրմիայի շրջանը, Օսմանյան կայսրությունը տենդորեն նախապատրաստվում էր անեքսիայի ենթարկել ողջ Իրանական Ազրբեջանը: 1911 թ. գարնանը Ուրմիայի ոռոսական փոխ-հյուպատոսին հաջողվում է ձեռք բերել Ստամբուլից գրված մի պաշտոնական նամակ, որը պարունակում էր հետաքրքիր տեղեկություններ թուրքերի մտադրությունների մասին Ազրբեջանի նկատմամբ: Հենվելով այդ նամակի վրա փոխ-հյուպատոսը հաղորդում էր հետևյալը.

³⁷⁴ ЦГВИА, ф. 2000 с, оп. 1, д. 7719, л. 151.

³⁷⁵ «Тифлисский листок», 1911, 27 февраля.

«Թուրքերի պլանի մեջ է մտնում այդ նահանգի անեքսիան մինչև Ջենջան քաղաքը ներառյալ: Այդ նպատակով բացի թուրքական կառավարության ռազմական նախապատրաստություններից, «Միասնություն և Առաջադիմություն» կոմիտեն Ադրբեջանի բոլոր քաղաքներն է ուղարկել իր գործակալներին, որոնց հրահանգված է բաց անել օսմաներն լեզվի դասավանդումով դպրոցներ, շիիթական բնակչության մեջ պրոպագանդել պանիսլամիզմի գաղափարները և ամեն կերպ աշխատել գրավել ադրբեջանական շիիթների համակրանքը: Այդ գործակալները արդեն գտնվում են Քավրիզում, Սալմաստում, Խոյում և Ուրմիայում»³⁷⁶: Հիշյալ վայրերում տեղադրված հետախուզական գործունեություն էին ծավալել նաև թուրքական զլխավոր շտաբի սպաները, որոնց հանձնարարված էր պարզել Քավրիզի և Ջուլֆայի շրջաններում ռուսական զորքերի թիվը և ուսումնասիրել հիշյալ շրջաններում թուրքական զորքերի ապագա տեղաբաշխման հնարավորությունները³⁷⁷: Առկա էին նաև ուշագրավ տեղեկություններ այն մասին, որ թուրքական պառլամենտի կողմից գաղտնի ռազմական նպատակների համար կատարված երեք միլիոն ֆոնտ հատկացման նպատակն է խաթարել Ռուսաստանի ազդեցությունը Հյուսիս-արևմտյան Իրանում³⁷⁸:

Ռուսական հյուպատոսները և դինվորական գործիչները Իրանից և Թուրքիայից տագնապով հաղորդում էին, որ ամենուրեք համառ լուրեր են շրջում մոտակա թուրք-ռուսական պատերազմի մասին: Ա. Միլլերը, օրինակ, գրում էր. «1911 թ. սկզբին թուրքական սահմանային կոմիտե, զլխավոր շտաբի գնդապետ Ռեֆիկ բեյի Քավրիզ ժամանելուց հետո վերսկսվեցին լուրերը ընթացիկ տարվա դարնանը Ադրբեջանի համար ռուս-թուրքական պատերազմի մասին»³⁷⁹: 1911 թ. փետրվարին Ս. Օլֆերեր Վանից հեռագրում էր, որ ռազմական մինիստրի հրամանով Վանում սկսվել է բոլոր պահեստայինների ցուցակների ստուգումը: Որոշված է նաև ավելացնել օկուպացիոն զորքերի թիվը Իրանում³⁸⁰: Բայազետից Ակի-

³⁷⁶ АВПР, ф. «Персидский стол», 1911, д. 672, лл. 27—27 об.

³⁷⁷ ЦГВИА, ф. 2000 с, оп. 1, д. 7719, л. 152.

³⁷⁸ Նույն տեղում, ԹԹ. 151հ—152:

³⁷⁹ АВПР, ф. «Персидский стол», 1911, д. 549, лл. 20—21, 24, 29.

³⁸⁰ АВПР, ф. «Персидский стол», 1911, д. 672, л. 20.

մովիչը հաստատում էր այդ տեղեկությունները, ավելացնելով, որ թուրքական բանակի հայ զինվորները հայտնում են իրեն, որ պատերազմի զեպրում թուրքիան մտադիր է Խարաբաջարի կիրճով Մակուի խանություն ուղարկել քրդական ջոկատներ, որոնք այնուհետև կնեթխուծեն Երևանի նահանգը³⁸¹: Սուլզուլի քրդերից թուրքերը կազմակերպում էին համիդիե ջոկատների նման հեծելազոր, իսկ տեղական կարափափախներին, որոնց համակրանքը Ռուսաստանի կողմն էր, զինաթափ էին անում³⁸²: Տվյալներ կային նույնիսկ այն մասին, որ թուրքիան պատրաստվում է անակնկալ վերջնել թավրիզը, այնտեղից դուրս մղել ռուսներին և իրականացնել Ազրբեջանի անեքսիան³⁸³: Թուրքական գործակալությունը և հատկապես զինվորներն ու սպաները ամենուրեք հայտարարում էին, որ իրենք բնավ չեն վախենում ռուսներից և պատրաստ են առաջին իսկ հարմար առիթի զեպրում շափել իրենց ուժերը նրանց հետ: Որ ռուսների համար զժվար կլինի կռվել թուրքիայի հետ, որովհետև Իրանում և Կովկասում մահմեդական բնակչության համակրանքը նրա կողմն է³⁸⁴:

Դեպի Թավրիզ գորբերի արագ տեղափոխության համար թուրքական կառավարող շրջաններում սկսեցին արտահայտվել Տրապիզոն—էրզրում—Թավրիզ ճանապարհի վրա ավտոմոբիլային երթնվեկություն կազմակերպելու մասին: Այդ առթիվ ռուսական զեսպանորդին գրած իր 1911 թ. մարտի 29-ի հաղորդագրության մեջ Ա. Միլլերը գրում էր, որ թուրք-իրանական սահմանից մինչև Թավրիզ հասնող ճանապարհի վրա ավտոմոբիլային շարժում կազմակերպելու գործը կարող է իրականացվել միայն օտարերկրյա, ամենայն հավանականությամբ գերմանական ընկերության աջակցությամբ³⁸⁵: Սա ուղղակի ակնարկ էր այն մասին, որ Գերմանիան լայն օգնություն է ցույց տալիս թուրքիային: Այդ մասին էր վկայում նաև Ստամբուլի տենդագին գործունեությունը Ազրբեջանը

381 АВПР, ф. «Политархив», 1907—1914, оп. 482, д. 380, лл. 49—49 об.

382 ЦГВИА, ф. 2000 с, оп. 1, д. 7719, л. 269 об.

383 АВПР, ф. «Персидский стол», 1911, д. 549, лл. 29, 58—59.

384 Նույն տեղում, Բ. 50:

385 Նույն տեղում, ԲԲ. 31—32, 72—74:

տնտեսական տեսակետից ևս չուրացնելու ուղղութիւնմբ: Այս նպատակով Թուրքիան 1911 թ. գարնանը Թավրիզում բացեց «Օտտոմանյան առևտրական պալատը»³⁸⁶: Ուրմիայի Թուրքական հյուպատոսութիւնում ապրիլի 21-ին տեղի ունեցավ խորհրդակցութիւն, որին ներկա էին Խոյի և Սոուջբուլաղի հյուպատոսներ Սաադուլարէլը և Ռիֆասթ բէլը, Չիարի-կալայի գաշմագամ Զիա բէլը և այլ պաշտոնական անձինք, որոնք արտահայտվում էին Ազրբեջանի բնական հարստութիւնների, այդ թվում նաև Ուրմիա լճի աղի շահագործման գործը «Թուրքական ձեռքը» վերցնելու անհրաժեշտութիւն մասին³⁸⁷:

Վերոհիշյալ իրադարձութիւնները և լուրերը չէին կարող շանհայտացնել ռուսական կառավարող շրջաններին:

1911 թ. մարտի 1-ին տեղի ունեցավ ռուսական արտաքին գործերի և ռազմական մինիստրութիւնների հատուկ խորհրդակցութիւն, որի օրակարգում կար միայն մեկ հարց՝ Թուրքական զավթումների և Թուրքիայի քաղաքականութիւնի հարցը Իրանում: Խորհրդակցութիւնի սկզբում բնութագրելով Թուրքական զավթումների հետևանքով Իրանի արևմտյան սահմանում ստեղծված վիճակը, Ռուսաստանի արտաքին գործերի մինիստրութիւնի մերձավորարևելից գործերի առաջին ղեկարտամենտի վարիչ Կլեմմը հայտարարեց. «Թուրքերն աստիճանաբար շարժվում են դեպի Արևելք և դատելով մեր ունեցած տեղեկութիւններից, ներկայումս նրանց ձեռքին է գտնվում նախկին Թուրք-պարսկական փաստական սահմանի և Ուրմիայի լճի միջև ընկած տերիտորիայի մի մասը: Մենք մինչև այժմ սահմանափակվել ենք բողոքներով, որոնք, սակայն, չեն հասել իրենց նպատակին... Թուրքերի բացահայտ համառութիւնի մեջ չի կարելի չնկատել միանգամայն որոշակի նպատակներ և նախօրոք ծրագրված պլանի իրականացման ձգտումներ: Այդ պատճառով ժամանակն է քննարկել, որքանով է առկա իրադրութիւնը դիպչում մեր շահերին և մասնավորապես. 1) ինչ շարժում է վտանգ ստեղծվում մեր սահմանի համար, 2) ինչքանով մեզ համար

³⁸⁶ АВПР, ф. «Персидский стол», 1911, д. 549, лл. 47, 48, 119.

³⁸⁷ ЦГВИА, ф. 2000 с, оп. 1, д. 7719, л. 269.

վտանգավոր կարող է լինել թուրքական տիրապետության տակ բոլոր քրդերի միավորումը. 3) մինչև ուր մենք կարող ենք թույլ տալ թուրքական սահմանի ընդարձակումը Արևելքում. 4) ինչպիսի միջոցառումներ է մեզ անհրաժեշտ ձեռնարկել մեր շահերը պաշտպանելու համար»:

Մտքերի փոխանակության ժամանակ հանգամանալից կանգ առնելով թուրքական զավթումների ուղղափառական նշանակության վրա, գեներալ-մայոր Ավերյանովը մասնավորապես նշեց, որ Ռուսաստանի ուղղական շրջաններում արգեն ձեւավորվել է որոշակի տեսակետ թուրքական զավթումների անմիջական վտանգի մասին: Նրա կարծիքով ուղղափառական նշանակության տեսակետից թուրք-իրանական սահմանը կարելի է բաժանել երեք գոտիների. 1) Արարատից մինչև Դիլմանի զուգահեռականը, որտեղ անհրաժեշտ է ամեն զնով պահպանել մինչև 1905 թ. գոյություն ունեցած ստատուս-քվոն. 2) Դիլմանից մինչև Բանե, որտեղ անհրաժեշտ է հսկողության տակ պահել մի շարք ճանապարհներ և 3) Բանեից հարավ ընկած գոտին, որը թեև էականորեն չի ազդում Ռուսաստանի օպերատիվ խնդիրների վրա, սակայն այդ գոտու զավթումը թուրքերի կողմից կունենա ուղղա-քաղաքական նշանակություն, այն է Օսմանյան կայսրությունը կուժեղանա թույլ Իրանի հաշվին: Ավերյանովի կարծիքով եթե թուրքերին թույլ արվի հսկողություն սահմանել մի շարք առաջնակարգ նշանակություն ունեցող ճանապարհների վրա, ապա նրանք հեշտությամբ կկարողանան Բաղդադի 6-րդ կորպուսի ուժերը նետել դեպի Դիլման, սպառնալով Նախիջևանին և Երևանին: Խոսելով քննարկվող հարցի քաղաքական նշանակության մասին գեներալը շեշտում է, որ ռուս-թուրքական պատերազմի դեպքում թուրքիայի կողմից Իրանի չեզոքության խախտումը անշուշտ կհերկայացնի մի այնպիսի ակտ, որին անտարբեր չեն կարող մնալ նաև մյուս պետությունները:

Խորհրդակցության ժամանակ հատկապես մտքերի աշխույժ փոխանակություն ծավալվեց քրդական հարցի շուրջը, որը դիտվում էր որպես թուրք-իրանական հարաբերությունների ամենակարևոր հարցերից մեկը: Ավերյանովը, որի հեղինակությունը, որպես քրդական հարցի լավագույն գիտակի, ճանաչում էր գտել ռուսական ուղ-

մական և քաղաքական շրջաններում, հայտարարեց, որ «բրդերի միավորումը, որը կարող է գլուխ գալ թուրքական զավթումների հետևանքով, նույնպես ձեռնառու չէ մեզ և մեզ համար ցանկալի է ամեն կերպ նպաստել նրանց տարանջատմանը»:

Գնդապետ Տոմիլովը հայտնեց այն կարծիքը, որ Ռուսաստանի համար նպատակահարմար է իր կողմը գրավել իրանական բրդերի առավել ուժեղ և ազդեցիկ աշիրեթներին: Կլեմմը առարկեց, նկատելով, որ դժվար թե հաջողվի կաշառել բրդերին, որովհետև նախ և առաջ նրանք փնտրում են փաստական հովանավորություն: Նա կանգ առավ այն հարցի վրա, թե ինչպե՞ս, ի՞նչ միջոցներով կարելի է ազդել Թուրքիայի վրա: Նրա կարծիքով թուրքերի կողմից գրաված դիրքերը նրանց տալիս են այնպիսի էական օգուտներ, որ զբժվար թե հնարավոր լինի բարոյական ճնշման միջոցով նրանցից սպասել կամավոր դիջումներ: Հաջողության գրավական ունենալու համար պետք է գործել ավելի եռանդուն և հնարավորության դեպքում անգլիացիների հետ համատեղ: Անգլիայի դիվանագիտական աջակցությունը պետք է օգտագործել հենց այժմ «քանի նրա համար կարևոր է ճնշում գործադրել Թուրքիայի վրա իր օգտին լուծելու համար Բաղդադի ճանապարհի վերջին հատվածի հարցը»: Կլեմմը հատուկ շեշտում էր, որ Անգլիան Ռուսաստանի հետ կզնա այնքան ժամանակ, ինչքան ձեռնառու կլինի իրեն և «նրա գործողությունները ուղղակի կախվածության մեջ կլինեն նրանից, թե կհաջողվի, արդյոք, Գերմանիային ինքնուրույն կերպով համաձայնության մեջ մտնել Թուրքիայի հետ երկաթուղու հարցում»:

Ինչ վերաբերում է Ռուսաստանի կողմից Թուրքիայի նկատմամբ կիրառվելիք ակտիվ գործողություններին, մերձավորարևելյան բաժնի անօրենը առաջարկում էր հետևյալը. 1) կազմակերպել ռուսական և անգլիական ներկայացուցիչների համատեղ այց վիճելի գոտում. 2) խոչում բաց անել փոխ-հյուպատոսություն. 3) այդ երկու միջոցառումների անարդյունք մնալու դեպքում դիմել կովկասյան իշխանությունների ծրագրած քայլին՝ Արևմտյան Աղբյուրների մի շարք կետերի ռուսական զորքերի կողմից գրավմանը:

Հակադրվելով այս տեսակետին, զենքերալ խոլմսենը և փոխգնդապետ էնկելը նշում են, որ սահմանային վեճի սրումը Ռուսաս-

տանին կարող է հասցնել ռազմական բախման Քուրբիայի հետ, մինչդեռ այդ հարցը Ռուսաստանի համար իր էությունը կրկրորդական է և շարժն նրա համար դիմել ռիսկի: Բացի այդ, ռուսական զորքերի կողմից հոյի և Մարաղայի գրավումը կարող է վատթարացնել Ռուսաստանի հարաբերությունները Իրանի հետ, որը միանգամայն անցանկալի է: Նրանք եզրակացնում էին, որ ամենակարևորը սահմանային վեճի և սահմանների ստատուս-քվոյի վերականգնման հարցն է: Կլեմմը դրան պատասխանում է, որ ինչպես էլ լուծվի սահմանային հարցը, Քուրբերը միշտ էլ հնարավորություն կունենան հաշվի չնստելով միջազգային իրավունքի հետ ներխուժել Իրան:

Կողմերի այս վեճում պաշտպանելով Կլեմմի տեսակետները Ավերյանովը հայտարարում է, որ ոչ մի դեպքում Ռուսաստանը չի կարող զոհել Կովկասում և Ադրբեջանում իր ունեցած ռեալ շահերը: «Քուրբերը թափանցում են մեր անվիճելի ազդեցության գոտին, նրանք սպառնում են Ադրբեջանի նշանակալից մասին, որի հետ մենք կապված ենք քաղաքականապես, տնտեսապես և ռազմազիտական տեսակետից»:

Խորհրդակցության արդյունքները Կլեմմը հանրագումարի բերեց հետևյալ գրույթներով.

1. Ուրմիայի շրջանում և Արևմտյան Ադրբեջանում Քուրբական գավթումները Ռուսաստանի համար ներկայացնում են որոշակի վտանգ, որովհետև կաշկանդում են Երևանյան շոկատի օպերատիվ գործողությունները և որոշ հանդամանքներում կարող են ուղղակի սպառնալիք հանդիսանալ Անդրկովկասի համար:

2. Ռուսաստանին անցանկալի է բրդերի միավորումը: Ընդհակառակն, անհրաժեշտ է ազդել իրանական բրդերի վրա և շեղել նրանց Քուրբիայից:

3. Քուրբերի վրա անհրաժեշտ է գործադրել դիվանագիտական ճնշում Անգլիայի հետ համատեղ:

4. Թեհրանում և առհասարակ Իրանում անհրաժեշտ է մամուլի միջոցով բորբոքել իրանական հայրենասիրությունը Քուրբական գավթումների նկատմամբ:

5. Դիվանագիտական ներգործության անարդյունք մնալու դեպ-

քում անհրաժեշտ է ռազմական ուժով զրավել Խոյը և մի շարք այլ վայրեր:

Այնուհետև նշվում էր, որ եթե նույնիսկ թուրքերը հտ մղվեն մինչև 1905 թ. գոյություն ունեցած սահմանը, Ռուսաստանը ի վիճակի չի լինի պատերազմի դեպքում արգելք հանդիսանալ թուրքերի կողմից Իրանի շեղությունների խախտմանը: Այդ պատճառով անհրաժեշտ է միջոցներ ձեռնարկել Իրանական Ադրբեջանի հյուսիսում Ռուսաստանի դիրքերի ամրապնդման համար. կարևորագույն միջոցառում կհանդիսանար երկաթուղու անհատկանցումը մինչև Քավրիզ և Խոյ, պարսկական կազակական բրիգադի համալրումը նոր ուժերով և այլն³⁸⁸:

Վերահիշյալ միջոցառումները իրականացնելու համար ռուսական բաղադրական շրջաններում առաջարկվում էին տարբեր ուղիներ: Նախ նշվում էր, որ Ստամբուլի վրա գիվանագիտական ճընշում գործադրելու համար խիստ անհրաժեշտ է օգտագործել նաև Անգլիային, օգտվելով այն առիթից, որ վերջինս այդ ժամանակ հռանդագին աշխատում էր խափանել Բազդադի երկաթուղու վերջին տեղամասի՝ Բազդադ—Պարսից ծոց դժի շինարարության գերմանական ծրագրի, և հետևաբար իր հերթին շահագրգռված էր Ռուսաստանի գիվանագիտական աջակցության մեջ:

Սակայն մյուս կողմից Ստամբուլում Անգլիայի հետ համատեղ գիվանագիտական կելույթը դժվարանում էր նրանով, որ բրիտանական կառավարությունը Ռուսաստանից պահանջում էր այդ «ծառայության» դիմաց գորքերը դուրս բերել Իրանից: Ստոլիպինին ուղղված 1911 թ. փետրվարի 11-ի իր զաղտնի նամակում ցարական արտաքին գործերի մինիստրը գրում էր. «Մեր բաղամտիվ բողոքները Կ. Պոլսում, ինչպես միանձնյա, այնպես էլ Անգլիայի հետ համատեղ, առայժմ չեն տվել ցանկալի արդյունքներ: Կա բացատրվում է մասամբ նրանով, որ Մեծ Բրիտանական կառավարության մեր նկատմամբ ցուցաբերած աջակցությունը մինչև այժմ, բոտ երևույթին, չի կրել բավարար չափով հռանդուն բնույթ,

³⁸⁸ ЦГА ВМФ СССР, ф. 418, оп. 1, д. 3911, лл. 1—9; ЦГВИА, ф. 2000, оп. 1, д. 60, лл. 162—168.

քանի որ Լոնդոնի կաբինետը այդ հարցում իրեն համարում էր նշանակալիորեն կաշկանդված Պարսկաստանում մեր զորքերի ներկայության պատճառով: Բազմիցս նշելով այդ հանգամանքը, արտաքին գործերի պետական քարտուղարը միաժամանակ հասկացնում է, որ մենք կարող ենք հույս դնել Անգլիայի առավել գործնական աջակցության վրա, հենց որ ձեռնամուխ լինենք մեր ջոկատներին դուրս բերմանը պարսկական սահմաններից»³⁸⁹:

Մի շարք ուսական գործիչներ (օրինակ, Գուլուբեխովը և այլն) այն կարծիքին էին, որ անհրաժեշտ է նախապես մեծ քանակությամբ զորքեր կենտրոնացնել Ջուլֆայում, պատճառաբանելով, որ հակառակ դեպքում Քավրիզի շոկատը կարող է հեշտությամբ կտրվել իր թիկունքից և ջախջախվել թուրքական զորքերի կողմից³⁹⁰: Չարիքովը գտնում էր, որ անհրաժեշտ է կարճ ժամկետում որոշել թուրք-իրանական սահմանը և այն ամրապնդել հատուկ պայմանագրով: Ներատուվին գրած 1911 թ. մարտի 22-ի (ապրիլի 4-ի) նամակում դեսպանը վերոհիշյալ տեսակետը հիմնավորում էր հետևյալ կերպ. «Ինձ հայտնի է, որ Կ. Պոլսում գոյություն ունի մի ամբողջ քաղաքական խմբավորում, որը ցանկանում է բաց վիճակում թողնել թուրք-պարսկական սահմանի մասին հարցը այն նկատառումով, որպեսզի օգտվելով պարսկական որևէ ներքին ձգնաժամից կամ Ռուսաստանի ուշադրության ժամանակավոր շեղումից մի այլ կողմ, թուրքիայի ներկայիս սահմանները զավթումների միջոցով առաջ շարժվի դեպի արևելք»³⁹¹:

Մինիստրների խորհրդի նախագահ Ստոլիպինին ուղղած նամակում, Կովկասի փոխարքան շարադրում էր իր տեսակետները Իրանում թուրքիայի զավթումների ստրատեգիական, քաղաքական և առևտրա-տնտեսական նշանակության մասին, մասնավորապես ցարական կաբինետի ղեկավարի ուշադրությունը հրավիրելով այն բանի վրա, որ անցած վեց տարիների ընթացքում Իրանի օկուպացված շրջաններում թուրքիան փաստորեն ստեղծել է ռազմական

³⁸⁹ ЦГВИА, ф. 2000 с, оп. 1, д. 7719, лл. 147—147 об.

³⁹⁰ АВПР, ф. «Персидский стол», 1911, д. 672, л. 18.

³⁹¹ АВПР, ф. «Канцелярия МИД», 1911, д. 31, лл. 166—166 об.

հենակետ և Ռուսաստանի հետ պատերազմի դեպքում, արհամարհելով իրանական շեղագրությունը, նա այնտեղից կշարժվի դեպի Հյուսիս, իր հետ տանելով բազմաթիվ բրդական զնգեր: Իսկ կոալիցիոն պատերազմի դեպքում թուրքական զորքերը Ադրբեջանի վրայով կներխուժեն ռուսական սահմանները, իրենց ետևից հրապուրելով Մակուի քրդերին և Ռուսաստանի նկատմամբ թշնամաբար տրամադրված շահակներին ու զարագացրին: Այս ապստամբեցնելով Ելիզավետպոլի, Երևանի և Բաքվի նահանգների մահմեդական բնակչությանը, նախիջևանից շարժվելով դեպի Շուշի և Եվլախ կկտրեն Ռուսաստանի գլխավոր կոմունիկացիան՝ Թիֆլիս—Բաբու երկաթուղային գիծը, դրանով իսկ Կարս—Էրզրում օպերացիոն ուղղության վրա ռուսական բանակին դնելով անելա-նելի վիճակի մեջ³⁹²:

1911 թ. մարտի 1-ի հատուկ խորհրդակցության որոշման համաձայն, նույն ամսի 28-ին Սաամբուլում ռուսական և անգլիական զեսպաններ Չարիբովը և Լաուզերը արտաքին գործերի մինիստր Բիֆասթ փաշային նույնանման հայտարարություն արեցին այն մասին, որ կողմերը ցանկանում են կազմակերպել Հյուսիսայտոսների անձնական ուղևորություն Ուրմիա և Ադրբեջանի մի շարք այլ մարզեր «ծանոթանալու համար այն վայրերի իրադրության հետ, որտեղից ստացվում են այնքան հակասական տեղեկություններ»³⁹³:

Մակայն 1911 թ. դարնան վերջերին Իրանում ստեղծված քաղաքական իրադրությունը (ոսակցիոնների գործունեության ակտիվացումը ամբողջ երկրում և լիբերալների կառավարության ձրգտումը՝ ճնշել ղեմոկրատական շարժումը) հույս ներշնչեց թուրքերին, որ այն հնարավորություն կընձեռի ամրապնդել իրենց դիրքերը, կատարել նոր զավթումներ և հաջողությամբ դիմադրել ռուսանդլիական համատեղ ճնշմանը:

«Ուրմիայի շրջանում սկսված պայքարը Մոհամմեդ Ալիի կողմնակիցների և ֆիդայիների միջև,— գրում էր Գոլուբինովը,— որը

³⁹² Տե՛ս Վորոնցով-Փաշկովի 1911 թ. մարտի 16-ի № 1563 նամակը ուղղված Մոսկովյեին: ЦГВИА, ф. 2000с, оп 1, д. 7719, лл. 180—181.

³⁹³ АВПР, ф. «Переидский стол», 1911, д. 672, л. 23.

համապատասխանում է Քուրբիայի շահերին, նրան հնարավորություն է տալիս ավարտել Ուրմիայի շրջանի զավթումը մինչև լճի հյուսիս-արևմտյան ափը (հարավ-արևմտյան ափը արդեն գտնվում էր օկուպացիայի գոտում) և միաժամանակ խոչընդոտում ապահովել գեղակշռող դիրքերը³⁹⁴։

Քեհրանի վրա նախկին շահ Մոհամմեդ Ալիի արշավանք նախապատրաստելուն ղուզընթաց արևմուտքում ելույթի պատրաստություններ էր տեսնում նաև նրա եղբայր «զիվահար արքայազն» Սալար-ուդ-Գոուլեն։ Քուրբերը վերջինիս հետ կապում էին շափազանց մեծ հույսեր։ Բավական է ասել, որ հակահեղափոխական խռովության նախապատրաստությունները նա տեսնում էր Քուրբիայում։ Ամբողջ 1910 թ. ձմռանը գտնվելով Ստամբուլում նա կապեր էր հաստատում երիտթուրքական կառավարության հետ։ Քավրիզում հրատարակվող հայկական «Առավոտ» թերթի տվյալներով Ստամբուլում նա գործարար կապերի մեջ էր «Միասնություն և Առաջադիմություն» կոմիտեի և երիտթուրքական կուսակցության ականավոր գործիչների հետ³⁹⁵։ Ս. Օլֆերևի տեղեկություններով, որը նա բազմի էր վանում զաշնակցական կազմակերպության ղեկավար Իշխանից, Սալարի Քուրբիայում գտնվելու ժամանակ երիտթուրքական կոմիտեի անդամները նրան հատկացրել են դրամ և հանձնարարել պրոթուրքական ազիտացիա մղել իրանական բրդերի շրջանում³⁹⁶։

Սալար-ուդ-Գոուլենի հակահեղափոխական խռովությունը հաղթանակով պսակելու համար Քուրբերը այդ գործի մեջ ներգրավեցին նաև Արզուլ Ղադերին, որը ստանձնելու էր Սալարի բանակի ընդհանուր հրամանատարությունը³⁹⁷։ Երիտթուրքերի հետ կնքած համաձայնագրի համաձայն, խռովության հաջողության ղեկավար Քավրիզում Սալարը իրեն հայտարարելու էր Իրանի շահ և ընդունելու էր Քուրբիայի հովանավորությունը։ Հետագայում ծրագրված

³⁹⁴ АВПР, ф. «Персидский стол Б», 1912—1915, д. 142, лл. 21—21 об.

³⁹⁵ «Առավոտ», 2 հունիսի 1911 թ.։

³⁹⁶ М. С. Лазарев, *Կռվ. աշխ.*, էջ 182—183։

³⁹⁷ «Մշակ», 25 մայիսի 1911 թ., էջ 2։

էր նաև արշավանք կազմակերպել ղեկպի Թեհրան՝ կառավարութիւնը տապալելու և Իրանում բացարձակ միապետութիւնը վերականգնելու նպատակով³⁹⁸։

Միանգամայն հասկսնալի էր, որ «խռովարար արբայազնի» հետ կապված ծրագրի իրագործման դեպքում Թուրքիան հնարավորութիւն կատանար իր անբաժան տիրապետութիւնը հաստատել Իրանական Քրդստանում և Ադրբեջանում։ Մյուս կողմից՝ թուրքերի աշակցութիւնը այս խռովութեանը մեկ անգամ ևս դրսևորում էին Իրանի նկատմամբ երիտթուրքական կառավարութեան հակահեղափոխական ձգտումները, որովհետև Սալար-ուդ-Դոուլեն հանդես էր գալիս նախկին շահ Մոհամմեդ Ալիի հետ համատեղ, որը փորձում էր Իրանում հակահեղափոխական հեղաշրջում կատարել։

Համոզված լինելով, որ Ռուսաստանը և Անգլիան անխուսափելիորեն արգելք կհանդիսանան իր այս լայնահուն պլանների իրագործմանը, Սալար-ուդ-Դոուլեն մեծ հույսեր էր կապում նաև Գերմանիայի աշակցութեան հետ։

Հարավային (Իրաքյան) Քրդստանի ջաֆ և ղենգենե ցեղերից հավաքագրելով որոշ քանակութեամբ զորքեր, 1911 թ. ապրիլին Սալար-ուդ-Դոուլեն թուրքական զինվորական և քաղաքացիական իշխանութիւնների ուղեկցութեամբ մեկնեց Իրանական Քրդստանի հյուսիս-արևմտյան շրջանները (Սուլդուզ, Սոուջբուլազ և այլն), որտեղ հանդիպելով մի շարք ազդեցիկ ցեղապետերի հետ, հորդորում էր նրանց մտնել իր «բանակի» շարքերը։ «Նախկին շահի նշքոր՝ Սալար-ուդ-Դոուլեի հայտնվելը Սուլդուլում և Սոուջբուլազում, — գրում էր Միլլերը Թավրիզից 1911 թ. ապրիլի 20-ին, — Ադրբեջանում օսմանյան կառավարութեան հարձակողական քաղաքականութեան նոր վկայութիւնն է»³⁹⁹։ Թուրքերի օգնութեամբ Սալարին հաջողվեց իր կողմը գրավել Սուլդուլի և Սոուջբուլազի զերդե, մամաշ, մանգուր և մուբրի ցեղերի բրդերին, «որոնք պատրաստ են նրա առաջին իսկ կոշով Մարաղայի վրայով շարժվել ղեկպի Թավրիզ, իրենց շարքերում ունենալով տասը հազար զինված հեծյալ-

³⁹⁸ ЦГИА Груз. ССР, ф. 15, д. 372, л. 34.

³⁹⁹ АВПР, ф. «Персидский стол», 1911, д. 549, л. 96.

ներ թուրք հրահանգիչների ղեկավարութեամբ»⁴⁰⁰: Այնուհետև նրա կողմն անցավ նաև Իրանական Քրդստանում բնակվող արաբական «Շեյխ Իքրիս» ցեղը, որը հայտնի էր իր հակումներով դեպի պանիսլամիզմն ու Թուրքիան: Նրան ակտիվորեն օգնում էր նաև իր աները՝ լուրերի ռազմաշունչ ցեղի ազդեցիկ առաջնորդ Ֆեյի նազար խանը⁴⁰¹: Տեղեկութուններ կային, որ բացի սենատոր Արդուլ Ազգերից Սալարին օգնելու էր նաև Սուլդուզի թուրքական գալմազամ Մուստաֆա փաշան, իսկ բանակի փաստական ղեկավարութունը գտնվելու էր քրդական տարազ հագած, ծպտյալ վիճակում գործող թուրքական սպանների ձեռքում⁴⁰²:

1911 թ. հուլիսին Սալար-ուղ-Գոուլեն Մոհամմեդ Ալիին հայտարարելով Իրանի շահ, իսկ իրեն՝ Քրդստանի օրինական կառավարիչ, սկսեց նախապատրաստվել նախկին շահի հետ միաժամանակյա արշավանք կատարելու համար դեպի Թեհրան⁴⁰³:

Այսպիսով, 1907 թ. գարնանը շահական դահլեզրավելու համար իր եղբոր՝ Մոհամմեդ Ալի շահի գեմ կազմակերպած անհաջող ելույթից ընդամենը չորս տարի հետո ձախողակ հավակնորդը հանդես էր գալիս միանգամայն նոր դերով՝ որպես պանիսլամիզմի խնդիրները արմատավորող Ստամբուլի բաղաբական շրջանների գործակալ: Պատահական չէ, որ Թեհրանում վախենում էին, որ նրա հայտնվելը Ուրմիայում, որը արդեն փաստորեն միացված էր Թուրքիային, հանդիսանում է այդ նահանգի անբարեխալի նախերգանքը, որի օրինականացումը ժամանակավորապես հետաձգվում էր Ալրանիայում և Չեռնոգորիայում տեղի ունեցող իրադարձությունների հետևանքով:

1911 թ. հուլիսի վերջին Սալար-ուղ-Գոուլեն գրավեց Քերմանշահը, ապա նաև Համադանը, Նեհավենդը և Արևմտյան Իրանի մի շարք այլ բաղաբներ: Սակայն այնուհետև նրա համար սկսվեցին

⁴⁰⁰ АВПР, ф. «Персидский стол», 1911, д. 672, лл. 67—67 об.

⁴⁰¹ «Առավոտ», 2 հունիսի 1911 թ.:

⁴⁰² «Մշակ», 21 մայիսի 1911 թ., էջ 1:

⁴⁰³ АВПР, ф. «Персидский стол», 1911, д. 1202, л. 437: «Сборник дипломатических документов, касающихся событий в Персии», вып. VII, стр. 93, 104.

անհաջողությունները: նախկին շահի, նրա եղբոր, ինչպես նաև Մարաղայի նահանգապետ Սամադ խան Շոքա-էդ-Գոուլեի հակահեղափոխական ելույթը երկրում առաջ բերեց համընդհանուր ժողովրդական զայրույթ: Ամենուրեք կալմակերպվեցին զինված կամավորական ջոկատներ, որոնք պատրաստ էին ձախողել բացարձակ միապետության վերականգնման փորձերը: Քրդերը և լուրերը աստիճանաբար լքեցին Սալարին և ցրվեցին իրենց յայլաղները: Իրանական Քրդստանի ցեղերի մեծ մասը հրաժարվեց աչակցել նրան նաև այն պատճառով, որ, ըստ երևույթին, նրանք կոահեցին, որ Սալարը իր հետ բերում է թուրքական լուծ⁴⁰¹:

Շուտով հեղափոխական ուժերը նփրեմ Գավիդյանցի և Բահադուր Զանգի գլխավորությամբ մայրաքաղաքից 80 վերստ հեռավորության վրա ջախջախիչ հարված հասցրին Սալար-ուդ-Գոուլեի զորքերին⁴⁰⁵: Վերջինս ստիպված էր փախչել դեպի Իրանական Քրդստանի հարավային շրջանները, որպեսզի հավաքագրի նոր ուժեր և կրկին փորձի իրականացնել իր ծրագրերը⁴⁰⁶:

Մոհամմեդ Ալի շահի և Սալար-ուդ-Գոուլեի հակահեղափոխական խռովության ջախջախումից հետո, որի հետ թուրքերը կապել էին մեծ հույսեր, Ստամբուլում որոշվեց կտրուկ շրջադարձ կատարել խռովարար արքայազնի նկատմամբ: Այլևս վտանգավոր էր բացահայտ և զազտնի աջակցություն ցույց տալ հակահեղափոխական ուժերին, որովհետև այդ քաղաքականությունը կործանիչ հարված կարող էր հասցնել Թուրքիայի հեղինակությանը ողջ Իրանում: Որոշվեց խզել կապերը Սալարի հետ: Ստամբուլից ցուցում տրվեց Իրանի թուրքական հյուպատոսներին «ձեռնպահ մնալ Սալար-ուդ-Գոուլեին հովանավորելուց»⁴⁰⁷: Միաժամանակ թուրքական գործակալությունը սկսեց տարածել, թե Սալարը դիմել է թուրքական զին-

⁴⁰¹ М. С. Лазарев, *Նշվ. աշխ.*, էջ 184:

⁴⁰⁵ Այդ հաղթանակի առթիվ շահական կառավարությունը նփրեմ Գավիդյանցին նշանակեց տարեկան 3600 թուման ցմահ թոշակ: «Тифлисский листок», 1911 г. 4 октября.

⁴⁰⁶ «Сборник дипломатических документов...», вып. VII, стр. 159—160. 162, 167.

⁴⁰⁷ АВПР, ф. «Персидский стол», 1911, л. 672, л. 95.

վորական իշխանություններին, աջակցություն խնդրել, սակայն մերժում է ստացել: Իրականում նա կրկին ապաստան էր գտել Թուրքիայում⁴⁰⁵, որի կառավարող շրջանները նրան պահում էին ռեզերվում ապագայում օգտագործելու համար:

Նոր իրադրությունը ստիպեց Ստամբուլին փոխել դիմակը և մինչև հակահեղափոխական ուժերի նոր ակտիվացումը հանդես գալ Իրանում հեղափոխության ու սահմանադրության ջատագովի դեմքով: Այդ նպատակով, մասնավորապես, կրկին ջրի երես բարձրացվեց շեյխ Աբդուլ Ղադերը, որի մասին Ուրմիայում հրատարակվող «Ֆարվարդին» թերթի 1911 թ. օգոստոսի 14-ի համարում ասվում էր, որ նա Մոհամմեդ Ալի շահի դեմ զինված պայքար մղելու համար Ուրմիայի սահմանադրական իշխանություններին առաջարկել է իր ծառայությունները⁴⁰⁶: Իրականում թուրքական սենատորի այդ առաջարկությունը, որը անշուշտ թելադրված էր Ստամբուլի կողմից, հետապնդում էր Ուրմիայում անարխիան ուժեղացնելու նպատակներ, որը հնարավորություն կտար Թուրքիային հաջողությամբ շարունակել զավթողական քաղաքականությունը: Կովկասյան ռազմական շրջանի շտաբը հետևյալ կերպ էր բնորոշում Ստամբուլի այդ տակտիկան. «Թուրքերը չեն ցանկանում, որ Պարսկաստանը խաղաղվի: Նրանք գիտեն, որ այդ երկրում անիշխանություններ վերջ տրվելուց հետո այլևս հնարավոր չի լինի մերենայություններ և դավեր նյութել Ռուսաստանի և Պարսկաստանի դեմ: Թուրքիային հարկավոր է, որ Պարսկաստանում տիրի անիշխանությունը, որպեսզի նա հաջողությամբ շարունակի իր ազդեցիվ քաղաքականությունը Ադրբեջանում: Իսկապես, այդ տեսակետից նրանք հասել են համեմատաբար փայլուն արդյունքների՝ շնորհիվ մեր ավելորդ լավատեսությունների և վստահության: Թուրքերը Պարսկաստանում վարում են ծայրահեղ խորամանկ քաղաքականություն: Եվրոպային հավաստիացնելով իրենց բարի ցանկություններում, մատնացույց անելով Ռուսաստանի գործողությունները Պարսկաս-

405 ملك اشعرا بهار، تاريخ مختصر احزاب سياسی انقراض قاجارجه، جلد اول، تهران، ۱۳۲۳، ص ۷

406 АВПР, ф. «Персидский стол», 1911, д. 672, лл. 134—137 об, 141.

տանում, եվրոպացիներին աչքում իրենց ի ցույց դնելով որպես տուժածներ, իսկ պարսիկների աչքում իսլամի անշահախնդիր հովանավորող ու պաշտպան, — թուրքերը չափազանց ճարակորեն և առանց ավելորդ խոսակցությունների զավթեցին Ադրբեջանի մի մասը»⁴¹⁰;

1911 թ. երբ Անգլիան ու Ռուսաստանը զբաղված էին Իրանում հեղափոխությունը ճնշելու հարցով, մասամբ նաև մարոկկոյական կոնֆլիկտով, թուրքերը շարունակում էին զավթումները և աննկատելիորեն ամրապնդվում իրանական տերիտորիայում: Այս զավթումների հետևանքով ստեղծված սահմանը արդեն ուներ ուղղման կարևոր նշանակություն: Թուրքական զորքերը երեք կողմերից շրջապատեցին Սալմաստը, թողնելով միայն Թավրիզ տանող մի նեղ ճանապարհ, որը ամբողջությամբ գտնվում էր թուրքոֆիլ բերդերի հսկողության տակ: Փաստորեն Թավրիզի և Սալմաստի միջև կտրված էր հաղորդակցությունը: Փակված էին նաև Սալմաստից խոյ տանող երկու զլխավոր ճանապարհները: Ռուսական հյուպատոսների կարծիքով թուրքական հրամանատարությունը ձեռնպահ էր մնում Ուրմիան զավթելուց, վախենալով, որ դա Ռուսաստանի կողմից կզիտվի որպես *cusus belli*⁴¹¹: Բարանդուզ գետի աջ ափի գրավումը արգելակում էր Ուրմիայի և Գոլի միջև հաղորդակցությունը, իսկ Ուշնուի և Սուլդուլի օկուպացիան միանգամայն կրտրում էր Ուրմիա լճի արևմտյան ափը Իրանական Քրդստանից: Հարձակողական շարժման շնորհիվ թուրքական զորքերը ազատ մուտք ունեցան նաև դեպի խոյ (Եզդիկանի վրայով), իսկ Զաղաթու գետի մոտ իրենց նախատեսած սահմանին հասնելու դեպքում տիրապետող զորքեր ձեռք կրերեին նաև հարավից դեպի Թավրիզ տանող բոլոր ճանապարհների նկատմամբ: Թեև Ուրմիայի և Սալմաստի հարուստ և ընդարձակ հարթավայրերի զգալի մասը դեռևս գտնվում էին Իրանի ձեռքում, սակայն սեպի պես ցցված լինելով զավթված տերիտորիաների միջև, նրանք համարյա լրիվ գտնվում էին թուրքական հսկողության տակ: Բացի այդ, օկուպացիոն իշ-

⁴¹⁰ «Сводка сведений...», Тифлис, 1912, № 19—20, стр. 13.

⁴¹¹ «Сводка сведений...», 1911, № 3, стр. 33—34.

խանությունների տրամադրութեան տակ էին գլխավոր լեռնանցր-
ների մեծ մասը, որոնք նրանց առջև բաց էին անում Իրանում խո-
րանալու հնարավորութիւններ:

Տիրապետող դիրքեր ձեռք բերելով մի շարք կարևոր հազար-
շակցական գծերի նկատմամբ, թուրքական հրամանատարութիւնը
հնարավորութիւն էր ստանում անհրաժեշտութեան ղեկգրում միա-
վորել բանակային շորրորդ և վեցերորդ կորպուսները՝ համատեղ
ռազմական գործողութիւններ վարելու համար⁴¹²: Իսկ այն հան-
գամանքը, որ թուրքերի ձեռքում գտնվում էին մի շարք հարուստ
և բարեբեր դաշտավայրեր (օրինակ Սուլդուզի, Ուշնուի և այլն),
նրանց հնարավորութիւն էր տալիս տեղում ունենալ սննդամթերք-
ների հարուստ պաշարներ, հետևաբար նաև հնարավորութիւններ
իրանական տերիտորիայում նշանակալից ռազմական ուժեր պա-
հելու համար:

Այսպիսով, Իրանական Քրդստանում և Արևմտյան Ադրբեյջա-
նում իրանական տիրապետութիւնները վեր էին ածվել միանգա-
մայն առանձին միավորների: որոնք զուրկ էին միավորող այն ու-
ժից, որը կարող էր նրանց ընդունակ դարձնել դիմադրելու թուր-
քերին: 1911 թ. ամռանը զավթումների գոտին ընդհանուր առմամբ
համընկնում էին և նույնիսկ գերազանցում այն պահանջներին,
որոնք շարադրված էին Դերվիշ փաշայի քաղաքական զեկուցա-
գրում⁴¹³: Այլ կերպ ասած, թուրքերը արդեն հասել էին այն սահ-
մաններին, որոնք նրանց կողմից ներկայացվում էին իբրև իրենց
պատմական սահմաններ⁴¹⁴: Օկուպացված շրջանների ընդհանուր
տարածութիւնը, ըստ Վ. Մինորսկու տվյալների, նշված ժամանա-
կաշրջանում կազմում էր. հյուսիսից հարավ (երկայնքով) մոտ
300 կմ, իսկ արևելքից արևմուտք (լայնքով) 20—30 կմ, այն ղեկ-
գրում,—գրում էր Վ. Մինորսկին,—երբ Բելգիայի տերիտորիան հա-
վասար է 29,500 քառ. կմ⁴¹⁵:

⁴¹² «Объезд оккупированных...», стр. 124.

⁴¹³ «Объезд оккупированных...», стр. 122—123.

⁴¹⁴ «Международные отношения в эпоху империализма. Документы из архивов царского и временного правительств, 1878—1917», серия II, т. 19, ч. I, М., 1939, стр. 259. Հետազայում ՄՕՅԻ.

⁴¹⁵ «Объезд оккупированных...», стр. 107.

Խոսելով այդ զավթումների նշանակության մասին, Գուլուբինովը նշում էր. «... Հաշվի չնստելով ոչ մի բարոյական օրենսգրքի հետ, թուրքերը Իրանի այդ մասում իրենց համար ստեղծել են այնպիսի ռազմական և քաղաքական առավելություններ, որոնց կարող էին նախանձել նույնիսկ Պարսկաստանում տիրող երկու մեծ պետությունները»⁴¹⁶: Պետերբուրգի քաղաքական շրջաններում ևս գտնում էին, որ Թուրքիան այնքան հիմնավոր է հաստատվել Արևմտյան Իրանում, որ նրան այնտեղից կարելի կլինի դուրս մղել ոչ թե «գրասենյակային թանաքի հեղեղներով», այլ արագածիգ թընդանոթներով ու գնդացիներով»⁴¹⁷:

Բոլոր նշաններից երևում էր, որ Ռուսաստանը վճռել է իրանական հեղափոխությունը Անգլիայի հետ համատեղ ճնշելուց հետո շտաճմանափակվել լուի Բ. Գոան առջև դիվանագիտական առաջադրություններով, այլ գործել ավելի վճռականորեն: Գրանից գերմանական կառավարող շրջաններն եկան այն համոզման, որ Իրանում թուրքական հետագա զավթումների հետևանքով իր շահերն այնտեղ ապահովելու համար Ռուսաստանը ամբողջապես օկուպացիայի կենթարկի Արևմտյան Իրանը, այնտեղից դուրս կմղի թուրքերին և փաստորեն ի չիք կդարձնի Գերմանիայի՝ Իրանական Ազդրբեջանում և Քրդստանում հիմնավորվելու փորձերը: Այդ պատճառով Գերմանիան առաջարկեց Ռուսաստանին բանակցություններ սկսել «Իրանական գործերի» վերաբերյալ: 1910 թ. հոկտեմբերի 28-ին գումարվեց ցարական կառավարության հատուկ նիստ, որտեղ որոշվեց համաձայնություն տալ գերմանական առաջարկությանը⁴¹⁸: Պետերբուրգի այս որոշումը պայմանավորված էր նրանով, որ իրանական հեղափոխության, ինչպես նաև Գերմանիայի ու Թուրքիայի ափտիվ քաղաքականության հետևանքով անգլո-ռուսական բլոկի դիրքերը Իրանում նշանակալիորեն թուլացել էին և ընդհակառակը Գերմանիային հաջողվել էր պարտադրել իր մրցակիցներին բազմաթիվ հարցերում իրեն ճանաչել որպես Իրանում հավասար իրավունքներ ունեցող կողմ: Իր այդ հաջողությամբ Գեր-

⁴¹⁶ АВПР, ф. «Персидский стол Б», 1912—1915, д. 142, л. 21 об.

⁴¹⁷ «Тифлисский листок», 1911, 28 июля.

⁴¹⁸ S&'u «Красный архив», 1933, т. 3 (58), стр. 52—57.

մանիան պարտական էր նաև Անգլիային: Գեռևս 1909 թ. վերջերին այս երկու պետությունները համաձայնության եկան Բաղդադի երկաթուղու հարցում: Այդ առթիվ Ստամբուլի ուսական ղեկավարին ուղղված 1909 թ. նոյեմբերի 10-ի իր հեռագրում Իզմիլսկին հաղորդում էր, որ Գերմանիան Անգլիային է հանձնում Բաղդադից մինչև Պարսից ծոց երկաթուղու կոնցեսիայի բոլոր իրավունքները, պայմանով, որ Անգլիան հրաժարվի ձեռնարկության այն մասի մասնակցությունից, որը վերաբերում է Բաղդադից հյուսիս ընկած գծին⁴¹⁹:

Անգլո-գերմանական այս մերձեցումից հետո Անգլիան, Գերմանիայի պահանջով, առաջարկեց Ռուսաստանին Իրանի վերաբերյալ անգլո-ուսական կոնվենցիային վերաբերող բոլոր հարցերում խորհրդակցել գերմանական կառավարության հետ⁴²⁰:

Յարական կառավարության համար ստեղծված այս ծայրահեղ անբարենպաստ պայմաններում Պետերբուրգի կաբինետը որոշեց անհապաղ բանակցությունների մեջ մտնել Գերմանիայի հետ, բանի դեռ Անգլիան ինքը համաձայնություն չի կնքել նրա հետ ի հաշիվ Ռուսաստանի:

1910 թ. նոյեմբերին Պոտսդամում Նիկոլայ II-ի և Վիլհելմ II-ի միջև սկսվեցին բանակցություններ: Իրականում այդ բանակցությունները դուրս էին գալիս Իրանում ուս-գերմանական փոխադարձ բախումները վերացնելու շրջանակներից: Գերմանական կառավարությունն առաջարկում էր կնքել ընդհանուր բաղադրական դաշինք Ռուսաստանի և Գերմանիայի միջև: Գտնվելով դժվարին կացության մեջ ցարական կառավարությունը տատանվում էր վրձնականորեն մերժել այդ առաջարկը: Բանակցությունների ժամանակ ուսական արտաքին գործերի մինիստր Սազոնովը հայտարարեց, որ Գերմանիան Իրանի ուսական գոտում չպետք է ունենա երկաթուղային, խճուղային և հեռագրական կոնցեսիաներ: Այդ պայմանը ընդունելու դեպքում Ռուսաստանը այլևս արգելք չի հա-

⁴¹⁹ А. К. Фукс, №24. աշխ., էջ 128:

⁴²⁰ Նույն տեղում, տե՛ս նաև Իզմիլսկու 1910 թ. մարտի 10-ի № 380 հեռագրեր կոնգրեսի ուսական ղեկավարին:

բուցի Բաղդադի երկաթուղու շինարարութեանը: Նա կընդառաջի գերմանական ցանկութուններին և ռուսական սահմաններից մինչև Թեհրան նախագծվող երկաթուղին կառուցելուց հետո, երկաթուղային ճանապարհով Թեհրանը կմիացնի Խանեկիին՝ այսինքն Բաղդադի մագիստրալի հետ: Ռուսաստանը չի սահմանափակի գերմանական առևտուրն Իրանում: Գրա փոխարեն Սազոնովը պահանջում էր, որ Գերմանիան պարտավորվի ռուսական գոտում Խանեկիինց հյուսիս չպահանջել Իրանի հետ միացող Բաղդադի երկաթուղու այլ հյուղավորումներ կառուցելու իրավունքներ⁴²¹:

Պոտսդամում Վիլհելմ II-ի, արտաքին գործերի մինիստր Կիդերլեն-Վեխտերի, կանցլեր Բետման Նոլվեգի և Ռուսաստանի արտաքին գործերի մինիստր Սազոնովի պաշտոնական զրուցի ժամանակ բացի վերոհիշյալ հարցերից բնարկվեցին նաև իրանական գործերի վերաբերյալ կողմերին հետաքրքրող հույժ հրատապ և կարևոր մի շարք հարցեր, մասնավորապես պանիսլամիզմի և Իրանում թուրքական զավթումների հարցերը⁴²²: Այդ առթիվ նիկոլայ II-ին ներկայացրած իր զեկուցագրում Ռուսաստանի արտաքին գործերի ղեկավարը գրում էր. «...նա աշխատեցի նորին գերազանցութեան ուշադրությունը հրավիրել Ռուսաստանի շահերի տեսակետից վտանգավոր պանիսլամիստական բարոզչության զարգացման վրա, որը գալիս է Կ. Պոլսից և աստիճանաբար ընդգրկում է այն բոլոր երկրները, որտեղ ապրում է մահմեդական բնակչություն: ... Նոր «բեռլինյան» խալիֆաթի երևան գալը,—նկատեցի ես,— չի կարող չանհանգստացնել Ռուսաստանին, որն ունի ավելի բան 20 միլիոն մահմեդական հպատակներ»⁴²³:

Զրուցի ընթացքում Սազոնովը պահանջեց նաև, որպեսզի գերմանական կառավարությունը ճնշում գործադրի Թուրքիայի վրա, Իրանում զավթումները զաղարկեցնելու համար: Վիլհելմ II-ն այդ

⁴²¹ „Die Grosse Politik“, Bd. XXVII, t. 11, No. 10152—10155, ss. 835—842.

⁴²² МОЭИ, серия II, т. XVIII, ч. I, 1938, стр. 33.

⁴²³ «Доклады бывшего министра иностранных дел С. Д. Сазонова Николаю Романову, 1910—1912 гг.», «Красный архив», 1923, № 3, стр. 6.

«անսպասելի» պահանջից զարմացած, հայտարարեց, որ Գերմանիան ոչ մի առնչություն չունի դրա հետ: Սակայն, ի վերջո, ռուսական կառավարության համառ պնդումների ճնշման տակ, գերմանական կողմը համաձայնվեց համաձայնագրի մեջ մտցնել մի կետ, որի մեջ սպվում էր. «Քանի որ երկու պետությունները (Գերմանիան և Ռուսաստանը—Վ. Բ.) շահագրգռված են Իրանի անձեռնմխելիությունը պահպանելու և այդ երկրում կարգ ու կանոնը վերականգնելու գործում, նրանք պարտավորվում են այդ երկրում չխրախուսել որևէ պետության, և հատկապես Թուրքիայի զավթողական ձգտումները»⁴²⁴:

Հիշյալ կետը ռուսական դիվանագիտական շրջաններում դիտվեց որպես բանակցությունների ընթացքում ձեռք բերված կարևոր հաջողություն, մանավանդ որ դրանից անմիջապես հետո Կիդերլենդ-Վեխտերը հայտարարեց Սազոնովին, որ թուրք-իրանական հարաբերությունների հարցում գերմանական դիվանագիտությունը որոշել է որդեգրել նոր քաղաքականություն: Մասնավորապես գերմանական արտաքին գործերի ղեկավարը հայտնեց, որ Գերմանիան նպատակ չունի խրախուսել թուրքերին և պաշտպանել նրանց տերիտորիալ հավակնությունները Իրանի նկատմամբ: Ավելին, նա առաջարկեց նույնիսկ Իրանը պաշտպանել թուրքական ոտնձգություններից⁴²⁵: Գերմանական ղեկավարների այս հայտարարությունները խորին զոհունակությամբ ընդունվեցին նիկոլայ II-ի կողմից⁴²⁶:

Միանգամայն հասկանալի է, որ նման հայտարարությունների միջոցով Գերմանիան աշխատում էր Թուրքիայի հաշվին հասնել իր հիմնական նպատակին, այն է՝ Ռուսաստանի հետ կնքել ընդհանուր քաղաքական դաշինք, կարել նրան Անտանտից և ստիպել, որ ճանաչի Իրանում իր քաղաքական իրավունքներն ու տնտեսական իրավահավասարության սկզբունքը: Ցույց տալու համար, որ Թուր-

⁴²⁴ Նույն տեղում, էջ 10:

⁴²⁵ „Die Grosse Politik“, Bd. XXVII, t. 11, №. 10159 - s.s. 846—848

⁴²⁶ «Доклады бывшего министра...», «Красный архив», 1923, № 3,

րիայի նկատմամբ իր «որդեգրած» քաղաքականության ուղղու-
 թյամբ կատարում է նաև գործնական բայլեր, Բեռլինը հանձնա-
 րարեց Ստամբուլում դեսպան Մարշալլ Ֆոն Բիբերշտեյնի հայտնել
 Բ. Դոանը, որ գերմանական կառավարությունը հավանություն չի
 տալիս Իրանում թուրքական ագրեսիային⁴²⁷: Այնուհետև Չարիբովի
 հետ զրույցի ժամանակ շոշափելով թուրք-իրանական հարաբերու-
 թյունների հարցը գերմանական դեսպանը հայտարարում է, որ
 իրանական տերիտորիաների օկուպացիան ներկայիս թուրքական
 կառավարության համար հանդիսանում է սուլթան Աբդուլ Համիդի
 ժառանգությունը: Այդ պատճառով ինքը պարտք է համարել բա-
 ցատրել թուրքական կառավարությանը, որ Իրանում զավթումներ
 կատարելու քաղաքականությունը միանգամայն սխալ ու վնասա-
 կար է և որ գերմանական կառավարությունը հույս ունի, որ թուր-
 քերը դուրս կգան այն կետերից, որոնք գտնվում են անվիճելի
 իրանական սահմաններում⁴²⁸: Չարիբովի կարծիքով Մարշալլ Ֆոն
 Բիբերշտեյնի այս հայտարարությունը նպատակ ուներ հավաստե-
 լու, որ գործնականում Գերմանիան իրագործում է իր խոստումը
 ազդել Բ. Դոան վրա, որպեսզի վերջինս դուրս բերի իր զորքերը
 իրանական տերիտորիայի այն բոլոր կետերից, որտեղ թուրքերի
 ներկայությունը Ռուսաստանի համար համարվում է անցանկալի⁴²⁹:
 Չարիբովը Ստամբուլից հաղորդում էր նաև, որ տեղի գերմանական
 «Osmanischer Lloyd» թերթի էջերում միանգամայն դադարեցին
 Ռուսաստանի հասցեին շարամիտ ու թշնամական հոդվածներ հրա-
 պարակվելը⁴³⁰:

Ըստ երևույթին, գերմանական արտաքին գործերի մինիստրու-
 թյունը Ստամբուլում իր դեսպանի միջոցով հասկացրել էր թուր-
 քական կառավարությանը լուրջ նշանակություն չտալ վերոհիշյալ
 հայտարարություններին և օգնել իրեն հաջողությամբ ավարտելու:

⁴²⁷ АВПР, ф. «Персидский стол», 1910, д. 1200, л. 331.

⁴²⁸ ЦГВИА, ф. 2000, оп. 1, д. 3778, лл. 274—274 об; ф. 2000 с, оп. 1, д. 7719, лл. 114—115.

⁴²⁹ Տե՛ս Չարիբովի 1910թ. գեկտեմբերի 19-ի նամակը: АВПР, ф. «Канцелярия МИД», 1910, д. 33, л. 545.

⁴³⁰ МОЭИ, серия II, т. XVIII, ч. I, 1938, стр. 33.

Ռուսաստանի հետ սկսած բանակցությունները: Այդ մասին վկայում են նաև հետևյալ փաստերը: Նախ, թուրքական թերթերը ևս անմիջապես դադարեցրին Ռուսաստանի դեմ սխտեմատիկ հարձակումները, թուրքական կառավարությունը արգելեց նախապես ծրագրված պանիսլամիստների կոնգրեսի գումարումը Ստամբուլում և շեյխ-ուլ-իսլամին կարգադրեց, որպեսզի նա ազդի պանիսլամիստական կոմիտեի վրա՝ միառժամանակ Իրան և Ռուսաստան գործակալներ շուղարկելու համար⁴³¹: Բացի այդ Չարիբովը հաղորդում էր, որ թուրք-իրանական հարաբերությունների հարցում թուրքական կողմից նկատվում է որոշ էվոլյուցիա հաշտվողական իմաստով: «Այդ էվոլյուցիան, ի միջի այլոց, ես վերագրում եմ թուրքերի այն աճող համոզմունքին, որ Գերմանիան չի պաշտպանի նրանց ոտնձգությունները Պարսկաստանի տիրապետությունների ամբողջականության նկատմամբ, որոնք մտնում են այդ երկրում մեր տնտեսական ազդեցության ոլորտի մեջ»⁴³²: Մի այլ հաղորդագրությունում նա նշում էր հետևյալը. «Վերջին ժամանակներս նկատվող թուրքական կառավարության ավելի զուսպ գործեակերպը պարսկական սահմանում, ամենայն հավանականությամբ կապված է գերմանական կառավարության կողմից հյուսիսային Պարսկաստանում Ռուսաստանի հատուկ շահերի և ազդեցության իրավունքի ճանաչման հետ...»: Այնուհետև Չարիբովը շարունակում էր, որ դեսպանատան ձեռք բերած զաղտնի մի փաստաթուղթ հաստատում է, որ ռազմական մինիստր Մահմուդ Շեքիթ փաշան, որը բացառապես գտնվում է գերմանական ազդեցության տակ, հոգ է տանում, որպեսզի թուրքիան խուսափի իրանական տերիտորիաների նոր զավթումներից: Իսկ մեծ վեզիրը պառլամենտում հայտարարել է, որ թուրքերի կողմից իրանական տերիտորիայում որոշ կետերի գրավումը բնավ հավասարազոր չէ այդ կետերը որպես թուրքիային միացված մասեր ճանաչելու և որ առաջիկա սահմանադրաման ժամանակ գործը պետք է վճռվի Իրանի անկախությունն ու տերիտորիալ ամբողջականությունը հարգելու հիմքի վրա⁴³³:

⁴³¹ АВПР, ф. «Канцелярия МИД», 1910, д. 34, лл. 471—472.

⁴³² МОЭИ, серия II, т. XVIII, ч. I, стр. 33.

⁴³³ АВПР, ф. «Канцелярия МИД», 1910, д. 33, л. 540.

Հաղորդելով այս բոլորի մասին, Չարիքովը, սակայն, նշում էր, որ այդ բոլորը կատարվում է տակտիկական նկատառումներով, ինչպես Գերմանիայի, այնպես էլ Թուրքիայի կողմից: Կասկած հայտնելով իրանական հարցում այդ երկու պետությունների անկեղծ քաղաքականության վերաբերյալ, դեսպանը բերում էր այն փաստարկը, որ նման կարգի հայտարարություններից հետո Թուրքիան իրանական սահմանի մոտ է ուղարկել երեք հազար նոր զորքեր և ոչ առանց բարոն Մարշալի հավանության⁴³⁴:

Հետագա իրադարձությունները հաստատեցին Չարիքովի կասկածները:

Պոտոզամի բանակցությունների վերջում ոչ մի պաշտոնական գրավոր համաձայնագիր չկնրվեց: Կողմերը սահմանափակվեցին միայն բանավոր զրույցներով: Նոյեմբերի 15-ին ի գարգացումն Պոտոզամի բանակցությունների, գերմանական կառավարությունը Պետերբուրգում իր դեսպան Պուրտալեսին ուղարկեց ուսուցանական համաձայնագրի մի նախագիծ: Այդ նախագիծում Բեռլինի կաբինետը մտքեր էլ էր նաև մի շարք կետեր, որոնց նպատակն էր ստիպել Ռուսաստանին՝ ձանաչելու Գերմանիայի քաղաքական իրավունքներն իրանում: Մասնավորապես Գերմանիան առաջարկում էր, որպեսզի կողմերը պարտավորվեն հարգել իրանի ամբողջականությունն ու անկախությունը⁴³⁵: Դա գերմանական կառավարությանը կտար ձայնի իրավունք իրանի քաղաքական գործերում և այդ երկրի հետ Ռուսաստանի հարաբերություններին միջամտելու հնարավորություն այն պատրվակով, որ Ռուսաստանի այս կամ այն բայը կարող է ազդել իրանի ամբողջականության կամ անկախության վրա: Ռուսաստանին շահագրգռելու համար, Գերմանիան առաջարկում էր նաև համատեղ պաշտպանել իրանի տերիտորիալ ամբողջականությունը թուրքական ոտնձգություններից⁴³⁶:

Ցարական կառավարությունը բնականաբար չէր կարող համա-

⁴³⁴ АВПР, ф. «Канцелярия МИД», 1910, д. 34, лл. 471—472.

⁴³⁵ Տե՛ս արտաքին գործերի մինիստրության ժամանակավոր կառավարիչ ներատուփի ղեկուցագիրը նիկոլայ II-ին (МОЭИ, серия II, т. XVIII, ч. I, стр. 171).

⁴³⁶ „Die Grosse Politik“, Bd. XXVII, t. II, No. 10159, s.s. 846—848.

ձայնել Գերմանիայի առաջին առաջարկի հետ, մանավանդ որ դա, փաստորեն, կնշանակեր անգլո-ռուսական համաձայնագրի խզում: Այդ պատճառով, իր հերթին նա ներկայացրեց համաձայնագրի մի հակահնարագիծ, նիկոլայ II-ի՝ «Հավանություն եմ տալիս» մակագրությամբ⁴³⁷:

Ի վերջո, 1911 թ. օգոստոսի 19-ին Պետերբուրգում կողմերի միջև ստորագրվեց հատուկ համաձայնագիր, որը հայտնի է Պոստը-դամյան անունով, որովհետև նրա պայմանները մշակվել էին հիշյալ վալյրում: Պայմանագրի ներածականում նշվում էր, որ Գերմանիան ճանաչում է Ռուսաստանի հատուկ շահերը Իրանում, 1907 թ. անգլո-ռուսական համաձայնագրով սահմանված ռուսական ազդեցության գոտին, և պարտավորվում է Իրանում հետապնդել բացառապես առևտրական նպատակներ⁴³⁸: Ըստ համաձայնագրի, Գերմանիան պարտավորվում էր սահմանափակել իր գործունեությունը Հյուսիսային Իրանում, մասնավորապես ռուսական ազդեցության գոտու շրջանակներում չպահանջել երկաթուղային, խճուղային ճանապարհների, հեռագրական գծերի և այլ կոնցեսիաներ, իսկ Ռուսաստանը պարտավորվում էր այլևս չխոչընդոտել Բաղդադի երկաթուղու կառուցմանը և իր կողմից Իրանում կառուցել երկաթուղային գիծ, որը Թեհրանը կապեր Խանեկինի՝ այսինքն Բաղդադի երկաթուղու հետ⁴³⁹: Ցարական կառավարությունը ստացավ նաև Գերմանիայի բանավոր և խիստ զաղտնի խոստումը չկառուցել Բաղդադի երկաթուղու ճյուղեր Արևելյան Անատոլիայում: Գերմանիան պարտավորվեց նաև Խանեկինից հյուսիս, Բաղդադի մագիստրալից, ռուսական և իրանական սահմանների ուղղությամբ չկառուցել ոչ մի գիծ և շաղակցել ուրիշներին նման երկաթուղիներ կառուցելու⁴⁴⁰: Ռուսաստանի այս պահանջը ուղղված էր գլխավորապես երիտթուրքական կառավարության դեմ, որը, ինչպես նշվեց,

⁴³⁷ МОЭИ, серия II, т. XVIII, ч. I, стр. 174—175.

⁴³⁸ Dr. Afschar. La politique européenne en Perse..., pp. 248—249; Paul Butterfield, նշվ. աշխ., էջ 34—35.

⁴³⁹ J. C. Hurewitz, Diplomacy in the Near and Middle East. A documentary Record: 1535—1914, vol. 1, pp. 267—268.

⁴⁴⁰ Paul Butterfield, նշվ. աշխ., էջ 35—36.

դեռևս 1909 թ. մշակել էր Թուրքիայում երկաթուղային շինարարության մեծ պլան, որը նախատեսում էր Անատոլիայում գոյություն ունեցող գծերը շարունակել դեպի արևելք՝ Ռուսաստանի և Իրանի սահմանները, դեպի հարավ-արևելք՝ Բաղդադի ուղղությամբ և ապա դեպի Պարսից ծոց⁴⁴¹։

Ամբողջությամբ վերցրած Պոտոզամի համաձայնագիրը իրենից ներկայացնում էր ցարական Ռուսաստանի նահանջը գերմանական իմպերիալիզմի առջև։ Ռուսաստանը խոշոր զիջում էր անում Գերմանիային, պաշտոնապես ճանաչելով Իրանում բաց դռների սկզբունքը, և Գերմանիայի առջև լայնորեն բաց էր անում Հյուսիսային Իրանի դռները։ Ցարական կառավարությունը Պոտոզամում փաստորեն ընդունեց դեռևս 1907 թ. Գերմանիայի կողմից իրեն ներկայացրած այն պահանջները, որոնք ընդամենը շորս տարի առաջ Պետերբուրգի կարինետի կողմից դիտվեցին որպես Ռուսաստանի արժանապատվությունը ոտնահարող առաջարկություններ։ Պատահական չէ, որ ռուս-գերմանական համաձայնագրի հրապարակումը գոհունակությամբ ընդունվեց գերմանական բուրժուական և, նույնիսկ, պանգերմանական մամուլի կողմից⁴⁴²։ Այդ համաձայնագիրը միաժամանակ «Ենյակ դաշինքի» և «Ենյակ համաձայնության» պետությունների միջև ներքին դաշնակցային կարգապահության խախտման առավել բնորոշ օրինակներից մեկն էր, որովհետև առանց հաշվի առնելու Անտանտի գծով իր դաշնակիցների կարծիքը, Ռուսաստանը բանակցությունների մեջ մտավ թլշնամական բլոկի ղեկավար պետության հետ։

Սակայն, չնայած գերմանական կառավարության Պոտոզամում ձեռք բերած ակնհերև հաջողություններին, վերջինիս չհաջողվեց իրագործել իր ամենանվիրական բաղձանքը՝ Ռուսաստանի հետ կնքել ընդհանուր բաղաբական դաշինք, կարել նրան Անտանտից և գրավել իր կողմը կամ ծայրահեղ դեպքում շեղորացնել ու մեկուսացնել նրան։

⁴⁴¹ А. Д. Новичев, Очерки экономики Турции до мировой войны. М.—Л., 1937, стр. 158.

⁴⁴² АВПР, ф. «Канцелярия МИД», 1911, д. 18, лл. 175—176.

Հասկանալի է, որ այս համաձայնագիրը ուղղակի դիպում էր Ռուսաստանի դաշնակիցների և առաջին հերթին՝ Անգլիայի շահերին: Պատահական չէր, որ անգլիական կառավարող շրջանները լարված ուշադրությունը հետևում էին բանակցությունների ընթացքին:

Վախենալով, որ Ռուսաստանի դեմ կարուկ ելույթի զեպրում վերջինս կարող է ավելի մերձենալ Գերմանիայի հետ, անգլիական կառավարությունն աշխատում էր հանգիստ ձեռնալ և համոզել իր երկրի հասարակական կարծիքին, թե իբր Պոտսդամյան բանակցությունները և Պետերբուրգի համաձայնագիրը առանձնապես ոչ մի էական նշանակություն չունեն: Այս հարցի վերաբերյալ համաչնքների պալատում հանգես գալով ընդարձակ ճառով, էգուարդ Գրեյը հայտարարեց, որ Պոտսդամում Ռուսաստանի և Գերմանիայի բարեկամական մտքերի փոխանակությունը ամենեկին չազդեց ուսական կառավարության նկատմամբ Անգլիայի և Ֆրանսիայի վերաբերմունքի վրա⁴⁴³: Սակայն իրականում Անգլիայի իմպերիալիստական շրջանները լրջորեն անհանդուստացած էին Պոտսդամյան բանակցություններով: Բենկենդորֆը Լոնդոնից հայտնում էր իր կառավարությանը, որ խանկիկը երկաթուղու միջոցով Թեհրանի հետ կապելու վերաբերյալ Գերմանիային տրված Ռուսաստանի համաձայնությունը Անգլիան դիտում է որպես գերմանական շահերին ընդառաջ գնալու միջոցառում, ի վնաս անգլիական շահերի, որոնք սեղմվում են հարավում և Եփրատի հովտում, այն էլ առավել մեծ չափերով, քան դա կարող է հայտնի լինել ուրիշներին: Այդ պատճառով Անգլիան չի կարող համաձայնվել, որ Իրանի հարավը բաց մնա Գերմանիայի առջև⁴⁴⁴:

Անգլիական մամուլը խիստ բննադատության ենթարկեց Ֆորին Օֆիսին և նրա ղեկավարին: «Դեյլի մեյլ» թերթը հրապարակեց «Արաաբին գործերի միջնորդության թուլությունը» վերնագրով մի առաջնորդող, որտեղ հայտարարում էր, որ և՛ թե «Պարսից ծոցի շրջանում Բրիտանական կայսրության շահերը պետք է մնան ան-

⁴⁴³ «Тифлисский листок», 1911, 3 марта.

⁴⁴⁴ МОЭИ, серия II, т. XVIII, ч. I, стр. 162.

պաշտպան, ապա անհրաժեշտ է վերջ դնել Անգլիայի արտաքին գործերի մինիստրութեան թուլը և անորոշ քաղաքականութեանը»⁴⁴⁵։

Բրիտանական կապիտալը Իրանում երկաթուղային շինարարության ուս-գերմանական նախագծերին հակադրում էր իր հականախագծերը, այն է՝ կառուցել Տրապիզոն—Քավրիզ երկաթուղային գիծը և Բաթումը հայտարարել ազատ նավահանգիստ, մի բան, որ հնարավորություն կտար Անգլիային ընդլայնել իր առևտրական կապերը Իրանի, հատկապես նրա հյուսիսի հետ։ Այդպիսի հականախագծերից մեկում ասվում էր, որ Ռուսաստանը առարկում է Տրապիզոն—էրզրում—Քավրիզ երկաթուղու գեմ, վկայակոչելով ռազմագիտական տեսակետից նրա վնասակարությունը Ռուսաստանի հարավի ադահունիստանի համար։ «Ստիպան միջազգային շահերը չեն կարող հաշտվել «ռազմագիտական պատճառների հետ,—ճշում էր անգլիական կապիտալը,—քանի որ այդ պատճառները հանդիսանում են միջազգային երկաթուղային ճանապարհի եկամտանների կողոպտման համար լուկ օրինական արդարացում։ Եթե Տրապիզոն—Քավրիզ գիծը չկառուցվի և Բաթումը չհայտարարվի ազատ նավահանգիստ, իրանական երկաթուղային ճանապարհի շահերը էապես կտուժեն և այն կծառայի միայն Ռուսաստանի շահերին»⁴⁴⁶։

Հատկանշական է, որ այս անգամ արդեն Գերմանիայի փոխարեն Անգլիան էր հանդես գալիս որպես իրանական երկաթուղիների ինտերնացիոնալիզացման կողմնակից, հայտարարելով, որ «իրանական ճանապարհը միջազգային է և այդ պատճառով նրա բարեկարգման բոլոր հարցերը պետք է քննարկվեն և դիտվեն միջազգային տեսանկյունից»⁴⁴⁷։

Անտանտի մյուս զաշնակիցը՝ Ֆրանսիան ևս չէր կարող անտարբեր վերաբերվել ուս-գերմանական բանակցություններին։

⁴⁴⁵ «Тифлисский листок», 1911, 8 марта.

⁴⁴⁶ «Великий железнодорожный путь из Европы в Индию». По протоколу заседания 8 февраля 1911 г. Лондонского Среднеазиатского общества. («Сборник Главного управления Генерального штаба», вып. XXVII, август, 1911, СПб., стр. 75).

⁴⁴⁷ նույն տեղում։

Հաշվի առնելով այդ հանգամանքը, համաձայնագիրը կնքելու նախօրեին Ռուսաստանի արտաքին գործերի մինիստրությունը հանձնարարել էր Փարիզում իր դեսպան Իզվոլսկուն պրոֆիլակտիկ միջոցառումներ ձեռնարկել ընդդեմ ֆրանսիական մամուլի և քաղաքական այն շրջանների, որոնք հավանական է, հանդես կդաշին օտսական քաղաքականության դեմ անվստահություն բորբորողների դերում⁴⁴⁸: Հավանաբար գրությունը այն աստիճանի սպառնալից էր, որ Իզվոլսկին Փարիզից խնդրում էր ֆինանսների մինիստր Կոկովցովից մի կլորիկ գումար ֆրանսիական մամուլի գործիչներին կաշառելու համար⁴⁴⁹:

Անգլիան և Ֆրանսիան, որոնք Պետերբուրգի համաձայնագիրը դնահատեցին որպես Ռուսաստանի կողմից դասակարգություն և դաշնակցային պարտավորության կոպիտ խախտում⁴⁵⁰, սկսեցին կասկածով վերաբերվել ցարական արտաքին գործերի մինիստրության քաղաքականությանը, ենթադրելով, որ վերջինս ցանկանում է Անտանտի իր դաշնակիցների հաշվին գործարքի մեջ մտնել Գերմանիայի հետ: Այդ պատճառով նրանք համառորեն պնդում էին իրենց տեղյակ պահել համաձայնագրի գաղտնի կետերի հետ, որոնք առհասարակ գոյություն չունենին⁴⁵¹:

Սակայն Պետերբուրգի համաձայնագիրը առավել բուռն դժգոհության տեղիք տվեց Թուրքիայում: Ստամբուլը հրապարակայնորեն Գերմանիային մեղապրեց ուխտադրժության մեջ⁴⁵²: Թեև Բարշալի ֆոն Բիրերշտեյնը փորձեց համոզել մեծ վեզիրին, որ համաձայնագիրը ոչնչով չի վտանգում Թուրքիայի շահերը⁴⁵³, սակայն այդ փորձը չավեց ցանկալի արդյունքներ: Թուրքական կառավարող շրջանները գանում էին, որ Օսմանյան կայսրությանը վերաբերող հարցերում «բարենկամ» Գերմանիան համաձայնության մեջ է մտնում երրորդ պետության հետ⁴⁵⁴, վաճառելով թուրքական շահերը

448 МОЭИ, серия II, т. XVIII, ч. I, стр. 372, 394.

449 Նույն տեղում, էջ 357:

450 Paul Butterfield, նշվ. աշխ., էջ 36:

451 Dr. Afschar, նշվ. աշխ., էջ 251:

452 Paul Butterfield, նշվ. աշխ., էջ 27:

453 Dr. Afschar, նշվ. աշխ., էջ 249:

454 АВПР, ф. «Канцелярия МИД», 1911, д. 31, л. 3.

և համաձայնվելով, որ թուրքական տերիտորիայի հսկայական մասը շարունակի դատապարտված մնալ ճանապարհներից զուրկ լինելու⁴⁵⁵։ Թուրքական կառավարությունը կոահում էր, որ Գերմանիան թուլացրեց իր օպոզիցիան Ռուսաստանի ազդեցության աճի դեմ կայսրության արևելյան մասերում, որովհետև համաձայնագրի ստորագրումից անմիջապես հետո Ռուսաստանը անխուսափելիորեն կփորձեր ընդլայնել Արևելյան Անատոլիայում երկաթուղային շինարարության արգելքի մասին 1900 թ. պայմանագիրը⁴⁵⁶։

Եվ վերջապես թուրքական կառավարող շրջանները խորապես դժգոհ էին, որ Գերմանիան փորձում է յուրացնել Իրանում թուրքական բաղաբականության ձևեր բերած հաջողության պտուղները։

Բրիտանական կառավարող շրջանները առիթը պատե՞ համարելով սկսեցին բորբոքել Թուրքիայի դժգոհությունը Գերմանիայի և Ռուսաստանի դեմ։ Անգլիական մամուլը հատկապես աշխատում էր խոցել թուրքական կառավարության ինքնասիրությունը, միաժամանակ խորհուրդ տալով նրան վճռականորեն հանդես գալ Պոտոսդամի համաձայնագրի և նրա ստորագրողների դեմ։ «Իվինինգթ թայմսը», օրինակ, իր համարներից մեկում գրում էր, որ թուրքերը սուլթան Աբդուլ Համիդի ժամանակ և Քյամիլ փաշայի կաբինետի անկումից հետո իրենց բաղաբականությունը հիմնում էին Գերմանիայի անվերապահ օգնության ու աջակցության վրա։ Սակայն պոտոսդամյան հանդիպումը ցույց տվեց, որ թեև գերմանական աջակցությունը գոյություն ունի, սակայն այն պայմանական է, որովհետև կարող է ցուցաբերվել միայն այն սահմաններում, երբ օտտոմանյան շահերը համընկնում են գերմանական շահերի հետ⁴⁵⁷։

Զգալով, որ Թուրքիայում սկսված դժգոհությունը կարող է սպառնալիքի տակ դնել թուրք-գերմանական «բարեկամական» հարաբերությունները, արտաքին գործերի մինիստր Ռիֆաաթ փաշան պատգամավորների պալատի նիստում հանդես եկավ հետևյալ

⁴⁵⁵ А. Д. Новичев, Очерки экономики Турции до мировой войны, стр. 157.

⁴⁵⁶ Paul Butterfield, նշվ. աշխ., էջ 37։

⁴⁵⁷ АВПР, ф. «Канцелярия МИД», 1911, д. 31, лл. 35—36.

հայտարարութեամբ. «Եթէ Գերմանիան ճանաչում է Ռուսաստանի հատուկ շահերը Հյուսիսային Պարսկաստանում, դա չի նշանակում, որ նրա կողմից ժխտվում են Թուրքիայի կարևորագույն շահերը այդ նույն երկրում»⁴⁵⁸; Մարշալ ֆոն Բիբերշտեյնին ուղղված ուսական ղեսպանորդի այն հարցին, թե ինչ պետք է հասկանալ Իրանում Թուրքական շահերի տակ, գերմանական ղեսպանը պատասխանում է, որ իրեն հայտնի չէ, թե Իրանում ինչպիսի Թուրքական շահերի մասին է խոսքը: «Թուրքերը,— շարունակում է նա,— հակված են Պարսկաստանում տեղի ունեցող ամեն ինչին նայել որպես իրենց շահերի հետ կապված երևույթների. սակայն այդպիսի անորոշ մեծությունները (խոսքը Թուրքիայի մասին է—Վ. Բ.) չեն կարող հաշվի առնվել: Ընդհանրապես,— ավելացնում է նա,— կարիք չկա մեծ նշանակություն տալ Թուրքական արտաքին գործերի միևնիստրի ամեն մի ճառասացությանը, որն, ըստ էության, աշխատում էր միայն ինչ-որ ձևով հանգստացնել հասարակական կարծիքը, որը զրգոված էր ձեզ հետ մեր համաձայնագրի մասին զանազան լուրերով և առանձնապես նրա մասին «Իվինինգ թայմսի» չափազանցեցված և իրականությունը չհամապատասխանող տեղեկություններով»⁴⁵⁹:

Այսպիսով, եթե գերմանական դիվանագիտությունը աշխատում էր համոզել Ռուսաստանին, որ ինքը բնավ մտադիր չէ հաշվի նրատեղ իրանական հարցի վերաբերյալ Թուրքական կարծիքի հետ, այդ նույն կերպ վարվեց նաև Թուրքական դիվանագիտությունը Գերմանիայի հանդեպ: Բ. Գուռը որոշեց հասկացնել ցարական կառավարությանը, որ անկախ Իրանի նկատմամբ գերմանական քաղաքական գծից, Թուրքիան իրեն իրավասու է համարում մասնակցություն ցուցաբերել Իրանին վերաբերող բոլոր կարևոր հարցերի լուծմանը: Այդ բանը հանձնարարվեց անել Պետերբուրգում ղեսպան Թուրհան փաշային: Վերջինս 1911 թ. սեպտեմբերին արտաքին գործերի միևնիստրության ժամանակավոր կառավարիչ Ներատովի հետ պրուցի ժամանակ վերապահում անելով, որ իր

⁴⁵⁸ նույն տեղում, թ. 185.:

⁴⁵⁹ նույն տեղում, թթ. 19—195.:

ինքը կառավարութեան կողմից լիազորված չէ պաշտոնական հայտարարութիւն անելու, ստում է, որ «Թուրքական կառավարութիւնը լրիվ ընդունում է Պարսկաստանի անկախութեան և ամբողջականութեան սկզբունքը»: Քանի որ Ռուսաստանի շահերի համար միանգամայն անհարիր էր թույլ տալ Թուրքիային մասնակցելու Իրանին վերաբերող հարցերի լուծմանը, ներատուրք պատասխանում է զեսպանին, թե նկատի ունենալով, որ նա պաշտոնական հայտարարութիւն չի անում իրեն, ինքը այդ խոսակցութեան վրա նայում է որպէս մասնավոր զրույցի և ոչ մի պատասխան չի տա նրան, թեև ուրախ է զեսպանից լսելու այդ հայտարարութիւնը⁴⁶⁰:

Տեսնելով, որ այս առաջարկութիւնը շտառայեց իր նպատակին, Բ. Գուռը որոշեց խոսել ավելի պարզ, խոսակցութեանը տալով պաշտոնական բնույթ: Ներկայանալով ներատուրքին, Թուրհան փաշան այս անգամ հայտարարում է, որ Թուրքական կառավարութիւնը Պետերբուրգի համաձայնագրի մեջ տեսնում է իր սուլերեն իրավունքների խախտում⁴⁶¹:

Այսպիսով Թուրքիան հայտարարում էր, որ նախ ինքը բնավ մտազիր չէ հաշտվել Ռուսաստանի և Գերմանիայի կողմից իր «սուլերեն իրավունքները» խախտելու փորձերի հետ և ապա անկախ նրանց քաղաքական պլաններից վարելու է իր շահերին համապատասխան ինքնուրույն քաղաքականութիւն:

Թուրքական կառավարող շրջանների զժողովութիւնը Գերմանիայի «ոչ բարեկամական» վարքագծի նկատմամբ չէր կարող շանհանգստացնել վերջինիս, մանավանդ որ պետերբուրգյան համաձայնագրի կնքումից հետո Բաղդադի երկաթուղին ավելի ուժգին իր վրա սեռեց Գերմանիայի ֆինանսական և քաղաքական շրջանների ուշադրութիւնը: Գերմանական կառավարող շրջաններում հիանալի հասկանում էին, որ Բաղդադի երկաթուղու շինարարութեան հետ կապված տնտեսական և քաղաքական ծրագրերն իրազործելու գործը մեծապէս կախված է նաև Թուրքիայից⁴⁶²: Այդ պատճառով Գերմանիային բնավ ձեռնտու չէր սրել հարաբերութիւնները Թուրքիա-

⁴⁶⁰ МОЭИ, серия II, т. XVIII, ч. II, М., 1939, стр. 41.

⁴⁶¹ МОЭИ, серия II, т. XIX, ч. I, М., 1939, стр. 41.

⁴⁶² АВПР, ф. «Канцелярия МИД», 1907, д. 17, л. 61.

յի հետ: Հետևաբար անհրաժեշտ էր հանգստացնել նրան և ապահովեցնել, որ ինքը մտադիր չէ ոտնահարել Օսմանյան կայսրության շահերը: Ելնելով այս նկատառումից գերմանական զիվանագիտությունը սկսեց համոզել Բ. Գոանը, որ սկզբունքորեն բավարարված են Թուրքիայի «սուվերեն իրավունքները» ապագա Խանեկին—Բաղդադ գծի նկատմամբ⁴⁶³: Այնուհետև եռանդուն փորձեր կատարվեցին Թուրքիայի դժգոհությունը պետերբուրգյան համաձայնագրից բացառապես ուղղելու Ռուսաստանի կողմը, մեղադրելով նրան այն բանում, որ նա մերժեց Խանեկինից հյուսիս միակցող գծերի կառուցման առաջարկը, որը ավելի ցանկալի կլիներ Թուրքիայի համար⁴⁶⁴:

Թուրք-գերմանական հարաբերությունների հետագա «չերմությունը» վկայում է, որ Ստամբուլում հասկացան Պետերբուրգի համաձայնագրի և առհասարակ գերմանա-ռուսական հարաբերությունների բուն էությունը և որոշ շահով հանգստացան, թեև այդ իրադարձությունը երիտթուրքական կառավարության վրա թողեց տհաճ նստվածք:

Ինչ վերաբերում է Իրանին, ապա այստեղ ևս ռուս-գերմանական համաձայնագրի արձագանքները անբարենպաստ էին Գերմանիայի համար: Այն վկայում էր, որ վերջինս դիտում է Իրանը որպես շահագործման օբյեկտ և Անգլիայի ու Ռուսաստանի հետ իր քաղաքական խաղերում որպես մանրուն դրամ⁴⁶⁵: «Իրանն նոս» թերթը, օրինակ, հիասթափություններ գրում էր, որ «Գերմանիան Պարսկաստանում վայելում էր մեծ ժողովրդականություն, սակայն, պոտսդամյան հանդիպումից հետո պարզ դարձավ, որ պարսիկները կարող են հույս դնել միայն իրենց վրա»⁴⁶⁶:

* * *

Ինչպես նշվեց, 1911 թ. դարնանից ռուսական կառավարող շրջաններում գտնում էին, որ արդեն հասունացել է թուրք-իրանա-

⁴⁶³ АВПР, ф. «Канцелярия МИД», 1911, д. 32, л. 91 об.

⁴⁶⁴ АВПР, ф. «Канцелярия МИД», 1911, д. 31, л. 4.

⁴⁶⁵ Т. С. Короткова, Иран накануне первой мировой войны, стр. 14.

⁴⁶⁶ «Сборник дипломатических документов, касающихся событий в Персии», вып. VI, 1910.

կան հարաբերություններին վճռականորեն միջամտելու անհրաժեշտությունը: Թուրքական զավթումների հարցի բոլոր ծալքերը պարզորոշ պատկերացնելու և զավթումների շափերի վերաբերյալ ճշգրտիտ տվյալներ ձևաք բերելու նպատակով ցարական կառավարությունը Բ. Գոնից պահանջեց իր և անգլիական ներկայացուցիչներին թույլ տալ մեկնել թուրքական զորքերի օկուպացրած շրջանները՝ տեղում գործին ծանոթանալու համար: Երկար քաջբշուկից հետո վերջապես Չարիքովը և Լաուզերը ստացան թուրքական կառավարության համաձայնությունը: Կազմվեց հանձնաժողով, որի մեջ մտան Թեհրանում ուսական միսիայի ղրագոման Վ. Մինորսկին և Թավրիզում անգլիական հյուպատոս Շիպլեն:

Հանձնաժողովի անդամներին Թեհրանում ուսական և անգլիական դեսպանորդների կողմից արվեց համատեղ հրահանգ հետևյալ բովանդակությամբ. «Ձեր ուղևորության նպատակն է ուսումնասիրել և տեղեկացնել երկու միսիաներին թուրքական զավթումների ծավալի, զավթված վայրերում թուրքական վարչության տարածման շափի, թուրքերի նկատմամբ խաղաղ բնակչության վերաբերմունքի և վերջապես «դեհհալեթներին» մասին: Ձեր խնդիրները մեջ է մտնում հավաքել այնպիսի տեղեկություններ, որոնք կարողանային որոշել թուրքական զավթումների վերջնական նպատակը, ինչպես նաև ձևաք բերել այլ կարգի տվյալներ, որոնք օգտակար լինեին այն դեպքի համար, եթե սահմանային վեճի հարցը փոխանցվեր միջնորդ դատարանի բննարկմանը, ընդ որում, հատկապես ցանկալի է, որ հնարավոր լիներ պարզել 1905 թ. փաստական սահմանը»⁴⁶⁷:

Մինորսկին իր կառավարությունից ստացել էր նաև հատուկ հանձնարարություն Իրանական Քրդստանի և մասնավորապես սահմանամերձ շրջանների վերաբերյալ աշխարհագրական-քաղաքական և տնտեսական բնույթի տեղեկություններ հավաքելու, սահման-

⁴⁶⁷ «Донесение кол. асс. Минорского на имя императорского посланника в Тегеране», Тавриз, 3 ноября 1911 г., «Материалы по изучению Востока», вып. 2, Пг., 1915, стр. 128—129.

նամերձ շրջանների բնակչության ցեղային կազմը որոշելու, պարզելու բրդական ցեղերի փոխհարաբերությունները, կարևորագույն աշխրեթների առաջնորդների գործունեությունը, ուսումնասիրելու ռազմական նշանակություն ունեցող ճանապարհները, կապեր հաստատելու առանձին ազդեցիկ ցեղերի ու ցեղապետների հետ և այլն: Այս բոլորի մասին սահմանային հանձնաժողովի աշխատանքներն ավարտելուց հետո նա ներկայացրեց հանդամանային ղեկուցագիր, որը իրենից չափազանց մեծ արժեք էր ներկայացնում ռուսական բաղաբական և ռազմական շրջանների համար:

Ամենայն հավանականությամբ բրիտանական կառավարությունից նույնպիսի հանձնարարություններ ստացել էր նաև Շիպլեն: Այդ մասին է վկայում նրա սենսուն հետաքրքրությունը այն բոլոր հարցերի նկատմամբ, որոնցով հետաքրքրվում էր Մինորսկին:

Սահմանային հանձնաժողովի գործունեությունը տևեց 1911 թ. հունիսի 8-ից մինչև սեպտեմբերի 16-ը: Իրանական Քրդստանի ամենախոր շրջաններում հանձնաժողովն անցավ ավելի քան 1500 վերստ տարածություն:

Ուղևորության ժամանակ թուրքերը ամեն կերպ աշխատում էին ռուսական և անգլիական ներկայացուցիչներին ցուցադրել զավթված շրջանների բնակչության «գոհունակությունը» թուրքական իշխանություններից: Այդ նպատակով օկուպացիոն իշխանությունների ճնշման տակ տեղական բնակիչները և թուրքֆիլական հակումներ ունեցող բրդերը ռուսական և անգլիական ներկայացուցիչներին էին հանձնում թուրքերի կողմից նախապես զրված կոլեկտիվ գիմումներ և այլն⁴⁶⁸:

1911 թ. սեպտեմբերի վերջերից սկսած Թուրքիան կրկին ուժեղացրեց զորքերի կենտրոնացումը իրանական սահմանների մոտ: Այդ առթիվ Գոլուբինովը գրում էր, որ «...անգլո-ռուսական հանձնաժողովի ուղևորությունը օկուպացիայի ենթարկված շերտում ոչ մի ազդեցություն չգործեց թուրքերի զավթողական բաղաբականության վրա: Ընդհակառակը, թուրքերը աշխատում են տարածել ազ-

⁴⁶⁸ «Объезд оккупированных...», стр. 13, 21.

դեցությունը նույնիսկ այն վայրերում, որոնք մինչև այժմ չէին մտնում նրանց զավթումների մոտակա գոտու մեջ⁴⁶⁹:

1911 թ. սեպտեմբերին սկսվեց իտալո-թուրքական պատերազմը, որը լուրջ բարգուժյուններ ստեղծեց Թուրքիայի համար թե ներքին և թե արտաքին քաղաքականության բնագավառում: 1911 թ. «Հյուրերիս վե իթթիլյաֆ» («Ազատություն և համաձայնություն») կուսակցության՝ հակաիթթիհադական այդ ընդդիմադիր ճակատի գործունեության ակտիվացումը առանց այն էլ սասանում էր երիտ-թուրքերի իշխանության հիմքերը: Դրան զալիս էր ավելացնելու այն, որ իտալո-թուրքական պատերազմի նախօրյակին թուրքական զորքերը ծանր մարտեր էին մղում Եմենում և Ասիրում Իմամ Յահյայի, Սեյիդ Իզրիսի և Զեյդիտյան շեյխերի ինքնավարական շարժման դեմ:

Իտալիայի հանկարծակի հարձակումը Թուրքիայի վրա սպառնում էր կայսրության ներսում և դրսում կառավարության հեղինակության վերջնական անկումով և կարող էր տեղիք տալ ճնշված ժողովուրդների ազատագրական շարժման նոր վերելքի⁴⁷⁰:

Իտալո-թուրքական պատերազմը, այլանական ապստամբությունը, Եմենի, Ասիրի ապստամբությունները, Իրանի և Թուրքիայի սահմանագլխում սկիզբ առած բրդական շարժումները ճնշելու համար ձեռնարկված ռազմական միջոցառումները, ինչպես նաև Իրանում ազդեսիվ քաղաքականություն վարելը երկրի ֆինանսները հասցրել էին ծայրահեղ լարման:

Կայսրության բնակչության վիճակը անշեղորեն վատթարանում էր: Բացահայտ դժգոհության նշաններ էին նկատվում ոչ միայն ժողովրդի և ընդդիմադիր խմբավորումների շրջանում, այլև պետական քաղաքական գործիչների մոտ: Պատահական չէ, որ կառավարող շրջանների որոշ մասը, ելնելով Թուրքիայի ներքին և արտաքին քաղաքականության ճգնաժամից, առաջարկում էր կար-

⁴⁶⁹ АВПР, ф. «Персидский стол Б», 1912—1915, д. 142, лл. 20 об.—21.

⁴⁷⁰ Այս նկատառումները թեև ստիպեցին երիտթուրքերին Իմամ Յահյայի հետ փնտրել հաշտություն, բայց դա ոչնչով չփոխեց վիճակը (ИГИА Грyз. ССР ф. 521. д. 511, л. 14; д. 549, лл. 58—58об).

գավորել թուրք-իրանական հարաբերությունները և նույնիսկ մեր-
ձենալ Ռուսաստանի հետ: Իտալիայի վճռական ելույթից հետո ի
պաշտպանություն Տրիպոլիում իր «հատուկ շահերի», թուրքական
պառլամենտական մեծամասնության օրդան «Թանխնում» Միդ-
հատ փաշայի որդին՝ Հուսեյն Ջահիդ բեյը, որը առհասարակ հայտ-
նի էր իր ռուսաֆոր հայացքներով, հրապարակեց մի հոգված, որի
մեջ հատուկ կանգ էր առնում նաև իրանական գործերի վրա: Մաս-
նավորապես նա գտնում էր, որ լրիվ հնարավոր է վերացնել այդ
հողի վրա Ռուսաստանի և Թուրքիայի միջև գոյություն ունեցող
«թյուրիմացությունները» նրանց կողմից Իրանի ամբողջականու-
թյունը ճանաչելու հիմքի վրա: Այս հայտարարությունը կարելի էր
մեկնաբանել որպես Թուրքիայի քաղաքական շրջանների որոշ մա-
սի համաձայնություն՝ Ռուսաստանի հետ իրանական գործերում
ընդհանուր լեզու գտնելու վերաբերյալ: Հուսեյն Ջահիդ բեյը առաջ
էր քաշում հետևյալ պայմանը.

«Մենք ընդունում ենք, որ Ռուսաստանը հատուկ շահեր ունի
Հյուսիսային Պարսկաստանում: Իր կողմից Ռուսաստանը ևս երաշ-
խիրներ կտա մեզ, որ այդ հատուկ շահերը ապագայում չեն ընդունի
այնպիսի ձևեր, որոնք անհամատեղելի լինեն Պարսկաստանի ան-
կախության հետ»⁴⁷¹: Ինչպես երևում է, իր այս տեսակետի մեջ Հու-
սեյն Ջահիդ բեյը մենակ չէր: Այդ մասին է վկայում թեկուզ այն,
որ Իրանում լուրեր տարածվեցին, թե շուտով թուրքական զորքերը
գուրս են բերվելու օկուպացված տերիտորիաներից⁴⁷²:

Սակայն ողջախոհ քաղաքականություն վարելու վերոհիշյալ
խորհուրդները ոչ մի արձագանք չգտան իթթիհադական կառավա-
րության մոտ: Ընդհակառակը, որոշվեց Աֆրիկայում տերիտորիալ
կորուստները փոխհատուցել Իրանում նոր զավթումներով: Սեպ-
տեմբերի 26-ին Չարիբովը այդ մասին ներատուվին հայտնում էր
հետևյալը. «Այսօր ինձ հաղորդեցին, որ Տրիպոլիի փոխարեն
Թուրքերը մտադիր են փոխհատուցում որոնել Ուրմիայի կող-
մում»⁴⁷³: «Միասնություն և Առաջադիմություն» կոմիտեն իր պրո-

⁴⁷¹ МОЭИ, серия II, т. XVIII, ч. II, стр. 263.

⁴⁷² АВПР, ф. «Персидский стол Б.», 1912—1915, д. 142, л. 36.

⁴⁷³ МОЭИ, серия II, т. XVIII, ч. II, стр. 31.

սպագանդիստների միջոցով համոզում էր ժողովրդին, որ Տրիպուլիի վերաբերյալ հարցը Թուրքիայի համար հանդիսանում է միայն ազգային ինքնասիրության հարց: Որ դա կենսական նշանակություն ունեցող խնդիր չէ, որովհետև աֆրիկյան այդ նահանգի կորուստը չի սպառնում Թուրքիայի գոյությունը, ընդհակառակը, դրանից նա դառնում է ավելի ուժեղ:

Վանի իթթիհադականների ակումբում հանդես դալով ճառով, երիտթուրքական կուսակցության անդամ սպաներից մեկը հայտարարում է. «Մեր սպագան Փոքր Ասիայում է: Մենք պետք է փրկաբերենք նոր նվաճումներ և փոխհատուցումներ Արևելքում, Արարատի և Պարսկաստանի կողմում: Թուրքիայի քաղաքականությունը պետք է կայանա նրանում, որպեսզի Փոքր Ասիայում ստեղծվի հզոր ուղմական պետություն. այն ժամանակ Կ. Պոլիսը ընդմիջտ կմնա մեր ձեռքերում, իսկ մեր տիրապետությունները ինքնըստինքյան կընդլայնվեն Արևելքում: Մեր կողմից Ադրբեջանի խաղաղ նվաճումը արդեն սկսված է ... Դրանք միայն առաջին քայլերն են: Եթե ուսաներին, մեր այդ դարավոր թշնամիներին, ներկայումս հաջողվի կանգնեցնել մեր շարժումը դեպի Իրան, այս արդ դեպքում սպագան կպատկանի Ռուսաստանին և ոչ թե Թուրքիային: Այդ պատճառով մեր կողմից Պարսկաստանը մաքրելու վերաբերյալ ուսական սպահանջները սիրալիք լսում են Կ. Պոլսում, սակայն, նրանց հետ, ըստ էության, ոչ-ոք չի ցանկանում հաշվի նստել: Կառավարությունը աշխատում է միայն զանազան խոստումների, սիրալիքությունների և Թուրքիայի թուլության վկայակոչումների օգնությամբ ժամանակ շահել: Մինչև այժմ դա փայլուն կերպով հաջողվում էր, ուսական դիվանագիտությունը հեշտությամբ ենթարկվում էր մեր հավաստիացումներին և ի վնաս իրեն ձգձգում վեճը թուրքապարսկական սահմանի վերաբերյալ: Այժմ միանգամայն հարմար է շարունակել այդ քաղաքականությունը... Անարխիան Պարսկաստանում, մահմեդական զանգվածների դարթոնքը Ռուսաստանում, սուննիթական աշխարհի մերձեցումը շիիթականի հետ և վերջապես Արևելքում Ռուսաստանի երկշտ ու տատանվող քաղաքականությունը մեղ իրավունք է տալիս համարելու, որ երիտթուրքերի վիթխարի պլանները Պարսկաստանի և Կովկասի նկատմամբ ուտոպիա

չեն, այլ դա երազանք է, որի իրագործումը միանգամայն հնարա-
վոր է, պայմանով, որ հմտորեն իրագործվեն մեր կողմից կան-
խամտածած պլանները: Ամբողջ հարցը այժմ կայանում է միայն
հին սիստեմով գործելու կարողության մեջ, այն է՝ ձգձգել թուրք-
պարսկական սահմանային վեճի լուծումը և շքաշվել տալ լայն խոս-
տումներ ու նույնիսկ գրավոր հավաստիացումներ: Այդ ընթացքում,
երբ դեռ Պարսկաստանում կշարունակվի անարխիան, իսկ Ռուսաս-
տանը, գտնվելով խաղաղության փնտրտուկների մեջ, կերազի պարս-
կական հարցի լուծման մասին, Թուրքիան կկարողանա ամրապնդ-
դել արդեն դավթած հիանալի ստրատեգիական կետերը, որտեղ
խաշաձևում են կարևորագույն ճանապարհները իրենց եզակի լեռ-
նանցքներով և բնական ամուր դիրքերով: Դիրքերի ամրապնդման
աշխատանքները այդ ողջ ժամանակամիջոցում դադարի տարվել են
և տարվում են գլխավոր շտաբում գերմանական ռազմագետների
օգնությամբ մշակված պլանի համաձայն: Մեր վիճվորական շր-
ջանները ենթադրում են, որ այդ բոլոր աշխատանքները կավարտ-
վեն 3—4 տարուց, այսինքն հենց այն ժամանակ, երբ համաձայն
նոր վերակազմակերպման, անատոլիական կորպուսները լրիվ
կհամալրվեն և կհագեցվեն անհրաժեշտ ամեն ինչով: Միայն այն
ժամանակ հաջողության բոլոր երաշխիքները կլինեն մեր կողմում
և Ռուսաստանը չի կարողանա փակել մեր ճանապարհը դեպի
Պարսկաստանի խորքը: Այսպիսով, Ազրբեջանը իր թուրքական ու
քրդական տարրերով, կարևոր ստրատեգիական կետերով Թուրքիա-
յին միացնելու գործը մեղ համար այլևս չի ներկայացնի անհաղթա-
հարելի դժվարություն... Եթե Թուրքիայի տրամադրության տակ
լինի բավարար ժամանակ և եթե Ռուսաստանը ներկայումս ակտի-
վորեն չմիջամտի Պարսկաստանի գործերին, ապա շուտով ռուսների
վիճակը կխարխլվի ոչ միայն Պարսկաստանում, այլև Կովկաս-
ում»⁴⁷⁴: Իրանի և Կովկասի նկատմամբ երիտթուրքական կառա-
վարության ծրագրերի այս անսքող շարադրանքում միանգամայն
պարզորոշ երևում է, որ Թուրքիան պատրաստվում էր էլ ավելի
ընդլայնել իր նվաճողական քաղաքականությունը Արևելքում: Գեր-

⁴⁷⁴ ЦГВИА, ф. 2000 с, оп. 1, д. 7716, лл. 251—252.

մանական իմպերիալիզմը խրախուսում էր իթթիհադի վերոհիշյալ պլանները, առաջնորդվելով հետևյալ քաղաքական նկատառումներով: Նախ, իտալո-թուրքական պատերազմը Գերմանիային դրեց շտապագանց ծանր կացություն մեջ, լուրջ դժվարություններ ստեղծելով Եվրոպայում և Մերձավոր Արևելքում նրա արտաքին քաղաքական կուրսի իրականացման բնագավառում: Իր խոստումներին հակառակ Իտալիայի դեմ հանդես գալը կնշանակեր իր իսկ ձեռքով մղել նրան Անտանտի դիրքը: Իսկ Հյուսիսային Աֆրիկայում իտալական ագրեսիայի բացահայտ պաշտպանությունը կնշանակեր հարվածի տակ դնել Գերմանիայի քաղաքական և տնտեսական այն դիրքերը, որոնք այնքան դժվարությամբ ձեռք էին բերվել Թուրքիայում և առհասարակ Մերձավոր Արևելքում Անգլիայի և Ֆրանսիայի հետ մրցակցային անհաշտ պայքարում⁴⁷⁵: Գտնվելով դաշնակից Իտալիայի և «բարեկամ ու եղբայր» թուրքական սուլթանի միջև, Վիլհելմ կալզերը, գերմանական թերթերից մեկի հաջող արտահայտությամբ, «իր շախմատային խաղում անխուսափելիորեն պետք է կորցնի կամ սպիտակ, կամ սև փղին»⁴⁷⁶:

Այնուհետև պատերազմը սպառնում էր թուլացնել Թուրքիային, հանձնես որի գերմանական իմպերիալիզմը տեսնում էր օժանդակ ուղղման համար իր հակառակորդների դեմ: Բացի այս բոլորից «Ենյակ դաշինքի» անդամ երկրի՝ Իտալիայի ելույթը Օսմանյան կայսրության դեմ սպառնալիքի տակ դրեց Գերմանիայի հեղինակությունը և Թուրքիայում: Այնտեղ սկսվեցին լուրջ դժգոհություններ: «Թուրքիան Գերմանիայի համար, — գրում էր երիտթուրքական կուսակցության գործիչ Մեհադ էֆենդին, — հանդիսանում է միայն շահագործման առարկա և գործիք... Կայզերը գալիս է սուլթանի մոտ և ասում. «ես բո եղբայրն եմ», ինչպես նույն խոսքերով գալիս էր Մարտիկոյի սուլթանի մոտ: Նա վաճառեց Մարտիկոյի «եղբորը» սիսեռի ապուրի գնով: Նույնը կլինի նաև Թուրքիայի հետ»⁴⁷⁷:

Անտանտի երկրների մամուլը իր հերթին բորբոքում էր Թուր-

⁴⁷⁵ „Die Grosse Politik“, Bd. XXX, No. 1, ss. 100—101.

⁴⁷⁶ «Война Италии с Турцией», вып. I, СПб., 1912, стр. 10.

⁴⁷⁷ Նույն տեղում, էջ 11:

քիայի հասարակական կարծիքը Գերմանիայի դեմ: Մասնավորապես թերթերը գրում էին, որ Գերմանիայի՝ Փոքր Ասիայում նախատեսած ստրատեգիական ճանապարհների շինարարության պլանները, ինչպես նաև թուրքական զորքերի առաջխաղացումը գեպի Ուրմիայի և հոյի շրջանները, որը սպասնում է լուրջ բարդություններ ստեղծել Ռուսաստանի հետ, ձեռնտու է բացառապես Գերմանիային, իսկ Թուրքիայի օգուտը վերին աստիճանի կասկածելի է⁴⁷⁸:

Բնական է, որ գտնվելով այսպիսի դժվարին կացության մեջ Գերմանիան աշխատելու էր ինչ-որ չափով արդարացնել իրեն թուրքական կառավարող շրջանների մոտ, որպեսզի առաջիկայում ևս հնարավարություն ունենար օգտագործել նրանց իր քաղաքական կոմբինացիաներում: 1911 թ. սեպտեմբերի 18-ին Թուրքիայում առևտրական ուղղման գործակալ գեներալ-մայոր Խոլմսենը հաղորդում էր գլխավոր շտաբի պետին, որ Ստամբուլում գերմանական գեսպանը խորհուրդ է ավել թուրքերին զինվել համբերությամբ և Աֆրիկայում ունեցած կորուստները փոխհատուցել Իրանի հաշվին⁴⁷⁹: Մի այլ հաղորդագրության մեջ Խոլմսենը գրում էր, որ Թուրքիան անսպասման կրեդոնի գերմանական այդ առաջարկը, որովհետև նա գիտակցում է, որ Կովկասն ու Հյուսիսային Իրանը զավթելու պլանները կարող են իրականացվել միայն «Եռյակ դաշինքի» աջակցությամբ: «Հետևաբար,—կրակացնում էր նա,—ոգրալով Տրիպոլիի կորուստը, շուտով Թուրքիան կրկին կվերագտնա «Եռյակ դաշինքի» գիրկը»⁴⁸⁰:

Իսկապես, ստանալով Գերմանիայի օգնության հավաստիացումները, Թուրքիան Իրանում սկսեց գործել ավելի վճռականորեն: 1911 թ. հոկտեմբեր-նոյեմբեր ամիսների ընթացքում թուրքական հրամանատարությունը Ուրմիայի և հոյի շրջաններում կաղմակերպեց հակառուսական մի շարք պրովոկացիոն ելույթներ: Հոկտեմբերի 28-ին Ջամալբաբա գյուղի մոտ թուրքական ջոկատը կոսպ-

478 Նույն տեղում:

479 ЦГВИА, ф. 2000, оп. 1, л. 3819, л. 118.

480 Նույն տեղում, թ. 116:

տորեն կանգնեցրեց և ստուգման ենթարկեց ուսական հոգևոր միախաչի անդամ Գրիգորիին և նրան ուղեկցող կազակներին: Նույն ամսին բրդական ջոկատները, որոնց մեջ գտնվում էին նաև թուրքական զինվորներ, հարձակում գործեցին Ուրմիաչից խոյ վերադարձող ուսական սպա Բիշերախովի ջոկատի վրա⁴⁸¹:

Մյուս կողմից Իրանում թուրքական գործակալության մղած պանիսլամիստական պրոպագանդան ավելի էր բորբոքում երկրում տիրող հակաուսական տրամադրությունները: Իրանական մամուլում տպագրվող հոդվածներում և ցույցերի ժամանակ արտասանած ճառերում առաջ էր քաշվում այն միտքը, որ իտալո-թուրքական պատերազմը լոկ տեղական բնույթի կոնֆլիկտ չէ երկու պետությունների միջև, այլ այն ունի առավել կարևոր իմաստ: Որ դա պայքար է բրիտանեություն ու իսլամի միջև: Հետևաբար մահմեդական բուրք պետություններին անհրաժեշտ է միավորվել ընդհանուր թշնամու զեմ: Իրանը, որպես մահմեդական երկիր, կարող է չկասկածել, որ թուրքիայից հետո կգա իր հերթը կուլ զնալու և ստրկական կախման մեջ ընկնելու բրիտանեական պետություններից: Հետևաբար նա չի կարող լրիվ համերաշխության մեջ չլինել իր հարևան Թուրքիայի հետ, անկախ նույնիսկ նրանից, որ նա Արևմտյան Իրանում սիստեմատիկորեն վարում է տերիտորիալ գավթումների քաղաքականություն⁴⁸²:

Բնական է, որ «Թուրք-իրանական համերաշխության» պանիսլամիստական կոչը իր սուր ծայրով ուղղված էր Ռուսաստանի զեմ: Այդ պատճառով ուսական գործիչները կառավարությունից պահանջում էին շտապ կարգով ձեռնարկել հակամիջոցներ: Վորոնցով-Գաշկովը, օրինակ, ներատուվին ուղղված նամակում հետևյալ կերպ էր բնութագրում Հյուսիս-արևմտյան Իրանում գոյություն ունեցող իրավիճակը. «... Մեր անվճռական քաղաքականությունը Կ. Պոլսում և Պարսկաստանում հասցրեց թուրքերի կողմից մեր կազակական պահակախմբի վրա հանդուգն հարձակման: Ես համարյա վստահ եմ, որ նման բախումներ տեղի կունենան նաև ապա-

⁴⁸¹ МОЭИ, серия II, т. XIX, ч. I, стр. 34—35, 81.

⁴⁸² «Тифлисский листок», 1911, 15 октября.

գալում, և մեզ մնում է կամ թուրքերին ճանաչել որպես Ուրմիայի նահանգի տերեր, կամ հանուն Արևելքում Ռուսաստանի հեղինակության և հզորության պահպանման ստիպել նրանց մաքրել իրենց շրջափակող պարսկական տերիտորիան»։ Փոխարքան պաշտպանում էր Ուրմիայի փոխ-հյուպատոս Պրեոբրաժնենկու առաջարկը խոյ—Սալմաստ—Ուրմիայի շրջանները զորքեր ուղարկելու վերաբերյալ։ «Ես համոզված եմ,—գրում էր նա,—որ առանց մեր վրձնական ելույթի և պարսկական տերիտորիայի հիշյալ մասի փաստական գրավման թուրքերի շարժումը ընդհուպ կմոտենա մեր սահմաններին»⁴⁸³։ Չարիքովը նույնպես պաշտպանեց այս առաջարկը, գտնելով, որ «չոկատի ուղարկումը խոյի շրջանը ծայրահեղորեն ցանկալի ու ժամանակին է»⁴⁸⁴։

Այսպիսով համոզվելով, որ դիվանագիտական առաջադրությունները Ստամբուլում ստեղծում են միայն երկար ու միանգամայն անարդյունք բաշխուկ, ցարական կառավարությունը որոշեց խոյ ուղարկել ուսսական մի ջոկատ։ Սա վկայում էր այն մասին, որ Պետերբուրգը որոշել է Բ. Դոան հետ խոսել ավելի կտրուկ լեզվով։ Բացի «իրանական զործերից» դա թերևս պայմանավորված էր նրանով, որ 1911 թ. աշնանը ուս-թուրքական հարաբերությունները հասել էին ծայրահեղ լարվածության։ Չախողվել էին նեղուցների պեժմի մասին ուս-թուրքական բանակցությունները, Բոսֆորում թուրքերը ստեղծել էին ականային արգելափակոցներ, Անգլերիովկասի սահմանների մոտ կենտրոնացվել էին զորքեր և այլն։

Սակայն «վճռական» քայլին դիմելուց առաջ ցարական կառավարող շրջանները հարկ համարեցին ստանալ բրիտանական կառավարության համաձայնությունը։ Լոնդոնում դեսպան Բենկենգորֆին հանձնարարվեց այդ իմաստով հատուկ զրույց ունենալ էդուարդ Գրեյի հետ։ Վերջինս հայտարարում է դեսպանին, որ ինքը ուսսական կառավարության կողմից նախապատրաստվող այդ միջոցառումներին չի տալիս առանձին քաղաքական նշանակություն, որովհետև հասկանում է, որ դրանք կոչված են թուրքական վտանգը ի չիք դարձնելու անհրաժեշտությունը⁴⁸⁵։

⁴⁸³ МОЭИ, серия II, т. XIX, у. I, стр. 81—82.

⁴⁸⁴ նույն տեղում։

⁴⁸⁵ նույն տեղում, էջ 100 ։

Անգլիական կառավարության համաձայնությունը ստանալուց հետո 1911 թ. հոկտեմբերին սուսական ջոկատը մուտք գործեց Խոյ⁴⁸⁶:

Դա չափազանց ճնշող տպավորություն գործեց Սամբուլի վրա: Վախենալով, որ այդ իրադարձությունը, ինչպես նաև Տրիպոլիտանական պատերազմի թատերաբեմից ստացվող աննպաստ լուրերը կարող են տեղիք տալ Իրանի օկուպացված շրջանների բնակչության ապստամբության, երիտթուրքական կառավարությունը այդ շրջաններում լայնորեն սկսեց կիրառել ահաբեկումների տակտիկան: Առավել անհանգիստ գյուղերում կախվում էին թուրքական զրոշներ, իսկ սպայությունը ամենուր հայտարարում էր, որ «մեր զրոշները կարմիր են և մենք դրանք կախում ենք ի նշան այն բանի, որ այստեղից կհեռանանք միայն այն ժամանակ, երբ կթափենք արյուն»⁴⁸⁷:

1911 թ. աշնանը Իրանում հասունանում էին նոր իրադարձություններ: Նախկին շահի ավանտյուրաչի ձախողումը համոզեց Ռուսաստանին և Անգլիային, որ իրանական ներքին ուսուցիչական անընդունակ է հեղափոխությունը ճնշել սեփական ուժերով: Որոշվեց այն իրագործել Անգլիայի և ցարական Ռուսաստանի զինված ուժերի միջոցով, որոնք մինչ այդ արդեն օկուպացրել էին իրանական մի շարք տերիտորիաներ: 1911 թ. հոկտեմբերին երկրի հարավում՝ Բուշիրում տևողորեն կենտրոնացվում էին անգլիական զորքերի նոր միավորումներ, որոնք այնուհետև շարժվեցին Շիրազ և հարավիրանական այլ քաղաքներ: Ռուսաստանը ևս սկսեց նոր զորքեր ուղարկել Հյուսիսային Իրան: 1911 թ. նոյեմբերի 16/29-ին ցարական կառավարությունը ուլտիմատիվ կերպով պահանջեց, որպեսզի շահական կառավարությունը անհապաղ պաշտոնաթող անի ամերիկյան ֆինանսական խորհրդական Մորգան Շուստերին⁴⁸⁸, որը հետևողականորեն վարում էր Ռուսաստանի և Անգլիայի տրեստական և քաղաքական դիրքերը Իրանում սահմանափակելու քա-

⁴⁸⁶ «Сводка сведений...», № 9—10, Тифлис, 1912, стр. 17.

⁴⁸⁷ նույն տեղում, էջ 17—18:

⁴⁸⁸ «Сборник дипломатических документов...», вып. VII, стр. 266—267.

դաքսականութիւն: Բրիտանական կառավարութիւնը պաշտպանեց այդ վերջնագիրը: Երկրում հակախմբաբախտական պայքարի ալիքի ուժեղացման ազդեցութեան տակ Մեջլիսը մերժեց ուսական վերջնագիրը:

Յարական կառավարութիւնը անմիջապէս Իրանական Ազգրբեջան, Գիլյան և Խորասան ուղարկեց խոշոր զորամիավորումներ, որոնք ջախջախեցին կամավորական շուկատների դիմադրութիւնը և ճնշեցին հեղափոխութիւնը երկրի հյուսիսում: Միաժամանակ անգլիական զորքերը օկուպացրին երկրի ողջ հարավը: Իսկ մինչ այդ թուրքական զորքերը արդեն ջախջախել էին հեղափոխական շարժումը Իրանական Քրդստանում և Ազրբեջանի հյուսիս-արևմտյան շրջաններում: Շուտով իրանական հեղափոխութեան դեմ զուրս եկավ նաև իրանական ներքին ռեակցիան: 1911 թ. Կեկտեմբերին կատարվեց հակահեղափոխական հեղաշրջում և իրանական հեղափոխութիւնը ճնշվեց:

Այսպիսով, Անգլիայի, ցարական Ռուսաստանի, օսմանյան Թուրքիայի և իրանական ֆեոդալական ռեակցիայի համատեղ հարվածների հետևանքով իրանական ժողովրդի ազատագրական, դեմոկրատական շարժումը պարտութիւն կրեց:

Անգլիական և ռուսական զորքերի կողմից Հարավային և Հյուսիսային Իրանի օկուպացիան, որը տեղի ունեցավ գլխապատուտ արագութեամբ, առաջին պահ շփոթութեան մեջ գցեց թուրքական կառավարող շրջաններին: Այդ իրադարձութիւնը Ստամբուլի կողմից ընկալվեց որպէս Իրանը բաժանելու լուրջ միջոցառում: Համենայնդեպս արդեն ակնհայտ էր, որ Ռուսաստանն ու Անգլիան այսուհետև չեն հանդուրժի թուրքական զավթումները Իրանում: Այդ պատճառով երիտթուրքական կառավարութիւնը որոշեց անմիջապէս նետվել գրոհի: 1911 թ. հոկտեմբերին նախապատրաստական աշխատանքներ էին զնում Միանդուարը գրավելու համար, որտեղից ճանապարհ կբացվեր դեպի Թավրիզ: Նոյեմբերին ռուսական հյուպատոսները հայտնում էին, որ թուրքերի կողմից օկուպացրած շրջաններում անընդհատ տեղի են ունենում զորքերի տեղաշարժեր, ստեղծվում են ռազմական հենակետեր, ուժեղացվում են հյուպատոսական պահակախմբերի կազմը և նույնիսկ Թուրքիայում անց է

կացվում պահեստայինների մասնակի մոբիլիզացիա⁴⁸³։ Թե՛հրանում Թուրքական պաշտոնական ներկայացուցիչները Բ. Գոան այդ միջոցառումները մեկնաբանում էին նրանով, որ Թուրքիայի միակ նպատակն է «ռուսներին ետ քշել դեպի Կովկաս»⁴⁸⁴։

Սուրբուզազը գրավելուց հետո օկուպացիոն զորքերը սկսեցին ընդլայնել իրենց զավթումների գոտին Մուրբի Քրդստանում, Կուշչիի, Էնզելի, Սալմաստի և Խոյի շրջաններում, ինչպես նաև սկսեցին սպառնալ Մակուի խանությանը⁴⁸⁵։ Ռազմական մինիստրի հրամանով շտապ կարգով Վանից ղենք, ռազմամթերք և կրուպպի նորագույն տեսակի թնդանոթներ էին ուղարկվում Իրան⁴⁸⁶։ Էրզրու-մի գլխավոր հյուպատոս Շարիտտերը նոյեմբերին տեղեկացնում էր Սազոնովին, որ «թուրքերն աշխատում են պարսկական սահմանն ուղարկել առավել ընդունակ և եռանդուն սպաներին և վարչական աստիճանավորներին»⁴⁸⁷։ Իսկ ղեկավարներին Օլֆերը ահազանգում էր, որ Թուրքիայում կրկին համառ լուրեր են շրջում Ռուսաստանի և Թուրքիայի միջև պատերազմի անխուսափելիության մասին⁴⁸⁸։ Ստամբուլում պանթուրքիստական մամուլը սկսեց մղել ռազմաշունչ պրոպագանդա։ Նացիոնալիստական «Թյուրք յուրդու» ամսագրում հայտնի պանթուրքիստներ Յուսուֆ Ակչուրինը (Ակչուրա օղլի Յուսուֆ), Իսմայիլ միրզա Գասպրինսկին, Ահմեդ Աղանը, Փարվուսը, Մեհմեդ էմինը, Ահմեդ Հիրմեթը, Իզդեթ Ալևին, Ռիզա Թեֆլիկը, Նեջիբ Ասիմը, Ջելալ Նուրին և այլն սկսեցին հանդես գալ Իրանի վերաբերյալ բազմաթիվ հողվածներով, ուր առաջ էին քաշում Իրանի, Կովկասի, Միջին Ասիայի և Ռուսաստանի Թուրքական ժողովուրդների միավորման գաղափարը⁴⁸⁹։ Ռասուլզադե Մեհմեդ

⁴⁸³ МОЭИ, серия II, т. XIX, ч. II, стр. 29.

⁴⁸⁴ АВПР, ф. «Персидский стол», 1911, д. 549, л. 53.

⁴⁸⁵ ЦГИА Груз. ССР, ф. 521, д. 540, л. 13; АВПР, ф. «Персидский стол Б», 1912—1915, д. 142, л. 35 об; АВПР, ф. «Персидский стол Б», 1911, д. 94, л. 5 об; АВПР, ф. «Персидский стол», 1911, д. 672, лл. 159—159 об.

⁴⁸⁶ АВПР, ф. «Персидский стол», 1911, д. 672, л. 172.

⁴⁸⁷ МОЭИ, серия II, т. XIX, ч. I, стр. 209.

⁴⁸⁸ նույն տեղում, էջ 208։

⁴⁸⁹ Sâ'û «Мир ислама», т. II, вып. I, СПб., 1913, стр. 20.

էմինը, օրինակ, հրապարակեց «Իրանական թուրքերը» վերնագրով մի հոդված, որտեղ պանթուրքիզմի դիրքերից շոշափվում էին ադրբեջանցիների սոցիալական և քաղաքական վիճակի հարցերը⁴⁹⁶։

1911 թ. վերջերին թուրքերը ակտիվորեն սկսեցին միջամտել Քավրիզում տեղի ունեցող իրադարձութուններին։ Այդ միջամտության համար պատրվակ ծառայեց Քավրիզի ֆիդայիների հարձակումը քաղաքում և նրա շրջակայքում տեղավորված ուսական ջոկատի վրա։ Վորոնցով-Ռաշկովը տեղեկություններ ուներ, որ այդ գործին խառնված էր նաև թուրքիան, որը իր գործակալների միջոցով հրահրում էր ֆիդայիներին անակնկալ հարձակումով ոչնչացնել Քավրիզի ուսական ջոկատը⁴⁹⁷։ 1911 թ. դեկտեմբերի 31-ի հաղորդագրությունում Չարիքովը Ստամբուլից հայտնում էր Սադոնովին, որ թուրքական արտաքին գործերի մինիստր Ասսիմ բեյը պաշտոնապես հայտարարել է իրեն, որ Քավրիզի «խառնակությունները»⁴⁹⁸ Օսմանյան կայսրության մահմեդականների շրջանում առաջ է բերել լուրջ անհանգստություն։ «Գործը բարդանում է այն մտավախությամբ,—ավելացրել է նա,—որ ուսական օկուպացիան դառնում է մշտական»...⁴⁹⁹։

Ասսիմ բեյի այս հայտարարությունը վրդովեցուցիչ ներգործություն ունեցավ Սադոնովի վրա։ «Թուրքական արտաքին գործերի մինիստրի արած հայտարարությունը,—գրում էր նա Չարիքովին,—վկայում է այն մասին, որ թուրքերը ոչ միայն ցանկանում են նախկինի պես ձայնի իրավունք ձեռք բերել իրանական գործերում, այլև ճնշում գործադրել մեզ վրա։ Ոչ այս, ոչ այն մենք իհարկե չենք կարող թույլ տալ»։ Մինիստրը հրահանգում էր Ասսիմ բեյի հայտարարությունը առհասարակ թողնել անպատասխան, իսկ կրկնվելու դեպքում վճռականորեն պատասխանել, որ Քավրիզի «խառնակության» վերացումը բացառապես վերաբերում է Ռուսաստանին, որը իրեն իրավունք է վերապահում այդ հարցում գործել

⁴⁹⁶ *Նույն տեղում, հ. 1, № 4, 1912, էջ 643:*

⁴⁹⁷ МОЭИ, серия II, т. XIX, ч. I, стр. 264.

⁴⁹⁸ *Խոսքը վերաբերում է 1911 թ. դեկտեմբերին Քավրիզի հեղափոխականների նկատմամբ ուսական գործերի պատժիչ գործողություններին:*

⁴⁹⁹ МОЭИ, серия II, т. XIX, ч. II, стр. 1.

սեփական հայեցողությամբ: «Ինչ վերաբերում է մեր ջոկատների գտնվելուն Պարսկաստանում,—շարունակում էր Ռուսաստանի արտաքին գործերի ղեկավարը,—այս այդ մասին դուք կարող եք հայտնել նրան, որ այն առաջվա պես չի կրում օկուպացիայի բնույթ, որովհետև մեր զորքերը, ի տարբերություն թուրքականի, Ուրմիայում իրենց համար չեն յուրացնում վարչական ֆունկցիաներ և համաձայն արված մեր հայտարարության, նշված ջոկատները ետ կկանչվեն, երբ մենք դա համարենք հնարավոր»⁵⁰⁰:

Ցարական արտաքին գործերի մինիստրի այս խիստ ու կտրուկ տոնը համարյա ոչ մի ազդեցություն չունեցավ Ք. Գոան վրա: Ընդհակառակը, վերջինս դրան պատասխանեց հակառուսական նոր գործողություններով: 1911 թ. վերջին Խոյի շրջանի Շաբանլու գյուղի մոտ հարձակում կազմակերպվեց Բիշերախովի վրա: Կազակների վրա այդ հարձակումը կազմակերպել էր Ուրմիայի հյուպատոս Սաադի բեյը⁵⁰¹: Միաժամանակ Թուրքիայի Գյավեր շրջանի բրգերը Խաբբի բեյի գլխավորությամբ իրանական Սիր գյուղի մոտ հարձակում գործեցին Ուրմիայի ռուսական փոխ-հյուպատոսության պահակախմբի վրա⁵⁰²: Թուրքական զինվորները ճանապարհների անընդհատ կանգնեցնում էին ռուսական զիվանագիտական գործիչներին, հայտարարելով, որ իրենք թույլ չեն տա «թուրքական» տերիտորիայում ճանապարհորդել ռուսական դրոշի տակ⁵⁰³:

Թուրքական հրամանատարությունն և անանձնակի եռանդով աշխատում էր քրդական ջոկատների օգնությամբ անդամալուծել օկուպացված շրջանների ռուսական առևտուրը: Այդ քաղաքականության հետևանքով քարավանային հաղորդակցությունը մի շարք առևտրական կենտրոնների միջև համարյա դադարեց, իսկ Ուրմիայի շրջանում քրդական կողոպուտներն ընդունեցին ուղղակի համաձարակային բնույթ: Օգտվելով դրանից, Ք. Գուրը առաջարկեց Ռուսաստանին օկուպացված դոտում ռուսահյուպատակների և նրանց առև-

⁵⁰⁰ Խույն տեղում:

⁵⁰¹ АВПР, ф. «Персидский стол Б», 1911, д. 94, лл. 19—21.

⁵⁰² ЦГИА Гр. ССР, ф. 521, д. 540, лл. 8—14.

⁵⁰³ АВПР, ф. «Персидский стол Б», 1911, д. 94, л. 23 об.

տրրական քարավանների պաշտպանութան գործը հանձնել թուրքական զինված ուժերին⁵⁰⁴։ Միանգամայն ակնհայտ էր, որ առևտրական ճանապարհների վրա կազակների կողմից հսկողություն սահմանելը խոչընդոտ էր հանդիսանում թուրքերի քաղաքական տակտիկայի իրագործմանը, որի էությունն այն էր, որ մահացու հարված հասցնեն Հյուսիս-արևմտյան Իրանում Ռուսաստանի տնտեսական և քաղաքական դիրքերին։ Այդ պատճառով Պետերբուրգը մերժեց Բ. Գուան վերոհիշյալ առաջարկը։ Սազոնովը հայտարարեց, որ Ռուսաստանը ի վիճակի է միջոցներ ձեռնարկել իր առևտրական շահերը պաշտպանելու համար⁵⁰⁵։

1911 թ. աշնանը և ձմռանը գերմանական գործակալությունը ամենաակտիվ ձևով աջակցում էր Իրանական Ադրբեջանում և Գըր-դըստանում թուրքական կառավարության վարած հակառուսական քաղաքականությանը։ 1911 թ. դեկտեմբերին Ռուսաստանի և Անգլիայի կողմից շահական կառավարությանը վերջնադիր ներկայացնելուց հետո գերմանական զիվանագիտությունը որոշեց օգտորվել պատահ առիթից վերականգնելու համար Պետերբուրգի համաձայնագրի հետևանքով սասանված իր հեղինակությունը Իրանում։ Զգտելով դարձյալ շեշտել Գերմանիայի վարած, իբր թե անշահախնդիր, քաղաքականության և անգլո-ռուսական սպառնալիքների ու վերջնագրերի քաղաքականության միջև եղած տարբերությունը, Բեռլինի «Kreuzzeitung» թերթը հրապարակեց Իրանին նվիրված հատուկ հոդված, որտեղ հայտարարում էր, որ Ռուսաստանի և Անգլիայի քաղաքականությունը այդ երկրում վերավերում է գերմանացիների բարոյական զգացումները⁵⁰⁶։ Իրենց հակառուսական գործունեությունը գերմանացիները ավելի մեծ մասշտաբներով ծավալեցին իրանական հեղափոխության ջախջախումից հետո։ 1911 թ. դեկտեմբերի 28-ի հեռագրում ցարական արտաքին գործերի մինիստրության Միջին Արևելքի բաժնի վարիչ Կլեմմը տեղեկացնում էր Կովկասի փոխարքայությանը կից սահմանային

⁵⁰⁴ МОЭИ, серия II, т. XIX, ч. I, стр. 194.

⁵⁰⁵ Նույն տեղում։

⁵⁰⁶ «Русское слово», 1911, 10 ноября.

հարաբերությունների շինովնիկ Կոխանովսկուն, որ Թավրիզում գերմանական գործակալ Շյունեմանը իր հայրենակից Խազի հետ մտադիր է շրջագայություն կատարել Իրանական Ադրբեջանի մի շարք վայրերում տեղական բնակչության շրջանում հակառուսական պրոպագանդա մղելու և թուրքերի համար հետախուզական տեղեկություններ հավաքելու համար⁵⁰⁷։

* * *

1905—1911 թթ. իրանական հեղափոխության սյարտությունից հետո ավելի ուժեղացավ Իրանի կախումը իմպերիալիստական Անգլիայից և ցարական Ռուսաստանից։ 1912 թ. փետրվարին շահական կառավարությունը հայտարարեց, որ պաշտոնապես ճանաչում է 1907 թ. անգլո-ռուսական համաձայնագրեր և Անգլիայի ու Ռուսաստանից ստացավ նոր փոխառություններ։ Հետևաբար, այսուհետև, Թուրքիան հարկադրված էր գործել կրկնապատկված եռանդով, որպեսզի հնարավորին շափ շուտ ավարտի Իրանական Ադրբեջանի և Քրդստանի օկուպացիան։ Դրանով իթթիհազը հույս ուներ շեղել Օսմանյան կայսրության ժողովուրդների ուշադրությունը ներքին դժվարություններից և իտալո-թուրքական պատերազմի ճակատներում կրած մշտական անհաջողություններից, ինչպես նաև հաղթահարել ներքին օպոզիցիայի՝ «Ազատություն և Համաձայնություն» («Հյուրրիեթ վե Իթթիլլաֆ») կուսակցության ձգտումը իշխանության ղեկի մոտից հեռացնելու երիտթուրքերին։

1912 թ. փետրվարին Սալար-ուզ-Դոուլեի նոր խռովությունը որոշակի հույսեր ավելց Թուրքիային դիմագրավել Ռուսաստանի և Անգլիայի ճնշմանը և զավթումների քաղաքականության բնագավառում դուրս գալ ձգնաժամային այն վիճակից, որ ստեղծվել էր Իրանական Ադրբեջանի և Քրդստանի տերիտորիաների մի մասը ռուսական զորքերի կողմից օկուպացվելու հետևանքով։

1912 թ. սկզբին իր շուրջը համախմբելով Իրանի հարավ-արևմտյան շրջանների մի շարք ցեղերի, հատկապես քրդական բնի-արդալյան ուժեղ և ոսպմատենչ ցեղին, Սալար-ուզ-Դոուլեն կրկին

⁵⁰⁷ МОЭИ, серия II, т. XIX, ч. 1, стр. 309.

ապստամբեց կենտրոնական կառավարության դեմ: Փետրվարի 22-ին նա սրարշավ գրավեց Քերմանշահը, իսկ այնուհետև նաև Սեննեն⁵⁰⁸: Կարճ ժամանակամիջոցում Սալարին հաջողվեց իր ազդեցությունը ենթարկել Քերմանշահի, Քրդստանի և Լուրիստանի նահանգները: Այս նոր խռովության սկսվելու առաջին իսկ օրերից Պեհերբուրգում և Լոնդոնում իրավացի կասկածներ կային, որ այդ խռովությանը զաղտնապես աջակցում է Ստամբուլը⁵⁰⁹: Այդ կասկածները հիմնավորվում էին նրանով, որ նախկին խռովության ջախջախումից հետո Սալարը երբեք ի վիճակի չէր լինի այգրան կարճ ժամանակամիջոցում հայթայթել գրամական միջոցներ և մեծ քանակությամբ զենք ու զինամթերք՝ թվով բավականին պատկառելի բանակ ստեղծելու համար: Այդ պատճառով Ռուսաստանը և Անգլիան պահանջեցին թուրքական կառավարությունից շմիջամտել իրադարձություններին և զորքեր չուղարկել Սալարին օգնության: Միաժամանակ նրանք ճնշում գործադրեցին շահական կառավարության վրա, որպեսզի վերջինս եռանդուն միջոցառումներ ձեռնարկի Հարավ-արևմտյան Իրանում խռովությունը անհապաղ ճշնշելու համար, խոստանալով իրենց օգնությունը⁵¹⁰:

Սակայն պարզվեց, որ Թուրքիան մտադիր չէ հետևելու Ռուսաստանի և Անգլիայի «խորհուրդներին»: Նա իրանական սահմանների մոտ, Սուլեյմանիեի շրջանում սկսեց կենտրոնացնել զորքեր, Քերմանշահ—Համադանի շրջանում գրավեց մի շարք վայրեր, Սեննենում իր հյուպատոսությունը պաշտպանելու պատրվակի տակ այնտեղ մտցրեց զորքեր և այլն⁵¹¹: Այս շրջանում թուրքերի զավթողական քաղաքականության մեջ նորը այն էր, որ նրանք մեծագույն ձգտում էին գրսեռում հատկապես Քերմանշահը գրավելու ուղղությամբ: Դա նշանակում էր, որ զավթումների գոտին Թուրքիան ցանկանում էր շարժել դեպի հարավ՝ «չեզոք գոտու» ուղղությամբ:

⁵⁰⁸ «Сводка сведений...», Тифлис, 1912, № 19—20, стр. 34.

⁵⁰⁹ АВПР, ф. «Посольство в Константинополе», 1911—1913, д. 3556, лл. 36, 40.

⁵¹⁰ Նույն տեղում, թթ. 40—42, 65:

⁵¹¹ АВПР, ф. «Канцелярия МИД», 1912, д. 1066, л. 126.

Մարտ ամսին թուրքական հեծելազորայինները Քասրի-Շիրի-նի մոտ փորձեցին անցնել իրանական սահմանը, սակայն կանդ-նեցվեցին Սալարի բրդական ջոկատների կողմից: Տեղեկանալով այդ մասին, Քերմանշահում հյուպատոս Սուադ Սեղդադ բելը այդ հեծելազորայիններին ներկայացրեց որպես թուրքական հյուպատոսական դատարանի նախագահ էմին բելի անձնական պահակախումբ և խնդրեց Սալարին թույլատրել անցնել սահմանը ու ժամանել Քերմանշահ⁵¹²: Սակայն տեղի ունեցավ անսպասելին: Արբայազնը ամենավճռական ձևով պահանջեց, որպեսզի թուրքական զինվորները հեռանան սահմաններից⁵¹³: Միաժամանակ նա հրամայեց իր ջոկատներին սահմանն անցնելու դեպքում թուրքերին զինավորել մարտով: Ավելին, նա դիմեց ռուսական կառավարությանը խնդրելով, որ վերջինս արգելի թուրքերին իրականացնելու Հարավ-արևմտյան Իրանի օկուպացիան⁵¹⁴:

Սալար-ուդ-Դոուլեի անսպասելի քայլի պատճառը այն էր, որ, բոտ երևույթին, նա վախենում էր, որ թուրքերը Հարավ-արևմտյան Իրանը օկուպացնելուց հետո իրեն դուրս կմղեն այնտեղից՝ խափանելով այդ վայրերում սեփական «պետություն» ստեղծելու նրա տենչանքը: Ամենայն հավանականությամբ արբայազնը ցանկանում էր նաև վրեժ լուծել թուրքիայից՝ նախկին խոռվություն ժամանակ իրեն լքելու համար: Հավանաբար, ոչ երկրորդական նշանակություն ուներ նաև այն, որ Սալարը քաջ գիտակցում էր, որ Ռուսաստանը և Անգլիան չեն կարող անտարբեր մնալ թուրքերի ագրեսիվ գործողությունների նկատմամբ 1907 թ. անգլո-ռուսական համաձայնագրով նախատեսված շեղոք գոտու շրջանում:

1912 թ. մարտին Քասրի-Շիրինի շրջանում Սալարի ջոկատների և թուրքական հեծելազորայինների միջև տեղի ունեցան մի շարք զինված բախումներ⁵¹⁵, որոնք զգալիորեն թուլացրին խոռվարարների «բանակը»: Դա հեշտացրեց Սալար-ուդ-Դոուլեի նոր խոռվության ջախջախման գործը: 1912 թ. մայիսի 19-ին եփրեմ Դա-

⁵¹² «Сводка сведений...», Тифлис, 1912, № 19—20, стр. 31—32.

⁵¹³ նույն տեղում:

⁵¹⁴ АВПР, ф. «Канцелярия МИД», 1912, д. 166, л. 126.

⁵¹⁵ «Сводка сведений...», № 19—20, стр. 32.

վիդյանցին⁵¹⁶ և Ֆարման Ֆարմային հաջողվեց կործանել չհարված հասցնել արքայազնի առաջապահ զորքերին, իսկ մայիսի 29-ին գրավել Քերմանշահը: Սալարի բանակը ցրվեց, իսկ ինքը ստիպված եղավ կրկին փախչել Թուրքիա⁵¹⁷:

Սակայն այս անհաջողությունը չվճատեցրեց Ստամբուլին: Վերջինս կրկնապատկված եռանդով ձեռնամուխ եղավ Իրանում հարձակողական նոր կամպանիայի: Վանի վելայեթում կրկին անցկացվեց ռեդիֆներբի և համիդիենների զորահավաք⁵¹⁸: Մի շարք վայրերում, ինչպես օրինակ Բաշկալայում, Չիարի Կալայում, Դիլմանում, Եղզիկյանում, Սիլյաբում, Վարդանում և այլն ուսական հոյի ջոկատի դեմ դիմաց կենտրոնացվեցին թուրքական զորքեր⁵¹⁹: Բոլոր թուրքոֆիլ բրդական ցեղապետներին կարգադրվեց մեկնել նազադե պարտիզանական պատերազմ մղելու վերաբերյալ անհրաժեշտ հրահանգներ ստանալու համար: Միաժամանակ նրանց հայտարարվեց, որ Փասվեում, Սերդեշթում և Բանեում կազմակերպված են ռազմամթերքների պահեստներ, որտեղից նրանք կարող են ստանալ անհրաժեշտ քանակությամբ զենք և փամփուռոններ: Կարգադրվեց կազմ ու պատրաստ սպասել հրամանի՝ կենտրոնանալու համար այն վայրերում, որոնք կնշի թուրքական հրամանատարությունը⁵²⁰: Աշիրեթային բրդերից տեղորեն կազմակերպվում էին կամավորական ջոկատներ, որոնց կենտրոնացման հիմնական վայրերն էին հանդիսանալու Չիարի Կալան, Ռեմավանը և Բալաբուշը: Կամավորներին տրվում էր ռոճիկ: Մավանայում, Ուրմիայում, Էնզելում, Սուգուզում, Բարանդուզում, Ուշնուում և օկուպացիայի ենթարկված մի շարք այլ շրջաններում թուրքական իշխանությունները կազմակերպեցին բնակչության մարդահամար⁵²¹,

⁵¹⁶ Այդ ճակատամարտում Եփրեմ Դավիդյանը սպանվեց և կառավարությունը Համադանի ջոկատի հրամանատար նշանակեց Եփրեմ խանի տեղակալ Քեոֆին:

— ИА Груз. ССР, ф. 521, оп. 2, д. 546, л. 48.

⁵¹⁷ АВПР, ф. «Посольство в Константинополе», 1911—1913, д. 3566, лл. 76—82, 85.

⁵¹⁸ АВПР, ф. «Персидский стол Б», 1912, д. 99, лл. 6—7.

⁵¹⁹ Там же.

⁵²⁰ АВПР, ф. «Персидский стол Б», 1910—1912, д. 59, лл. 31—34.

⁵²¹ ЦГИА Груз. ССР, ф. 15, оп. 1, д. 365, лл. 18—19.

որը հետապնդում էր ինչպես հարկային, այնպես էլ քաղաքական և ռազմական նպատակներ: Մասնավորապես, Թուրքիան նպատակ ուներ հավաքագրել զինակոչիկներ, նրանցից կանոնավոր կամ ծայրահեղ դեպքում աշխարհազորային տիպի զորամասեր ստեղծելու համար, որոնց կարելի կլիներ օգտագործել ինչպես բուն Իրանում, այնպես էլ Տրիպոլիտանական պատերազմի ռազմաճակատներում⁵²²: Բացի այդ, անցկացնելով մարզահամար, Թուրքիան ցանկանում էր շեշտել, որ օկուպացված շրջանները այլևս դուրս են եկել շահական կառավարության իրավասությունից և դրանց նկատմամբ ինքը ունի լիիրավ իրավունքներ: Մարզահամարը հաջողությամբ անցկացնելու համար Ստամբուլը Իրան ուղարկեց սահմանային կոմիսար, զլխավոր շտաբի գնդապետ Բեհչեթ բեյին, երկրորդ բանակային կորպուսի հրամանատար Զաբիր փաշային և ներքին գործերի մինիստրության վարչական տեսուչ Ալի Սեյիդ բեյին⁵²³: Գեներալ (Ֆերիկ) Ֆազիլ փաշան հատուկ ուղերձով դիմեց մամաշ ցեղի առաջնորդ Համզե աղային, որի մեջ ասվում էր. «Ես այժմ զբաղված եմ արաբներից և բրզերից 100 հազարանոց բանակ կազմելով, որոնց թվում հաշվում եմ 20 հազար մարդ մամաշ, մանգուր և փիրան ցեղերից: Նախազդուշացնում եմ ձեզ, որպեսզի իմ վան ժամանելու օրը բոլորդ պատրաստ լինեք իսլամի պաշտպանության համար»⁵²⁴:

1912 թ. մայիսին Ուրմիայի շրջանի Թազաբենդ գյուղի մոտ բրզերը անակնկալ հարձակում գործեցին ռուս զինվորների վրա: Այդ գործողությանը մասնակցում էին նաև քրդական տարազ հագած թուրք զինվորները⁵²⁵: Իր զեկուցագրում պորուչիկ Իվանովը գրում էր, որ այդ օպերացիան հետապնդում էր երկու հիմնական նպատակ. նախ «խայտառակել ռուսական զենքի փառքը ողջ Քրդստանի աշրում» և ապա փորձել, թե բրզերից և Ֆիրդայիներից կազմակերպված պարտիզանական ջոկատները որքանով են պիտանի ռազմական գոր-

⁵²² Նույն տեղում, թ. 32:

⁵²³ МОЭИ, серия II, т. XIX, ч. II, стр. 322; ЦГИА Груз. ССР, ф. 15, д. 365, л. 32.

⁵²⁴ ЦГИА Груз. ССР, ф. 15, оп. 1, д. 365, л. 33.

⁵²⁵ ЦГИА Груз. ССР, ф. 15, оп. 1, д. 366, лл. 13—15.

ծողովություններ վարելու համար⁵²⁶։ Մայիսի 9-ին Ուրմիայի մոտ դրանվող Կանի-Կուզան գյուղի մոտ հարձակում կազմակերպվեց ռուսական հյուպատոսական պահակախմբի վրա։ Այն կազմակերպել էր Ուրմիայի թուրքական հյուպատոսը։ Անկախ այդ հարձակման ելքից շահելու էին թուրքերը, որովհետև բրդերի հաջողության դեպքում բնկնելու էր ռուսական զենքի հեղինակությունը, իսկ պարտության դեպքում Ուրմիայի շրջանի բրդերը ռուսական զինվորական իշխանությունների կողմից այլևս չէին կարող սպասել զթառատ վերաբերմունքի և ստիպված կլինեին այսուհետև ընդմիշտ լինել թուրքերի հետ ընդդեմ ռուսների։

Գնալով բրդական հարձակումներն ընդունում էին սխտեմատիկ բնույթ։ Խանթախթի գյուղի մոտ հարձակում կազմակերպվեց գլխավոր շաբաբի կապիտան Կիսլիի ջոկատի վրա։ Խոյի շրջանում հարձակման ենթարկվեց Նիկիտինի ջոկատը և այլն։ Միաժամանակ թուրքական օկուպացիոն իշխանությունները սխտեմատիկորեն կազմակերպում էին պատժիչ էքսպեդիցիաներ Ռուսաստանի կողմնակից բրդական ցեղապետների կյանների դեմ, որպեսզի ահարեկեն նրանց և ստիպեն անցնել իրենց կողմը։ Առանձնակի կատաղությամբ նրանք պայքարում էին շեքաբ ցեղի առաջնորդներ Իսմայիլ աղա Սիմկոյի, Իսմայիլ աղա Քարդարի, Օմար աղայի, Թեմիր Զանդոյի և այլոց դեմ⁵²⁷, որոնք փնտրում էին ռուսական հովանավորությունը։

Ստամբուլն աշխատում էր համոզել Վանի անգլիական և ֆրանսիական փոխ-հյուպատոսներին, որ Սիմկոն գործում է բացառապես ռուսների թելադրանքով և հանգիստանում է Սևրայի շրջակայքում կողոպուտների նախաձեռնուղը։ Անգլիական փոխ-հյուպատոս կապիտան Սիլը այդ առթիվ նույնիսկ խոսակցություն ունեցավ ռուսական փոխ-հյուպատոսի հետ։ Օլֆերը զարմանք հայտնեց, որ կապիտան Սիլը այնքան բիշ տեղեկություններ ունի իր հյուպատոսական իրավասության շրջանում տեղի ունեցող իրա-

⁵²⁶ նույն տեղում։

⁵²⁷ ЦГИА Грyз. ССР, ф. 15, оп. 1, д. 366, лл. 85, 87; ф. 521, д. 572, лл. 1—2, 8—9.

դարձությունների վերաբերյալ և բացատրեց նրան, որ «Միմկո բեկը Քուրբիայի համոզված թշնամին է և թուրքերը կցանկանային, որպեսզի ուսաները պատժեն Սիմկոյին և դրանով իսկ նրան ղինեն իրենց դեմ»⁵²⁸:

Քուրբական կառավարությունը ճնշում էր գործադրում նաև շահական կառավարության վրա, որպեսզի վերջինս ձեռնպահ մնա Սիմկոյին օգնելուց: Թեհրանում թուրքական ղեկավարողը 1912 թ. մայիսին բողոք ներկայացրեց իրանական արտաքին գործերի մինիստրին, շահական կառավարությանը անվանելով երկերեսանի, որովհետև նա «միաժամանակ համաձայնություն է տալիս ստեղծել սահմանադրատիչ հանձնաժողով, իսկ մյուս կողմից Սիմկոյին ղենք է մատակարարում և խրախուսում է նրան թշնամական գործողություններ ծավալել Քուրբիայի դեմ»: Նոտայում Թեհրանը մեղադրվում էր նաև նրանում, որ նա «գործում է Ռուսաստանի թելադրանքով»: Այդ մասին տեղեկացնելով Պոկլեսկի-Կոզելյին, շահական արտաքին գործերի մինիստրը թախանձագին խնդրում էր նրան ազդել ուսական հյուպատոսների վրա, որպեսզի նրանք թուրքերի դեմ շարժեն տեղական բեկերին ու իրանական աստիճանավորներին և դրանով իսկ նոր առիթներ չտան հետագա զավթումների համար»⁵²⁹:

Շուտով պարզվեց, որ Սիմկոյին պատժելու պատրվակի տակ Քուրբիան զորքեր և հրետանի է ուղարկում Ղոթուրի ուղղությամբ՝ այն դրավելու համար⁵³⁰: Հաշվի առնելով այդ վայրի կարևորագույն ստրատեգիական նշանակությունը, Ռուսաստանը և Անգլիան որոշեցին անհապաղ հանդես գալ: 1912 թ. հունիսի 1-ին Բ. Գանը ներկայացվեց նոտա, որի մեջ խիստ տոնով շեղավում էր, որ ռազմական գործողություններ ծավալելով Ղոթուրի շրջանում, Քուրբիան խախտում է Բեռլինի գաշնագիրը: Միաժամանակ Սադոնովը նախազգուշացրեց Պետերբուրգում ղեկավան Քուրբան փաշային, որ Ղոթուրի շրջանում թուրքերի հետագա գործողությունները կստի-

⁵²⁸ «Сводка сведений...», Тифлис, 1912, № 23—24, стр. 7—8.

⁵²⁹ ЦГИА Груз. ССР, ф. 15, д. 365, лл. 73—74.

⁵³⁰ «Сводка сведений...», № 23—24, стр. 6.

պեն ռուսական կառավարութեանը սեփական շահերի պաշտպանութեան համար ձեռնարկել անհրաժեշտ հակամիջոցներ⁵³¹: Իր հերթին շահական կառավարութեանը հրամայեց, որպեսզի անհապաղ Միմկոյին տրամադրվի զենք ու զինամթերք, իսկ Ազրբեջանի զիներալ-նահանգապետ Շոքա-էդ-Գոուլէին ավելց գործողութիւնների ազատութեան թուրքական հարձակողական շարժումը Ղոթուրի վրա արգելակելու նպատակով⁵³²:

Ղոթուրի շրջանում կրելով անհաջողութիւն, Թուրքիան իր ուշադրութիւնը կենտրոնացրեց սահմանի ծայր հյուսիսում գտնվող Մակուի և Ավաջիքի խանութիւնների վրա: Այստեղ թուրքական գործակալութիւնը ծավալեց բուռն հակառուսական ագիտացիա: Բայազեդի փոխ-հյուպատոս Ակիմովիչը տեղեկացնում էր, որ թուրքական պրոպագանդայի հետևանքով Մակուի սարգարը կորցրել է իր ազդեցութիւնը հպատակ քրդերի վրա⁵³³: Մակուում թուրքերը աշխատում էին դաշինք ստեղծել մի կողմից շելչայի և միլյան ցեղերի քրդերի, մյուս կողմից տեղի ազրբեջանական բնակչութեան միջև՝ նրանց Ռուսաստանի դեմ ոտքի հանելու համար: Սակայն այդ փորձերը հաջողութիւն չունեցան, որովհետև ազրբեջանցիները կրկին հրաժարվեցին ծառայել թուրքերին⁵³⁴:

Ստամբուլի հրահանգով թուրքական գործակալութիւնը սկսեց Ռուսաստանի դեմ գրգռել նաև Ազրբեջանի շահսեկն թուրքական ցեղերին⁵³⁵: Շահսեկնյան խոշարեկլլու, սերդարլլու, արալլու, հաջի-խոջեկլլու և մի շարք այլ ցեղեր պանթուրքիստական պրոպագանդայի ազդեցութեան տակ սկսեցին միավորվել և հարձակումներ գործել ռուսական զորքերի վրա: Ռուսների դեմ նրանց պայքարը կազմակերպելու համար Թուրքիայից Ղարաբաղ ժամանեցին ուղ-

⁵³¹ АВПР, ф. «Посольство в Константинополе», 1911—1912, д. 3558, л. 46.

⁵³² ЦГИА Груз. ССР, ф. 15, оп. 1, д. 365, лл. 73—74.

⁵³³ ЦГИА Груз. ССР, ф. 15, оп. 1, д. 366, л. 118.

⁵³⁴ ЦГИА Груз. ССР, ф. 521, д. 572, лл. 2—3.

⁵³⁵ «Մշակ», 25 հուլիսի 1912 թ., էջ 21.

մական հրահանգիչներ⁵³⁶: Գլխավոր շտաբի գեներալ-մայոր իշխան Վաղբույսկին 1912 թ. հունիսին Իրանից հաղորդում էր, որ շահսե-վենները արշավանքի են նախապատրաստվում դեպի Մուղանի տափաստանը. անհաջողության դեպքում նրանք մտադիր են ընդ-միշտ տեղափոխվել Թուրքիա⁵³⁷:

Ստամբուլը կարևոր նշանակություն էր տալիս նաև իրանա-կան ֆիզալիներից պարաիզանական ջոկատներ կազմակերպելու գործին: Այդ նպատակով հատկապես օգտագործվում էին հեղա-փոխության ջախջախումից հետո Թուրքիա փախած ֆիզալիները, որոնք հույս ունեին թուրքական զորքերի օգնությամբ ուսաներին և անգլիացիներին դուրս բշել Իրանից: Ֆիզալիներին հանձնարարված էր զինել Իրանի բնակչությանը, կապեր հաստատել հակառուսա-կան արամադրություններ ունեցող բոլոր ուժերի, հատկապես շահ-սեկենների հետ, և համատեղ ուժերով պայքարել ուսաների դեմ⁵³⁸:

Սակայն, շնայած այս ակներև հաջողություններին, 1912 թ. գարնանը և ամռանը Իրանում թուրքերի համար ստեղծվել էին նաև լուրջ դժվարություններ: Օկուպացիայի ենթարկված շրջանների բնակչության շրջանում հալածանքների, բռնությունների ու կամա-յականությունների բաղաբաղանությունը առաջ էր բերում մասսա-յական հակաթուրքական շարժում:

Թուրքերի դեմ պայքարի էին դուրս գալիս ոչ միայն նրանք, ովքեր հենց սկզբից դժկամությամբ էին կրում օտար լուծք, այլև թուրքոֆիլական արամադրություններ ունեցող քրդական բազմա-թիվ ցեղեր: 1912 թ. ապրիլին Գոլուբինովը Ուրմիայից հայտնում էր, որ «վերջին ժամանակներս քրդերի շրջանում նկատվում է ծայ-րահեղ դժգոհություն թուրքերից, հատկապես Սուլուղզում, որտեղ թուրքերը շարունակում են բռնի ցուցակագրել գյուղերը»⁵³⁹: Դժգո-հության այդ շարժմանը հատկապես մեծ վարկ հաղորդեց օկուպա-ցիոն իշխանությունների կազմակերպած բնակչության մարդահա-

⁵³⁶ ЦГВИА, ф. 2000 с, оп. 1, д. 7707, л. 187; «Тифлисский листок», 1912,

7 июня.

⁵³⁷ ЦГИА Груз. ССР, ф. 521, оп. 2, д. 546, лл. 61—62.

⁵³⁸ ЦГИА Груз. ССР, ф. 15, оп. 1, д. 366, лл. 3—4.

⁵³⁹ ЦГИА Груз. ССР, ф. 15, оп. 1, д. 365, л. 42.

մարը, որը ինչպես նշվել է վերևում, հետապնդում էր ֆիսկալ և
ուղղմա-բաղաբական նպատակներ: Այդ միջոցառումը, որը սովո-
րաբար անց էր կացվում բռնի ճանապարհով, ողջ Իրանական Քրի-
զրատանում տեղի տվեց խորը դժգոհության և հուզումների: Աշի-
րեթալին բրդերը դրա մեջ տեսնում էին իրենց արտոնությունների
դեմ ուղղված ոտնձգություն⁵⁴⁰, իսկ նստակյաց բնակչությունը (ուս-
լաթներ) այն ընդունեց որպես առանց այն էլ ծանր հարկային լծի
ուժեղացում: Այդ պատճառով բրդական զանգվածները սկսեցին
ուժգին գիմադրություն ցույց տալ Թուրքերին, որը հաճախ վեր էր
ածվում զինված ապստամբության: Այսպես, փիրան, մանգուր և
մամաշ ցեղերի բրդերը, որոնք մինչ այդ նեցուկ էին հանդիսանում
Թուրքերին, իրենց առաջնորդներ Բալիզ (Բայազեդ) աղայի, Մո-
համմեդ Նազեի և Համզե Սուլեյմանի գլխավորությամբ հայտարա-
րեցին, որ զենքը ձեռքներին կգիմադրեն Թուրքերին: Սակայն տես-
նելով, որ այդ սպառնալիքը ազդեցություն չգործեց, նրանք կազ-
մեցին 3000-ոց մի ջոկատ և հարձակվեցին Փեսավում մարդահա-
մարը անց կացնող զորամասի վրա և վճռեցին այնտեղից⁵⁴¹:
1912 թ. ամռանը Թուրքերի դեմ բրդական զանգվածների զինված
ելույթներ սկսվեցին նաև Սուլդուզի, Ուշնուի, Կահիջանի և մի շարք
այլ շրջաններում: Այդ շարժմանը ակտիվորեն մասնակցում էին
նաև կարափափախները և տեղական բրիստոնյա բնակչությունը:

Ստամբուլի համար առանձնապես տհաճ երևույթ էր այն, որ
իրանական բրդերի հակաթուրքական ելույթները միահյուսվում
էին Թուրքիայում բնակվող բրդական ցեղերի հակահառավարական
շարժման հետ: Երիտթուրքական կառավարության տազնապներն
ավելի էին ուժեղանում այն պատճառով, որ Իրանական Քրիզատա-
նում Արգուրբեղակը հանդես էր եկել Իրանում և Թուրքիայում բո-
լոր հակաթուրքական ուժերի միավորման և բրդերի համընդհանուր
ապստամբություն բարձրացնելու վերաբերյալ մի սպառնալից ծրա-
գրով: Նույնիսկ տեղեկություններ կային, որ այդ կապակցությամբ
իրանական և Թուրքական բրդերի մեջ տեղի են ունենում զործա-

⁵⁴⁰ Նույն տեղում:

⁵⁴¹ Նույն տեղում, թ. 31:

րար հանդիպումներ⁵⁴²։ Բ. Գոանը հայտնի էր նաև, որ Ռուսաստանը աչալըջորեն հետևում է քրդերի տրամադրություններին, աշխատելով ավելի խորացնել նրանց դժգոհությունը թուրքական կառավարության նկատմամբ⁵⁴³։

Այսպիսով բուն կայսրությունում և Իրանում ծայր առած քրդերի հակաթուրքական շարժումը լուրջ վտանգի տակ էր գնում երիտթուրքական կառավարության քաղաքական ծրագրերն Իրանում։ Այդ պատճառով, որպես առաջին քայլ, Ստամբուլը որոշեց ետ կանգնել օկուպացված շրջաններում մարդահամար անց կացնելու մտադրությունից։ 1912 թ. ամռանը հրամայվեց անհատազ դադարեցնել մարդահամարը, աշխատել վերականգնել քրդերի համակրանքը Թուրքիայի նկատմամբ և ընդհակառակը գրգռել նրանց Ռուսաստանի դեմ⁵⁴⁴։ Թուրքական իշխանությունները իրանական մի շարք ազդեցիկ ցեղապետների առատորեն սկսեցին պարզատրել ամենաբարձր շքանշաններով⁵⁴⁵, Իրանից ետ կանչեցին սահմանային կոմիսար Բեհշեթ բեյին և խոյում փոխ-հյուպատոս Սաադուլլա բեյին, որոնք աչքի էին ընկնում օկուպացված շրջանների բնակչության նկատմամբ իրենց «կոպիտ վերաբերմունքով»⁵⁴⁶ և այլն։

Վախենալով քրդերի համընդհանուր հակակառավարական շարժումից, երիտթուրքական կառավարությունը վերանայեց նաև իր քաղաքականությունը Թուրքիայի քրդերի նկատմամբ, աշխատելով սիրաշահել նրանց։ Այդ նոր քաղաքականության իմաստն այն էր, որ կառավարությունը չզրկվի Իրանում իր ռազմա-քաղաքական նպատակների համար քրդերին օգտագործելու հնարավորությունից և նրանց ծառայեցնի որպես թնդանոթի միս տրիպուլիտանական պատերազմի ճակատներում։

Քրդերին իր կողմը գրավելու նպատակով կառավարությունը

542 АВПР, ф. «Посольство в Константинополе», 1911—1913, д. 3556, л. 106.

543 МЭИ, серия II, т. XIX, ч. II, стр. 493.

544 ЦГВИА, ф. 2000, д. 60, л. 630.

545 ЦГИА Груз. ССР, ф. 15, д. 365, л. 33.

546 «Сводка сведений...», Тифлис, 1912, № 23—24, стр. 22—23.

դիմեց հին ու փորձված մեթոդի՝ սկսեց սրել թշնամանքը նրանց ու հայերի միջև: Կրկին առաջ բաշվեց «վիճելի» հողերի հարցը: Վա- նի, էրզրումի և մի շարք այլ վիլայեթներում սկսվեցին հայերի մասնակի ջարդեր: Երիտթուրքերը ոչ միայն չէին փորձում կանխել այդ ջարդերը, այլև ուժգին սեթեկեթում էին ջարդարար ֆեոդալների հետ⁵⁴⁷: Սկսվեց հայ և ասորի բնակչության խուճապահար փախուստ դեպի Իրան⁵⁴⁸:

Թուրքական կառավարող շրջանների այս բոլոր հնարանքները, սակայն, չէին տալիս ցանկալի արդյունքներ: Իրանի օկուպացված գոտու բնակչության շրջանում ուժեղանում էր հակաթուրքական շարժումը, ինչպես նաև Ռուսաստանի ազդեցության ու կշռի մեծացումը ի հաշիվ Թուրքիայի: Այդ առթիվ ուսական գործիչները դրում էին, որ նախկինում թուրքերի հետ կապված բրդերի մոտ «նկատվում է շրջադարձ Ռուսաստանի կողմից հովանավորվող Պարսկաստանի կողմը: Նրանք խիստ հեռաբերքվում են, թե ար- դյոք ուսաները կվերցնեն բրդերին իրենց հովանավորության տակ թե ոչ»⁵⁴⁹:

Վերոհիշյալ փաստերը վկայում են, որ 1912 թ. ամռանը Թուր- քիայի «իրանական» քաղաքականությունը բնկել էր փակուղու մեջ: Դա, անշուշտ, հանդիսանում էր երիտթուրքական կառավարության ռեակցիոն ներքին քաղաքականության և արկածախնդրական ար- տաբին քաղաքականության ճգնաժամի ցայտուն դրսևորումներից մեկը:

* * *

1912 թ. հուլիսին երիտթուրքերի հակառակորդ «Հյուրբիեթ վե իթթիլյաֆ» («Ազատություն և համաձայնություն») կուսակցությունը իթթիհադականներին հեռացրեց իշխանությունից և կառավար- ման ղեկը վերցրեց իր ձեռքը:

Ռուսաստանը հույս ուներ, որ թուրք-իրանական հարաբերու-

⁵⁴⁷ ЦГИА Груз. ССР, ф. 15, оп. 1, д. 363, лл. 14—15.

⁵⁴⁸ «Сводка сведений...», Тифлис, 1912, № 23—24, стр. 11.

⁵⁴⁹ Նույն տեղում, էջ 31:

Թյունների հարցում այս նոր կառավարությունը կվարի միանգամայն նոր քաղաքականություն: Ղազի Մուհեթար փաշայի կարիքների արտաքին գործերի մինիստր Գարրիել Նորատունկյանի մոտ 1912 թ. հուլիսին տեղի ունեցած առաջին դիվանագիտական ընդունելության ժամանակ Չարիքովը նրան հայտարարում է, որ «ներկայումս միայն երկու հարց են մթազնում մեր փոխադարձ հարաբերությունները. պարսկական սահմանի մոտ Թուրքիայի գործերակերպը և անատոլիական երկաթուղիների հարցը»⁵⁵⁰: Սակայն Չարիքովին, այնուամենայնիվ, այս ընդունելության ժամանակ չհաջողվեց պարզել Թուրքական նոր կառավարության տեսակետը իրանական հարցի վերաբերյալ: Շուտով Չարիքովը ետևանշվեց Պետերբուրգ և նրա փոխարեն Ստամբուլում ղեսպանի պաշտոնում նշանակվեց Գիրսը: Դա Թուրքական մայրաքաղաքում ընկալվեց որպես Ռուսաստանի քաղաքականության շրջադարձ դեպի սպառնալիքների ու ճնշման կուրսը: 1912 թ. օգոստոսի 9-ին նոր ղեսպանը Գարրիել Նորատունկյանին ներկայացրեց նոտա, որտեղ Թուրքական կառավարությունից պահանջում էր անհապաղ դադարեցնել զավթումների քաղաքականությունը Իրանում: Նոտայի արդյունքների մասին Գիրսը Սազոնովին հայտնում էր. «Թեև Նորատունկյանը անձամբ բարենպաստ արտահայտվեց 1848 թ. ստատուա-քվոն վերականգնելու մեր առաջարկի մասին, սակայն, անհրաժեշտ է նկատի ունենալ, որ նրա անձնական դիրքը չի կարելի կայուն համարել. հետևաբար վերջնական համաձայնությունը կախված է Մինիստրների խորհրդից»⁵⁵¹: Գիրսի հետ վարած բանակցությունների ժամանակ Նորատունկյանը հասկացնում էր ղեսպանին, թե որպեսզի Թուրքիան զիջումներ անի իրանական հարցում, անհրաժեշտ է, որ Ռուսաստանի կողմից արվեն տնտեսական բնույթի փոխհատուցումներ⁵⁵²: Այսպիսով Թուրքական արտաքին գործերի մինիստրը սեփական նախաձեռնությամբ փաստորեն ներկայացնում էր կոմպրոմիսային համաձայնության մի նախադիմ:

⁵⁵⁰ АВПР, ф. «Политархив», 1912, д. 1104, лл. 354—355.

⁵⁵¹ АВПР, ф. «Канцелярия МИД», 1912, д. 33, л. 27.

⁵⁵² Նույն տեղում:

Սակայն Մինիստրների խորհուրդը չբաժանեց արտաքին գործերի մինիստրի այս տեսակետը: Ընդհակառակը, շնայած Թուրքիայի ապրած ներքին դժվարություններին և պատերազմում կրած ուղմական խոշոր պարտություններին, իթթիլյաֆիստական կուսակցությունը Իրանում վարած իր քաղաքականությունը ապացուցեց, որ իթթիհհադի նման նա էլ է տողորված հարձակողական նացիոնալիզմով: Դա մեկ անգամ ևս վկայում է այն մասին, որ Թուրքիայի ազրհսիվ դավթողական քաղաքականությունը բխում էր նրա տիրապետող դասակարգերի բուն էությունից:

Բնորոշ է նաև այն, որ մինչև իշխանություն գլուխ անցնելը իթթիլյաֆիստները ևս հրիաթուրքերին վարկաբեկելու նպատակով քննադատում էին նրանց քաղաքականությունը Իրանում: Իթթիհհադականների մոտ բարձր ծառայության մեջ գտնվող մի շարք ծուլուրված իթթիլյաֆիստներ նույնիսկ ուստական իշխանությունների մոտ մերկացրին Իրանում գործող այսպես կոչված «զաղանի թուրքական կառավարության» գործունեությունը⁵⁵³: Ավելին. 1912 թ. մայիսին Օլֆերեի հետ զրույցի ժամանակ երիտթուրքական կոմիտեի ծուլուրված հակառակորդներից մեկը, հրորդ տեսչության պետ Մուշիր Օսման փաշան ամենամասքող ձևով քննադատության ենթարկելով կոմիտեի գործունեությունը անում է մի անսպասելի հայտարարություն, որը ուղղակի աղչեցնում է վանի ուստական փոխ-հյուպատոսին. «Չհավատաք Թուրքիայի քրիստոնյաների և մահմեդականների միջև հղբայրության ու հավասարության մասին մողայիկ խոսքերին: Մենք գեուես շենք հասել գրան: Կրոնը մեր կյանքում գրավում է առաջին տեղը: Ես շեմ խոսում Սալոնիկից այնպիսի պարոնների մասին, ինչպիսին Ջավիդ բեյն ու մյուսներն են: Դրանք Թուրքիայի նկատմամբ սիրո անվան տակ և իրր հանուն նոր զաղափարների, հող են տանում բացառապես այն մասին, որպեսզի իրենց ձեռքում պահեն իշխանությունը և հարստանան ժողովրդի հաշվին: Մենք գտնվում ենք քաղաքական հեղաշրջման նախորդակին: Թուրքական զանդվածը ծայրահեղ համբերատար է, բայց բանն այն է, որ չուրաքանչյուր թուրքի ներսում կուտակվել է

⁵⁵³ «Сводка сведений...», № 23—24, Тифлис, 1912, стр. 1—2.

այնքան շատ դյուրավառ նյութ և ծանր վիրավորանք, որ մտապագայում կարելի է սպասել ժողովրդական զայրույթի լուրջ բռնորդիման: Մենք նախ մահմեդականների ենք և ապա Թուրքեր: Մեր գործունեությունը պետք է գնահատել այդ տեսանկյունից, իսկ ազատության, հղբայրության և հավասարության մասին բոլոր զեղեցիկ բառերը թողնել նրանց, սվքեր չգիտեն Թուրքիան կամ ավելի ճիշտ, որոնք գիտեն միայն Կ. Պոլիսը նրա աշխարհաքաղաքացի հրեաներով»⁵⁵⁴:

Իշխանության ղեկը իր ձևերը վերցնելուց հետո անգլոֆիլ իմֆրիլյաֆիստական կառավարությունը անմիջապես գործարքներ սկսեց Լոնդոնի կաբինետի հետ՝ ի հաշիվ Իրանի և Ռուսաստանի: Այսպես, 1912 թ. ամռանը անգլո-թուրքական բանակցությունների հետևանքով կազմվեց Շաթթ-էլ-Արաբ դեռի մասին համաձայնագրի նախագիծ, որի մասին Գիրսը գրում էր. «Այսպիսով Անգլիայի նոր ելույթի մասին կրկին մեզ հաղորդվում է որպես կատարված փաստի մասին»: Սակայն դա հարցի մի կողմն էր: Կարևորն այն էր, որ Անգլիան այդ կենվհեցիայի շնորհիվ ստանում էր Շաթթ-էլ-Արաբի նկատմամբ փաստական հսկողության իրավունք: Գրա հետևանքով էսպես փոխվում էր նաև Կարուն դեռի միջազգային ստատուսը: Այլ կերպ ասած, Անգլիան փաստորեն իր ազդեցության գոտու մեջ էր ընդգրկում Իրանի ողջ հարավ-արևմտյան մասը՝ Ռուսաստանի հաշվին ընդարձակելով 1907 թ. համաձայնագրով իրեն հատկացված գոտին»⁵⁵⁵: Բացի այդ, իրենց շահերը Իրանի հարավում ապահովելու համար, անգլիացիները իմֆրիլյաֆիստական կառավարությանը խոստանում էին զանազան զիջումներ ռուսական դատում: Այսպես, Մոհամմեդերայի ստատուս-քվոյի փոխարեն Լոնդոնը խոստացավ որոշակի զիջումներ հաջողեցնել Ձոհարի շրջանում:

Գիրսին հայտնի էր դարձել, որ Ֆորին Օֆիսը մտադիր է Թուրքիայի հետ իր բանակցություններն ավարտել մինչև իրանա-թուրքական սահմանային վեճի հարցը Հաագայի միջազգային տրիբու-

⁵⁵⁴ Նույն տեղում, թ. 3—4:

⁵⁵⁵ АВПР, ф. «Канцелярия МИД», 1912, д. 33, лл. 142—143.

նալ փոխադրելը, որը բոլորովին ձեռնտու չէր Ռուսաստանին⁵⁵⁶։ Յարական դիվանագիտությանը առանձնապես վրդովեց այն լուրը, ըստ որի բրիտանական կառավարությունը պատրաստվում էր ճրնշում գործադրել շահական կառավարության և Մոհամմերալի շեյխի վրա, որպեսզի նրանք ճանաչեն Թուրքիայի գերիշխանությունը Շաբթ-էլ-Արաբի ամբողջ հոսանքի նկատմամբ⁵⁵⁷։

Անդրազանալով բրիտանական կառավարության վերոհիշյալ գործելակերպին, որը, ի դեպ, ռուսական դիվանագիտությունը դնահատեց որպես «դաշնակցային պարտք» խախտում, արտաքին գործերի մինիստրության ժամանակավոր կառավարիչ Ներատովին գրած գաղտնի հաղորդագրություններից մեկում Գիրսը պահանջում էր ձեռնարկել այնպիսի միջոցառումներ, որոնք արգելեին Անգլիային Իրանի և Ռուսաստանի հաշվին Թուրքիայի հետ գործարքների մեջ մտնել։ «Ցանկալի կլիներ,—գրում էր Գիրսը,—որպեսզի Անգլիայի կողմից ձեռք բերվող առավելությունները չզվեին Պարսկաստանի հաշվին զիջումների գնով, մանավանդ այնպիսի շրջաններում, որոնք հարակից են ռուսական ազդեցության գոտուն կամ ուղղակի մտնում են նրա մեջ»⁵⁵⁸։

Այս բոլորից Պետերբուրգը դեռ ուշքի չէր եկել, երբ բրիտանական կառավարությունը նրան կարծիք հայտնեց, որ թուրք-իրանական սահմանային վեճը լուծելու համար, ըստ երևույթին, անհրաժեշտ է, որ Իրանը դատարկի Զոհաբի տերիտորիան և զուրս գա այնտեղից⁵⁵⁹։

Անգլիական կառավարության այս քաղաքականությունը ուղղակի թևավորեց իթթիլյաֆիստական կառավարությանը և մղեց նրան դեպի Իրան։ 1912 թ. օգոստոսին Թուրքիան պատրաստվում էր օկուպացնելու Զոհաբը և զորքեր մտցնելու Քերմանշահի նահանգը։ Այդ մտադրությունը իրադրոծելու համար Բ. Գուլը սկսեց

⁵⁵⁶ Նույն տեղում, Բ. 143 (տե՛ս Գիրսի 1912 թ. օգոստոսի 3/16-ի № 573 գաղտնի հեռագիրը)։

⁵⁵⁷ МОЭИ, серия II, т. XX, ч. II, стр. 28.

⁵⁵⁸ АВПР, ф. «Канцелярия МИД», 1912, д. 33, лл. 142—142 об.

⁵⁵⁹ МОЭИ, серия II, т. XX, ч. II, стр. 51—52, 66 (տե՛ս ներառովի 1912 թ. օգոստոսի 10-ի հեռագիրը Գիրսին)։

որոնել տարբեր պատրվակներ: Վերջապես հայտարարվեց շահահան կառավարությունը, որ, եթե 15 օրվա ընթացքում չվերականգնվի առևտրական քարավանների շարժումը հանեկին—Քերմանշահ ճանապարհի վրա, Թուրքիան «ստիպված կլինի զորքեր մացնել Քերմանշահի նահանգը»: Այս հայտարարությունը Թեհրանում մեծ տագնապ առաջացրեց: Կառավարությունը կարգադրեց Ֆարման Ֆարմային անհապաղ ձեռնարկել միջոցառումներ հանեկին—Քերմանշահ ճանապարհի վրա կողոպուտները դադարեցնելու և առևտրական շարժումը վերականգնելու համար, որպեսզի պատրվակ չտրվի Թուրքիային զավթել Իրանի համար խոշոր ռազմագիտական նշանակություն ունեցող վերոհիշյալ տերիտորիաները⁵⁶⁰: Սակայն, չնայած դրան, սկսվեցին թուրքական զլխավոր շտաբը 12-րդ կորպուսի կազմից մի ուժեղ ջոկատ ուղարկեց Ուրմիայի շրջան: Զորքեր ուղարկվեցին նաև Զոհար, Մերգեևի⁵⁶¹, Ինչպես նաև Մակուի և Ավաջիքի խանությունների ուղղությամբ⁵⁶²:

Գիրսը գտնում էր, որ հակառակ իր ներքին ծանր վիճակին իթթիլյաֆիստական կառավարությունը դիմում է այդ քայլին, որպեսզի բացառի սահմանային հարցում Ռուսաստանի ձեռնումը Բ. Դռան վրա⁵⁶³: Դրան հակազդելու նպատակով նա առաջարկում էր ուժեղացնել խոյի սուսական ջոկատը և թույլ շտալ թուրքերին վերոհիշյալ շրջաններում ձեռք բերել զորքերի քանակական դերակրճություն⁵⁶⁴: Գուլուբինովը պաշտպանեց դեսպանի առաջարկը, ավելացնելով, որ անհրաժեշտ է անհապաղ գրավել Զինդեշտը, Գավրլյանը, Բարանդուզը և Դիզե-Թեքեն թուրքական զորքերի հետագա առաջխաղացումը կանխելու համար⁵⁶⁵: Իսկ խոյի փոխ-հյուպատոս Զիրկովը դիմեց Թիֆլիսի իշխանություններին, որպեսզի ամենակարճ ժամկետում Մակուում նշանակվի արտաքին գործերի մինիստրության ներկայացուցիչ, որն իր տրամադրության տակ ունենա բավարար

⁵⁶⁰ Նույն տեղում:

⁵⁶¹ АВПР, ф. «Канцелярия МИД», 1912, д. 33, л. 221.

⁵⁶² ЦГИА Груз. ССР, ф. 15, оп. 1, д. 363, лл. 24, 35.

⁵⁶³ АВПР, ф. «Канцелярия МИД», 1912, д. 33, л. 185.

⁵⁶⁴ МОЭИ, серия II, т. XX, ч. II, стр. 159.

⁵⁶⁵ ЦГИА Груз. ССР, ф. 15, оп. 1, д. 363, л. 7.

չափով զինված ուժեր՝ Ռուսաստանի հարևան խանությունում թուրքական զորքերի զավթումները խափանելու համար: Իր հերթին փոխարքան կառավարությունից կտրուկ պահանջում էր անհապաղ զորքեր ուղարկել Մակու⁵⁶⁶: Սակայն արտաքին գործերի մինիստրությունում առարկեցին այդ պահանջի դեմ: Վորսնցով-Գաշկովին ուղղված 1912 թ. սեպտեմբերի 21-ի զաղանագրված հեռագրում ներատուրք գրում էր. «Ներկա պայմաններում մեր կողմից Մակուի գրավումը անխուսափելիորեն կմեկնարանվի որպես սպառնալիք Թուրքիայի հասցեին, որը բոլորովին չէր համապատասխանի մեր խաղաղասիրական քաղաքականությանը Բալկանյան հարցում: Այդ պատճառով շարունակում ենք պնդել ներկայումս Մակուն գրավելու անժամանակ լինելու մասին»⁵⁶⁷: Իր այդ դիրեկտիվը ավելի ծանրակշիռ դարձնելու համար ներատուրք վկայակոչում էր նաև Մինիստրների խորհրդի նախագահին, հայտնելով, որ նա ևս անհրաժեշտ է համարում ձեռնպահ մնալ վճռական գործողությունների դիմելուց, մինչև իրադարձությունների մեջ որոշ պարզություն մտնելը⁵⁶⁸: Սա, անշուշտ, վկայում էր այն մասին, որ Պետերբուրգը շարունակում էր իր անվճռական ու վարանոտ դիմը Իրանում Թուրքիայի նվաճողական քաղաքականության նկատմամբ: Գիրսին ուղղված հեռագրում արտաքին գործերի մինիստրության ավագ խորհրդական Արգիրպուլուն հայտնում էր, որ Իրանում ռուսական զինվորական իշխանություններին խորհուրդ է արվելու ամեն կերպ խուսափել թուրքերի հետ բախումներից: Հեռագրում միաժամանակ կարգադրվում էր սահմանափակվել Բ. Գոան առջև դիվանագիտական առաջադրությամբ, հատկապես նրա ուշադրությունը դարձնելով զորքերի նոր համալրումների ուղարկման փաստի վրա Ուրմիայի շրջան⁵⁶⁹: Այդ հրահանգի համաձայն սեպտեմբերի 17-ին Գիրսը նոտա ներկայացրեց Գարրիել Նորատունկյանին, պահանջելով Ուրմիայից, Մերզկերից և այլն անհապաղ դուրս բերել նոր ուղարկված շոկատները⁵⁷⁰: Հաջորդ օրը Նորատունկյանի հետ գրույ-

⁵⁶⁶ МОЭИ, серия II, т. XX, ч. II, стр. 367.

⁵⁶⁷ ЦГИА Груз. ССР, ф. 15, д. 363, л. 19.

⁵⁶⁸ Նույն տեղում, Բ. 20:

⁵⁶⁹ МОЭИ, серия II, т. XX, ч. II, стр. 188.

⁵⁷⁰ АВПР, ф. «Канцелярия МИД», 1912, д. 33, л. 208.

ցի ժամանակ, Թուրքական արտաքին գործերի մինիստրի վրա կրկնակի ճնշում գործադրելու նպատակով, Գիրսը սեփական նախաձեռնությունով պահանջեց, որպեսզի ուսական կառավարության 1912 թ. օգոստոսի 9-ի նոտայի համաձայն Բ. Գուլը շուտափույթ լուծի նաև Թուրք-իրանական սահմանային հարցը: Գաբրիել նորատունկյանը պատասխանում է, որ Մինիստրների խորհուրդը ղեռնաչի հասցրել քննարկել այդ հարցը և խոստանում է քննարկումից անմիջապես հետո հայտնել արդյունքների մասին: Դրան նա ավելացնում է, որ հարցը Ռուսաստանի ցանկացած իմաստով լուծելու համար խնդրում է ուսական կառավարության օգնությունը: Զարդացնելով այդ միաբը Թուրքական արտաքին գործերի մինիստրը հայտնում է, որ ինքը վերոհիշյալ հարցի լուծման գրավականը տեսնում է տնտեսական զիջումների մեջ: Կոնկրետ նա պահանջում է, որ մեծ պետությունները համանվտուպական իրավունքի հիմունքներով առևտրական պայմանագրեր կնքեն Թուրքիայի հետ, նրան տան տնտեսական ազատ գործունեության հնարավորություն, որը մինիստրի արտահայտությամբ «աչնքան անհրաժեշտ է Թուրքիայի հետագա բարձունեության համար»: Այնուհետև նա շարունակում է, որ Եռյակ դաշինքի երկրները՝ Ավստրո-Հունգարիան, Գերմանիան և Իտալիան այդ առթիվ Թուրքիայի հետ եկել են, կամ համարյա եկել են որոշակի համաձայնության՝ կնքելով մի շարք պայմանագրեր. հետևաբար մնում է ստանալ միայն Եռյակ համաձայնության երկրների սկզբունքային համաձայնությունը: Թուրքիան չափազանց պարտավորված կլինի Ռուսաստանին, և թե վերջինս ընդառաջեր նրա այդ ցանկությունը:

Գիրսը պատասխանում է, որ մինիստրի հայտարարության բովանդակությունը կհայտնի ուր հարկն է, սակայն, անձամբ ինքը չի կարող համաձայնվել այն բանի հետ, որ Թուրքիայի տնտեսական գործունեության ազատության հարցը կապվում է Թուրք-իրանական սահմանային հարցի հետ⁵⁷¹:

Այսպիսով, Թուրքական արտաքին գործերի մինիստրը, ամենայն հավանականությամբ ոչ առանց Մինիստրների խորհրդի հա-

⁵⁷¹ МОЭИ, серия II, т. XX, ч. II, стр. 228.

մաձայնության, որոշել էր իրանական հարցը առիթ ծառայեցնել Եռյակ համաձայնության երկրներից, և առաջին հերթին՝ Ռուսաստանից, սնտեսական օգուտների կորզելու համար: Ընդ որում, այդ նպատակին հասնելու համար Բ. Գուլը աշխատում էր օգտվել Անտանտի երկրների հակասություններից: Գիրսը, օրինակ, հաղորդում էր Ներատովին, որ Թուրքիայում ֆրանսիական ներկայացուցիչները արդեն փորձեր են կատարում սնտեսական ընագավառում ինչ-որ համաձայնության դալ Բ. Գուան հետ, հետևաբար, զգուշացնում էր նա, Ռուսաստանի համար ձեռնառու է Թուրքիային սկզբունքորեն ընդառաջել այն պահին, երբ դեռևս հնարավոր է նրանից սպասել օգուտներ, հակառակ դեպքում, այդ հարցի առթիվ մյուս երկրների հետ համաձայնության գալուց հետո Ռուսաստանը ակամայից ստիպված կլինի տալ իր համաձայնությունը, միանգամայն «էժան վաճառելով այն և շատանալով ոչ մի բարոյական օգուտ»⁵⁷²:

Մյուս կողմից, Ռուսաստանի վարանոտ քաղաքականությունը Թուրքիայի հանդեպ և Իրանում անդր-ոտսական հակամարտությունը հնարավորություն էին տալիս իթթիլյաֆիստական կառավարությանը «իրանական հարցում» գործել ավելի համարձակորեն: Ստամբուլին հաջողվեց ուսանների դեմ պայքարի մեջ ներքաշել իրանական քրդերին, որոնք երիտթուրքական կառավարության տապալումից հետո միառժամանակ խաղաղվել էին: Իթթիլյաֆիստական կառավարության հյուպատոսները քրդական ֆեոդալներին տվեցին «գործողությունների լրիվ ազատություն»: Վերջիններս իրենց ջոկատներով կրկին դուրս եկան ասպարեզ, սկսեցին քանդել հեռագրական գծերը, կողոպտել առևտրական քարավանները, հարձակվել քրիստոնյա բնակչություն ունեցող գյուղերի վրա և այլն⁵⁷³: Գնալով հաճախակի էին դառնում նաև մի շարք ցեղերի հակառուսական զինված կուլմիները: Ռուսական ջոկատները ստիպված էին Իրանական Քրդստանում զենքի ուժով «խաղաղեցնել» քրդերին:

Իթթիլյաֆիստական կառավարությունը ձախողեց նաև իրանա-թուրքական սահմանային հանձնաժողովի աշխատանքները,

⁵⁷² Նույն տեղում, էջ 227—228:

⁵⁷³ ЦГИА Грyз. ССР, ф. 15, д. 363, л. 4.

որոնք սկսվել էին դեռևս 1912 թ. մարտի 12-ին Ստամբուլում: Բ. Գուլը միտումնավոր օբստրուկցիայի էր ենթարկում սահմանային հանձնաժողովի աշխատանքները⁵⁷⁴, որպեսզի զորքը հանձնվի Հատաղայի միջազգային արիբուճալի քննարկմանը: Գա առաջին հերթին հարված էր հասցնում Ռուսաստանի շահերին, որովհետև թուրքական զավթումների գոտին ընդգրկում էր 1907 թ. անգլո-ռուսական համաձայնագրով բաժանված ռուսական ազդեցության շրջանները: Այդ պատճառով 1912 թ. սեպտեմբերի 24-ին Սազոնովը Գրեյին ուղղեց մի հուշագիր, որի մեջ մասնավորապես ասվում էր. «Եթե թուրքիային հաջողվի անեքսիայի ենթարկել ներկայիս իր օկուպացրած վայրերը Խոյի, Սալմաստի, Ուրմիայի, Սուլդուզի և Սոուջբուլաղի շրջաններում, ապա Ռուսաստանը ստիպված կլինի օկուպացնել Ադրբեջանի մի մասը, մասնավորապես՝ Մակուի, Ղոթուրի, Խոյի շրջանները և հնարավոր է նույնիսկ, Մարաղան, մինչև որ Պարսկաստանը իր տրամադրության տակ ունենա բավարարչափով զինված ուժեր, որպեսզի պաշտպանի իր տիրապետությունները թուրքական ագրեսիայից և ապահովի իր շեղբուխությունը»⁵⁷⁵:

Այս հուշագիրը լրջորեն անհանգստացրեց Ֆորին Օֆիսի ղեկավարներին, որովհետև նրանց կարծիքով դա առիթ կհանդիսանար, որ Ռուսաստանը անեքսիայի ենթարկի ողջ Իրանական Ադրբեջանը: Այդ պատճառով պատասխան հուշագրում Գրեյը համոզում էր, որ թուրքերը հակված են զիջումներ կատարելու, հետևաբար անհրաժեշտություն չկա դիմել նման քայլերի⁵⁷⁶: Միաժամանակ բրիտանական կառավարությունը սկսեց ճնշում գործադրել իթթիլյաֆիստական կառավարության վրա, պահանջելով սահմանափակել իր ախորժակը Իրանում:

Գերմանիան ուշի-ուշով հետևում էր թուրքական նոր կառավարության քաղաքականությանը Իրանում, միևնույն ժամանակ շարունակելով ռազմա-հետախուզական տեղեկությունների հավա-

⁵⁷⁴ «Материалы по изучению Востока», вып. II, стр. 135.

⁵⁷⁵ МОЭИ, серия II, т. XX, ч. II, стр. 254.

⁵⁷⁶ „British documents on the origins of the war“, 1898—1914, vol. 9, p. 1, p. 768.

քումը Իրանի և Անդրկովկասի վերաբերյալ: Իրանական Քրդստանում և Ադրբեյջանում 1912 թ. ամռանը ակտիվ հետախուզական գործունեություն էին ծավալել հատկապես դերմանական գլխավոր շտաբի սպաներ կոմս ֆոն Վեստարներ և Էռնստ Լանգեն: Սրանք մեծ հետաքրքրություն էին ցուցաբերում Թուրքիայից իրանական սահմանը աանող ճանապարհների և Իրանից Անդրկովկաս և Հյուսիսային Կովկաս զնացող ստրատեգիական հաղորդակցական գծերի նկատմամբ⁵⁷⁷: Հատկանշական է, որ Իրանական Քրդստանում սրանց հայտնվելուց հետո այնտեղ տեղի ունեցան մի շարք քրդական ելույթներ ռուսական զորքերի դեմ⁵⁷⁸: Դա անշուշտ վկայում էր այն մասին, որ դերմանական հետախուզությունը հանձնարարված էր Իրանում Ռուսաստանի դեմ հրահրել շարժում միանգամայն ինքնուրույն կերպով, առանց Թուրքիայի աջակցության, որովհետև անգլոֆիլ իթթիլյաֆիստական կառավարությունը հակված էր Իրանում համագործակցել բացառապես Մեծ Բրիտանիայի հետ: Սակայն, մյուս կողմից պետք է նշել, որ Գերմանիայի վերոհիշյալ քաղաքականությունը հնարավորություններ էր ստեղծում դերմանական կառավարության և իթթիլյաֆիստների համագործակցության համար ավյալ հարցում շահերի միասնության հիմքի վրա:

* * *

1912 թ. հոկտեմբերի 15-ին Իտալիայի և Օսմանյան կայսրության միջև կնքվեց գաղտնի նախնական պայմանագիր, իսկ երեք օր անց կոչանում ստորագրվեց խաղաղության պայմանագիր, որով Թուրքիան կորցնում էր Տրիպոլիտանիան և Կիրենաիկան:

Իտալո-թուրքական խաղաղության պայմանագրի ստորագրման օրը, 1912 թ. հոկտեմբերի 18-ին սկսվեց Բալկանյան պատերազմը: Բուլղարիան, Հունաստանը, Սերբիան և Չեռնոգորիան զինված պայքարի դուրս եկան Օսմանյան կայսրությունից անշատվելու և լրիվ քաղաքական ինքնուրույնություն ձևք բերելու համար:

⁵⁷⁷ ЦГИА Грyз. ССР, ф. 366, л. 12.

⁵⁷⁸ Նույն տեղում, քթ. 14—16:

Թուրքիայի համար ստեղծվեց արտաքին բաղադրական շահագանջ ծանր վիճակ: Այլրանիայում տեղի ունեցած համընդհանուր ապրտամբուլթյան հետևանքով երկրում տապալվեց զարավոր թուրքական լուծը: Աֆրիկայում կայսրութունը կորցրեց իր վերջին տերիտորիաները, բալկանյան ռազմաճակատներում թուրքական զորքերը կրում էին ծանր պարտություններ:

Ստամբուլի կառավարող շրջանները ենթադրում էին, որ օգտուրվելով Թուրքիայի ճգնաժամային վիճակից Ռուսաստանը կհնարձակվի նրա վրա, որպեսզի հեշտացնի բալկանյան պետությունների գործը, թուրքական զորքերին դուրս բերի Իրանից և հնարավորության դեպքում գրավի Արևմտյան Հայաստանը: Այդ պատճառով որոշվեց ինչ գնով էլ լինի կարգավորել վիճելի հարցերը Ռուսաստանի հետ, որպեսզի պատրվակ չտրվի նրան զիմելու վերոհիշյալ քալին: Ստամբուլում հիանալի դիտակցում էին, որ այդ նպատակին հասնելու համար առաջին հերթին անհրաժեշտ է զորքերը դուրս բերել Իրանից: Դա անշուշտ մեծ զոհողություն էր թուրքական կառավարող շրջանների համար, սակայն ստեղծված պայմաններում նրանք այլ ելք չունեին:

1912 թ. հոկտեմբերի 11-ին Գաբրիել Նորատունկյանը հայտարարեց Գիրսին, որ կառավարությունը որոշել է Իրանից դուրս բերել իր զորքերը: Ընդ որում, մինիստրը ավելացրեց, որ հենց որ իրանական կառավարությունը պատրաստ լինի թուրքերից բնզունել գրավված շրջանները, վերջիններս անմիջապես դուրս կգան այնտեղից: Հայտնելով այդ մասին արտաքին գործերի մինիստրությունը, Գիրսը գտնում էր, որ անհրաժեշտ է ներշնչել շահական կառավարությունը, որպեսզի հնարավորին շափ շուտ պաշտոնական հայտարարություն անի վերոհիշյալ բովանդակությամբ⁵⁷⁹:

Հոկտեմբերի 17-ին Պետերբուրգում թուրքական դեսպան Թուրհան փաշան պաշտոնապես հայտարարեց Սազունովին, որ իր կառավարությունը որոշել է զորքերը դուրս բերել «վիճելի» գոտուց մինչև սահմանային այն զիծը, որը գոյություն ուներ 1905 թ.: Դեսպանը միաժամանակ հույս էր հայտնում, որ Ռուսաստանը «վի-

⁵⁷⁹ АВПР, ф. «Канцелярия МИД», 1912, д. 34, л. 229.

ճելի» տերիտորիայի նկատմամբ չի ձեռնարկի արտակարգ ոչ մի միջոցառում⁵⁸⁰, այլ կերպ ասած, չի օկուպացնի այդ տերիտորիան:

Նախքան Իրանից իր զորքերի դուրս բերումը իթթիլյաֆիստական կառավարությունը, այնուամենայնիվ, փորձեց մի շարք զիջումներ կորզել շահական կառավարությունից, այն հաշվով, որ ասպագայում ևս հնարավորություն ունենա միջամտել իրանական դորձերին: Այդ նպատակով 1912 թ. հոկտեմբերի 19-ին Թեհրանում թուրքական ղեկավանը նոտա ներկայացրեց շահական կառավարությանը, որի մեջ գրվում էին հետևյալ պահանջները.

1. էվակուացիայի ենթարկված շրջանները չպետք է գրավվեն օտարերկրյա զորքերի (իմա Ռուսաստանի—Վ. Բ.) կողմից:

2. Շահական կառավարությունը պետք է ներումն շնորհի այն բոլոր իրանահայատակներին, որոնք աջակցություն էին ցույց տալիս թուրքերին:

3. էվակուացված շրջաններում շահական կառավարությունը պետք է հրաշխավորի թուրքահայատակ սուննիթ բնակչության կյանքի և գույքի ապահովումը:

Նոտայում միանգամայն պարզ նշվում էր, որ Բ. Գուլը հնարավոր չի համարում հրաժարվել հատուկ հետաքրքրություն դրսևորելուց իրանական այն տերիտորիաների նկատմամբ, որտեղից էվակուացվելու են իր զորքերը: Այնուհետև ասվում էր, որ շնչած ներկա մոմենտին կայսրության ապրած ցնցումներին, թուրքական կառավարությունը իրեն իրավունք և ուժ է վերապահում չիզելի կապերը Իրանի հետ ունեցած անտեսական և քաղաքական այն շահերից, որոնք ստիպելին թուրքերին իրագործելի գեպի Արևելք շարժվելու իրենց ծրագիրը⁵⁸¹: Նոտայի վերջում շեշտվում էր, որ վերոհիշյալ պահանջները չընդունելու գեպում Բ. Գուլը հնարավոր չի համարում իր զորքերը դուրս բերել Իրանից:

Խոսելով թուրքական կառավարության նոտայի մասին, Խոյի

⁵⁸⁰ АВПР, ф. «Посольство в Константинополе», 1912—1913, д. 3567, л. 18.

⁵⁸¹ ЦГИА Груз. ССР, ф. 15, д. 363, лл. 86—89; «Сводка сведений...», № 40, Тифлис, 1913, стр. 1.

փոխ-հյուպատոս Չիրկովը նկատում էր. «Նման պայմանների բավարարումը հավասարազոր կլիներ թեկուզև անուղղակիորեն ճանաչել Թուրքիայի՝ Հյուսիս-արևմտյան Իրանի ներքին գործերին մասնակցելու իրավունքը, որը կհակասեր մեր ուղղակի շահերին, որոնք ելնում են Անգլիայի հետ կնքած մեր համաձայնագրերից, շտապելով արգեն այն մասին, որ մեզ համար հնարավոր չէ թույլ տալ Թուրքիային ինչ-որ ձևով մասնակցել Ազրբեջանի և պարսկական այգ նահանգի ժողովրդի ճակատագրի տնօրինման գործին: Չնչին չափով իսկ չեմ կասկածում նրանում, որ Ռուսաստանը թույլ չի տա պարսկական իշխանությունների նախանձախնդիր վերաբերմունքը բնակչության մեկ մասի նկատմամբ, ի վնաս մյուսի գույքային շահերի»⁵⁸²: Այնուհետև Չիրկովը պնդում էր, որ Թուրքիայի զավթած հողերը ետ վերադարձնելու համար Ռուսաստանը ավել է մեծ զոհողություններ, հետևաբար «այս դժբախտությունների մեղավորների հետ վարվելու իրավունքը վերապահվում է սուսներին, այլ ոչ թե շահական կառավարությունը և նրա նահանգական օրգաններին, որոնք լրիվ դրսևորեցին իրենց պետական անզորությունը»⁵⁸³:

Սակայն ցարական դիվանագետների առարկությունները թուրքական նոտայի պայմանների վերաբերյալ չընդունվեցին Թնհ-րանի կողմից: Շահական կառավարությունը անվերապահորեն ընդունեց Ստամբուլի ներկայացրած բոլոր պայմանները, որից հետո սկսվեց թուրքական զորքերի էվակուացիան:

Իրանական տերիտորիայից հեռանալիս օկուպացիոն իշխանությունները աշխատում էին քրդերին զրգուկ ոռոսների դեմ, համոզելով նրանց, որ վերջիններս ավերածության կենթարկեն իրենց բնակավայրերը: Սակայն այգ պրոպագանդան հաջողություն չունեցավ: Ընդհակառակը, թուրքական զորքերի հեռացումը Իրանից վերին աստիճանի վարկաբեկեց Օսմանյան կայսրությանը տեղական բնակչության, հատկապես քրդերի աչքում: Վերջիններս մինչև իսկ հրաժարվեցին թուրքական զորքերին տրամադրել փոխադրա-

⁵⁸² ЦГИА Грyз. ССР, ф. 15, д. 363, лл. 82—83.

⁵⁸³ Նույն տեղում:

միջոցներ⁵⁸⁴: Օկուպացիոն իշխանությունները նույնիսկ վախենում էին, որ Իրանում իրենց դեմ կսկսվի քրդերի համընդհանուր ապստամբություն Իսմայիլ աղա Սիմկոյի և Սևյիդ Քահայի գլխավորությամբ⁵⁸⁵:

Վիճելի գոտու բնակչության աչքում Ռուսաստանը հանդիսանում էր դրություն տերը և այդ պատճառով քրդական մի շարք ցեղեր՝ բեկզադե, խարբի, զերզա, մամաշ և այլն, իրենց հնազանդությունը հայտնեցին ուսաներին և իրանական կառավարությանը⁵⁸⁶:

Բ. Դուան վճիռը իրանական անրիտությունից զորքերի դուրս բերման մասին չափազանց մեծ զծղոհություններ էր ցուցնում, և իրանական սահմանային իշխանությունները, զավթումների քաղաքականության ակնազար գործիչները և էքստրեմիստական արամադություններ ունեցող զինվորականությունը: Ընդ որում, երիտթուրքական գործիչները աշխատում էին այս միջադեպը առիթ ժառանգել իթթիլյաֆիստներին վարկարկելու համար: Այսպես, երիտթուրքական կարբինտի ֆինանսների մինիստր Ջավիդ բեյը Ջարիր փաշայի հետ զրույցի ընթացքում սպառնալից տոնով հայտարարում է. «Թեկուզ միայն վիճելի գոտուց զորքերի հեռացման ցանկալի լինելու մասին մաքի համար ձեզ պետք է աքսորել Արաբիա: Եթե կարհնտը խանգարի մինչև վերջ հասցնել մեր գործը Պարսկաստանում, ժողովուրդը կդատի մինիստրներին որպես դավաճանների: Պարսկաստանը շատ ավելի կարևոր է մեզ համար, քան ողջ եվրոպական Թուրքիան»⁵⁸⁷:

Երիտթուրքական մի այլ գործիչ, Ուրմիայի նախկին հյուպատոս Սաադի բեյը խոչում ուսական հյուպատոս Ջիրկովի հետ զրույցի ժամանակ բացահայտորեն գրեւորելով իր զծղոհությունը իթթիլյաֆիստական կառավարության նկատմամբ հայտարարում է. «Պարսկաստանից նահանջելը ավելի ամոթալի է, քան Սալոնիկի կապիտուլյացիան: Ռումելիում մեր գործը վաղուց պարտված էր և

⁵⁸⁴ «Сводка сведений...», 1912, № 34, стр. 31.

⁵⁸⁵ նույն տեղում, էջ 32:

⁵⁸⁶ «Сводка сведений...», 1912, № 39, стр. 44; ЦГИА Груз. ССР, ф. 15, д. 363, л. 81.

⁵⁸⁷ «Сводка сведений...», 1913, № 37, стр. 21.

միայն մեր ղեկավարների անշարժությունը այն հասցրեց խայտա-
ռակ կատասարոֆայի, իսկ այսակզ մենք դեռ նոր էինք սկսել գոր-
ծել ոչ առանց հաջողության, և արդեն ստիպված ենք փախչել:
Եթե մեր հայրենիքին հրեհից հաջողվի հավաքել իր ուժերը մեր
ապրած փորձությունից հետո, ապա ազգը, հավանական է, իր մեջ
կգտնի արիություն հաշտվելու բալկանյան ջարդի հետ, սակայն
նա չի ների ներկայիս կառավարությանը մեր հավատակից Պարս-
կաստանից նահանջելու համար»⁵⁸⁸:

Թուրքական կառավարությունը և հատկապես երիտթուրքա-
կան գործիչները Իրանում զավթողական քաղաքականության ձա-
խողման պատճառը համարում էին Ռուսաստանին: «Ամբողջ մահ-
մեղական աշխարհը հասկանում է, որ մի կողմից մեզ նեղում է
Ռուսաստանը, իսկ մյուս կողմից հարվածում են նրա զավակներն
ու աշակերտները», — հայտարարում է Սաադի բեյը Չիրկովին⁵⁸⁹:
Ընդհանրացնելով այդ տեսակետները վերջինս գրում էր. «Թուր-
քերի համար պարզ է, որ պարսկական սահմանում Թուրքիայի առ-
ջև կանգնած է ոչ թե թուլացած և պետության կերպարանքը կոր-
ցրած Իրանը, այլ Ռուսաստանը: Այդ պատճառով զժվար թե թուր-
քերը չմտածեն ապագայում հաշիվ մաքրել մեզ հետ»⁵⁹⁰:

Թուրքական զորքերի էվակուացիան ավարտվեց 1912 թ. նո-
յեմբերի 10-ին⁵⁹¹:

Կրկին վերականգնվեց իրանա-թուրքական սահմանի 1905 թ.
դրություն ունեցած դիժր:

Իրանական տերիտորիայից թուրքական զորքերի հեռանալուց
հետո Ռուսաստանի համար առաջնակարգ նշանակություն ունեցող
հարց դարձավ սահմանների պահպանության խնդիրը: Ռուսաստա-
նը ցանկանում էր ամուր պատնեշ ստեղծել Թուրքիայի դեմ, ապա-
գայում սահմանամերձ գոտու անվտանգությունը ապահովելու հա-
մար:

⁵⁸⁸ ЦГИА Груз. ССР, ф. 15, д. 363, лл. 80—81.

⁵⁸⁹ Նույն տեղում:

⁵⁹⁰ Նույն տեղում:

⁵⁹¹ «Сводка сведений...», 1912, № 34, стр. 31.

Իրանական կառավարությունը անմիջապես հայտարարեց, որ սահմանների պահպանության գործը ամբողջապես կվերցնի իր վրա, նախկին օկուպացված տերիտորիայում կվերականգնի իր վարչությունը, բաց կանի մաքսատներ և այլն⁵⁰²։ Միանգամայն ակնհերև էր, որ շահական կառավարությունը հրկյուղ էր տածում, որ սահմանների պաշտպանության պատրվակի տակ Ռուսաստանը կարող է օկուպացիայի ենթարկել ողջ Իրանական Ազրբեջանը և Քրդստանը։ Այդ պատճառով նա մտադիր էր կանխել Ռուսաստանի այդ փորձերը։ Սակայն հարցը այն էր, որ շահական կառավարությունը իր տրամադրության տակ շունի հիշյալ խնդիրը իրականացնելու համար անհրաժեշտ միջոցներ։ Սևիահոգարը թեև կառավարությունը խոստացավ սահման ուղարկել զինված ուժեր, սակայն, նա փաստորին բանակ շունի և չէր կարող կարճ ժամանակամիջոցում հավաքել։ Հետագայում պարզվեց, որ նա իր խոստումը տվել էր կառավարությունից փող կորզելու միտումով։ Այսպիսով, առաջին և ամենակարևոր խնդիրը՝ իրանական զինված ուժերի կողմից սահմանները պահպանելու հարցը մնաց չլուծված։ Չհաջողվեց նաև անմիջապես բաց անել մաքսատներ, որովհետև մաքսանենգային առևտուրը, որը խրախուսում էր Թուրքիան, չափազանց տարածված էր այդ շրջաններում և բնականաբար մաքսային ուժիմ սահմանելու քայլը պետք է հանդիպեր ուժեղ դիմադրության։ Իրանական մաքսատների գլխավոր կառավարիչ Գյումեհի փորձերը՝ մի շարք վայրերում մաքսատներ բաց անելու ուղղությամբ, վերջապես կատարյալ ձախողմամբ, իսկ ինքը՝ Գյումեհն, սպանվեց անհայտ մարդասպանների ձեռքով։

Ռուսական քաղաքական շրջաններում իրանական սահմանների պաշտպանության հարցը քննարկելիս պարզվեց, որ այդ գործի համար իրանական սարբազները չէին կարող պիտանի լինել։ Մյուս կողմից՝ ցարական կառավարությունը Թուրքիայի հետ հարաբերությունները շարելու քաղաքականությունից ելնելով անցանկալի համարեց սուսական զորքերի թափանցումը նախկին Թուր-

⁵⁰² «Сводка сведений...», 1913, № 40, стр. 1; ЦГИА Груз. ССР, ф. 521, д. 603, лл. 24—25.

քական օկուպացիայի գոտին⁵⁹³; 1912 թ. նոյեմբերի հրահանգում Սաղանովը կարգադրում էր Կովկասի փոխարքային՝ շրջավել թուրքերի դատարկած տերիտորիաները, այլ հույժ անհրաժեշտության դեպքում այդ վայրերն ուղարկել ուժեղ զորամասեր և այն էլ միայն հյուպատոսների հետ համաձայնեցնելուց հետո⁵⁹⁴:

Ի վերջո սահմանների պաշտպանության հարցի լուծման առավել նպատակահարմար ձև համարվեց ուսաների մոտ վստահություն վայելող և թուրքերի նկատմամբ իրենց անհաշտ դիրքավորումով հայտնի քրդական առաջնորդների ծառայությունը դիմելը:

1912 թ. վերջին Իսմայիլ աղա Սիմկոն նշանակվեց Սոմալում իրանական վարչության ներկայացուցիչ և սահմանային պահակախմբի պետ, ընդ որում, իրանական զանձարանը իր վրա էր վերցնում նրա ջոկատի պահպանության ծախսերը: Իսկ Ղոթբուրում նույնպիսի պարտականություն դրվեց Սիմկոյի եղբոր՝ Ահմեդ աղայի վրա⁵⁹⁵: նույնանման սահմանապահ ջոկատներ կազմակերպվեցին նաև թուրք-իրանական սահմանի մյուս տեղամասերում⁵⁹⁶:

Ռուսական իշխանությունները համոզված էին, որ սահմանապահ փոքրաթիվ և հաճախ վատ զինված քրդական ջոկատները ի վիճակի չեն թուրքական հարձակման դեպքում ցույց տալ քիչ թե շատ լուրջ դիմադրություն: Հետևաբար նրանց դերը լինելու էր այն, որ ցույց տրվեր իրանական պետական սահմանի առկայությունը և ստիպեր թուրքերին հաշվի նստել դրա հետ: Այդպիսի սահմանապահ ջոկատների առկայության դեպքում իրանական տերիտորիայի անձեռնմխելիության խախտումը թուրքիայի կողմից, Ռուսաստանի կարծիքով, միանգամայն անհնարին կլիներ, որովհետև այն կզիտվեր որպես նրա տերիտորիայի անձեռնմխելիության նկատմամբ ոտնձգության փաստ⁵⁹⁷:

Ցարական զինվորականությունը կովկասյան հրամանատարությանը առաջարկում էր նաև Իրանի սահմանամերձ շրջանների

593 ЦГИА Груз. ССР, ф. 521, л. 101, л. 46.

594 ЦГИА Груз. ССР, ф. 15, л. 363, л. 68.

595 նույն տեղում, թ. 70:

596 ЦГИА Груз. ССР, ф. 521, л. 603, лл. 6—8.

597 ЦГИА Груз. ССР, ф. 521, л. 603, л. 7.

մի շարք ապահով վալրերում ստեղծել զինապահեստներ, թուրքական նոր ներխուժման դեպքում ռուսներին հավատարիմ տեղական բնակչությանը (հատկապես ասորիներին և հայերին) անմիջապես զենք բաժանելու համար⁵⁹⁸;

Օկուպացված շրջաններից թուրքական զորքերի հեռանալուց հետո իրանական վարչությունը մտավ իր իրավունքների մեջ: Դա արտահայտվեց միայն հատուկ եռանդով բնակչությունից մալիաթը գանձելով: Այն գյուղերը, որոնք վերջին հինգ տարիների բնթացքում չէին վճարել պետական հարկերը, պարտավորվեցին անմիջապես վճարել: Ռուսական հյուպատոսների վկայությամբ, իրանական կալվածատերերը աշխատում էին լրացնել թուրքական օկուպացիայի ժամանակ կորցրածը:

Ռուսական զործիչները նախազգուշացնում էին իրենց կառավարությունը, որ իրանական իշխանությունների այդ քաղաքականությունը ոչ միայն պարարտ հող է ստեղծում թուրքական զործակալության պանիսլամիստական պրոպագանդայի ակտիվացման համար, այլև կարող է պատրվակ ծառայել թուրքերի համար իրենց նախկին «հպատակների» իրավունքների պաշտպանության անվան տակ կրկին օկուպացնելու իրանական սահմանամերձ տերիտորիաները: Այդ պատճառով նրանք պահանջում էին վճռական միջոցառումներ ձեռնարկել շահական իշխանությունների «այդ կործանարար քաղաքականության դեմ», որը կարող էր վտանգի տակ դնել նաև Ռուսաստանի շահերը Իրանական Ազրբեջանում և Քրդղեստանում⁵⁹⁹:

Այս մտավախությունը, անշուշտ, վկայում էր այն մասին, որ Ռուսաստանի քաղաքական շրջաններում դեռևս վստահ չէին, որ Օսմանյան կայսրությունը վերջնականապես հաշտվել է Իրանում իր քաղաքականության պարտության հետ և առաջիկայում փորձ չի կատարի վերադարձնելու կորցրածը: Այդ կասկածները անհիմն չէին, մասնավորապես որ Ստամբուլը 1912 թ. դեկտեմբերից Իրանի

⁵⁹⁸ նույն տեղում:

⁵⁹⁹ «Сводка сведений...», 1913, № 40, стр. 2—6; ЦГИА Груз. ССР, ф. 521, д. 603, лл. 9—10.

Թուրքոֆիլ քրդական առաջնորդներին կրկին սկսեց հրահրել տեղական քրիստոնյա բնակչության և Ռուսաստանի կողմնակից ցեղերի դեմ⁶⁰⁰։ Տեղեկություններ կային, որ որոշ շրջաններում Թուրքական էմիրները ազիտացիա էին մղում իրանական քրդերից Բալկանյան սազմաճակատ կամավորներ ուղարկելու մասին, սազմաճակատի համար հանդանակվում էին զուճարներ⁶⁰¹, մզկիթներում տեղի էին ունենում Թուրքոֆիլական հրատերիկ ելույթներ և այլն⁶⁰²։

⁶⁰⁰ «Сводка сведений...», 1913, № 37, стр. 19.

⁶⁰¹ ЦГИА Груз. ССР, ф. 521, д. 603, лл. 34—35.

⁶⁰² ЦГИА Груз. ССР, ф. 15, д. 372, л. 162.

Գ Լ ՈՒ Խ Չ ՈՐՐՈՐԳ

ԹՈՒՐԳ-ԻՐԱՆԱԿԱՆ ՀԱՐԱԲԵՐՈՒԹՅՈՒՆՆԵՐԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՆԱԽՈՐՅԱԿՆ

Բալկանյան պատերազմում թուրքական զորքերի ծանր պարտությունը, Իրանում ազրեսիվ քաղաքականության կրախը և Թուրքիայի ներքին ճգնաժամի խորացումը վերջնականապես վարկարեկեցին նաև իթթիլյաֆիստական կառավարությանը: Վերջինս ստիպված էր հաշտություն խնդրել բալկանյան դաշնակիցներից: 1912 թ. գեկտեմբերին Բուլղարիայի հետ կնքած գինադագարի հետևանքով Թուրքիան Բուլղարիային զիջեց իր եվրոպական տիրապետությունների նշանակալից մասը, ներառյալ նաև Ադրիանապոլիս քաղաքը: Այս անգամ իթթիլյաֆիստների անհաջողություններից օգտվեցին երիտթուրքերը: 1913 թ. հունվարի 10-ին տեղի ունեցավ պետական հեղաշրջում և իթթիհադը կրկին անցավ իշխանության գլուխ: Էնվերն ու Թալյաթը հույս ունեին Բալկանյան պետությունների դեմ ռազմական գործողությունները վերսուկրելով ինչ-որ շափով կայունացնել իրենց վիճակը: Սակայն այդ փորձը հաջողությամբ չպսակվեց: Թուրքիան ստիպված էր համաձայնություն տալ խաղաղության բանակցություններ սկսելու վերաբերյալ, որոնք ավարտվեցին 1913 թ. մայիսի 30-ին Լոնդոնում կնքված դաշնագրով, ըստ որի Օսմանյան կայսրությունը կորցնում էր համարյա իր բոլոր եվրոպական տիրապետությունները:

Երկրորդ Բալկանյան պատերազմը (1913 թ. հունիս-օգոստոս), որը բռնկվեց Բուլղարիայի և նրա նախկին դաշնակիցների միջև, առաջին պահ հույս ներշնչեց երիտթուրքերին, որ կվերականգնեն

իրենց տերիտորիալ կորուստները: Սակայն այդ հույսը իրականացավ միայն մասնակիորեն: Թուրքիային հաջողվեց ետ ստանալ միայն Ադրիանապոլիսը:

Հունիսի 15-ին իթթիլյաֆիստների կողմից մեծ վեզիր Մահ-մուդ Շեքեթ փաշայի սպանությունից հետո, իթթիհաղը որոշեց այդ միջադեպը առիթ ծառայեցնել իր քաղաքական հակառակորդների հետ հաշվեհարդար տեսնելու համար: Նրան հաջողվեց վերջնականապես ջախջախել իթթիլյաֆիստներին և ամրապնդել իր իշխանությունը: Թուրքիայում հաստատվեց եռապետություն՝ էնվերի, Թալյաթի և Ջեմալի ռազմական ղեկառույթայի ղեկավար:

Օսմանյան կայսրությունում աննախընթաց թափ ստացավ երիտթուրքերի պաշտոնական գաղափարախոսության՝ պանթուրքիզմի պրոպագանդան: Ուժեղացվեց նաև պանիսլամիզմի քարոզչությունը:

Թուրքական կառավարող շրջանները ձգտում էին ունանչի՝ Աֆրիկայում և Բալկաններում իրենց կորցրած տերիտորիաների և իրանում ունեցած «ամոթալի» պարտության համար: Գեռես մինչև Բալկանյան պատերազմի ավարտը, 1913 թ. սկզբներին երիտթուրքական կառավարությունը իրանի սահմանների մի շարք հատվածներում սկսեց կենտրոնացնել զորքեր: Միանգամայն ակնհայտ էր, որ պատերազմի ավարտից հետո Ստամբուլը մտադիր է վերսկսել իր զավթումների քաղաքականությունը Արևելքում: Ցարական ռազմական և ղեկավանագիտական զործիշները ահազանգում էին կառավարությանը, որ Թուրքիան բնավ չի հաշտվել իրանական տերիտորիայից հեռանալու մտքի հետ: Որ հսկայական կորուստներ ունենալով Արևմուտքում, նա անպայման տերիտորիալ փոխհատուցում է փնտրելու իր թույլ հարևանի՝ իրանի հաշվին: Այդ միտքը Չիրկովը ձևակերպում էր հետևյալ կերպ. «...Թուրքիան դեռ ի վիճակի կլինի կենտրոնանալ Անատոլիայում, և եթե օտտոմանյան քաղաքականության ղեկավարները մոտ ապագայում հրաժարվեն կուսակցական արկածախնդրություններից, պետությունը կործանման եզրին հասցրած մոլեռանդությունից և ռազմաշունչ տենչանք-

¹ ЦГИА Груз. ССР, ф. 521, д. 603, лл. 7—8, 29—30.

ներից, ապա Անդրկովկասի և Ադրբեջանի համար մենք նախկինի պես կունենանք մեր նկատմամբ թշնամի հարեան և, հավանաբար, ավելի ուժեղ ու համախմբված, որի ուսական արդյունքներից ազատվելու և իր տերիտորիալ կորուստների համար գավառակից թույլ Պարսկաստանի հաշվին իրեն վարձատրելու ձգտման դեմ մենք ստիպված կլինենք ձեռնարկել շափազանց լուրջ և որոշակի միջոցառումներ»²:

1913 թ. փետրվարից սահմանամերձ իրանական տերիտորիայում թուրքական գործակալությունը եռանդուն գործունեություն ծավալեց տեղական բնակչության շրջանում, հորդորելով նրան՝ շենթարկվել իրանական իշխանություններին և ապստամբել նրանց դեմ³: Քրդական աշիրեթներին առատորեն մատակարարում էին թուրքական զենքով. զենք ու զինամթերք ձևով բերելու նպատակով տեղերում կազմակերպվում էին հանդանակություն և այլն⁴: Այս բոլորն ուղեկցվում էր պանիսլամիստական քարոզչության ուժեղացմամբ: Իրանական Ադրբեջանում պանիսլամիզմի գազափարների պրոպագանդան առավել խոշոր կենտրոն էր հանդիսանում Թավրիզի թուրքական գլխավոր հյուպատոսությունը, որտեղից պանիսլամիզմի ազիտատորները ստանում էին համապատասխան հրահանգներ⁵:

Երիտթուրքական գործակալությունը հատկապես եռանդուն գործունեություն ծավալեց իրանական հասարակայնության հեղափոխականորեն տրամադրված զանգվածներին Ռուսաստանի դեմ ոտքի հանելու համար: Տեղյակ լինելով, որ հեղափոխության ջախջախումից հետո Թուրքիա ու Կովկաս փախած և իրանում ընդհատակային ֆիդայիները դեռ չեն հրաժարվել պայքարը շարունակելու մտքից, երիտթուրքերը սկսեցին «Կոստանդնուպոլսի իրանական հեղափոխական կոմիտեի» և իրենց գործակալության միջոցով Ադրբեջանում մղել ուժեղ ազիտացիա հակառուսական ապստամ-

² ЦГИА Груз. ССР, ф. 15, оп. 1, д. 363, л. 82; д. 372, л. 24.

³ АВПР, ф. «Персидский стол Б», 1913, д. 61, лл. 17, 48; ЦГИА Груз. ССР, ф. 15, д. 372, лл. 163—164.

⁴ АВПР, ф. «Персидский стол Б», 1912—1915, д. 142, л. 6.

⁵ ЦГИА Груз. ССР, ф. 15, оп. 1, д. 372, лл. 20—20 об.

բության վերաբերյալ⁶, իսկ Իրանական Քրդստանում նկատելով Ռուսաստանի նկատմամբ ուժեղացած համակրանքը երիտթուրքերը աշխատում էին հենց սաղմում ոչնչացնել և արգելք հանդիսանալ քրդական զանգվածների մերձեցմանը ռուսների հետ: Այդ նպատակով թուրքական զործակալությունը թշնամական աշխրհների միջև բորբոքում էր վաղեմի արյան վրիժառությունը, կազմակերպում զինված բախումներ, բարձրացնում ու հովանավորում էր որոշ կլանների, նրանց առաջնորդներին տալիս զանազան խոստումներ և, ընդհակառակը, նսեմացնում մյուսներին և այլն⁷:

Մուքրի Քրդստանում թուրքական զործակալները հատկապես ուժգին պայքար ծավալեցին ռուսների հովանավորությունը փնտրող կամ ռուսների հետ համադործակցող տեղական կալվածատերերի դեմ: Սոուջբուլաղի նահանգապետության արևելյան մասի բազմատարատեգիական նկարագրությանը նվիրված կապիտան Մեդիտկրիասկու 1913 թ. օգոստոսի հաշվետվության մեջ նշվում էր, օրինակ, որ տեղական կալվածատերերից շատերը, ցանկանալով պաշտպանվել առավել ուժեղ հարևանների բանություններից, ռուսահպատակների, առավելապես հայերի հետ, կնքում են զործարքներ, վերջիններս դառնում են կալվածքի ձևական վարձակալ, իսկ կալվածքը այնուհետև անցնում է ռուսական հյուպատոսի հովանավորության տակ: «Այդ ճանապարհով,—գրում էր նա,—մի շարք հայեր դառնում են խաներ: Այսպես, օրինակ, ռուսահպատակ Սարկիսովը Սոուջբուլաղում կրում է խանի տիտղոս և հայտնի է Ասատուր խան անունով⁸: Բնական է, որ թուրքերը չէին կարող անտարբեր նայել, թե ինչպես են ամրապնդվում ռուսների դիրքերը Մուքրի Քրդստանում, որտեղ նրանք ունեին առավել ուժեղ ազդեցություն:

Դատելով ցարական դիվանագետների և դինվորականների հաղորդագրություններից, թուրքական ազդեցության քրդական աշխրհ-

⁶ Նույն տեղում, թ. 20:

⁷ АВПР, ф. «Посольство в Константинополе», 1912—1913, д. 3573. л. 229; «Сводка сведений...», 1913, № 47, стр. 4—6, 8.

⁸ ЦГИА Груз. ССР, ф. 521, оп. 9, д. 104, л. 4.

ների շրջանում անհետանալը չէր մնում: «Սոմալի քրդերը, — գրում էր կապիտան Տերլեյկին, — մեր քրդական քաղաքականության նկատմամբ տրամադրված են շափաղանց անվստահորեն»⁹: Նույնիսկ տեղեկություններ կային, որ զաղտնի ժողով գումարելուց հետո քրդական ցեղապետները որոշել են Սաամբուլի Մեջլիս Մեհ-բուզանի (պատգամավորների պալատ) անունով ուղարկել մի «աղերսալից դիմում», որտեղ խնդրում էին իրենց վերցնել թուրքական հովանավորության տակ¹⁰:

Սոմալի և Բարադոսթի քրդերի շրջանում նկատվող պրոթուր-քական տրամադրությունների աշխուժացումը ստիպեցին Իրանում ռուսական զորքերի հրամանատարությունները 1913 թ. դարնանը պատժիչ արշավանք կազմակերպել նրանց դեմ: Այդ ուղմական «զբոսանքը» ուժեղ տպավորություն գործեց քրդերի վրա: Աղդեցիկ անհնազանդ խաներն ու բեկերը անձամբ ներկայացան ռուսական ջոկատի հրամանատար զնդապետ Վեսելովզորովին և զուրանի վրա երգվեցին ալսուհետե հավատարիմ մնալ Ռուսաստանին և նրա դրածո Իսմայիլ աղա Սիմկոյին¹¹:

Սակայն ռուսական հրամանատարությունը գտնում էր, որ այդ երդումը անկեղծ չէ, որ այն թելադրված է զինված ուժի սպառնալիքով և եթե ռուսական զորքերը շամբանան Քրդստանում, ապա առաջին իսկ հնարավորության դեպքում քրդերը դեն կենտեն հնազանդության իրենց դիմակը: Այստեղից պարզ էր, որ ռուսական զորքերի թվի կրճատումը Իրանում անցանկալի էր ու վտանգավոր. ընդհակառակը առաջարկվում էր ռուսական ջոկատներով օկուպացնել ողջ Իրանական Քրդստանը¹²: Այս տեսակետը շատ կրքոտ պաշտպանում էր Իրանում գտնվող ռուսական 21-րդ հետևակային դիվիզիայի հրամանատար զեներալ-լեյտենանտ Յասենսկին, որի կարծիքով այդ միջոցառումը Հյուսիսային և Հյուսիս-արևմտյան Իրանում Ռուսաստանին հնարավորություն կտար ուղմա-ստրա-

⁹ «Сводка сведений...», 1913, № 42, стр. 33.

¹⁰ Նույն տեղում, էջ 34:

¹¹ «Сводка сведений...», 1913, № 38, стр. 25, 42.

¹² Նույն տեղում, էջ 43—44:

տեղիական տեսակետից առավելություն ձևը բերել Քուրբիայի նկատմամբ¹³:

Առհասարակ և՛ Պետերբուրգում և՛ Մտամբուլում պարզորոշ գիտակցում էին, որ ստեղծված պայմաններում ամենակարևորը սահմանամերձ շրջանների քրդերի վրա ազդեցություն ձևը բերելն է: «...ներկայումս քրդական հարցը հասունացել է և նրա՝ այս կամ այն ձևով լուծումից է կախված հարևան երկու մահմեդական պետությունների ճակատագիրը»,—գրում էին ուսական պրակտիկ գործիչները 1913 թ. դարնանը: Այդ իսկ պատճառով Քուրբիայի և Ռուսաստանի միջև սուր պայքար ծավալվեց քրդական զանգվածներին և առանձին ազդեցիկ գործիչներին իրենց կողմը գրավելու համար: Այդ հարցը առաջնակարգ նշանակություն ունեւր Քուրբիայի համար, որովհետև 1913 թ. դարնանը կայսրության արևելյան շրջաններում տեղի էին ունենում բուռն հակակառավարական քրդական հույսներ: Ապրիլ-մայիս ամիսներին, օրինակ, Վան—Սևրայ—Բաշկալայի շրջանում արթուշ (արթոշ) և գրավիան ցեղերի բրդերը կատաղի դինված բախումներ ունեցան կառավարական զորքերի հետ¹⁴: Քրդական ազդեցիկ առաջնորդներ Աբդուրբեզակը, շեյխ Քահան, Հուսեին փաշան և ուրիշներ ուժղին պրոպագանդա էին մղում կառավարության դեմ: Ռեզվանում, Միգիատում, Ջեզիրեում և Տիգրիսի ափերին Յուսուֆ Քյամիլ Բադրխանի գլխավորությամբ քրդերը բարձրացրին հակակառավարական ապստամբություն¹⁵:

Գնալով ազատագրական այդ շարժումներն ընդունում էին վտանգավոր բնույթ, որովհետև Աբդուրբեզակն ու նրա կողմնակիցները աշխատում էին այն միավորել հայ ազատագրական շարժման հետ, որպեսզի կառավարությունը հնարավորություն չունենա օգտագործել հայ-քրդական հակամարտությունը և ջլատել ու ջախջախել հայ և քուրդ ժողովուրդների ազատագրական պայքարը¹⁶:

¹³ ЦГИА Груз. ССР, ф. 15, д. 371, лл. 34—39.

¹⁴ «Сводка сведений...», 1913, № 47, стр. 9; ЦГВИА, ф. 2000, оп. 1, д. 7413, л. 290.

¹⁵ АВПР, ф. «Посольство в Константинополе», 1912—1913, д. 3573, л. 247.

¹⁶ АВПР, ф. «Политархив», 1912—1914, д. 719, л. 310.

Թեև թուրքական իշխանությունները, հատկապես Վանի կուսակալ Ալի փաշան, փորձեցին քրդերի հակահաճախարական շարժումն ուղղել հայերի դեմ և դա մասամբ հաջողվեց նրանց¹⁷, սակայն, բնդհանուր ամամբ այդ քաղաքականությունը որոշակի արդյունքներ չափեց: Ջնդիրեում, Սեևրեում և մի շարք այլ շրջաններում ապստամբած քրդերը հայտարարում էին, որ իրենք ձեռք չեն տալու հայերին և բրիտանյա մյուս ժողովարդներին, որովհետև իրենց շարժումը բացառապես ուղղված է թուրքերի դեմ¹⁸:

Երիտթուրքական կառավարող շրջանները լրջորեն իրենց հաշիվ էին տալիս, թե ինչ հետևանքներ կարող են ունենալ այդ շարժումները, եթե կտրուկ միջոցառումներ չձեռնարկվեն դրանց դեմ: Բացատրական աշխատանքի միջոցով քրդերին խաղաղեցնելու համար Ստամբուլը սկսեց իր ներկայացուցիչներին ուղարկել քրդաբնակ շրջանները: Այդ նույն առաքելությամբ Ստամբուլը Արևմտյան Հայաստան և Քրդստան գործուղեց երիտթուրքական հայտանի գործիչներ նեջի բեյին և Ֆելվի բեյին¹⁹: Սակայն նրանց առաքելության արդյունքները ուղղակի աննշան էին:

Պետք է նշել, որ Թուրքիայում գործող քրդական ազգայնական կազմակերպությունները որոշակի ազդեցություն ունեին նաև իրանական քրդերի վրա և մեծապես նպաստում էին Իրանում քրդական նացիոնալիզմի ձևավորմանը: 1914 թ. դարնանը, երբ քրդական հուզումներ բռնկվեցին նաև թուրք-իրանական սահմանի մոտ, ավելի քան հինգ հազար իրանական քրդեր միացան Թուրքիայում բնակվող իրենց ցեղակիցներին և սկսեցին համատեղ զինված պայքար մղել թուրքական կառավարական զորքերի դեմ²⁰: Աբդուր-բեկակը և քրդական մի շարք այլ գործիչներ աշխատում էին աշատազրական պայքարում միասնություն ստեղծել ոչ միայն հայերի ու քրդերի, այլև իրանական և թուրքական քրդերի միջև:

Աբդուրբեկակի կարծիքով թուրքերի նահանջը Իրանից մեծա-

¹⁷ Նույն տեղում, գ. 546, թթ. 140—141:

¹⁸ «Сводка сведений...», 1913, № 42, стр. 40.

¹⁹ АВПР, ф. «Посольство в Константинополе», 1913, д. 2684, лл. 89—90; 1912—1914, д. 3573, лл. 146—147.

²⁰ ЦГА ВМФ СССР, ф. 418, оп. 1, 1914, д. 4037, лл. 39—40.

պես սասանել էր Բ. Գուան հեղինակությանը իրանական և լուսբա-
կան քրդերի շրջանում: Օգտվելով դրանից, ինչպես նաև Բալկան-
յան պատերազմում Օսմանյան կայսրության կրած անհաջողու-
թյուններից, Աբդուրբեզակը մտադիր էր միավորել քրդերին հա-
նուն ինքնավար Քրդստանի ստեղծման²¹ և, կամ, ծայրահեղ դեպ-
քում Քրդստանի համար ձեռք բերել որոշ քաղաքական և տնտե-
սական բարենորոգումներ՝ Ռուսաստանի բարոյական և սեպ սո-
ցիալիզմի շնորհիվ: Ընդ որում, Աբդուրբեզակը մշակել էր քրդերի
շրջանում կուլտուրական գործունեություն ծավալելու բավականին
ընդարձակ ծրագիր, որը 1913 թ. սկզբներին նա ներկայացրել էր
ռուսական իշխանություններին: Այնտեղ առկա էր, որ «Լուսբա-
կան և իրանական բռնությունները շրջապատված քրդերը մինչև այժմ
հնարավորություն չեն ունեցել շփման մեջ մտնել եվրոպական քա-
ղաքակրթության հետ: Պարսիկներից, որոնք երբեք չեն հոգացել
ժողովրդական կրթության մասին, չի կարելի ոչինչ սպասել, իսկ
Ռուսերը աշխատել են մեր ցեղակիցներին պահել ագիտության
խավարում: Այդ պատճառով քրդերը մնացել են մտավոր դարացյ-
ման խղճով վիճակում: Մինչդեռ այդ ժողովրդի մերձեցումը Ռու-
սաստանի հետ կոչնչացնի այն դարավոր արգելքը, որը նրան ան-
ջատում է քաղաքակրթությունից և մեղ հնարավորություն կառ աշխ-
րհակել հյուսիսից»²²: Վերոհիշյալ կուլտուրական միջոցառումները
իրագործելու համար Խոյի շրջանում կազմակերպվել էր «Գեհան-
գենի» («դաստիարակություն») ընկերությունը, որը որոշել էր բաց
անել տպարան, տարրական, ընդհանուր կրթական, արհեստագի-
տական և հողագործական դպրոցներ, օգտագործել ռուսական ալ-
ջուրները քրդական գրքեր ու թերթ հրատարակելու համար և առավել
ընդունակ երիտասարդներին ուղարկել Ռուսաստան կրթություն
ստանալու համար: Նշված նպատակների ծախսերը հոգալու համար
որոշվել էր քրդական բնակչությունից հավաքել «ղաքայթ», որը
պարտադիր հարկ էր մահմեդականների համար որպես աստվածա-
հաճ գործերի կամավոր նվիրատվություն²³:

²¹ ЦГВИА, ф. 2000, оп. 1, д. 7413, л. 290.

²² «Сводка сведений...», 1913, № 40, стр. 10.

²³ Նույն տեղում, էջ 11—12:

Աբգոլորբեզակի ծրագրի առթիվ Խոյի փոխ-հյուպատոս Չիրկովը գրեց բնդարձակ զեկուցագիր, որի մեջ նա այն կարծիքն էր հայտնում, որ այդ նախաձեռնությունը արժանի է ամենալուրջ ուշադրության: Նրա կարծիքով Ռուսաստանի ամենաակտիվ նյութական և բարոյական աջակցությունը վերոհիշյալ ծրագրին հնարավորություն կտա քրդական հարցը ուղղել ցանկալի հունով: «Մեր ազդեցությունը Պարսկական Քրդստանում արմատավորելու համար վճռական ռազմական միջոցառումների հետ համատեղ անհրաժեշտ են նաև կուլտուրական ներդրություն միջոցներ», — գրում էր Չիրկովը²⁴: «Վերջապես, — շարունակում էր նա, — հնարավոր չէ երաշխավորել, որ քրդերը ոչ հեռու ապագայում չեն գտնվի Գերմանիայի և Անգլիայի նկրտումների անմիջական ճնշման տակ, որը արմատապես կվատթարացնի մեր վիճակը այս դիրքերում, դիրքեր, որոնք սեպի պես խրվում են տնտեսական ու կուլտուրական նվաճումների մեջ վարպետ մեր այդ երկու մրցակիցների հավանական մրցակցության շրջանի մեջ»²⁵:

Այս տեսակետը պաշտպանեց նաև Կովկասի փոխարքա Վորոնցով-Պաշկովը: Սաղոնովին ուղղված նրա 1913 թ. դեկտեմբերի 9-ի գաղտնագրված հեռագրում ասվում էր, որ «...մեզանից անբավական լինելու դեպքում հնարավոր է, որ Աբգոլորբեզակը դիմի գերմանական կառավարությանը, որի շահագրգռվածությունը Քրդըստանում նա ճիշտ է գնահատում: Մեզ համար Աբգոլորբեզակի հանդես գալը Քրդստանում գերմանական գործակալի գերում միանգամայն անշահավետ կլիներ: Գերմանական շահերին ծառայելուց հազիվ թե կարողանար նրան ետ պահել նույնիսկ մեր միջնորդությամբ թուրքական կառավարության հետ նրա լրիվ հաշտեցումը, քանի որ այդ ծառայությունը նրան կերաշխավորեր Գերմանիայի հովանավորությունը Թուրքիայում: Մյուս կողմից մեզ համար չափազանց ձեռնառու կլիներ կազմակերպել պարսկական քրդերին մեզ համար ցանկալի ուղղությամբ, առավել ևս, որ պարսկական քրդերի նման կազմակերպումը անկասկած մեզ համար

²⁴ ЦГИА Груз. ССР, ф. 15, оп. 1, д. 363, лл. 36, 46.

²⁵ ЦГИА Груз. ССР, ф. 15, оп. 1, д. 372, лл. 129—133.

կապահովեր ապագայում թուրքական քրդերի վրա վճռական ազդեցություն գործելու հնարավորություն»²⁶:

Այսպիսով, Իրանական Քրդստանում քաղաքական իրադրությունը և քրդական զանգվածների տրամագրություններին մտախիչ ծանոթ առական գործիչները գտնում էին, որ Ռուսաստանի հովանավորության տակ քրդերի միավորման համար անհրաժեշտ է դիմել ոչ թե ռեպրեսիվ միջոցառումների, այլ կուլտուրական ներգործության միջոցների²⁷: Նրանց կարծիքով դա առավել անհրաժեշտ էր Իրանական Քրդստանում Թուրքիայի ազդեցությունը վերացնելու համար: «Եթե մենք ոչնչով չխախտենք քրդերի կրոնական սովորություններն ու պահանջները, — գրում էր Զիրկովը, — և խրախուսենք նրանց հողային սեփականության ձևեր բերումը, միաժամանակ դրսևորելով լրիվ բարյացակամություն, լուսավորության, կենցաղի ու նրանց ֆիզիկական բարելավման նկատմամբ հոգատարություն ցույց տալու ճանապարհով, ապա այստեղի քրդերի հակումը դեպի Թուրքիան կկասեցվի բնական ճանապարհով: Արդեն թուրքերը լրիվ անհաջողություն են կրում տեղական աշխրհներին արհեստականորեն իրենց կողմը գրավելու հարցում: Ո՛չ թուրքական փողերը, ո՛չ տեղափոխվածներին հողային սեփականություն տրամադրելը Բ. Գուանը չեն տալիս ցանկալի արդյունքներ»²⁸:

Սակայն, շնայած տրված բազմաթիվ խոստումներին, Արդուրեղակի ծրագրերը բավարար աջակցություն չստացան Ռուսաստանից և դա գլխավորապես այն պատճառով, որ ցարական կառավարող շրջանների զգալի մասը, և հատկապես զինվորականությունը, գտնում էին, որ իրանական քրդերին Ռուսաստանին ենթարկելու միակ միջոցը պետք է լինի զենքի ուժով նրանց «տանձահարելու» քաղաքականությունը: Բացի այդ, առական դիվանագետների կարծիքով, Արդուրեղակի ծրագրերին բնթացք տալը

²⁶ ЦГИА Груз. ССР, ф. 15, оп. 1, д. 371, л. 180.

²⁷ «Сводка сведений...», 1913, № 40, стр. 17—18; ЦГВИА, ф. 2000, оп. 1, д. 7413, л. 287.

²⁸ ЦГИА Груз. ССР, ф. 15, оп. 1, д. 371, лл. 162—163.

միանգամայն բացասաբար կանդրադառնար ուս-թուրքական հարաբերությունների վրա և «կվարկաբեկեր թուրք-իրանական սահմանազատման ողջ գործը»²⁹։ Ոչ պակաս կարևորություն էր տրվում այն բանին, որ Աբդուրբեղակի գործունեությունը իրանական ջրդիրի շրջանում գծափոխություն էր առաջ բերում նաև շահական կառավարության մոտ։ Պատահական չէ, որ ոչ առանց Թեհրանի ցուցմունքի, իրանական Քրդստանի շահական իշխանությունները, որոնց մեջ զգալի թիվ էին կազմում Թուրքիայի հավատարիմ կողմնակիցները, պրովոկացիոն նպատակներով նախազգուշացնում էին թուրքերին քրդերի շրջանում «ոռուսական» լուսավորության արմատավորման հետեանքով իսլամին սպառնացող վտանգի մասին, հաշտարարում էին, որ հանդանակության միջոցով հավաքված դրամը տրվելու է «Թուրքիայի հեղափոխական քրդական կոմիտեին» համաքրդական ապստամբություն բարձրացնելու նպատակով և այլն, միաժամանակ քրդական ցեղապետներին հրահրում էին ապստամբել Աբդուրբեղակի և նրա կողմնակից Սիմկոյի դեմ³⁰։

Թուրքական կառավարությունը, որին խիստ անհանգստացնում էր Աբդուրբեղակի և նրա կողմնակիցների գործունեությունը իրանական Քրդստանում, բազմաթիվ անգամ դիմել էր շահական կառավարությանը, պահանջելով նրանց արտաքսումը իրանից³¹։ Բացի այդ Քրդստանում Ռուսաստանի ծրագրերին արգելք հանդիսանալու և քրդերի կուլտուրական շարժման առաջին փորձերը ձախողելու նպատակով, երիտթուրքական կառավարությունը առավել ունակցիոն քրդական ցեղապետների օգնությամբ կազմակերպում էր դինված ջոկատներ Ռուսաստանի հովանավորությունը կողմնակից քրդական աշիրեթների գլուղերի վրա ավազակային արշավանքներ կազմակերպելու համար, աշխատում էր զանազան խոստումների միջոցով իրանական քրդերին հրապուրել դեպի Թուրքիա, անհնազանդ քրդական գործիչների նկատմամբ կազմակեր-

²⁹ ЦГИА Груз. ССР, ф. 13, оп. 1, д. 269, л. 12.

³⁰ ЦГИА Груз. ССР, ф. 15, оп. 1, д. 371, лл. 162—163.

³¹ ЦГИА Груз. ССР, ф. 13, оп. 1, д. 269, л. 12.

պում էր տեոքրիստական ահաւոր և այլն: Թուրքական իշխանություններին աջակցում էին Իրանում գործող բելգիական Ֆինանսական վարչության գործակալները, որոնք դազանի կապերով կապված էին Թուրքիայի և Գերմանիայի հետ³²:

Արգուրրեզակի ծրագրերի ձախողման պատճառներից մեկն էլ այն էր, որ նահանջելով իր սկզբնական մտազրույթյուններից, կուլտուրական նպատակների համար հանդանակված դումարներով նա կազմակերպեց մի ջոկատ Վանի վիլայեթի թուրքական վարչության աստիճանավորների գեւ տեոքրիստական ահաւոր կազմակերպիչու համար: Սակայն այդ ջոկատը սկսեց մեծ ճանապարհների վրա ավազակովյաժը դբադվել, որը հեղինակագրիկեց Արգուրրեզակին նաև Թուրքիայում բնակվող բրդերի շրջանում:

Վերջին անգամ, Մակուի խանության միջանցեղ բրդերի վրա հենվելու անհաջող փորձից հետո, Արգուրրեզակը միանգամայն հեռացավ թուրքերի գեւ բաղաբական պայքարի ասպարեզից և մեկուսացավ Խոյսում, զուրկ լինելով նույնիսկ իր գոյությունը պահպանելու հնարավորություններից³³: Սա, անշուշտ, սկներե վկայություն էր այն մասին, որ բրդական ազգային գործիչները գեւնս ի վիճակի չէին դիւսավորելու բուրգ ժողովրդի ազգային շարժումը:

Թեև քաղաքական գործունեության ասպարեզից Արգուրրեզակի մեկուսացումը հնարավորություն ավեց թուրքական կառավարությանը միաժամանակ հանդատանալ և ազատվել համաքրդական ապստամբության մղձավանջից, սակայն, դիտակցելով, որ բրդերի հակակառավարական նոր ելույթների հնարավորությունը բացառված չէ, Ստամբուլը որոշեց ուժեղացնել կայսրության բրդական զանգվածների մեջ տարվող աշխատանքը: 1913 թ. որոշվեց մի շարք բրդաբնակ շրջաններում բաց անել լուսավորական հիմնարկներ, որոնք երիտթուրքերի կարծիքով մի կողմից նպաստելու էին բրդերի նկատմամբ կառավարության ազդեցություն ուժեղացմանը, մյուս կողմից կոչված էին հակակշիռ ստեղծելու Ռուսաստանի նույնանման փորձերին: Այդ առթիվ ռուս հյուպատոս-

³² ЦГИА Грyз. ССР. ф. 15, оп. 1, д. 371, л. 161.

³³ АВПР. ф. «Миесия в Персии», 1913, д. 69, л. 170.

ները գրում էին. «մինչև վերջին ժամանակներս քրդական հարցի նկատմամբ լրիվ արհամարհանքով վերաբերվող թուրքերը... այժմ տնդորեն ձեռնարկել են վանի շրջանի քրդերի մեջ դպրոցներ արմատավորելու գործին: Պատերազմի հետևանքով դատարկված թուրքական գանձարանում գտնվեց 17500 թուրքական ֆունտ՝ վանի մոտ, Արտամեղ գյուղում քրդերի համար անմիջապես դպրոցներ բաց անելու համար, որը նախատեսված է 1000 աշակերտի համար: Բացի այդ, ֆինանսավորված է 2500 թուրքական լիրա հեռավոր քրդական գյուղերում ոչ մեծ տարրական դպրոցներ բաց անելու համար, ընդ որում, մի քանի այդպիսի ուսումնարաններ որոշված է տեղափոխել պարսկական սահմանի մոտ գտնվող գյուղերը»³⁴:

Հատկանշական է նաև այն, որ գերմանացիների մոտ ևս հանկարծակի հետաքրքրություն ծնվեց քրդերի լուսավորության գործի նկատմամբ: Անմիջապես վան ժամանեց Մոսուլում գերմանական փոխ-հյուպատոս Գոլդշտեյնը, որն աշխատում էր հավատացնել քրդական ցեղապետներին, որ Բեռլինը մեծազույն ուշադրություն է ցուցաբերում քրդերի կուլտուրական մակարդակի բարձրացման գործին: Նա խոստանում էր, որ մոտ ապագայում վանում գերմանական հյուպատոսություն բաց անելուց հետո քուրդ երեխաների համար ոչ միայն հնարավորություն կստեղծվի հաճախել վանի շրջանի գերմանական դպրոցները, այլև առավել բնդունակ աշակերտները կուղարկվեն Գերմանիա ձրի կրթություն ստանալու համար³⁵: Բեռլինի հրահանգով գերմանական գործիչները ձեռնամուխ եղան Իրանական Քրդստանում ևս դպրոցներ բաց անելու գործին: Բացի Ուրմիալից և Խոյից, որտեղ նրանք արդեն ունեին դպրոցներ հայ և ասորի երեխաների համար, գերմանացիները ամերիկացիների հետ համատեղ Սոուջբուպղում բաց արին նոր դպրոց, որը նախատեսված էր բացառապես քուրդ երեխաների համար³⁶: Քրդերի շրջանում համատեղ գործունեություն ծավալ-

³⁴ ЦГИА Груз. ССР, ф. 15, оп. 1, д. 371, л. 163.

³⁵ Նույն տեղում:

³⁶ «Сводка сведений...», 1913, № 37, стр. 24.

լու նպատակով Գուղշտեյնը հատուկ զրույց է ունենում Վանի կուսակալի հետ, որը, ի դեպ, հայտնում է նրան, որ քրդական հարցի նկատմամբ երիտթուրքական կառավարության հայացքներում տեղի է ունեցել վճռական շրջադարձ: Դրան նա ավելացնում է, որ իրեն հանձնարարված է անձամբ ստանձնել «նեշրի մեարիֆ վե ֆեջարեթ վե սենաի» («լուսավորության, առևտրի և արդյունաբերության տարածում») կոմիտեի ղեկավարությունը և արդեն այդ կոմիտեի անդամներից կազմակերպել է քրդական կոոպերատիվ առևտրական ձևակերպություն, որը սպրանքներ է ստանում տրավիդոնցի միլիոնատեր Նեմլի-օղլույց³⁷:

Այն փաստը, որ քրդական հարցի նկատմամբ գերմանական և թուրքական շահերը սերտորեն համընկնում էին, որովհետև երկու պետություններն էլ աշխատում էին համատեղ ջանքերով քրդերին կտրել Ռուսաստանից և տրամադրել նրա դեմ, խիստ մտահոգում էր վերջինիս քաղաքական շրջաններին: Առավել շրջահայաց ուսական գործիչները գտնում էին, որ անհրաժեշտ է կրկնապատելված եռանդով գործել քրդերի կուլտուրական ներգրավման համար Ռուսաստանի կողմը, որպեսզի կարելի լինի «խուսափել հանգամանքների այնպիսի զուգորդումից, որոնք հնարավորություն տալին Պարսկական Քրդստանին ոչ հեռու ապագայում մեզ հետ խոսել գերմանացիների միջոցով»³⁸:

Գերմանական դիվանագիտությունը միաժամանակ աշխատում էր Ռուսաստանին զրկել Թուրքիայի քրիստոնյա բնակչությունը հովանավորելու հնարավորությունից, որը, ինչպես հայտնի է, կարևոր լծակ էր Օսմանյան կայսրության ներքին գործերին միջամտելու բնագավառում: Բեռլինի հրահանգով 1913 թ. գերմանական գործակալությունը սկսեց եռանդուն աշխատանք ծավալել Օսմանյան կայսրության քրիստոնյա բնակչության՝ հատկապես հայերի շրջանում: Այդ նպատակով Գերմանիայից Անատոլիա և Արևմտյան Հայաստան էր ուղարկվել հատուկ գաղանի հանձնաժողով, որը հետևողականորեն անց էր կացնում ոչ պաշտոնական

³⁷ Նույն տեղում, թ. 164:

³⁸ Նույն տեղում:

մարդահամար, տեղեկություններ էր հավաքում քրիստոնյա բնակչության գույքային ունեցվածքի մասին և այլն:

Ռուսական բուրժուական «նուշոն վրեմյա» թերթը այդ առթիվ տաղնապով նշում էր, որ գերմանացիները աշխատում են նաև միմյանց հետ հաշտեցնել քրդերին ու հայերին և նրանց վերածել իրենց նպատակներն իրագործելու գործիքի, մի հանդամանք, որը իր մեջ մեծագույն սպառնալիք է պարունակում ռուսական շահերի համար³⁹:

Գերմանական այս քաղաքականությունը հակազդելու նպատակով ցարական ղեկնահաղիսությունը կրկին առաջ քաշեց հայերին հովանավորելու անհրաժեշտության հարցը: Մինիստրները խորհրդի նախագահ Վ. Կոկովցովը Սաղոնովին գրում էր, որ ոչ մի զեպքում չպետք է ձեռքից բաց թողնել հայերին հովանավորելու նախաձեռնությունը: Նա գտնում էր նաև, որ անհրաժեշտ է Բ. Գուսնր ներկայացնել կարուկ հալաբարություն, վկայակոչելով Բեալինի համաձայնագրի հատուկ կետը՝ քրդական հարձակումներից հայերի անվտանգությունը սպառնովելու մասին⁴⁰:

Այսպիսով, համաշխարհային պատերազմի նախօրյակին հակառակորդ պետություններից յուրաքանչյուրը աշխատում էր իր կողմը գրավել պատերազմի հավանական թատերաբեմում բնակվող այն բոլոր ժողովուրդներին, որոնք իրենց ազգա-ստրատեգիական նվաճանքներում կարող էին խաղալ էական դեր: Ռուսական ցարիզմը, որը լրջորեն մտահոգված էր Իրանական Ազրբեյջանի և Քրդստանի պաշտպանության հոգսերով, այնուամենայնիվ, ի վիճակի չեղավ իր կողմը գրավել այդ նահանգների բնակչության մեծամասնության համակրանքը, որը և հնարավորություն տվեց թուրքական կառավարող շրջաններին Իրանում շարունակել նախկին բռնանվաճողական քաղաքականության կուրսը:

Տեղերում աշխատող ռուսական որոշ պրակտիկ գործիչներ գոուշացնում էին արտաքին գործերի մինիստրությանը, որ Ռուսաս-

³⁹ *Армс*, Армянский вопрос и Германия. «Новое время», 9 (22), сентября 1913.

⁴⁰ ЦГАИ Арм. ССР, ф. 113, д. 1011, л. 1.

տանի կողմից քրդական հարցի այս կամ այն ձևով յուժուժից է կախված այն հարցը, թե կհամարձակվեն արդյոք թուրքերը կրկին օգտադործել քրդերին Իրանում գավթուժների կատարելու համար թե ոչ:

Նույն փոխ-հյուպատոս Չիրկովը, օրինակ, գտնում էր, որ «...քրդական հարցի վերաբերյալ պահանջվում է մշակել որոշակի ծրագիր, որը գնուև նույնիսկ չի նախանշված»⁴¹: Իսկ վանում փոխ-հյուպատոս Ս. Սլֆերեր բացատրում էր իր ղեկավարությունը, որ թուրք-իրանական սահմանային հարցը չի կարելի դիտել քրդական հարցից անշատ թեկուզ այն պարզ պատճառով, որ այդ սահմանը բնակեցված է քրդերով: Որ քրդերի այս կամ այն վերաբերմունքից՝ հանդես թուրքիան, Իրանը և Ռուսաստանը, կախված կլինի սահմանային հարցի հետագա ճակատագրից⁴²: «Թուրքերը հիանալի գիտակցում են,— գրում էր փոխ-հյուպատոսը,— որ, եթե քրդերը գտնվեն իրենց բացառիկ հովանավորության տակ, ապա Պարսիական Քրդստանը այլևս գոյություն չի ունենա: Իսկ, եթե պարսիական քրդերը ընկնեն Ռուսաստանի ազդեցության տակ, ապա այդ ազդեցությունը կտարածվի նաև թուրքական քրդերի վրա, որոնցից ոմանք արդեն երազում են Ռուսաստանի հովանավորության տակ ինքնավար Քրդստանի մասին»⁴³:

Ռուսական հյուպատոսների այս կանխատեսումները միանգամայն արդարացան: Թուրքիան հետևողականորեն սկսեց քրդերի ուշադրությունը շեղել Իրանի կողմը: 1913 թ. գարնանից թուրքական իշխանությունները սկսեցին հրահրել իրենց կողմնակից քրդական առաջնորդներին և համիդիե զնդերի հրամանատարներին, որպեսզի նրանք իրենց ջոկատներով անցնեն իրանական սահմանը և հարձակումներ գործեն քրիստոնյա բնակչություն ունեցող գյուղերի վրա⁴⁴: Միաժամանակ 1913 թ. մայիսին Իրանի սահմանակից շրջաններում նախապատրաստվում էր ասորիիների մասսայական

⁴¹ ЦГИА Груз. ССР, ф. 15, д. 370, л. 285.

⁴² АВПР, ф. «Персидский стол Б», 1912—1915, д. 142, л. 104.

⁴³ Նույն տեղում, թթ. 104—105:

⁴⁴ ЦГИА Груз. ССР, ф. 15, оп. 1, д. 370, лл. 69—70.

կոտորած, որը սպառնում էր ազգանշան հանդիսանալու ինչպես Թուրքիայի, այնպես էլ Իրանական Քրդստանի քրիստոնյաների համատարած ջարդերի համար⁴⁵։ Թուրքական գործակալությունը կրկնապատկված եռանդով շարունակում էր Իրանի քրդական ցեղապետներին Թուրքիայի կողմը հակելու բազաբականությունը։ Ուլքեր հրաժարվում էին համագործակցել իրենց հետ, ենթարկվում էին տևորի⁴⁶։ Ղոթուրի և Սոմայի շրջանում ազիտացիա էր մղվում տեղափոխվել Թուրքիա, ընդ որում, նրանց խոստանում էին իրանական սահմանի մոտ լավագույն հողամասեր և դրամական խոշոր նպաստներ։ Վանում հույս ունեին վերաբնակեցված քրդերից ստեղծել խառնակութունների մշտական գործոն Իրանական Ազրբեջանում և Քրդստանում⁴⁷։ Այդ նույն նպատակով սահմանամերձ շրջանների մամեղի, մերդիքի և մի շարք այլ ցեղերի շրջանում բաժանվում էր զենք՝ իրանական տերիտորիայի վրա սիստեմատիկ հարձակումներ գործելու համար⁴⁸։ Իրանական քրդերին Ռուսաստանի դեմ ոտքի հանելու նպատակով Թուրքական կառավարությունը հանձնարարել էր Հեյքարիի մուֆեսարիֆ Ջեզեթի բելին և Վանի վալի Իզզեթ բեյին հատուկ առաքելություն մարտնչելու Իրանական Քրդստանում։ Հետաքրքրականն այն է, որ այդ շրջագայությունը պատրաստվում էր մասնակցել նաև Վանի ֆրանսիական հյուպատոս Ջարզեակին։ Ռուսական հյուպատոսները դա մեկնաբանում էին նրանով, որ Ֆրանսիան մեծ հետաքրքրություն է դրսևորում Իրանական Քրդստանի նկատմամբ և այդ շրջանում Ռուսաստանի հաջողություններին վերաբերվում է մեծագույն նախանձով⁴⁹։

Թուրքական գործակալությունը հաջողվեց նաև Իրանական Քրդստանում հավաքագրել մի շարք ականավոր շահական աստիճանավորների և խոշոր ֆեոդալների։ 1913 թ. գարնանը կազմակերպվեց «Իրանա-քրդական կոմիտե», որի խնդիրն էր պայքարել

⁴⁵ ЦГВИА, ф. 2000, оп. 1, д. 7413, л. 279.

⁴⁶ ЦГИА Груз. ССР, ф. 15, оп. 1, д. 370, л. 210.

⁴⁷ «Сводка сведений...», 1913, № 57, стр. 1, 13—14.

⁴⁸ ЦГИА Груз. ССР, ф. 15, оп. 1, д. 371, лл. 138—139.

⁴⁹ Նույն տեղում, ք. 147:

սուսական ազդեցության դեմ Իրանական Քրդստանում: Հիշյալ կոմիտեի անդամներ էին հանդիսանում մի շարք ազդեցիկ հոգևորականներ, խաներ, շահական աստիճանավորներ և այլն⁵⁰: Կոմիտեն գործուն աջակցություն էր ցույց տալիս թուրքերին սուսական ջոկատների վրա զինված հարձակումներ կազմակերպելու գործում⁵¹ և այլն:

Երիտթուրքական կառավարության քայքայիչ գործունեությունը Իրանում ուղեկցվում էր իրանական սահմանների մոտ զորքերի կենտրոնացումներով: 1913 թ. մայիսի սկզբին, օրինակ, Լահիջանից մինչև Բանն ընկած շրջանում կենտրոնացվեցին զգալի քանակությամբ զորքեր, որոնք սիստեմատիկորեն կազմակերպում էին սահմանային բախումներ: Հատուկ ուշադրություն էր դարձվում սահմանների մոտ ռազմական հենակետերի ուժեղացման վրա, որտեղից թուրքական ջոկատները պետք է թափանցեին Իրան: 1913 թ. հուլիսին սահմանամերձ շրջանների տարբեր հատվածներում սուսական ջոկատների և թուրքական զորքերի միջև տեղի ունեցան զինված ընդհարումներ: Ազրբեջանական ջոկատի շտաբում սաացվեցին տեղեկություններ Թուրքիայի կողմից մի շարք իրանական գյուղերի գրավման մասին, որտեղ բնակվում էին սուսներին թշնամի քրդական առաջնորդներ⁵²: Օգոստոսի 27-ին Թերզեկերում տեղի ունեցավ խոշոր ընդհարում: Գա այն աստիճանի լուրջ իրադարձություն էր, որ նույնիսկ զեկուցվեց ցարին:

Թուրքական հրամանատարությունը իրանական բնակչության շրջանում սկսեց տարածել լուրեր, որ իրր «արևելյան շրջանները» («նեահիյե շարքիե») մինչև Համադան քաղաքը անցել են Թուրքիային⁵³: Իսկ 1913 թ. հունիսին Սոուջբուլաղի թուրքական հյուպատոս Ռիզա բեյը հայտարարեց, որ այսուհետև Իրանի արևմտյան շրջանները Սոուջբուլաղից մինչև Քերմանշահ, այսինքն՝ համարյա ողջ Իրանական Քրդստանը, անցնում է Օսմանյան կայսրությանը:

⁵⁰ АВПР, ф. «Персидский стол», 1913, д. 147, л. 221.

⁵¹ ЦГИА Груз. ССР, ф. 15, д. 370, лл. 311—312, 325.

⁵² ЦГВИА, ф. 2000 с, оп. 1, д. 7722, лл. 203—205.

⁵³ ЦГИА Груз. ССР, ф. 15, д. 370, лл. 239, 243.

Միաժամանակ նա դիմեց Թուրքիային «միացված» տերիտորիաների ազդեցիկ խաներին, պահանջելով չենթարկվել իրանական իշխանությունների հրամաններին և կարգադրություններին: Այդ «մանիֆեստով» երիտթուրքական կառավարությունը մտադիր էր շոշափել ինչպես Իրանական Քրդստանի բնակչության քաղաքական տրամադրությունները, այնպես էլ շահական կառավարության, Ռուսաստանի ու Անգլիայի սեփական: Ընդ որում, նախապես վճռված էր անհատությունների գեպրում զոհաբերել Թեհրանի թուրքական գեսպանին՝ «ցավալի կոնֆլիկտի» ամբողջ պատասխանատու վուժյունը գցելով նրա վրա: Եվ իսկապես, ձախողումից հետո Ստամբուլը ետ կանչեց Թեհրանում իր գեսպան Ամին բեյին և նրա փոխարեն նշանակեց Իրանում ազդեցիկ քաղաքականության ջատագով Սադրեդդին բեյին⁵⁴:

Այսպիսով, միանգամայն պարզ էր, որ երիտթուրքական կառավարությունը վերստին անցնելով իշխանության գլուխ պատրաստվում էր սեանշի, աշխատելով վերականգնել Իրանում իր ունեցած այն նվաճումները, որոնք ի շիր էին դարձել իմփիլյաֆիստների տիրապետության կարճատև շրջանում: Այդ պատճառով ցարական արտաքին գործերի մինիստրությունը Ստամբուլում իր գեսպանի միջոցով վերսկսեց եռանդուն առաջադրությունները Բ. Դուան առջև, որոնք, սակայն, անցնում էին սպարդյուն⁵⁵: Միաժամանակ 1913 թ. դարնանը ուսական և անգլիական կառավարությունները ճնշում գործադրեցին թուրքական կառավարության վրա, պահանջելով հատուկ համաձայնագիր կնքել թուրք-իրանական սահմանային դժի վերաբերյալ: Մարտին Ստամբուլը, վերջապես, տվեց իր համաձայնությունը հիշյալ հարցի առթիվ Ռուսաստանի հետ անմիջական բանակցությունների մեջ մտնելու մասին: Սակայն անմիջապես ակներև դարձավ, որ Բ. Դուար նպատակ ուներ հնարավորին շափ ձգձգել բանակցությունների ընթացքը և, ի վերջո, ձախողել սահմանագրուման գործը: Ռուսաստանը ընդ-

⁵⁴ АВПР, ф. «Канцелярия МИД», 1913, д. 96, лл. 131, 134; տե՛ս նաև «Մշակ», 2 հուլիսի 1913թ.:

⁵⁵ АВПР, ф. «Канцелярия МИД», 1913, д. 115, л. 137.

հակառակը շահագրգռված էր շուտ ավարտել սահմանազատումը և դրանով իսկ զրկել Թուրքիային Իրանի նկատմամբ տերիտորիալ ռանձգություններ անկախ հետագա հնարավորությունից: Շահական կառավարության դիրքը այս հարցում չափազանց պասսիվ էր: Նա միայն հանդես էր գալիս ցարական կառավարության «խորհուրդները կատարողի» դերում:

Վերջապես, բազմաթիվ նախադժերի և հակաճախադժերի հիման վրա կողմերը մշակեցին սահմանազատման մանրամասն պլան և 1913 թ. նոյեմբերի 4/17-ին Ստամբուլում ռուսական դեսպան Մ. Ն. Գիրսը, բրիտանական դեսպան Լուիս Մալլեն, մեծ վեղիր Սաիդ Հալիմ փաշան և իրանական դեսպան էհմեշամ-օս-Սալթանեն Ստամբուլում ստորագրեցին, այսպես կոչված, «Վերջնական արձանագրությունը»: «Վերջնական արձանագրության» մեջ, ըստ էության, առաջին անգամ ճշտորեն որոշվում էր Թուրք-իրանական սահմանային գիծը: Այն ստորագրելուց անմիջապես հետո շուրս պետություններից յուրաքանչյուրը նշանակեց հատուկ ներկայացուցիչներ (կոմիսարներ), որոնք տեղերում պետք է անցկացնեին սահմանային գիծը: Հանձնաժողովը իր աշխատանքները սկսեց 1914 թ. հունվարին Թուրք-իրանական սահմանի ծայր հարավից՝ Մոհամմերայից և ավարտելու էր Արարատ լեռան ստորոտում⁵⁶: Սահմանազատիչ հանձնաժողովը սահմանները նշելիս հիմք էր ընդունում այս կամ այն տերիտորիայի պատմական, աշխարհագրական և ազգագրական հատկանիշները: Սակայն անհրաժեշտության դեպքում միանգամայն անտեսվում էին հիշյալ սկզբունքները և առաջին պլանի վրա էին մղվում «միջնորդ պետությունների»՝ Անգլիայի և Ռուսաստանի քաղաքական շահերը:

Հանձնաժողովի աշխատանքները սկսվելու հենց առաջին օրերից սկսեցին բացահայտորեն զրսևորվել հակասություններ Ռուսաստանի և Անգլիայի, Անգլիայի և Թուրքիայի, Թուրքիայի և Ռուսաստանի միջև: Անգլիական քարտեզագիրներն, օրինակ, շտապ կարգով, Ռուսաստանից ծածուկ, կազմեցին Շաթթ-էլ-Արար դետի

⁵⁶ В. Ф. Микорский, Турецко-персидское разграничение, стр. 8—10: «Материалы по изучению Востока», вып. II, стр. 518—524.

նոր քարակզ, որը «անդլիական» գոտու մեջ էր մտցնում մի շարք տերիտորիաներ: Բացի այդ անդլիացիներն աշխատում էին սահմանային զիծը այնպես անց կացնել, որպեսզի իրենք ձևք բերեն տիրապետող քաղաքական դիրքեր 1907 թ. անգլո-ռուսական համաձայնագրով նախատեսված շեզոք գոտում: Իսկ Քուրքիան իր հերթին աշխատում էր ձախողել սահմանազատման աշխատանքները, քաջ գիտակցելով, որ սահմանային գծերի ճշգրիտ որոշումից հետո ինքը ընդմիշտ կզրկվի «վիճելի» տերիտորիաների պատրվակի տակ Իրանում զավթումներ կատարելու և դրանք արգարացնելու հնարավորությունից: Այս հանգամանքը ևս զալիս էր հաստատելու ռուսական գործիչների այն մտավախությունը, որ մոտ ապագայում Օսմանյան կայսրությունը վերստին կվերագառնու: Իրանում իր նվաճողական քաղաքականությունը⁵⁷: Այս կանխատեսումները ավելի շոշափելի կերպարանք էին ստանում այն պատճառով, որ Քուրքիայի ազրեսիվ ախորժակը Իրանի նկատմամբ հետևողականորեն զրգուում էր Գերմանիան, որի ազդեցությունը երիտթուրքական կառավարության վրա գնալով աճում էր: «Տրիումփիստը»՝ հանձինս ռազմական մինիստր և ղլխավոր շտաբի պետ: Էնվեր փաշայի, ներքին գործերի մինիստր Մեհմեդ Քալլայի և ծովային մինիստր Ահմեդ Ջեմալ փաշայի, արդեն սերտորեն կապված էր գերմանական իմպերիալիզմի հետ: Գերմանոֆիլությունը վարակված էին Օսմանյան կայսրության կառավարող շրջաններն ու իթիլհազի կուսակցական ողջ վերնախավը:

1913 թ. սկզբներից թուրքական բանակը աստիճանաբար ընկնում էր գերմանացիների հսկողության տակ: Նույն թվականի դեկտեմբերին զենկերալ Լիման Ֆոն Սանդերսի Ստամբուլ ժամանելով այդ սյրոցեսը ավելի արագացավ: Արտաքին քաղաքականության:

⁵⁷ Թուրք-իրանական սահմանազատիչ հանձնաժողովը աշխատանքներն ավարտեց 1914 թ. հոկտեմբերի 15-ին, համարյա լրիվ դեմարկացիայի ենթարկելով 1600 կիլոմետր երկարությամբ սահմանը: Սահմանադրաման բարտեղները 1914 թ. ընթացքում լրիվ հրատարակվեցին Հնդկաստանում: Սակայն այս անգամ ևս վիճակված չէր վերջնականապես ճշտել հարյուրամյակներ շարունակ վեճի առարկա հանդիսացող սահմանային զիծը: Թուրքիայի պատերազմի մեջ մտնելը խափանեց ողջ գործը և փաստական սահմանը կրկին մնաց անորոշ վիճակում:

քննադավառում ևս երկու պետություններն էլ խմպերիալիստական, դավթողական ծրարքեր էին մշակում Մերձավոր ու Միջին Արևելքի, Կովկասի և ուսական ու անդլիական տիրապետության կամ ազգեկցության տակ գտնվող մի շարք այլ շրջանների նկատմամբ:

Վերջնականապես համոզվելով, որ ինքը ի վիճակի չէ պառակտել Անտանտը և Ռուսաստանին կտրել Անդլիայից, հակառակ Պետերբուրգի համաձայնագրով իր վրա վերցրած պարտավորության՝ ճանաչել Ռուսաստանի «հատուկ շահերը» Իրանում, Գերմանիան սկսեց այդ երկրում վարել բացահայտ հակառուսական քաղաքականություն, ակտիվացնել իր անասական ու քաղաքական գործունեությունը և ավելի վճռականորեն միջամտել Թուրք-իրանական հարաբերություններին:

Իրանում Ռուսաստանի դիրքերը խախտելու նպատակով գերմանացիները նախ ձեռնամուխ եղան իրանական քաղաքական շրջաններում կողմնակիցներ ձեռք բերելուն: Համաշխարհային պատերազմի նախօրյակին Իրանի վաճառականության և բուրժուական մտավորականության (մասամբ նաև ֆեոդալական գասակարգի) շրջանում սկսեց իր համար ուղի հարթել արտաքին քաղաքական նոր օրինաացիա՝ հանդես գերմանիան: «Դա բացատրվում էր ոչ միայն այն դիրքով, որ խաղացին Ռուսաստանը և Անգլիան իրանական հեղափոխությունը ճնշելու գործում, այլև գերմանացիների բացառիկ ակտիվությամբ, որոնք այն ժամանակ իրենց առջև խոչնդիր էին գրել իրենց տիրապետությանը ենթարկել ողջ Օսմանյան կայսրությունը քննադատելով մինչև Պարսից ծոց, ինչպես նաև Իրանը»⁵⁰:

Քեհերանում ուսական գործերի հավատարմատարը 1913 թ. մարտի 28-ի իր հեռագրում հայտնում էր արտաքին գործերի մինիստրությանը, որ «...այսպես կոչված, ազգայնականների կուսակցությունը ներքին գործերի մինիստր, արքայազն էյն-ուղ-Դուլինի զլլավորությամբ վերջերս կրկին ուժեղացրել է իր ազդեցության հօգուտ «Պարսկաստանը պարսիկների համար» լողունգի»⁵¹: Այս

⁵⁰ Т. С. Короткова, Иран накануне первой мировой войны. Московский ордена Ленина гос. ун-т им. М. В. Ломоносова. Доклады и сообщения исторического факультета, вып. 8, М., 1948, стр. 10.

⁵¹ ЦГИА Груз. ССР, ф. 521, д. 101, л. 40.

լողոնգը, որն իր սուր ծայրով ուղղված էր Անգլիայի և Ռուսաստանի դեմ, ուղղակի ծառայում էր գերմանական շահերին:

1913 թ. գերմանական հետախույզները վխտում էին Իրանական Ադրբեջանում և Քրդստանում: Նրանք հատուկ հետաքրքրություն էին դրսևորում սահմանային գոտու նկատմամբ⁶⁰: Այդ գործում գերմանացիներին ակտիվորեն օգնում էին ավստրիական հետախույզները, որոնց գործողությունները ղեկավարում էր ոմն էմանուիլ Լյակչու(Լակոտն)⁶¹: Ավստրո-գերմանական կոոպերացիան Իրանում հետախուզական տեղեկություններ հավաքելու բնագավառում հատկապես ուժեղացավ այն բանից հետո, երբ ավստրիացիները 1913 թ. աշնանը Թավրիզում բաց արին արտահաստիքային հյուպատոսություն⁶²:

Իրանական Ադրբեջանում գերմանական հետախույզության ակտիվ գործիչներից մեկն էր նաև Պետերբուրգում գերմանական հեռագրական գործակալության ներկայացուցիչ Գեյլը, որի խմբին հանձնարարված էր հատկապես հետևել Իրանական Ադրբեջանում անգլիական հետախույզության գործունեությանը⁶³: Մի այլ խմբի, որի գործունեությունը ղեկավարում էին գերմանական զլխավոր շտաբի սպաներ կոմս ֆոն Վելյատարպը և էռնստ Լանդեն, կարգադրված էր Իրանական Քրդստանում կազմակերպել հակառուսական ելույթներ⁶⁴:

Իրանում գերմանական հետախույզությունը սերտորեն համագործակցում էր թուրքական զադտնի ծառայության հետ: Գերմանա-թուրքական քայքայիչ գործունեության առավել կարևոր կենտրոններ էին թուրքական հյուպատոսությունները: Իրանական Ադրբեջանում գերմանական հետախույզության սպարապուխ Շյունեմանը Թավրիզում թուրքական զլխավոր հյուպատոսի խորհրդականն էր: Պատահական չէ, որ նա համառորեն պնդում էր, որպիսզի մի շարք

⁶⁰ «Сводка сведений...», 1913, № 42, стр. 36—37; ЦГИА Груз. ССР, ф. 15, д. 371, л. 181.

⁶¹ ЦГИА Груз. ССР, ф. 521, д. 492, лл. 53—54.

⁶² ЦГИА Груз. ССР, ф. 15, оп. 1, д. 371, л. 54.

⁶³ Նույն տեղում, թթ. 53—54:

⁶⁴ АВІР, ф. «Миссия в Персии», 1911—1912, д. 57, л. 64.

կարևոր կենտրոններում, հատկապես Մակուում, Արդերիլում և այլն բացվեն թուրքական հյուպատոսություններ⁶⁵։

Հյուսիսային և Հյուսիս-արևմտյան Իրանում Ռուսաստանի ազդեցությունը խարխուլու նպատակով գերմանական արտաքին գործերի մինիստրությունը Իրան գործուղեց իր խորհրդական, Մերձավոր և Միջին Արևելքի դիտակ Ռուզուֆ Նազուլինին⁶⁶։ Տեղում ծանոթանալով իրավիճակի հետ և համոզվելով, որ վերահիշյալ շրջաններում Գերմանիայի համար առավել դժվար է պայքարել Ռուսաստանի ունեցած բազաբական ազդեցության դեմ, նազուլինն արտաքին գործերի մինիստրությանը խորհուրդ ավելց ուժեղացնել մրցակցային պայքարը առևտրական բնադավառում։ Հենց այդ նպատակով Ուրմիայում կազմակերպվեց, այսպես կոչված, գերմանական «տեխնիկական բյուրո» նեյմանի և ավստրիական ինժեներ Խոնեկի ղլխավորությամբ։ Հիշյալ «բյուրոյի» մասին Ուրմիայի առևտրական փոխ-հյուպատոսը գրում էր, որ «իրականում նոր հիմնարկությունը շատ քիչ ընդհանուր բան ունի տեխնիկայի հետ. նա բացառապես հետապնդում է Ուրմիայի շուկան գերմանական և ավստրիական ապրանքներով նվաճելու նպատակը»⁶⁷։ Շյունեմանը Թեհրանում իր միսիայից խիստ հրահանգ էր ստացել Ուրմիայի շրջանը ընդգրկել իր հետաքրքրությունների շրջանակի մեջ։ Բացի այդ նահանգի անտեսական նշանակությունից, գերմանական ռազմական շրջանները այն դիտում էին որպես առաջիկա ռուս-թուրքական պատերազմի դեպքում կարևորագույն տակտիկական բանալի⁶⁸։ Այստեղ գերմանացիները մասնավորապես լուրջ ուշադրություն էին դարձնում կալվածքներ վարձակալելու գործին, որը դիտ-

⁶⁵ АВПР, ф. «Посольство в Константинополе», 1913, д. 7409, л. 58; ЦГВИА, ф. 2000 с, оп. 1, д. 7716, лл. 450 об.—451.

⁶⁶ *St'a Rudolf Nodolny, Mein Beitrag, Wiesbaden, 1955. Հետազոտում վեյմարյան հանրապետությունում և հիտլերյան սայլում նազուլինի գրավում էր կարևոր դիվանագիտական պաշտոններ, այդ թվում նաև թուրքիստում և ՍՄՀՄ-ում գեոպանի պաշտոններ։ М. С. Лазарев, նշվ. աշխ., էջ 262։*

⁶⁷ АВПР, ф. «Персидский стол Б», 1912—1915, д. 142, лл. 102—103.

⁶⁸ ЦГИА Груз. ССР, ф. 13, оп. 28, д. 125, л. 4.

վում էր որպես ներթափանցման և ազդեցութուն ձեռք բերելու կարևորագույն լծակ⁶⁹:

Նշված նահանգում վերոհիշյալ խնդիրներն իրականացնելու գործում Շյունհեմանին օգնելու էին Ուրմիայում բնակվող գերմանահայատակ նեյմանը, ավստրիահայատակ Խոնեկը, Քավրիզում ավստրիական արտահատարչային հյուպատոս էրասելտը, Ադրբեջանում գործող գերմանական «մասնագետները» և այլն⁷⁰:

Առաջին համաշխարհային պատերազմի նախօրյակին Գերմանիան Իրանում արդեն ուներ լուրջ տնտեսական բազա: 1914 թ. 1901 թ. համեմատությամբ գերմանական ապրանքների ներմուծումը Իրան աճեց ավելի քան 12,5 անգամ⁷¹: Քավրիզում կազմակերպվեց առևտրական բեռների տեղափոխման և ապահովագրման խոշոր ֆիրմա, որը հաջողությամբ մրցակցում էր «Պարսկական փոխադրամիջոցների ուսական բյուրոյի» հետ: Նույն քաղաքում հիմնադրվեց գերմանական բաժնետիրական ընկերություն, որը զբաղվում էր գորգերի արտադրությամբ: Ընկերության գլխավոր վարչությունը գտնվում էր Բեռլինում, իսկ բաժանմունքները ցրված էին Իրանում՝ Մուլթանարադում, Համադանում, Քերմանում, Մեշհեդում և Շիրազում: Բեռլինյան «Undütsch և K^o» ընկերությունը 1913 թ. իր բաժանմունքը բաց արեց Թեհրանում: Իրանում արդեն գոյություն ուներ զենք և զինամթերք արտադրող գերմանական ֆաբրիկա: Բացի այդ, փոքրածավալ ծանրոցներով Գերմանիայից Իրան էր առաքվում մեծ քանակությամբ զենք, արդյունաբերական ապրանքներ և այլն⁷²:

1913 թ. վերջին Գերմանիան նախագծեր էր մշակում նաև Հյուսիս-արևմտյան Իրանում հաղորդակցության ճանապարհների ստեղծելու ուղղությամբ, որոնք կոչված էին գերմանական առևտրա-տնտեսական ներթափանցմանը հաղորդել նոր թափ: Այսպես, 1913 թ. դեկտեմբերին գերմանացիները պատրաստվում էին

⁶⁹ ЦГВИА, ф. 2000, оп. 1, д. 7413, лл. 282—282 об; МОЭИ, серия III, т. 1, стр. 392—393.

⁷⁰ АВПР, ф. «Персидский стол Б», 1912—1915, д. 142, лл. 189—189 об.

⁷¹ Н. Н. Бобынин, Персия, ее экономическое положение и внешняя торговля, Тифлис, 1923, стр. 234—237.

⁷² МОЭИ, серия II, т. XX, док. № 636

սկսել Բանկ—Սակիկ—Սոււջբուլաղ—Ուրմիա—Թավրիզ խճուղա-
յին ճանապարհի շինարարութիւնը: Միևնույն ժամանակ Բաղդադի
երկաթուղու ընկերութիւնը որոշել էր սկսել Խանկիլինի հետ կա-
պող երկաթուղային ճյուղի շինարարութիւնը: Այդ նպատակով Խա-
նկիլին ժամանեց գերմանական ինժեներների մի մեծ խումբ Մեյս-
ներ փաշայի գլխավորութեամբ⁷³:

Իրանական Ազրբեջանում Շյունեմանը գործում էր այնպիսի
վճռականութեամբ, որ ուժի օգնութեամբ զավթեց Զուլֆա—Թավրիզ
երկաթուղու ուսական կոնցեսիոն գոտում զանվող քարածխահան-
քերը և սկսեց շահագործել դրանք: Այդ առթիվ Սազոնովը 1914 թ.
հունվարի 18-ին հեռագրում էր Քեհրանում դեսպանորդ Կորոստո-
վեցին, թե անհրաժեշտ է հասկացնել գերմանական դեսպանորդին,
որ Թավրիզում զոյութեւն ունեն ուսական զորքեր⁷⁴:

Հատկանշական է, որ Գերմանիայի հետ համատեղ Թուրքիան
ևս պատերազմի նախօրյակին Իրանական Ազրբեջանում ձեռնա-
մուխ եղավ տնտեսական գործունեութեան ծավալման: 1914 թ.
հունվարի 11-ի հեռագրում Կորոստովեցը հայտնում էր արտաքին
գործերի մինիստրութեանը, որ «բացի Գերմանիայի մրցակցութեւ-
նից Ազրբեջանում աճում է նաև մեկ այլ վտանգ՝ Թուրքականը»⁷⁵:

Առևտրա-տնտեսական ներթափանցման հետ միաժամանակ
գերմանական իմպերիալիզմը աշխատում էր Իրանում Ռուսաստա-
նի հետ մրցակցել նաև քաղաքական ասպարեզում, պաշտպանելով
այն տեսակետը, որ Պետերբուրգի համաձայնագրով գերմանացի-
ների ճանաչած Ռուսաստանի բացառիկ շահերը և քաղաքական
ազդեցութեւնը Իրանում «գեոևս իրավունք չի տալիս ուսաներին
նրա վրա նայել ինչպես Բուխարայի խանութեան վրա»⁷⁶:

1913 թ. գեկտեմբերի 9-ի հաղորդագրութեան մեջ հատուկ
կանգ առնելով Հյուսիսային Իրանում գերմանացիների հետևողա-
կան ներթափանցման հարցի վրա, Քեհրանում ուսական գործերի
հավատարմատարը գրում էր. «Արդեն ստիպելով մեզ ձանաշել իր

⁷³ ЦГВИА, ф. 2000 с, оп. 1, д. 7716, лл. 451—451 об.

⁷⁴ МОЭИ, серия III, т. 1, стр. 174.

⁷⁵ նույն տեղում, էջ 70:

⁷⁶ ЦГВИА, ф. 2000, оп. 1, д. 7413, л. 282.

շահերի անկայությունը Անատոլիայի արևելյան վիլայեթներում, Գերմանիան, բոս կրեույթին, նույն բանին կձգտի նաև Ազրբեյջանում և նույնիսկ, կարող է պատահել, Կասպից ծովի շրջանում»։ Յարական զիվանագետների կարծիքով Գերմանիայի սողոսկումը զեպի Կասպից ծով պետք է բոլոր տեսակետներից զիտվի որպես Ռուսաստանի շահերին սպառնացող վտանգ⁷⁷։

Պետերբուրգի քաղաքական շրջաններին տաղնապեցնում էր նաև այն, որ շվեդական սպաների հրամանատարության տակ գրանդովոզ իրանական ժանդարմերիան, որի վրա մեծ ազդեցություն ունեին գերմանացիները, գնալով մշտապես աճում էր։ Շվեդական սպաները ժանդարմերիայի մեջ կատարում էին զտում, աշխատելով ազատվել անցանկալի տարրերից։ Նրանք ժանդարմերիայից հեռացրին հատկապես հայերին, նրանց զիտելով որպես Ռուսաստանի կողմնակիցներ⁷⁸։ Բացի այդ, շահական կառավարությունը փորձում էր Իրանի հյուսիսային շրջաններում տեղավորված սուսական զորքերը շվեդական ժանդարմերիայով փոխարինելու ուղղությամբ⁷⁹։

Լուրջ մտահոգություն էր պատճառում նաև այն, որ Իրանական Ազրբեյջանում Ռուսաստանի աճող ազդեցությանը զիմազրավելու նպատակով շահական կառավարությունը ավելի ու ավելի բացահայտ փորձեր էր կատարում Գերմանիայի ու Թուրքիայի վրա հենվելու ուղղությամբ։ Նա ցարական զիվանագիտությանը մեղադրում էր նաև Թավրիզում Մեջլիսի պատգամավորների բնարության ձախողման մեջ և այդ պատճառով զաղտնաբար գիմեց Թեհրանում գերմանական և թուրքական ներկայացուցիչներին, խնդրելով նրանց աջակցությունը։ Բնական է, որ զա ցնծությամբ պետք է բնդունվեր Ստամբուլի և Բեռլինի կողմից։ Անմիջապես հանձնարարվեց Թեհրանում թուրքական ղեսպան Աթիֆ բեյին և Շյունեմանին միջոցներ մշակել «Թավրիզի բնարությունների հաջող անցկացման համար»⁸⁰։

⁷⁷ ЦГИА Груз. ССР, ф. 15, оп. 1, д. 371, л. 182 об.

⁷⁸ ЦГИА Груз. ССР, ф. 15, оп. 1, д. 371, л. 58.

⁷⁹ Նույն տեղում, թթ. 1835—184։

⁸⁰ МОЭН, серия III, т. I, стр. 71.

Հյուսիսային և Հյուսիս-արևմտյան Իրանում գերմանա-թուրքական ազդեցությունը ի չիք դարձնելու համար ցարական դիվանագետները առաջարկում էին իրենց կառավարությանը ձեռնարկել ամենարագամպիսի տնտեսական ու քաղաքական միջոցառումներ: Հատկապես կարևոր նշանակություն էր արվում նշված շրջանները դադուխացնելու և մասնավորապես թուրքական սահմանի մոտ ընկած տերիտորիաները ռուսական տարրերով բնակեցնելու հարցին⁸¹: 1913—1914 թթ. Ռուսաստանը հետևողականորեն սկսեց վարել նշված շրջաններում դադուխացման քաղաքականություն: Թուրքիան անմիջապես զրան պատասխանեց նույն քայլով: Ռուսական գործիչները հաղորդում էին արտաքին գործերի մինիստրությանը, որ «թուրքական իշխանությունները մշակել են նախագիծ թուրք-պարսկական սահմանը թուրքական ծագում և սուննիթական զավանսք ունեցող այնպիսի բնակչությամբ բնակեցնելու վերաբերյալ, որոնք անցել են գինվորական ծառայությունը»⁸²:

Ընդհանրացնելով վերևում շարագրվածը, պետք է նշել, որ Իրանում իմպերիալիստական Գերմանիայի և օսմանյան Թուրքիայի քաղաքականության հաջողությանը նպաստում էին մի շարք գործոններ. առաջին հերթին ֆեոդալական Իրանի հետամնացությունն ու թուլությունը, նրա ֆեոդալական շրջանների վաճառվածությունը և ղեմավարտական տարրերի անհեռատեսությունը, Իրանում ցարական Ռուսաստանի և Անգլիայի քաղաքականության նկատմամբ խորը դժգոհությունը և վերջապես անգլո-ռուսական հակասությունները, որոնք հեշտացնում էին գերմանա-թուրքական պլանների իրագործումը⁸³:

* * *

1914 թ. սկզբներից թուրքական կառավարող շրջանները ամբողջ կայսրությունում սկսեցին բորբոքել շովինիստական և զավթողական տրամադրություններ: Թուրքիան հետևողականորեն նախապատրաստվում էր պատերազմի Ռուսաստանի դեմ: 1914 թ.

⁸¹ ЦГИА Груз. ССР, ф. 13, оп. 28, д. 125, л. 6.

⁸² АВПР, ф. «Персидский стол Б», 1912—1915, д. 142, л. 259.

⁸³ Т. С. Короткова, Иран накануне первой мировой войны, стр. 15.

հունվարին Ստամբուլից Գիրսը հեռագրում էր Սաղսնովին, որ Թուրքիայում «քաղաքական միջնորդար այն աստիճանի լարված է, որ, անկասկած, մեզ անհրաժեշտ է պատրաստվել ամեն տեսակի պատահականությունների...»: Դեպքանը ավելացնում էր, որ անհրաժեշտ է ոչ մի բուպե չկորցնելով ուժեղացնել Ռուսաստանի մարտական պատրաստականությունը, որովհետև Մերձավոր Արևելքում իրադարձությունները կարող են ընդունել այնպիսի ընթացք, որ Ռուսաստանը ստիպված լինի հանդես գալ իր «շահերը և արժանապատվությունը պաշտպանելու համար»⁸⁴: Այս հեռագրի կապակցությամբ ցարական արտաքին գործերի մինիստրը անմիջապես գերզաղտնի նամակ գրեց Մինիստրների խորհրդի նախագահ Կոկովցովին, ռազմական մինիստր Սուխոմլինովին, ծովային մինիստր Գրիգորովին և գլխավոր շտաբի պետ Ժիլինսկուն, հայտնելով, որ ինքը պաշտպանում է դեսպանի վերահիշյալ կարծիքը և անհրաժեշտ է համարում պատրաստ լինել այնպիսի իրադարձությունների համար, որոնք կպահանջեն Ռուսաստանի արագ և հոանդուն միջամտությունը⁸⁵:

Ցարական կառավարությանը հատկապես անհանգստացնում էր Թուրքիայի գործունեության ակտիվացումը Իրանում: Ռուսական ռազմական և քաղաքական գործիչները տեղեկացնում էին Պետերբուրգին և կովկասյան իշխանություններին, որ Օսմանյան կայսրության զաղտնի ծառայությունները Իրանում ծավալել են չափազանց հոանդուն աշխատանք: Թուրքական գործակալության աշխատանքները ղեկավարում էր Թեհրանում թուրքական միսիայի ռազմական կցորդը, որը հենվում էր Օսմանյան կայսրության բազմաթիվ հյուպատոսական հիմնարկությունների վրա, որոնք ցրված էին մի շարք քաղաքներում՝ Թավրիզում, Սեննեում, Խոյում, Սալմաստում, Ուրմիայում, Քերմանշահում, Սուլջուլազում, Համադանում, Բաննում, Սաքքիզում, Ռեշտում, Շիրազում, Բուշիրում և լենդում: Վերջիններս իրենց հերթին գործում էին տեղական

⁸⁴ МОЭИ, серия 111, т. I, Л.—М., 1931, стр. 11.

⁸⁵ նույն տեղում:

բնակչությունից հավաքագրված գործակալության միջոցով: Թուրքական գաղտնի ծառայությունները Իրանում հաջողությամբ հավաքագրում էին գործակալություն հատկապես հակառուսական տրամադրություններ ունեցող խավերից, որոնք սովորաբար հակված էին Թուրքիայի և Գերմանիայի կողմը: Մեծ քանակությամբ լրտեսներ հավաքագրվեցին հատկապես իրանական հոգևորականության, մանր բուրժուազիայի և մտավորականության ներկայացուցիչներից: Գնալով ավելի սերտ բնույթ էր կրում գերմանա-թուրքական գաղտնի ծառայությունների համագործակցությունը: Գերմանական հետախուզության աշխատանքները և նրա կորդինացիան թուրքական լրտեսական ցանցի հետ իրագործում էր Թեհրանում գերմանական միսիայի ռազմական կցորդը: Գիվանդիտական ներկայացուցիչներից բացի, ակտիվ հետախուզական գործունեությամբ էին զբաղվում նաև գերմանական կուլտուր-լուսավորչական հիմնարկները, գաղութարնակները, առևտրական ընկերությունների ներկայացուցիչները, հատկապես «Ռոբերտ Վյոնկիսուո» ֆիրմայի ծառայողները, որոնց հետ սերտորեն համագործակցում էին ավստրո-հունգարական հետախուզողները: Իրանական Ազրբեյջանում և Քրզստանում գերմանական գործակալության գործողությունները որոշակի ծրագրով ղեկավարելու նպատակով Բեռլինը 1914 թ. սկզբներին Թավրիզում բաց արեց հյուպատոսություն, որը ղեկավարելու էր Մերձավոր և Միջին Արևելքի լավագույն գիտակ Վիտանը⁸⁶: Վերջինս գերմանական արտաքին գործերի մինիստրության և հետախուզական կենտրոնի հանձնարարությունները իրագործում էր Շյունեմանի միջոցով, որը սկսել էր հանդես գալ որպես «Լոկալ-Անցեյզեր» թերթի թղթակից:

Օսմանյան կայսրությունը հատկապես հատուկ հետաքրքրություն էր դրսևորում իրանական Ազրբեյջանի նկատմամբ, որը բացի իր ռազմա-ստրատեգիական նշանակությունից, կարևոր գեր էր խաղալու ևրիտթուրքական կառավարող շրջանների պանթուրքիստական պլաններում: Այստեղ քայքայիչ գործունեություն ծավա-

⁸⁶ МОЭН, серия III, т. II, М.—Л., 1933, док. № 122, стр. 155.

լելու համար Ստամբուլը գործուղեց «Միասնություն և Առաջադիմություն» կոմիտեի Ադրբեջանի և Արևելյան Կովկասի գործերի գլխավոր հրահանգիչ, իթթիհադի ականավոր գործիչ էմիր նաջիբեյին, որն ուներ հետախուզական-գրվերսիոն գործունեության մեծ փորձ⁸⁷։

Բացի մշտական գործող լրատվական կենտրոնից էրպրումի ռազմական շտաբից սիստեմատիկորեն թուրքական հետախույզներ էին ուղարկվում Իրան և Անդրկովկաս⁸⁸։

Թուրքական գործակալությունը Գերմանիայի աշակցությունը ամենուրեք ազիտացիա էր մղում Իրանից սուսական զորքերը դուրս բերելու մասին։ 1914 թ. հունվարի 12-ին Սպահանում սուսական հյուպատոսության կառավարիչ Գիլդեբրանտը հեռագրում էր, որ այդ նույն քաղաքում «գերմանա-թուրքական կուսակցությունը» ազիտացիա է մղում ընդդեմ ուսաների և տեղական մամուլի, թուրքիկների, ժողովների միջոցով սրբազան պատերազմի կոչ է անում Ռուսաստանի և Անգլիայի դեմ «ի պաշտպանություն թուրքիայի»⁸⁹։

Գերմանիայի պետական քարտուղարի օգնական Յիմմերմանի արտահայտություններից երևում էր, որ Գերմանիան (ինչպես նաև թուրքիան) աշխատում էին Ռուսաստանի սահմանների մոտ ստեղծել այնպիսի պայմաններ, որոնք ի վիճակի լինեին նվազեցնելու նրա ռազմական հզորությունը⁹⁰։ Այդ պատճառով թուրքական կառավարությունը ակտիվ գործունեություն էր ծավալել նաև Աֆղանստանում։ Այստեղ պատերազմի նախօրյակին գտնվում էին մի քանի թուրքական սպաներ, այդ թվում նաև գլխավոր շտաբի սպաներ Խայրի բեյը, Մահմուդ Սամի բեյը, որոնք զբաղվում էին աֆղանական բանակի վերակազմակերպման և սպաների պատրաստման գործով։ Ընդ որում, Աֆղանստանում գտնվող թուրքական սպաներն ու քաղաքացիական անձինք կապված էին երիտ-

⁸⁷ Doctrines et programmes des parties politique Ottomanes*, Revue du Monde Musulman*, vol. XXII, Paris, 1913, p. 158.

⁸⁸ ЦГВИА, ф. 2000 с, оп. 1, д. 3792, лл. 134—134 об.

⁸⁹ АВГР, ф. «Канцелярия МИД», 1914, д. 41, л. 12.

⁹⁰ МОЭИ, серия III, т. I, док. № 110, стр. 119.

աֆղանական կուսակցության հետ, որն ուներ թուրքական օրինե-տացիա:

Պանխալամիստական և պանթուրքիստական պրոպագանդայի ծավալման և դեպի Իրան լրտեսներ ուղարկելու հետ մեկտեղ Թուրքիայում լուրջ ուշադրություն էր դարձվում նաև անկանոն ջոկատների կազմակերպմանը, որոնք նախատեսվում էին լայնորեն օգտագործել թշնամու թիկունքում: Ռուսաստանի դեմ ուղղման գործողություններ սկսելուց ոչ շատ առաջ Ստամբուլում գերմանական միսիայի սպա մայոր Գուզեն էրզրումից հաղորդում էր. «այստեղ շատ են աշխատում բնակչության և բանդաների զինման վրա: Որքան ևս դիտեմ, Թուրքիան շփացավ ազատ ջոկատների մտտին Հաագայի որոշմանը»⁹¹:

Ռուսաստանի հետ ապագա պատերազմում մեծադույն հույսեր կապելով քրդերի հետ, երիտթուրքական կառավարությունը որոշեց լրջորեն զբաղվել նրանցով: Դրան առանձնապես խթան հանդիսացան հետևյալ հանգամանքները. նախ 1914 թ. դարնանը Ռուսաստանը սկսեց տատիճանաբար Իրանից դուրս բերել իր զուլայացիոն զորքերը: Օգտվելով դրանից, թուրքական կառավարությունը իրանական սահմանների մի շարք տեղամասերում, մասնավորապես Մակուի խանության, Ուրմիայի, Սուլջուլուզի, Ռեանդուզի, Ուշնուի ուղղությամբ սկսեց կենտրոնացնել զորքեր⁹²: Դրա համար պատրվակ ծառայեց նաև Մոսուլի վիլայեթի քրդերի ապստամբությունը: Այն ճնշելու պատրվակով Ռեանդուզի շրջանում Թուրքիան կենտրոնացրեց մեծաթիվ զորքեր: Միաժամանակ թուրք-գերմանական զործակալությունը անմիջապես Իրանական Քրդստանում և Ադրբեջանի քրդաբնակ շրջաններում ծավալեց բուռն թուրքոֆիլական ազիտացիա: 1914 թ. ապրիլին խոյում փոխ-հյուպատոս Զիրկովը հեռագրում էր Սազոնովին, որ «թուրքերի պրովոկացիոն գործունեությունը հատկապես Ուրմիայի և Մակուի քրդերի շրջանում զնալով ուժեղանում է»⁹³: Պետք է ենթադրել, որ

⁹¹ ЦГВИА, ф. 2000, оп. 1, д. 3862, л. 393.

⁹² АВПР, ф. «Персидский стол Б», 1912—1915, д. 142, лл. 218, 243—244, 267—269.

⁹³ МОЭИ, серия III, т. I, док. № 396, стр. 522.

Թուրքական ազիտացիան ունի որոշակի հաջողություն, որովհետև առաական հյուպատոսները 1914 թ. ապրիլին անընդհատ հեռագրում էին Սազոնովին, որ քրդերի «կրքերը սառեցնելու համար միանգամայն ժամանակին կլինեի ձեռնարկել մի շարք սազմական զբոսանքներ դեպի հյուսիս և հարավ»⁹⁴։

1914 թ. սկզբին շեյխ Բարզանի գլխավորությամբ սկսվեց Բարզանցի քրդերի ապստամբություն։ Քրդերին միացան նաև տեղական ասորիները։ Արյունահեղ մարտերից հետո բրզական ջոկատները ջախջախվեցին և ապստամբների մնացուկները շեյխ Բարզանի հետ միասին 1914 թ. ապրիլին անցան Իրան⁹⁵։ Իսկ 1914 թ. գարնանը բրզական խոշոր ապստամբություն բռնկեց Բաղշի շրջանում, որը ղեկավարում էր շեյխ Սելիմը։ Թևե սկզբում ապստամբներին հաջողվեց գրավել Բաղշը, սակայն նույն օրն ևևթ քրդական ջոկատները կառավարական զորքերի ճնշման տակ ստիպված էին թողնել քաղաքը։ Շեյխ Սելիմը դիմեց առաական հյուպատոսությունը խնդրելով պաշտպանություն և հովանավորություն⁹⁶։

Բաղշի իրադարձությունները ուժեղ տպավորություն գործեցին Թուրքական կառավարող շրջանների վրա, որովհետև այդ և նման հակակառավարական ապստամբությունները նախ վկայում էին պատերազմի նախապատրաստվող Թուրքիայի թիկունքի անկայունության մասին և ապա համոզիչ կերպով ցույց էին տալիս, որ պատերազմի ընթացքում բրզական զանգվածներին որպես ռազմական ուժ օգտագործելու ծրագրերը կարող են ձախողման մատնել։ Այդ պատճառով երիտթուրքական կառավարությունը որոշեց բրզական պրորիեմի նկատմամբ վերաբերմունքի հարցը դարձնել հատուկ քննարկման առարկա։ 1914 թ. մարտի 22-ին գումարվեց «Միասնություն և Առաջադիմություն» կուսակցության կենտրոնական կոմիտեի արտակարգ նիստ, որտեղ բրզական հարցը

⁹⁴ МОЭИ, серия III, т. II, стр. 522.

⁹⁵ ЦГИА Груз. ССР, ф. 85, д. 149, лл. 45—50; ЦГВИА, ф. 2000 с, оп. 1, д. 7722, лл. 294—295, 320.

⁹⁶ МОЭИ, серия III, т. II, док. 213, стр. 296—298; ЦГВИА, ф. 2000 с, оп. 1, д. 7716, лл. 489—490.

կենթարկվեց բազմակողմանի ու մանրակրկիտ քննություն: Հաշվի առնելով քրդերի բնօրհանուր տրամադրությունը և նրանցում օր-րոտօրն աճող համակրանքը Ռուսաստանի նկատմամբ, կառավա-րությունը որոշեց դրամական սուբսիդիաների և դանազան պաշ-տոններ շնորհելու միջոցով քրդերին գրավել իր կողմը: Մասնավո-րապես ցանկություն հայտնվեց կոմսյորմիսի մեջ մտնել մի շարք քրդական ազդեցիկ առաջնորդների հետ և նրանցից մի քանիսին բնտրել պառլամենտի պատգամավորներ կամ նշանակել սենա-տորներ⁹⁷:

Երիտթուրքական կառավարությանը անհանգստացնում էր նաև այն, որ Իրանական Քրդստանի մի շարք քրդական ցեղապետ-ներ ոչ միայն ցանկություն չէին դրսևորում համադրածակցելու Ռուր-սիայի հետ, այլև զինված պայքար էին մղում թուրքական ոսնձգու-նյունների դեմ: Չիրկովը այդ առթիվ գրում էր, որ օրինակ Ղոթլորի բեկ Իսմայիլ աղա Սիմկոյի սահմանների պաշտպանության ուղ-ղությամբ կատարած ծառայությունը «լուրջ արգելք է հանդիսա-նում թուրքական զործունեության զարգացմանը իրանական տե-րիտորիայում Ղոթլոր—Սոմայի շրջանում: Հետևաբար անհրաժեշտ է Սիմկոյին ցուցաբերել ոչ միայն լրիվ բարոյական աջակցություն, այլև ռազմական օգնություն»: Ի պատասխան Չիրկովի հեռագրի արտաքին գործերի մինիստրությունը հաղորդեց, որ միանգամայն ցանկալի է համարում Սիմկոյին ցուցաբերել ոչ միայն բարոյա-կան աջակցություն, այլև նրան արամադրել զինք և փամփուշտ-ներ⁹⁸: Տեղեկանալով այդ մասին, ներքին գործերի մինիստր Թալ-յաթ բեյը անմիջապես դիմեց մեծ վեզիրին, խնդրելով լուրջ առա-ջադրություններ կատարել ռուսական և իրանական կառավարու-թյունների առջև, սանձահարելու համար Սիմկոյին և թույլ շտաբու նրան մոտենալու թուրքական սահմանին⁹⁹:

Երիտթուրքական կառավարությունը 1914 թ. գարնանը և ամ-ռանը իր գործակալության միջոցով կռանդուն աշխատանք ծավա-

⁹⁷ Նույն տեղում, էջ 297—298:

⁹⁸ МОЭИ, серия III, т. II, стр. 297—298.

⁹⁹ Նույն տեղում:

լեց Իրանի սահմանամերձ բնակչության շրջանում: Թուրքական հյուպատոսությունները սկսեցին պրոպագանդել իրանահպատակներին (քրդեր, հրեաներ և այլն) թուրքական հովանավորության տակ վերցնելու գաղտփարը¹⁰⁰: Մի շարք քրդական ցեղեր կապերի մեջ մտան Օսմանյան կայսրության սահմանային զինվորական իշխանությունների հետ, նրանցից սկսեցին ստանալ զենք ու զինամթերք և այլն¹⁰¹:

Առանձնակի ակտիվությամբ գերմանա-թուրքական գործակալությունը աշխատում էր Մակուի խանությունում: Գեոռես 1913 թ. Բեռլինում գտնվելու ժամանակ Մակուի սարգար Մուրթեղա կույի խանը Իրանի նախկին ռեզենտ նասր-օլ-Մուլլի միջնորդությամբ կապեր էր հաստատել գերմանացիների հետ¹⁰²: 1914 թ. նա Թուրքիայի հետ գաղտնի հարաբերությունների մեջ էր և նրա միջոցով ստանում էր գերմանական զենք և զինամթերք¹⁰³: Ռուսական զինանաւթտական և ռազմական գործիչները հազարգում էին, որ Մակուի խանությունը հանդիսանում է թուրքական տենչանքների առարկա¹⁰⁴: Թուրքական և գերմանական հետախուզությունները Մակուի սարգարի անմիջական օգնությամբ էմիսարներ էին ուղարկում Թավրիզ շահսենյան ցեղերի մոտ, որպեսզի հորդորեն նրանց ապստամբել Ռուսաստանի դեմ¹⁰⁵: Իր կառավարությանը տեղեկացնելով սարգարի երկակի խաղի և գերմանա-թուրքական գործակալության զավերի մասին Մակուի խանությունում, Ս. Օլֆերեր գրանում էր, որ այդ բուրբին վերջ տալու համար անհրաժեշտ է գինված ուժի օգնությամբ սարգարին մեկընդմիջտ ենթարկել Ռուսաստանի կամքին¹⁰⁶: Այդ նույն կարծիքին էր նաև Թեհրանում գեոպանորդ Կորոստովեցը: 1914 թ. հուլիսի 5-ի իր հեռագրով նա Սադր-

¹⁰⁰ АВПР, ф. «Персидский стол Б», 1912—1915, д. 142, лл. 359—360, 372—373.

¹⁰¹ МОЭИ, серия III, т. IV, М.—Л., 1931, стр. 323.

¹⁰² ЦГИА Груз. ССР, ф. 126, д. 16, л. 24.

¹⁰³ МОЭИ, серия III, т. II, М.—Л., 1933, стр. 143; т. III, стр. 249.

¹⁰⁴ ЦГВИА, ф. 2000 с, оп. 1, д. 3789, лл. 7—8.

¹⁰⁵ АВПР, ф. «Персидский стол Б», 1912—1915, д. 142, лл. 338—338 об.

¹⁰⁶ МОЭИ, серия III, т. IV, стр. 268.

նովից խնդրում էր նախազգուշացնել սարգարին, որ «հետագա ուխտագրվածության ղեկըրում նրան սպառնում է խանութվան կորուստը և դաժան պատիժը»¹⁰⁷:

Գերմանա-թուրքական գործակալությունը լուրջ աշխատանք էր ծավալել նաև Ուրմիայի շրջանի իրանահպատակ ասորիների շրջանում: Գերմանական ղեկանադիտությունը նույնիսկ կիտակնի միջոցով իրանական կառավարության առջև հարց հարուցեց բողոքական ասորիների հովանավորությունը Գերմանիային հանձնելու մասին¹⁰⁸, որը ռուսական քաղաքական շրջանները գիտեցին որպես նոր և ավելի վճռական քայլ Գերմանիայի քաղաքական ազդեցությունը Իրանում ամրապնդելու ուղղությամբ: Այդ առթիվ Սադոնովը հեռագրում էր Թեհրանում իր ղեսպանորդին, որ գերմանական կառավարության այդ քայլը հակասում է պետերբուրգյան համաձայնագրին, բայց որի Գերմանիան պարտավորություն էր վերցրել իր վրա Հյուսիսային Իրանում հետապնդել բացառապես տնտեսական նպատակներ: Մինիստրը պահանջում էր ղեսպանորդից այդ առումով բացատրություն պահանջել Թեհրանում գերմանական ղեսպանորդից¹⁰⁹:

1914 թ. գերմանա-թուրքական տնտեսական և քաղաքական գործունեության ընդլայնումը Հյուսիսային և Հյուսիս-արևմտյան Իրանում նախկինի պես լուրջ մտահոգության առարկա էր Ռուսաստանի քաղաքական շրջանների համար: Նիկոլայ II-ին հասցեագրված 1914 թ. մայիսի 25-ի ղեկուցագրում Վորոնցով-Գաշկովը առաջ էր քաշում վերոհիշյալ շրջաններում գործողության ծավալուն ծրագիր: Նրա կարծիքով նախ անհրաժեշտ էր առավել ճշտորեն և կալուն որոշել Ռուսաստանի քաղաքական խնդիրները Հյուսիսային Իրանում, որովհետև Կովկասի փոխարքայի կարծիքով, Գերմանիայի ակտիվ գործունեությունը «ի չիք է դարձնում վերջին տարիների մեր ջանքերը և հավասար չի տալիս, որ Հյուսիսային Պարսկաստանը կազմում է մեր քաղաքական ազդեցության բացա-

¹⁰⁷ Նույն տեղում, էջ 332:

¹⁰⁸ АВПР, ф. «Персидский стол Б», 1912—1915, л. 142, лл. 279—280 об.

¹⁰⁹ МОЭИ, серия III, т. III, М.—Л., 1933, стр. 63—64.

ոիկ գոտին»։ Այդ պատճառով Վորոնցով-Գաշկովը ծայրահեղորեն անհրաժեշտ էր համարում միավորել ուսսական հյուպատոսների գործունեությունը մեկ ընդհանուր ծրագրի շուրջը, ավելացնել ուսսական արդյունաբերական ձևանարկությունների թիվը, բնդայնել առևտրափոխանակությունը, ուշադիր հետևել իրանական խաների գործունեությունը, որոնք դադանի հարաբերությունների մեջ են գտնվում Թուրքիայի հետ, և աջակցել սահմանամերձ շրջանների քրդական զանգվածների կուլտուրական շարժմանը։ Փոխարքայի կարծիքով «քրդերին կարելի կլիներ միավորել որպես մի ուժի, որը կարող էր դառնալ լուրջ հակակշիռ Թուրքիայի սղզմական ու քաղաքական հզորության հետագա կուտակմանը»¹¹⁰։

Ընդհանուր առմամբ ուսսական քաղաքական գործիչները զբոսնում էին, որ կենտրոնական իրանական կառավարության ազդեցության թուլացումը Իրանի ծայրամասերի վրա, իսկ մյուս կողմից Հյուսիսսային և Հյուսիս-արևմտյան Իրանում Գերմանիայի հետևողական ներթափանցումը առիթ է տալիս եղրակացնելու, որ «նրա (Իրանի—Վ. Բ.) ճակատագրի վերջնական լուծման պատմական մոմենտը համեմատաբար հեռու չէ»։ Որ այդ պայքարին կմասնակցեն երեք զլխավոր հակառակորդ պետություններ՝ Ռուսաստանը, Անգլիան և Գերմանիան¹¹¹։

Սա նշանակում էր, որ ցարական Ռուսաստանը առաջին համաշխարհային պատերազմի նախօրյակին արդեն ստիպված էր խոստովանել, որ Հյուսիսսային Իրանը այլևս իր բացառիկ ազդեցության գոտին չէ։

Գրությունը թուրք-իրանական սահմանների մոտ գնալով ավելի վտանգավոր ու լարված բնույթ էր կրում։ 1914 թ. դարնանը թուրքական կառավարությունը խոշոր գումարներ հատկացրեց Թուրքիան Իրանի հետ կապող հեռախոսային գծերի և խճուղային ճանապարհների շինարարության համար¹¹²։

¹¹⁰ ЦГИА Груз. ССР, ф. 13, оп. 28, д. 125, лл. 15—16; МОЭИ, серия III, т. III, М.—Л., 1933, док. № 203, стр. 248—249. Մանոթանալով Կովկասի փոխարքայի վերոհիշյալ ղեկուցարի հետ Եփկուայ 11-ը մակագրեց՝ «Համաձայն եմ»։

¹¹¹ ЦГИА Груз. ССР, ф. 15, оп. 1, д. 371, лл. 182—182 об.

¹¹² ЦВГИА, ф. 2000 с, оп. 1, д. 3841, лл. 184—185.

Բեռլինը և Ստամբուլը փորձեցին առաջիկա պատերազմում Ռուսաստանի դեմ ոտքի հանել նաև Կովկասի և Իրանի հաշտությանը: Ստամբուլում գերմանական զեսպանատունը դիմեց պատրիարքին և հայ ազգեցիկ գործիչներին, նշելով, որ հայ ժողովրդի համար հասել է վճռական ժամը և, որ, հայերը պետք է պահեն իրենց սրպես Օսմանյան կայսրության հավատարիմ քաղաքացիներ¹¹³: Սակայն նման կարգի բուլսր փորձերը ավարտվեցին կատարյալ ձախողմամբ:

Ստամբուլի հրամանով թուրքական բանակային շորթորգ և վեցերորդ կորպուսների կազմից տեղորեն սկսեցին ստեղծվել շեփայական խմբեր հակառակորդի թիկունքում զանազան դիվերսիաներ ու խռովություններ կազմակերպելու համար: Օրինակ, նաջի բեյը էրզրումի և Վանի զորքերի միջից ընտրեց հրեք հազար լավագույն զինվորներ և զրանց գլուխն անցնելով ուղևորվեց Իրան¹¹⁴: Բացի այդ, թուրքական հետախույզները ամբողջ խմբերով անցնում էին իրանական սահմանը ուղղա-քաղաքական տեղեկություններ հավաքելու և ազգեցիկ աստիճանավորներին կաշառելու մտադրությամբ¹¹⁵: Երիտթուրքական էյոմխտեի ներշնչումով Փարսալայից և Նաջաֆից իրանական բարձրագույն հոգևոր իշխանությունները նամակներ էին ուղարկում Իրան, բնակչությանը կոչ անելով սրբազան պատերազմի դուրս գալ ռուսների դեմ¹¹⁶: Ապագա պատերազմում թիկունքն ապահովելու նպատակով, թուրքական իշխանությունների հրամանով համիդիե զնդերը սկսեցին դաժանորեն դատաստան տեսնել թուրք-իրանական սահմանամերձ շրջանների քրիստոնյա բնակչության հետ: Միաժամանակ նրանք հարձակումներ էին գործում Ուրմիայի նահանգում տեղավորված ռուսական զորքերի վրա և ապա թաքնվում թուրքական տերիտորիայում¹¹⁷: Թուրքերը ծրագրել էին Իրանական Ազրբեջանը մաքրել ռուսական զորքերից և քրդական ջոկատների օգնությամբ գրավել

¹¹³ М. Эрцбергер, Германия и Антанта. Мемуары, М.—Пр., 1923, стр. 80; Ա.—ԳՕ, Մեծ դեպքերը Վասպուրականում 1914—1915 թթ., Երևան, 1917, էջ 74:

¹¹⁴ Ա.—ԳՕ, նշվ. աշխ., էջ 80:

¹¹⁵ АВГР, ф. «Канцелярия МИД», 1914, д. 42, л. 143.

¹¹⁶ Նույն տեղում, թ. 157:

¹¹⁷ Նույն տեղում, թթ. 148, 152, МОЭИ, серия III, т. IV, стр. 323.

այն¹¹⁸: Այդ նույն նպատակով Թուրք-զերմանական զործակալու-
թյունը աշխատում էր կոնֆլիկտներ բորբոքել մի կողմից ազգրե-
ջանական և իրանական, քրիստոնյա ու մահմեդական բնակչու-
թյան, մյուս կողմից սուսական օկուպացիոն զորքերի և տեղական
իրանական իշխանությունների միջև:

Թուրքական այս քաղաքականությունը հակազդելու և հատկա-
պես քրիստոնյա բնակչության շարժերը կանխելու նպատակով հա-
յերն ու ասորիները Իրանական Քրդստանի ցեղերի շրջանում
Ստամբուլի սելիդների և շեյխերի անունից պարսկերեն լեզվով
սկսեցին տարածել կոչեր, որոնցում առաջարկվում էր Քրդստանում
զինված պայքար մղել երիթուրքերի ու զերմանացիների դեմ, և
դազարեցնել հայերի ու ասորիների նկատմամբ կիրառվող հալա-
ծանքները¹¹⁹: Սակայն այդ կոչերը կրոնական ֆանատիզմով Թու-
նավորված ցեղերի շրջանում որպես կանոն մնում էին անարձա-
պանք:

1914 թ. օգոստոսի 1-ին պայթեց համաշխարհային պատե-
րազմը: Գերմանական իմպերիալիզմը որոշեց անհատադ ազմա-
կան դաշինքի մեջ մտնել Թուրքիայի հետ, որը ի վիճակի էր պա-
տերազմական զործողությունների լրացուցիչ ճակատ ստեղծել
Ռուսաստանի և Անգլիայի դեմ¹²⁰:

Միաժամանակ Գերմանիան սպասում էր ռազմա-քաղաքական
մեծ օգուտներ Թուրքական սուլթան-խալիֆի կրոնական հեղինա-
կությունը օգտագործելու հնարավորությունից, Անտանտի երկրների
դեմ «ջիհադ» կազմակերպելու համար, երկրներ, որոնք իրենց աֆ-
րիկյան և ասիական գաղութային տիրապետություններում ունեին
հսկայական քանակությամբ մահմեդականներ¹²¹: Գերմանական
արտաքին գործերի մինիստրությունը պատերազմի հենց հաջորդ
օրը հանձնարարեց Արևելքի երկրներում քաղաքական դավեր կազ-
մակերպելու գործում ճանաչված «մասնագետ» բարոն Մարս ֆոն

¹¹⁸ АВПР, ф. «Канцелярия МИД», 1914 г., д. 42, л. 155.

¹¹⁹ АВПР, ф. «Персидский стол Б», 1912—1915 гг., д. 142, лл. 86—87.

¹²⁰ Carl Mühlmann, Deutschland und die Türkei 1913—1914, Berlin-Grünwald, 1929, SS. 92—94.

¹²¹ Fritz Fischer, Griff nach der Weltmacht. Die Kriegszielpolitik des Kaiserlichen Deutschlands 1914—1918, Düsseldorf, 1962, s. 137.

Օպենհեյմին մշակել նման գործունեության ծավալուն պլան, որի մեջ կարևոր տեղ էր հատկացվելու նաև Իրանին: 1914 թ. սեպտեմբերին Օպենհեյմը հանդես եկավ մի հուշագրով, որի մեջ նա խորհուրդ էր տալիս Մերձավոր և Միջին Արևելքում քայքայիչ գործունեություն ծավալելու համար յայնորեն օգտագործել պանիսլամիզմը՝ ու պանթուրքիզմը: Նա առաջարկում էր նաև առաջին հերթին խոշոր արշավախմբեր ուղարկել Իրան և Եգիպտոս Ռուսաստանի և Անգլիայի դեմ տեղական մահմեդականների պայքարը կազմակերպելու համար¹²²:

Գերմանական մի այլ «մասնագետ», Բուլինի համայնարանի պրոֆեսոր Էննստ Յեկկեր իր հերթին մշակեց Արևելքը «հեղափոխականացնելու» մի պլան, որը արժանացավ արտաքին գործերի մինիստրության հավանությանը¹²³: Իր հերթին գերմանական զլխավոր շտաբը Ֆոն Մոլթկեի գլխավորությամբ տեղորեն սկսեց մշակել Մերձավոր և Միջին Արևելքի երկրներում Օսմանյան կայսրության օգնությամբ Անտանտի դեմ ապստամբություն բարձրացնելու մի ծրագիր: Այնտեղ մասնավորապես ասվում էր, որ «հսկայական կարևորություն ունի Իրանում, Հնդկաստանում, Եգիպտոսում և Կովկասում տեղական մահմեդական բնակչության ապստամբությունը: Թուրքիայի հետ պայմանագիր կնքելու միջոցով արտաքին գործերի մինիստրությունը ի վիճակի կլինի իրականացնել այդ դադափարը և բորբոքել Իսլամի ֆանատիզմը¹²⁴:

Ինչպես հայտնի է, Եվրոպայում պատերազմը սկսվելու հենց հաջորդ օրը, օգոստոսի 2-ին, Թուրքիան Գերմանիայի հետ կնքեց ռազմական դաշինք¹²⁵, թեև ձևականորեն հայտարարեց պատերազմում իր շեղծություն մասին: Թաքնվելով այդ «շեղծություն» հատում երիտթուրքական կառավարությունը սկսեց զորքերի համընդհանուր մորթիլիզացիա: Ի լրացումն օգոստոսի 2-ի պայմանա-

¹²² Fritz Fischer, Griff..., s. 137—138.

¹²³ E. Ф. Лядиговейт, Турция в годы первой мировой войны, М., 1966, стр. 24.

¹²⁴ Fritz Fischer, Griff..., s. 140.

¹²⁵ Carl Mühlmann, Oberste Heeresleitung und Baikan im Weltkrieg 1914—1918, Berlin, 1942, Anlage 1, s. 275; Shu' uab J. C. Hurewitz, Diplomacy in the Near and Middle East, vol. 11, pp. 1—2.

գըրբի, Գերմանիան Օսմանյան կայսրության հետ ստորադրեց նաև հատուկ համաձայնություն Ռուրբիայում գերմանական ռազմական միախաչի վիճակի մասին¹²⁶։

Օգոստոսի 4-ին, երբ Անգլիան պատերազմ հայտարարեց Գերմանիային, վերջինս ավելի մեծ ջանքեր զործագրեց Ռուրբիային հնարավորին չափ շուտ ռազմական զործողությունների մեջ ներգրավելու համար։ Այդ նպատակով Ստամբուլում գերմանական զեսպան Վանգենհայմը էնվեր փաշայի հետ գաղտնի զրույցի ժամանակ զայթակղեցուցիչ հեռանկարներ էր բացում նրա առաջ. նա իր կառավարության անունից խոստանում էր Ռուրբիայի հետ միասնաբար ջախջախել Ռուսաստանին, Կովկասը հանձնել Ռուրբիային, նվաճել Իրանը, բաց անել Ռուրանի ճանապարհը, փշրել թուրքական միասնականության ճանապարհի վրա գոյություն ունեցող բոլոր արգելքները և այլն¹²⁷։ Նշելով, որ պատերազմի ընթացքում Ռուրբիայի հիմնական հակառակորդը լինելու է թշնամական Ռուսաստանը, Վանգենհայմը հասկացնում էր էնվեր փաշային, որ Օսմանյան կայսրության արևելյան սահմանը կգանձա ամբողջ եռյակ դաշինքի ստրատեգիական տեսակետից առավել խոցելի կետը և Ռուսաստանի հարձակման բնական տեղը¹²⁸։

Պատրաստվելով պատերազմի մեջ մտնել գերմանական բլոկի երկրների կողմից, Օսմանյան կայսրության կառավարող շրջանները, սակայն, փայլալուծ էին սևփական զավթողական նպատակներ¹²⁹, որոնք բխում էին պանթուրքիզմի, թուրանիզմի և պանիսլամիզմի գաղափարախոսությունից։ Մասնավորապես թուրքական կառավարող շրջանները հույս ունեին Գերմանիայի օգնությամբ զավթել Կովկասը, Իրանը, Մերձլուդյան շրջանը, Ղրիմը, Ռուրբես-

¹²⁶ M. Larcher, La guerre Turque dans la guerre mondiale, Paris, 1926, p. 38.

¹²⁷ Մելան Զադի Ռիֆաար, Ռուրբական լեռնափոխությունների մասին ծայրերը, Բեյրութ, 1938, էջ 12—13։

¹²⁸ Ф. Н. Нотович, Дипломатическая борьба в годы первой мировой войны, т. I, М.—Л., 1947, стр. 91.

¹²⁹ Այդ մասին մանրամասն տե՛ս Ե. Ղ. Սարգսյան, Ռուրբիան և նրա նվաճողական քաղաքականությունը Անգլիոկկասում 1914—1918 թթ., Երևան, 1964։

տանը և հաջողութեան դեպքում շարժվել նույնիսկ դեպի Հնդկաստան և Միննցլանդ: Երիտթուրքերի երազանքը՝ Թուրքիան բոլոր թուրքական և մահմեդական ժողովուրդների համար հեղեմոն դարձնելու վերաբերյալ, հետևյալ կերպ է ձևակերպել պանթուրքիզմի ականավոր գաղափարախոսներից մեկը՝ Թեքին Ալփը. «միավորված թուրքերը,—գրում է նա,—պետք է ստեղծեն ձգողութեան կենտրոն ամբողջ մահմեդական աշխարհի համար: Եգիպտոսի, Մարսիկոյի և Թունիսի արաբները, պարսիկները, աֆղանները և այլն պետք է իրենցից ներկայացնեն մեկ միասնական ճակատ»¹³⁰:

Իրենց նվաճողական ոլլաններում Օսմանյան կայսրութեան և Գերմանիայի կառավարող շրջանները Իրանին տալիս էին առանձնահատուկ նշանակություն: Հենվելով պանթուրքիստական կոնցեպցիայի վրա, թուրքական միլիտարիստները իրենց առջև խնդիր էին դնում նախ և առաջ տիրանալ Հյուսիսային Իրանին, որտեղ գերակշռում էին թուրքալիզու ժողովուրդները, և այնուհետև միավորելով Իրանական և Հյուսիսային («առուսական») Ադրբեջանը ստեղծել առանձին պետություն Օսմանյան կայսրութեան հովանիի տակ: Պանթուրքիստանների ծրագրերի համաձայն այդ «կենտունակ» երկրամասը դառնալու էր թուրքիզմի կարևորագույն կենտրոն: Բացի այդ, Իրանական Ադրբեջանը ծառայելու էր որպես հենակետ Բաքվի նավթաբեր շրջանի գոտին ներխուժելու համար: Ինչ վերաբերում է Հարավային Իրանին, որի նավթաբեր շրջանները գալթակղեցուցիչ խայծ էին Թուրքիայի և Գերմանիայի համար¹³¹, այն պետք է դառնար առանձին պետություն: Հետագայում Հյուսիս-իրանական և Հարավ-իրանական այդ երկու պետությունները, բառերիտթուրքերի պլանների, կարող էին կազմել ունիա, որպեսզի Առաջավոր Ասիայի պետությունների հետ համատեղ մտնեին թուրանական միավորումների՝ «Մեծ Թուրքիայի մեջ»¹³²:

¹³⁰ A. Toynbee, Turkey. A past and a future, New York, 1917, pp. 34—35.

¹³¹ Ulrich Gehrke, Persien in der deutschen Orientpolitik Während des Ersten Weltkrieges, Bd. 1, Stuttgart, 1960, s. s. 136—138.

¹³² Joseph Pomiankowski, Der Zusammenbruch des Ottomanischen Reiches, Zürich-Leipzig-Wien, 1928, ss. 25—29.

Թուրքիան նախատեսում էր Իրանը լրիվ իր ազդեցութեանը ենթարկելուց հետո ստիպել նրան պատերազմի մեջ մտնել կենտրոնական պետությունների կողմում: Հատկապես ծրագրված էր Իրանի տերիտորիան օգտագործել որպես գործողությունների բազա զեպի Աֆղանստան և Հնդկաստան արշավանք կազմակերպելու համար¹³³:

Կարևոր նշանակություն էր տրվում նաև Իրանի սահմանակից Թուրքեստանի մարզի, մասնավորապես անդրկասպյան նահանգի թուրքմեն բնակչությանը, որոնք պանթուրքիստաների կարծիքով, «լիզվով և ծագմամբ առավել մոտ էին անատոլիական թուրքերին», Ռուսաստանի դեմ ուժի հանելու հարցին¹³⁴:

Արտահայտվելով էնվեր փաշայի գլխավորությամբ թուրքական ստրատեգիների մշակած վերոհիշյալ ծրագրերի մասին Հինդենբուրգը իր հուշերում գրում էր. «...Պարսկաստանում և Անդրրկովկասում օսմանյան սլանների իրագործումը մտնում է մեր շահերի մեջ»¹³⁵:

Սակայն Գերմանիան իր հերթին ուներ Մերձավոր և Միջին Արևելքի նկատմամբ իր սեփական նախագծերը, որոնք, ըստ էության, հակասում էին Թուրքիայի մշակած սլաններին: Գերմանական իմպերիալիզմը իր առջև խնդիր էր դրել Մերձավոր և Միջին Արևելքում Անտանտի դեմ հաղթանակ ձեռք բերելուց հետո վերոհիշյալ բոլոր տերիտորիաները միավորել իր դերիշխանության տակ և զրկել «զաշնակից ու բարեկամ» Թուրքիային իր բաժնից: Այդ բանը սկսեցին կոահել նաև թուրքական կառավարող շրջանները: Պատահական չէ, որ արդեն 1915 թ. Օսմանյան կայսրությունը մշակեց մահմեդական երեք պետությունների՝ Թուրքիայի, Իրանի և Աֆղանստանի ռեզիտնալ եռյակ դաշինքի նախագիծ՝ առանց Գերմանիայի մասնակցության: Այդ ծրագրի հիմնական նպատակն էր բացառել Գերմանիայի վճռական դերը «արևելյան գործերում»¹³⁶:

¹³³ Г. Гельбрас, Крах фашистской авантюры в Иране, «Исторический журнал», М., 1942, № 3—4, стр. 61.

¹³⁴ Gerold von Gleich, Vom Balkan nach Bagdad. Militärischpolitische Erinnerungen an den Orient., Berlin, 1921, s. 101.

¹³⁵ «Воспоминания Гинденбурга», Пр., 1922, стр. 104.

¹³⁶ Fritz Fischer, Griff..., ss. 141—142.

Գերմանական իմպերիալիզմը անվերապահորեն հավանություն տվեց էնվեր փաշայի մշակած պլաններին, որովհետև դրանք ունեւ շինելով հանդերձ ի վիճակի էին ուստական խոշոր ուժեր զամել կովկասին, իսկ Անգլիային ստիպել զգալի քանակությամբ զորքեր պահել Սուեզի ջրանցքի գոտում¹³⁷:

Պատրաստվելով մտնել պատերազմի մեջ, Երիտթուրքական կառավարող շրջանները հույս ունեին նաև փրկել իրենց վարչակարգը և պահպանել սուլթան-խալիֆի և թուրքական բուրժուազիայի, կալվածատերերի ու հողերականության բյուրի տիրապետությունը սևիական ժողովրդի և բարբարոսաբար ճնշվող ոչ թուրք ժողովուրդների նկատմամբ¹³⁸: Թուրքական պատմաբան էմին Ահմեդի արտահայտությամբ Լուսակտությանը անհրաժեշտ էր արտաքին հաջողություն, փայլուն ազգամական սխրագործություն, որպեսզի երկրում ստանար աջակցություն և միավորեր իր ուժերը¹³⁹:

Բրիտանական և ֆրանսիական կառավարությունները հակված էին կարծելու, որ առանձին սպառնալիք չկա Եվրոպական կոնֆլիկտը Մերձավոր և Միջին Արևելքում տարածվելու և Թուրքիայի պատերազմի մեջ մտնելու ուղղությամբ: Վերջինիս ֆինանսատնտեսական կախվածությունը իրենցից բավարար երաշխիք էր համարվում այն բանի համար, որպեսզի Օսմանյան կայսրությունը պահպանի չեղորություն¹⁴⁰: Այդ տեսակետից անգլիացիներին ավելի մեծ հանգստություն էր ներշնչում Իրանը, որտեղ Ռուսաստանը և Անգլիան հանդես էին գալիս որպես այդ երկրի իսկական տերեր: Մյուս կողմից Ֆրանսիան, որին անհրաժեշտ էր, որպեսզի ուստական զորքերի զերակշռող մասը ազգամական գործողություններ ծավալի պատերազմի Եվրոպական թատերաբեմում և դրանով իսկ թևակոչի իր վիճակը, հավաստիացնում էր Ռուսաստանին, որ Իրանը զերծ է թուրքական ներխուժման վտանգից:

Սակայն, չնայած այս կարգի բոլոր հավաստիացումներին,

¹³⁷ E. Փ. Лядиговсѣт, Կռվ. աշխ., էջ 51:

¹³⁸ Նույն տեղում, էջ 24:

¹³⁹ Emin Ahmed, Turkey in the World War, Oxford, 1930, p. 68.

¹⁴⁰ A. Փ. Миллер, Ветупление Турции в первую мировую войну «Изв. АН СССР, сер. пет. и философии», 1946, № 4, стр. 322.

ցարական արտաքին քաղաքականության ղեկավարները և զինվորականությունը, որոնց քաջ հայանի էին և՛ Թուրքիայի ազդեցիկ ռազմաշունչ ձգտումները Իրանի և Կովկասի նկատմամբ, և՛ Իրանում գոյություն ունեցող հակառուսական տրամադրությունները, գտնում էին, որ հնարավոր է, որ Օսմանյան կայսրությունը և նույնիսկ Իրանը թշնամական բյուրեղի կողմից ներգրավվեն ռազմական գործողությունների մեջ: Այս տեսակետը հատկապես եռանդուն պաշտպանում էին Վորոնցով-Գաշկովը, Կովկասի ռազմական շրջանի շտաբը և Իրանական Ազգային ռուսական զորքերի հրամանատարությունը: 1914 թ. օգոստոսի 15-ին Իրանում ռուսական զորքերի հրամանատար զեներալ-լեյտենանտ Վորոպանովը Զուլֆայից Կովկասյան ռազմական շրջանի զորքերի գլխավոր հրամանատարին գրում էր. «Թեև Թուրքիան դեռևս պահպանում է շեղորոշություն, այնուհանդերձ նրա մտադրությունները բավականաչափ որոշակի են... Պարզ է, որ գործողությունների առաջին օրվեկտ է հանդիսանալու Ազգային շրջանը, մանավանդ, որ պարսկական կառավարությունը և Մակուրի սարգարը վաղօրոք կապերի մեջ են մտել Թուրքիայի և Գերմանիայի հետ, նրանց օգնությամբ ռուսներին Ազգային շրջանից դուրս մղելու նպատակով»¹⁴¹:

Այս տեսակետի հետ միանգամայն համաձայն էին նաև Պետերբուրգում և պատահական չէ, որ 1914 թ. օգոստոսի 2/15 զեքազուն գլխավոր հրամանատարի շտաբի պետ, զեներալ Յանուշկևիչը հեռագրով հրամայեց Վորոպանովին «Թուրքերի կողմից Իրանական սահմանը անցնելու դեպքում, եթե նույնիսկ չնկատվի ուղղակի թշնամական գործողություններ ռուսական զորքերի նկատմամբ, նրանց դիմավորել մարտով»¹⁴²:

Յարական կառավարությանը հատկապես մեծ մտահոգություն էր պատճառում համառ կերպով շրջող այն լուրը, որ իբր Իրանի և

¹⁴¹ ЦГИА Грyз. ССР, ф. 9, он. 3, л. 35, л. 198. Մակուրի սարգարի հակառուսական գործունեությունը վնասազերծելու համար 1914 թ. հուլիսին փոխ-հյուպատոս Ս. Օլֆերը ձեռքարկեց նրան և ուղարկեց Թիֆլիսի Մարզարի պաշտոնում նշանակվեց քրդական ցեղապետներից մեկը, որը նախապես հանդիսանում էր ռուսական գործակալ (ЦГБИА, ф. 2000с, он. 1, л. 3796, л. 35).

¹⁴² նույն տեղում:

Թուրքիայի միջև կնքվել է գաղտնի համաձայնագիր, ըստ որի Իրանը Թուրքիային է զիջում Ուրմիայի նահանգը, որի փոխարեն Բ. Գուլը խոստացել է պատերազմի ընթացքում աջակցություն ցույց տալ Իրանին¹⁴³:

Պետերբուրգին լրջորեն անհանգստացնում էր նաև այն, որ Մոսկովի-օլ-Մամալեքի կառավարությունը, որը կազմվեց 1914 թ. օգոստոսին, կայուն զիբբ չէր գրավում պատերազմող կոալիցիաների նկատմամբ և վարում էր հավասարակշռելու քաղաքականություն, իսկ Մեջլիսում գեմեկրատները, որոնք ունեին զգալի մեծամասնություն, ըստ էության հանդիսանում էին գերմանական գործակալներ:

Ռուսաստանի համար անհրաժեշտ էր, որ ինչ գնով էլ լինի պահպանվի Իրանի շեղոթությունը: Այդ պատճառով ցարական արտաքին գործերի մինիստրությունը որոշեց այդ ուղղությամբ կատարել գործնական քայլեր: Սազոնովը լոնդոնում հարց բարձրացրեց, որ անհրաժեշտ է հասկացնել շահական կառավարությանը, որ Թուրքիայի հետ սազմական բախման ղեկըրում Ռուսաստանին և Անդլիային աջակցություն ցույց տալու դիմաց այս երկու պետությունները կերաշխավորեն Իրանի տերիտորիալ ամբողջականությունը և բացի այդ նրան կհանձնեն շիթիների սրբազան քաղաքներ Քարբալան և Նաջաֆը: Սազոնովի կարծիքով միաժամանակ անհրաժեշտ էր խոտորեն նախազգուշացնել շահական կառավարությանը, որ հակառակ ղեկըրում «ամեն տեսակի զավեր Իրանի համար կարող են ունենալ կործանարար հետևանքներ»¹⁴⁴:

Թուրքիան և Գերմանիան աստիճանաբար ուժեղացնում էին իրենց քայքայիչ զիվերսիոն-լրտեսական աշխատանքը Իրանում, որը ղեկավարվում էր զլխավորապես էրզրումից և Բաղդադից: Նրանք հատկապես շարունակում էին տեղորեն զինել քրդական ցեղերին: 1914 թ. օգոստոս-սեպտեմբեր ամիսներին «Միասնություն և Առաջադիմություն» կուսակցության Ազրբեջանի և Արևելյան Կովկասի զլխավոր «հրահանգիչ» էմիր Նաջի բեյը, որը գոր-

¹⁴³ ЦГИА Груз. ССР, ф. 9, оп. 3, д. 35, л. 198.

¹⁴⁴ Ulrich Gehrke, *Persten in der Deutschen Orientpolitik*, ss., 16—17;

ծում էր մի կողմից Լորրորգ բանակի շտաբի, մյուս կողմից գերմանական հետախույզ Մաքս ֆոն Շեյրներ-Ռիխտերի հետ սերտ համագործակցությամբ բանակցությունների մեջ մտավ քրդական հայանի առաջնորդ էմեր Հեշմաթի հետ, որը ժամանել էր էրզրում քրդերից անկանոն պարտիզանական ջոկատներ կազմակերպելու վերաբերյալ բանակցություններ վարելու համար¹⁴⁵: 1914 թ. սեպտեմբերի 20-ից սկսած Թուրքիան Իրանական Ազրբեջանում և Քրդաստանում թուրք-քրդական ջոկատների օգնությամբ հրահրեց «փոքր պատերազմ»: Այդ ջոկատներին սեպտեմբեր-հոկտեմբեր ամիսների ընթացքում նույնիսկ հաջողվեց զրավել Սայմասաի, Բարադոսթի և Թերդեկերի շրջանները¹⁴⁶: Կարված գրովյուն էր տիրում նաև Ուրմիայի շրջանում: 1914 թ. սեպտեմբերի 25-ին Վվեդենսկին Իրանից հաղորդում էր. «նահանգում (Ուրմիայում—Վ. Բ.) ընդհանուր վիճակը վատթարանում է: Պարսիկները, որոնք ինչ-որ համաձայնագրով կապված են թուրքերի հետ, Թավրիզից ոչ մի միջոցառում չեն ձեռնարկում: Կարելի է ասել, մեր ազդեցությունից դուրս են եկել Բարադոսթը, Մերդեկերը, Թերդեկերը և Դեշթը: Ուշնուում ազիտացիայի ազդեցության տակ նկատվում է տատանում: Նահանգապետը խնդրում է օգնություն... Քրդերը այրում ու ավերում են քրիստոնեական տաճարները... նահանգը գտնվում է թուրքական, ֆիդայական և քրդական ֆանատիկ բանդաների ակներև ներխուժման նախօրյակին»¹⁴⁷:

Այսպիսով ցարիզմի բացասական դիրքորոշումը օսմանյան լծի դեմ քրդական ազգային-ազատագրական շարժման նկատմամբ ունեցավ այն հետևանքը, որ ինչպես Թուրքիայի, այնպես էլ Իրանի քրդական զանգվածները թուրքական պրոպագանդայի ազդեցության տակ դիմված պայքարի դուրս եկան Ռուսաստանի դեմ: Բացահայտելով դրա ներքին պատճառները Վ. Մինորսկին 1916 թ. ապրիլին գրում էր. «Ուրմիայի շրջանում մեր նկատմամբ քրդերի

¹⁴⁵ ЦГВИА, ф. 2000, оп. 1, д. 3860, л. 101.

¹⁴⁶ J. de Morgan, Contre les barbares de l'Orient, Paris, 1918, p. 190.

¹⁴⁷ ЦГВИА, ф. 2000, оп. 1, д. 3851, л. 47; МОЭИ, серия III, т. IV, ч. I, М.—Л., 1935, стр. 412.

մղի թշնամանքը բացատրվում է մեր տեղական քաղաքականութան մշտական տատանումներով այն ժամանակներում, երբ պատերազմից առաջ մեր ջոկատները կատարում էին ոստիկանական ծառայություն»¹⁴⁸:

Յարիզմի գազուխային քաղաքականությունը իրանում, որը խորը դժգոհություն տեղիք էր ավելի ինչպես ղեմնորդական խավերի ու առհասարակ ժողովրդական զանգվածների, այնպես էլ երկրի կառավարող շրջանների մոտ, պատճառ հանդիսացավ այն բանի, որ համաշխարհային պատերազմի ընթացքում ցարական Ռուսաստանը չկարողացավ կայուն հենարան ստեղծել իր համար իրանական Ազրբեջանում և Քրդստանում: Թեև 1914 թ., այսպես կոչված, «Ազրբեջանական ճակատը» ամրապնդելու նպատակով Ռուսաստանը ձեռնամուխ եղավ մի շարք ակտիվ միջոցառումների¹⁴⁹, սակայն, ուշադրամով կատարված այդ միջոցառումները բավարար չէին պատանշ ստեղծելու համար իրանում Օսմանյան կայսրությունից ազդեցությունների դեմ:

Թուրքական զիվանագիտությունը ճարպկորեն օգտվեց իրանում Ռուսաստանի հեղինակությունից և եռանդալից սկսեց աշխատել նրան պատերազմի մեջ ներգրավելու, կամ ծայրահեղ դեպքում պատերազմի ընթացքում նրա աշակցությունը ստանալու ուղղությամբ: Դրա ակներև վկայությունն էր այն, որ 1914 թ. հոկտեմբերին լուրեր տարածվեցին, թե Թուրքիայի և իրանի միջև ար-

¹⁴⁸ АВПР, ф. «Персидский стол Б», 1913—1917, оп. 489, д. 563, лл. 466—467.

¹⁴⁹ Ռուսական իշխանությունները ձեռնարկվեցին այն բոլոր իրանական ֆեոդալներին, որոնք նախապես արդեն հայտնի էին թուրքերի հետ ունեցած իրենց կապերով: Այնուհետև ուղղափառական կարևոր հանգույցներում ուժեղացվեցին սուսական զորամասերը, սուսաբրական ձգտումներ ունեցող տեղական բնակչությունը, հատկապես հայերին և ասորիներին բաժանվեց զենք և այլն (տե՛ս J. de Morgan, *Contre les barbares...*, թ.թ. 190—191, ЦГДА, ф. 2000с, оп. 1, д. 3851, лл. 45—46, 75). Ցարական զիվանագետները փորձեր էին անում նաև Մարզար Ռաշիդի գլխավորությամբ կազմակերպել 20 հազարանոց ջրգական կորպուս, իսկ Շօջա-էդ-Գուլիի միջոցով թուրքերի դեմ սաբի հանել Դարագադի, Սերաբի և Սալխալի ցեղերին (ЦГИА Грyз. ССР, ф. 9, оп. 3, д. 34, л. 15).

դեն կայացել է համաձայնություն, ըստ որի Իրանը գիշում է Ուրմիաչի նահանգը, որի դիմաց Ստամբուլը խոստանում է ամեն տեսակի աջակցություն¹⁵⁰:

1914 թ. հոկտեմբերի 4-ին Ուրմիայում փոխ-Նյուպատոս Վլենդենսկին տեղեկացնում էր, որ տեղի թուրքական փոխ-Նյուպատոս Ռահիբ բեյին Քեհրանից հանձնարարված է գաղանաբար բացատրվել Ուրմիայի նահանգապետի հետ այն իմաստով, որ զուր է նա զրսևորում համառություն ուստական շահերը պաշտպանելու մեջ. 1) զրանով նա դեմ է զնում Քեհրանի ցանկություններին, որը կապված է թուրքիայի հետ հատուկ խոստումներով և 2) Ազրբեջանում ուստական հատուկ շահերի հարցը ավելի շուտ կլուծվի հօգուտ թուրքիայի, սրն ունի լիիրավ իրավունքներ այդ նահանգի նկատմամբ, որ իսլամը պետք է քաղաքականապես միավորի Իրանն և թուրքիան ընդհանուր թշնամու՝ Ռուսաստանի դեմ¹⁵¹: Վլենդենսկու այս հաղորդագրությունից մի քանի օր հետո հայտնի դարձավ, որ պատերազմում Իրանին կենտրոնական պետությունների կողմը դրավելու նպատակով 1914 թ. հոկտեմբերին Ստամբուլում բանակցություններ են սկսվել մի կողմից՝ մեծ վեդիբ Սալիդ Հալիմ փաշայի, էնվերի ու Քալաթի, իսկ մյուս կողմից՝ Ստամբուլում իրանական ղեսպան Միրզա Մահմուդ խանի միջև: Բանակցությունների ընթացքում թուրքական կողմը աշխատում էր համոզել շահական ղեսպանին, որ պատերազմի ընթացքում թուրքիայի և Գերմանիայի կողմը շանցնելու դեպքում Իրանը կու կգնա Ռուսաստանին և առմիշտ կկորցնի իր քաղաքական ինքնուրույնությունն ու անկախությունը: Թուրքական կողմը առաջարկում էր համաձայնագրի հեռուկալ նախագիծը. պարսիկները Գերմանիայի և թուրքիայի օգնությամբ կազմակերպում են 100 հազարանոց մի բանակ, փոխարինը Իրանը պարտավորվում է թուրքիային զիջել Ուրմիայի նահանգի վիճելի մասը: Թուրքիան և Իրանը Իրանական Քրդստանի քրդական ցեղերից կկազմակերպեն հեծելազորային

¹⁵⁰ ЦГВИА, ф. 2003, оп. 2, д. 776, л. 93.

¹⁵¹ АВІР, ф. «Канцелярия МИД», 1914, д. 42, л. 158.

զնդեր, իսկ Գերմանիան նրանց կմատակարարի զենք և դինվորական հրահանգիչներ¹⁵²:

Չնայած երիտթուրքական կառավարության բոլոր ջանքերին, բանակցությունները զրական արգելները չափեցին, որովհետև շահական կառավարությունը խոհեմաբար դերադասեց ձեռնպահ մնալ պատերազմին մասնակցելուց¹⁵³:

Դրանից հետո Թուրքիան որոշեց ընդլայնել, այսպես կոչված, «փոքր պատերազմը» Իրանում: Իրանական տերիտորիայում Թուրքիան Ռուսաստանի դեմ ռազմական զործողություններ սկսեց փաստորեն 1914 թ. հոկտեմբերի 12-ից¹⁵⁴, այսինքն՝ մինչև ռուսական սեծովյան նավատորմի վրա հարձակվելն ու Ռուսաստանին պատերազմ հայտարարելը:

1914 թ. հոկտեմբերի 12-ին, Իրանում թուրքական և ռուսական զորքերի միջև առաջին ռազմական բախումից հետո, ցարական զերագույն գլխավոր հրամանատարի շտաբի պետը անմիջապես գիմեց կառավարությանը, խնդրելով համապատասխան հրահանգներ: Մինիստրների խորհրդում հարցը քննարկման ենթարկելուց հետո ռազմական մինիստր Սուխոմիրնովը նիկոլայ II-ին ներկայացրեց պեկուցագիր մինիստրների խորհրդի ընդհանուր որոշման մասին, որտեղ ասվում էր. «Ռուսաստանը փաստորեն պատերազմի մեջ է դանվում Թուրքիայի հետ, թեև պատերազմի հայտարարություն գեղես չի արվել: 4. Պոլսում կայսերական դեսպանին կարգադրված է դեսպանատան և հյուպատոսությունների աստիճանավորների հետ մեկնել Թուրքիայից: Պարսկաստանը անընդունակ է դիմադրություն ցույց առլ Թուրքիային և Ռուսաստանը չպետք է քաշվի շեղորություն նկատառումներից պատերազմ հայտարարելու Պարսկաստանին»: Հոկտեմբերի 17-ին ցարը այս պեկուցագրի վրա մակագրեց «համաձայն եմ» և այն հաղորդվեց գլխավոր հրամա-

¹⁵² АВПР, ф. «Политархив», 1914, д. 4068, л. 261; ф. «Перендский стол Б», 1913—1914, д. 563, л. 221. Ցիտված է ըստ М. С. Лазарев, նշվաշխ., էջ 299:

¹⁵³ Տե՛ս Իրանական կառավարության պաշտոնական հրատարակությունը («Կանաչ գիրք») جلد ۱ ص. ۳۰ بیطرفی ایران،

¹⁵⁴ АВПР, ф. «Канцелярия МИД», 1914, д. 42, л. 173.

նատարի շտաբին՝ ի ղեկավարություն¹⁵⁵։ Հոկտեմբերի 19-ին գե-
րագույն զլխավոր հրամանատարը հրամայեց Իրանում ուսական
օկուպացիոն զորքերի հրամանատար գեներալ Վորոպանովին
Ադրբեջանում ձերբակալել բոլոր գերմանական, ավստրիական և
և թուրքական հյուպատոսներին¹⁵⁶։

Այսպիսով, «բստ էություն հենց Իրանական Քրդստանում և ոչ
թե Սև ծովում զորացրին համաշխարհային պատերազմի առաջին
կրակոցները Մերձավոր Արևելքում»¹⁵⁷։

Սև ծովում թուրքական նավատորմի կողմից ուսական նա-
վերի և առափնյա քաղաքների վրա հարձակումից հետո (հոկտեմ-
բերի 29-ին) փաստորեն Ռուսաստանը և Թուրքիան արդեն զանր-
վում էին պատերազմական վիճակում։

1914 թ. նոյեմբերի 2-ին Իրանը պաշտոնապես հայտարարեց
պատերազմում իր շեղորույթյան մասին։ Ընդ որում, իր շեղորու-
թյունը պաշտպանելու հարցում շահական կառավարությունը հիմնա-
կան և առաջնահերթ խնդիր էր համարում ուսական զորքերի դուրս
բերումը երկրից¹⁵⁸, միանգամայն անտեսելով այն սպառնալիքը, որ
կախված էր Իրանի շեղորույթյան վրա Թուրքիայի կողմից։ Մինչ-
դեռ վերջինս բնավ չէր թաքցնում իր ագրեսիվ մտադրությունները
Իրանի նկատմամբ։ Նրա շեղորույթյան խախտումը նախապատ-
րաստելու նպատակով երիտթուրքական կառավարությունը իր
հերթին պատրվակ էր դարձնում ուսական զորքերի ներկայու-
թյունը Իրանում¹⁵⁹։

Թուրքական կառավարությունը միաժամանակ մեծ աշխա-
տանք սկսեց ծավալել Իրանը Ռուսաստանի դեմ պատերազմի մեջ
ներգրավելու համար։ Նախ, նկատի ունենալով այն հանգամանքը,
որ սուլթան-խալիֆի կրոնական հեղինակությունը տարածվում էր
միայն սուննիթների վրա և հետևաբար Անտանտի պետություննե-
րի դեմ «սրբազան պատերազմի» կոչը կարող էր անարձագանք

¹⁵⁵ ЦГВИА, ф. 2000 с, оп. 1, л. 3796, л. 155.

¹⁵⁶ МОЭИ, серия III, т. IV, ч. 2, М.—Л., 1935, стр. 31.

¹⁵⁷ М. С. Лазарев, *Նշվ. աշխ.*, էջ 299։

¹⁵⁸ Տե՛ս Կորստովիցի 1914 թ. նոյեմբերի 11-ի № 580 զազանի հեռագիրը
Սազանովին (ЦГВИА, ф. 2000с. оп. 1.л. 3860, л.л. 220—221).

¹⁵⁹ *Նույն տեղում*, Տե՛ս նաև МОЭИ, серия III, т. VI, ч. 2, стр. 132.

մնալ շիրիմների շրջանում, իթիհի՛նադը հորդորեց Քարբալայի և Նա-
 ջաֆի շիրիմական «մեծ մուշտեհիդներին» հրապարակել շիրհադի
 ֆեթվա նաև շիրիմների համար: 1914 թ. նոյեմբերի 13-ին հրապար-
 ակվեց Իրանի շիրիմ-մահմեդականների բարձր հոգևոր հեղինա-
 կությունների այդ ֆեթվան, որտեղ կոչ էր արվում սրբազան պա-
 տերազմի դուրս գալ այն պետությունների դեմ, որոնք ցանկանում
 են հանգցնել «Իսլամի լույսը»¹⁶⁰: Վերոհիշյալ մուշտեհիդները միա-
 ժամանակ հեռագրերով դիմեցին շահին, նահանգապետներին,
 իրանական բարձր հոգևորականությունը և այլն, որոնցում կոչ էին
 անում միանալ պանիսլամիստական շարժմանը և հայտարարել
 սրբազան պատերազմ Անտանաի դեմ: Դրանով, նրանց կարծիքով,
 կապահովվեր Իրանի քաղաքական ու կրոնական անկախությունը,
 իսկ հակառակ դեպքում նա կկործանվեր¹⁶¹:

Թուրքական գործակալությունը հատկապես կարևոր նշանա-
 կություն էր տալիս իրանական հոգևորականությունը սյորթուրքա-
 կան քաղաքական գործունեության մեջ ներգրավելու հարցին: Թուր-
 քական գործակալության ակտիվ մասնակցությունը բաղմամբիվ
 քաղաքներում՝ Քավրիզում, Սպահանում, Ռեշտում և այլն ստեղծ-
 վեցին «Իսլամի միասնություն» («էթթեհադե իսլամ») պանիսլա-
 միստական կոմիտեներ, որոնք միավորում էին բուրժուա-ազգայ-
 նական տարրերին և շիրիմական հոգևորականությունը: Այդ կոմի-
 տեների ղեկավարող օրդանն էր «էթթեհադե իսլամ»-ի կենտրոնա-
 կան կոմիտեն, որի մեջ մտնում էին առևտրական բուրժուազիայի,
 կալվածատերերի, հոգևորականության և ազգայնական մտավոր-
 ականության ականավոր ներկայացուցիչները: Կոմիտեների հիմ-

¹⁶⁰ L. Mitroshnikov. Iran in World War I, Moscow, 1963, p. 39; „Die Welt des Islams“, Berlin, 1915—1916, Bd. 3, N. 3/4. s. s. 205—213:

¹⁶¹ ЦГВИА, ф. 2000 с, оп. 1, д. 3860, л. 192. Հարկ է նշել, որ շիրհադի այս
 կոչերը ցանկալի տպավորություն չգործեցին իրանական ժողովրդի վրա: Ավելին,
 այդ կոչերը նույնիսկ առաջ բերեցին հոգևորականության որոշ ներկայացուցիչնե-
 րի դիմադրությունը: Այսպես, օրինակ, Քավրիզի մուշտեհիդ Հաջի միրզա Հասան
 ադան և Թեհրանի նախկին իմամ Զուլա Հաջի միրզա Աբդուլ Ղասեմը իրենց պա-
 տասխան հեռագրով համոզում էին Նաջաֆի և Քարբալայի մուշտեհիդներին դադար-
 եցնել իրենց Եանմիա արկածային, որովհետև առանձին վնաս չհասցնելով ռուս-
 ներին, այն միայն կկործանի Պարսկաստանը» (ЦГВИА Гр. 3. ССР, ф. 9, оп. 2, д
 14, л. 63).

նական պահանջն էր «սրբազան պատերազմը» հանուն «խալամի պաշտպանություն» և ցարական Ռուսաստանի դեմ պայքարի¹⁶²:

«Սրբազան պատերազմի» օգտին ազդեցիկացի հետ միաժամանակ Օսմանյան կայսրության և Գերմանիայի գործակալությունը Իրանում աշխատում էր Թուրքիային և Գերմանիային ներկայացնել որպես սուսական և անզլիական լծից Իրանի ազատագրման կողմնակիցներ, խաղում էր իրանական ժողովրդի ազգային զզացումների հետ, աշխատում օգտագործել այդ նրկրում հակախմպերիայիստական, ազգային-ազատագրական շարժումները և այլն:

Ռուսաստանը որոշեց կանխել Թուրքիային Իրանական Ազրբեջանը և Քրգստանը գրավելու հարցում: Սակայն այդ խնդիրը իրականացնելու համար ցարական կառավարող շրջանները որոշեցին նախապես ստանալ բրիտանական կառավարության համաձայնությունը:

1914 թ. նոյեմբերի 6-ին Սազոնովը կարգադրեց Լոնդոնում գեսպան Բենկենդորֆին հայանել Ֆորին Օֆիսին, որ նկատի ունենալով այն հանգամանքը, որ Իրանական Ազրբեջանը հանդիսանում է ռազմական գործողությունների բազա թշնամու թիկունքը դուրս գալու համար, անհրաժեշտ է շտապել օգտվելու այդ նահանգի ռազմագիտական առավելություններից: Հետևաբար Թուրքիայի դեմ գործող սուսական գորքերը ստիպված են խախտել Իրանի շեղորությունը¹⁶³:

Սակայն անզլիական կառավարությունը և մասնավորապես էզուարդ Գրեյը հավանություն չավեցին այդ որոշմանը: Հիշյալ հարցին վերաբերող իր պատասխանի մեջ Գրեյը տաղնապ էր հայտնում, որ Ռուսաստանի ներխուժումը այդ շեղոր մահմեդական երկիրը կարող է տեղիք տալ Անտանտի դեմ Արևելքի մահմեդականների բուռն հուզումների¹⁶⁴: Բրիտանական կառավարության

¹⁶² М. Н. Иванова, Национально-освободительное движение в Иране в 1918—1922 гг., М., 1961, стр. 11—12.

¹⁶³ В. В. Готлиб, Тайная дипломатия во время первой мировой войны, М., 1960, стр. 97—98.

¹⁶⁴ «Константинополь и проливы. По секретным документам бывшего Министерства иностранных дел», т. I, № 18, стр. 228.

նը ոչ պակաս տազնապ էր ներշնչում նաև այն, որ Օսմանյան կայսրությունից զերծանալու գեղատեսիլ զորքերի հարձակումը կատարվելու նաև Միջագետքի վրա, որը հնարավորություն կտար Ռուսաստանին այդ շրջաններում ձեռք բերել ռազմական հեղեմներ: Գրեյի անհանգրստության մյուս պատճառն այն էր, որ թուրքական ճակատի նկատմամբ Ռուսաստանի ուշադրության կենտրոնացման հետևանքով եվրոպական ճակատում կթուլանար Գերմանիայի դեմ ռուսական ջանքերի թափը: Այդ պատճառով Բենկենդորֆի հետ ունեցած զրույցի ընթացքում Գրեյը անընդհատ շեշտում էր, որ պատերազմի հիմնական նպատակն է Գերմանիայի ջախջախումը¹⁶⁵: Գրան նա ավելացնում էր, որ դժվար թե Թուրքիան խախտի Իրանի շեղորությունը, որովհետև Գերմանիան այդ թույլ չի տա թեկուզ և այն պատճառով, որպեսզի Իրանական շեղորության խախտման բոլոր հետևանքները շրջի Անտանտի դեմ¹⁶⁶:

Ռուսաստանին իր վերահիշյալ մտադրություններից կտ պահելու համար Բրիտանական արտաքին գործերի ղեկավարը նույնիսկ սպասում էր, որ եթե նա համառոտ, ապա Անգլիան ստիպված կլինի Արևելք ուղարկել զերակշռող ուժեր, որի հետևանքով լավագույն դեպքում կթուլանա արևմտյան ճակատը, իսկ վատագույն դեպքում կսկսվեն բախումներ դաշնակիցների միջև¹⁶⁷: Նոյեմբերի 9-ին Գրեյը կրկին «խորհուրդ» էր տալիս Ռուսաստանին վարել «ավելի սպասողական տակտիկա» և Թուրքիայի վրա գրոհել Կովկասի կողմից՝ չխախտելով Իրանական սահմանը¹⁶⁸:

Մի քանի օր անց, նոյեմբերի 15-ին, Թեհրանում անգլիական դեսպանորդ Վ. Թոունլիջը Կորստովիցի հետ հատուկ զրույցի ժամանակ հայտարարում է, որ նպատակահարմար կլինեն, եթե ռուսական զորքերը դուրս բերվեն Մազանդարանից և Խորասանից և թողնվեն միայն Ադրբեջանում: Ռուսական դեսպանորդը առարկեց

¹⁶⁵ МОЭИ, серия III, т. VI, ч. 2, М.—Л., 1935, стр. 45. (Տե՛ս Բենկենդորֆի 1914 թ. նոյեմբերի 9-ի (հոկտեմբերի 27-ի) № 484 հետադրյալ Սպասումի):

¹⁶⁶ նույն տեղում, էջ 46:

¹⁶⁷ «Константинополь и проливы», т. I, № 18, стр. 228; Տե՛ս նաև МОЭИ, серия III, т. VI, ч. 2, стр. 45—46.

¹⁶⁸ «Константинополь и проливы», т. I, № 18, стр. 228.

այդ առաջարկությունը, դանելով, որ այդ քայլը կարող է մեկնաբանվել որպես թուլություն նշան և նպաստել Իրանում թուրքոֆիլական կուսակցության դործունեության աշխուժացմանը¹⁶⁹։ Բրիտանական դեսպանորդի այս պահանջը աջակցություն դտավ նաև շահական կառավարության կողմից, որը, ըստ երևույթին, նախապես տեղյակ էր անգլիական այդ առաջարկության բովանդակությանը։ Կորոստովեցի հետ զրույցի ժամանակ վկայակոչելով այն փաստը, որ թուրքական դեսպանը բացատրություն է պահանջում շահական կառավարության դործելակերպի վերաբերյալ այն դեպքում, եթե սուսական զորքերը շարունակեն մնալ Իրանում, Մոսթոֆի-օլ-Մամալեքը հայտարարում է, որ Թուրքիան նման իրադրության պայմաններում մտադիր է հաշվի չնստել Իրանի շեղություն հետ։ Դրան պրեմիեր-մինիստրը ավելացնում է, որ ինքը չի կարող հաշվի չնստել թուրքական սպառնալիքների հետ, որը գործնականում կարտահայտվեր նաև նրանում, որ հոգևորականությունը և դեպի Թուրքիան կողմնորոշվող ցեղերը կարող են ապստամբել կառավարության դեմ։ Այդ պատճառով նա խնդրում էր, որպեսզի սուսական զորքերը դուրս բերվեն թևկուղ Մազանդարանից և Խորասանից¹⁷⁰։

Անշուշտ այս պահանջի իրադրվածում նշանակելու էր, որ Ռուսաստանը պետք է համաձայնի հանուն բրիտանական շահերի՝ Թուրքիայի հետ պատերազմում նախաձեռնությունը տա Անգլիային և զիջի իր զիբերը Իրանում։ Այդ պատճառով ցարական կառավարությունը որոշեց այլևս վերոհիշյալ հարցով չխորհրդակցել իր դաշնակցի հետ և իր մտադրությունները ուղղակի հայտնել շահական կառավարությանը։ Այցելելով Մոսթոֆի-օլ-Մամալեքին Կորոստովեցը հայտնում է նրան, որ Պետերբուրգից հրահանգ է ստացել հայտարարելու իրանական կառավարությանը, որ թև Թուրքիայի հետ դեռևս պատերազմ չի հայտարարված, սակայն այն սկսվելուց հետո Կովկասի պաշտպանության համար սուսաները ստիպված կլինեն Ազրբեջանի սահմաններում սկսել որոշ սահմա-

¹⁶⁹ МОЭИ, серия III, т. VI, ч. 2, М.—Л., 1935, стр. 131—132.

¹⁷⁰ Նույն տեղում, էջ 123։

կան գործողություններ: Ընդ որում, նա նախադրուշացնում էր, որ իրանական կառավարությունը չպետք է այդ գործողությունները համարի իր գեմ ուղղված ակտ¹⁷¹:

Մինչդեռ Ռուսաստանը Իրանի չեզոքության պահպանման հարցի վերաբերյալ շարունակում էր դիվանագիտական գրապրությունը շահական կառավարության հետ, Թուրքիան խախտեց այդ չեզոքությունը: 1914 թ. նոյեմբերի 21-ին գեներալ Ֆոն Սանդերսի և Շուրբի փաշայի հրամանատարության տակ գործող թուրքական զորքերը ու քրդական անկանոն ջոկատները Մոսուլի, Սուլջուլազի և Նոյի կողմից խախտեցին իրանական սահմանը և ուղղակի գործողություններ սկսեցին ուսական, աղբրեջանական ջոկատի գեմ:

Մոսթոֆի-օլ-Մամալեքի կառավարությունը ոչ միայն չփորձեց դիմադրություն ցույց տալ դավթիչներին, այլև խիստ ցուցում տվեց պատասխանատվության ենթարկել բոլոր նրանց, ովքեր կձևոնարկեն այդպիսի փորձեր:

Այս պայմաններում Պեակրբուրգը որոշեց անհապաղ դիմել հակամիջոցների Արևմտյան Իրանում թուրքական առաջխաղացումը կասեցնելու համար: Գեներալ Չերնոզորովին հրամայվեց «Ազրբեջանական ջոկատը» շարժել Նոյի, Ուրմիայի և Սոուջբուլազի ուղղությամբ¹⁷²:

Այսպիսով իրանական տերիտորիան վերածվեց իմպերիալիստական երկու բլոկների պետությունների ուղղակի գործողությունների ասպարեզի:

Առաջինը խախտելով իրանական չեզոքությունը և նետվելով համաշխարհային պատերազմի մեջ, երիտթուրքերի ուղղամա-միլիտարիստական կառավարությունը ձգտում էր գեների ուժով և իր դաշնակցի՝ գերմանական իմպերիալիզմի ամենաակտիվ աջակցությամբ Իրանի, Անդրկովկասի, Միջին Ասիայի և Աֆղանստանի նկատմամբ իրագործել իր պանիսլամիստական ծրագիրը և կենսագործել «Մեծ թուրքական կայսրություն» ստեղծելու իմպերիալիստական պանթուրքական գաղափարը:

¹⁷¹ ЦГВИА, ф. 2000 с, оп. 1, д. 3860, л. 208.

¹⁷² W. Jitten, Persische Fütterwochen, Berlin, 1925, s. 76.

Բ Ո Վ Ա Ն Գ Ա Կ Ո Ւ Թ Յ Ո Ւ Ն

Գլուխ Առաջին—Քուր-իբանական ֆաղափական հարաբերությունների պատմությունից	5
Գլուխ երկրորդ—Յամանյան կայսրության նվաճողական ֆաղափականությունը Իբանում 1905—1908 թթ. և մեծ պետությունների դիրքորոշումը	51
Գլուխ երրորդ—Երիտրուֆական կառավարության էնսպանսիոնիստական ֆաղափականությունը Իբանում և Քուրֆական բանակի հակահեղափոխական ինտերվենցիան	142
Գլուխ Չորրորդ—Քուր-իբանական հարաբերությունները առաջին համաշխարհային պատերազմի նախօրյակին	334



ՎԱՀԱՆ ԱՌԱՔԵԼԻ ԲԱՅԲՈՒՐԳԱՆ
ВЛАДИ ДРАКЕЛОВИЧ БАЙБУРТЯНИ

ՔՈՒՐԲ-ԻՐԱՆԱԿԱՆ ՀԱՐԱՐԵՐՈՒԹՅՈՒՆՆԵՐԸ
(1900—1914 թթ.)

Տպագրվում է Հայկ. ՍՍՀ ԳԱ
տրեկագիտության ինստիտուտի
գիտական խորհրդի որոշմամբ

Հրատարակչական խմբագիր
Լ. Ս. ՍԱՐԱՅՅԱՆ

Նկարիչ

Կ. Կ. ՂԱՅԱԴԱՐՅԱՆ

Տեխնիկական խմբագիր

Ս. Կ. ՉԱՔԱՐՅԱՆ

Սրբագրիչ

Չ. Ս. ԻԳԻԹՅԱՆ

ՎՓ 00150

Հրատ. 3960

Պատվեր 181

Տպաքանակ 2000

Հանձնված է շարվածքի 17/IX 1973 թ., ստորագրված է տպագրության 26/IX 1974 թ.
տպագր. 24,5 մամուլ հրատ. 19,7 մամուլ, պայման. 22,8 մամուլ, թուղթ № 1. 60 × 841/16:
Գինը 1 ո. 82 կ.:

Հայկական ՍՍՀ ԳԱ հրատարակչություն. Նրևառ, 375019, Բարիկամության 24 գ.

Հայկական ՍՍՀ ԳԱ հրատարակչության Էջմիածնի տպարան

A $\frac{\bar{\pi}}{53985}$

ԳԱՆ Գիտությունների Գրադարան



220053985